

Inuussutissarsiornermut Aqutsisoqarfik,

MISSINGIUT

Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut (ingerlatseqatigiiffinnut inatsit)

Ingerlatseqatigiiffinnut inatsimmi § 375 naapertorlugu, tak. inatsimmik nalunaarut nr. 610, 28. april 2015-imeersoq¹, ukiumoortumik naatsorsuutit pillugit inatsisip aamma ingerlatseqatigiiffinnut inatsisip allannortinnera pillugu inatsit nr. 720, 25. juni 2010-meersumi § 4² (Kukkunersiuinermi pisussaaffimmik oqilisaassineq), aktie aamma anpartsselskabit pillugit inatsisip allannortinnera pillugu inatsit nr. 1557, 21. december 2010-mi § 5, imm. 2³ (ingerlatseqatigiiffinni inatsit) (Kattunnernut agguataarinernullu atatillugu nalunaarusiornissamut uppersaanissamullu piomasaaqatit pillugit peqqussutit allannortinnerata naammassineqarnera), ingerlatseqatigiiffinnut inatsisip, ukiumoortumik inatsisip aamma pappiaqqanik aningaasanik nalilinnik niuerneq il.il. inatsisip allannortinnera pillugu inatsit nr. 477, 30. maj 2012-imeersumi § 5, imm. 2⁴ (Pisortani oqartussanut qaagumulluunniit tigumminnittup pigisai piginneqataassutit pillugit paasissutissanut annertunerusumik pissarsisinnaaneq aamma suliffeqarfiit ilaannut naatsorsuutunik nakkutilliineq pillugu akiliutip allannortinneqarnera), pinngitsoorani digitalikkut attaveqatigiinneq il.il. pillugu inatsisip aalajangersakkat allannortinneri pillugit inatsit nr. 1231, 18.- december 2012-imeersumi § 70, imm. 4⁵ (Pinngitsoorani digitalikkut attaveqatigiinneq aamma akiussaaffiup nuunneqarnerata il.il. malitsigisaanik naleqqussaarnert), ingerlatseqatigiiffinnut inatsisip, ukiumoortumik naatsorsuutit pillugit inatsisip aamma inatsisip allat assigiinngitsut allannortinneri pillugit inatsit nr. 1383, 23. december 2012-imi § 10, imm. 2⁶ (aqutsisuni qullersani suaassutsikkut katitigaanerit pillugit kisitsisip anguniakkat politikikkullu pillugit maleruagassat eqqunneqarneri taakkulu pillugit nalunaarusiortarnerit), ingerlatseqatigiiffinnut inatsisip, inuussutissarsiuutigalugu suliffeqarfiit ilai pillugit inatsisip, ukiumoortumik naatsorsuutit pillugit inatsisip aamma Det Centrale Virksomhedsregisteri pillugu inatsisip allannortinnera pillugu inatsit nr. 616, 12. juni 2013-imeersumi § 6, imm. 2⁷ (Ingerlatseqatigiiffiit aallarnisaasut eqqunneqarneri, anpartsselskabit aningaasaataannut minnerpaaffissamik piomasaaqatit appartinneqarnera, inuussutissarsiuutigalugu suliffeqarfiit ilai pillugit killeqartumik akisussaaffeqartunik ingerlatseqatigiiffinnik nutaanik pilersitsinissamut periarfissap atorunnaarsinnera), pillaasarnermi inatsisip, eqqartuussisarnermi inatsisip aamma inatsisip allat assigiinngitsut allannortinneqarneri pillugit inatsit nr. 634, 12. juni 2013-imeersumi § 14, imm. 3⁸ (Aningaasatigut pinerluttuliornermut suliniutit nukittorsarneri), ingerlatseqatigiiffinnut inatsisip, ukiumoortumik naatsorsuutit pillugit inatsisip aamma inatsisip allat assigiinngitsut allannortinneri pillugit inatsit nr. 1367, 10. december 2013-imeersumi § 6, imm. 3⁹ (Ukiumoortumik nalunaarusiat tuluttut aamma inuiaqatigiinnut akisussaaneq pillugu

nassuiaat), sulisut aningaasaleeqataaffigisaat ingerlatseqatigiiffiit pillugit inatsit nr. 1284, 9. december 2014-imeersumi § 50¹⁰, ukiumoortunik naatsorsuutit pillugit inatsisip aamma inatsisit allat assigiinngitsut allanngortinneri pillugit inatsit nr. 738, 1. juni 2015-imeersumi § 9, imm. 2¹¹ (Allaffissornikkut nammatat annikillineri, nunani tamalaani naatsorsuutini malitanut naleqqussaaneq, naatsorsuuserinermi malitassat nutaat naammassineri aamma paasiuminartuunermi malitassamut il.il. allannguinerit) aamma ingerlatseqatigiiffinnut inatsisip, inuussutissarsiutigalugu suliffeqarfiit ilai pillugit inatsisip, iluanaarutininik aamma innarliiniartunik aningaasalersuinerit pinerlunnikkut aningaasarsiat aningaaserivimmut inissinneqartarnerisa pitsaaliornissaat pillugu inatsisip aamma akileraarutininik nakkutilliinermi inatsisip allanngortinnera pillugu inatsit nr. 739, 1. juni 2015-imeersumi § 6, imm. 2¹² (Inuussutissarsiornermut tunngasuni akileraarutikinneruffinni suliniutit ilaannik [naammaassinneq](#)) aalajangerneqarpoq inatsit imatut oqaasertaqartillugu Kalaallit Nunaanni atuutissasoq:

Kapitali 1

Peqqussutip atuuffia il.il.

Atuuffia

§ 1. Peqqussut una Kalaallit Nunaanni nunaqartunut aktieselskabinut aamma anpartsselskabinut tamanut (ingerlatseqatigiiffinnut aningaasaliiffiusunut) atuuppoq.

Imm. 2. Aktieselskabimi imaluunniit anpartsselskabimi piginneqataasut (aningaasaatinik piginnittut) ingerlatseqatigiiffiup aningaasaliiffiusup pisussaaffiinut inuttut akisussaataaangillat, taamaallaat aningaasaliissutiminnut. Aningaasaatinik piginnittut piginneqataasutiminnut naleqqiullugu ingerlatseqatigiiffiup aningaasaliiffiusup sinneqartoorutaanut pisinnaatitaaffeqarput, ingerlatseqatigiiffiup malittarisassaani allanik aalajangersaasoqarsimangippat.

Imm. 3. Anpartsselskabi ingerlatseqatigiiffiup aningaasaatininik pigisaminik tamanut neqerooruteqarsinnaanngilaq.

Ingerlatseqatigiiffiup aningaasaliiffiusup taaguutaa

§ 2. Aktieselskabit aamma anpartsselskabit kisimik taaguutiminni taaguutit »aktieselskabi« aamma »anpartsselskabi« imaluunniit naalisarnerit »A/S« aamma »ApS« atorsinnaallugillu atortussaavaat.

Imm. 2. Ingerlatseqatigiiffiup aningaasaliiffiusup taaguutaa Erhvervsstyrelsen qarasaasiaqarfiani nalunaarsorsimasunit suliffeqarfinnit allanit taaguutimikkut erseqqissumik allaanerussapput. Taaguummi ilanngunneqassanngillat eqqarleriit aqqi, sulliviup aqqa, nunaatit illuutillu aqqi immikkuullarissut, nioqqutit ilisarnaataat, niuernikkut ilisarnaat taamaangajatullu, ingerlatseqatigiiffimmut tunngassuteqanngitsut imaluunniit taassumunnga paarlaanneqarsinnaasut.

Imm. 3. Ingerlatseqatigiiffiup aningaasaliiffiusup taaguutaa salloqittaaniutigineqarsinnaanngilaq. Sullivik aalajangersimasooq atsiunneqarsimappat, ingerlatseqatigiiffiup aningaasaliiffiusup ingerlataa pingaarneq annertuumik allannguuteqarpat, taaguut allanngortinneqarnani atatiinnarneqassanngilaq.

Imm. 4. Ingerlatseqatigiiffiit aningaasaliiffiusut allakkaminni pappiaqqanilu niuernermut tunngasuni allani, tassunga ilanngullugit elektronikikkut nalunaarutit, aamma

ingerlatseqatigiiffiup aningaasaliiffiusup nittartagaani taaguutertik, najugartik aamma Erhvervsstyrelsi qarasaasiaani nalunaarsornermi normu taasimassavaat.

§ 3. § 2, imm. 1-3, ingerlatseqatigiiffiit aningaasaliiffiusut saniatigut taaguutaannut taamatulli atuutissapput.

Imm. 2. Ingerlatseqatigiiffiup aningaasaliiffiusup ataatsip saniatigut taaguutaanik katillugit tallimanit amerlanerusunik nalunaarsugassatut nalunaarutiginninnermi saniatigut taaguummut ataatsimut 1.000 kr. akiliutigineqassaaq. Taamaassanngilarli taaguutit imaluunniit saniatigut taaguutit ingerlatseriaatsimik allanngortitsinermut imaluunniit ataatsimut kattutsitsinermut atatillugu atuinnaartussat pillugit.

Ingerlatseqatigiiffiup aningaasaatai

§ 4. Ingerlatseqatigiiffiit aningaasaliiffiusut peqqussummut matumunnga ilaasut danskit koruuniinut imaluunniit euromut naatsorsorneqartunik ingerlatseqatigiiffimmi aningaasaateqassapput, taamaattorli imm. 3 takujuk.

Imm. 2. Aktieselskabit minnerpaamik 500.000 kr.-nik ingerlatseqatigiiffimmi aningaasaateqassapput, aamma anpartsselskabit minnerpaamik 50.000 kr.-nik ingerlatseqatigiiffimmi aningaasaateqassallutik.

Imm. 3. Ingerlatseqatigiiffiup aningaasaatai danskit koruuninit imaluunniit euronit allaanerusunik allat aningaasaataannut nalunaarutiginnissaannut piunasaqaatit pillugit Erhvervsstyrelsi maleruagassanik erseqqinnerusunik aalajangersaasinnaavoq.

Nassuiaatit

§ 5. Peqqussummi matumani paasineqarpoq:

1) *Aktieselskabi:*

Ingerlatseqatigiiffik aningaasaliiffiusoq, tassunga ilanngullugu peqatigiilluni ingerlatseqatigiiffik, aningaasaatinik piginnittut aningaasaliissutaat piginneqataassutini agguarsimallutik. Piginneqataassutit tamanut tuniniarneqarsinnaapput. Aningaasaatinik piginnittut ingerlatseqatigiiffimmi aningaasaliissutiminnut taamaallaat akisussaataapput.

2) *Anpartsselskabi:*

Ingerlatseqatigiiffik aningaasaliiffiusoq, aningaasaatinik piginnittut aningaasaliissutaat piginneqataassutininut agguarsimallutik. Anpartsselskabit aningaasaatitigut pigisaminnik tamanut tuniniaasinnaanngillat, taamaattorli § 1, imm. 3 takujuk. Aningaasaatinik piginnittut ingerlatseqatigiiffimmi aningaasaliissutiminnut taamaallaat akisussaataapput.

3) *Suliffeqarfiutigisat:*

Suliffeqarfik, ingerlatseqatigiiffittut piginnittumit aalajangiisutut sunniuteqarfigineqartoq, takukkit §§ 6 aamma 7.

4) *Qitiusumik aqutsisut:*

- a) Ingerlatseqatigiiffinni siulersuisut, qullersaqarfeqartut siulersuisoqartullu, takuuk § 111, imm. 1, nr. 1,
- b) ingerlatseqatigiiffinni qullersaqarfik, taamaallaat qullersaqarfeqartoq, takuuk § 111, imm. 1, nr. 2, aamma

c) ingerlatseqatigiiffinni qullersaqarfik, qullersaqarfeqarlunilu nakkutilliisoqartoq, takuuk § 111, imm. 1, nr. 2.

5) *Aqutsisutut qullersaasut:*

a) Ingerlatseqatigiiffinni siulersuisut, qullersaqarfeqartut siulersuisoqarlutillu, takuuk § 111, imm. 1, nr. 1,

b) ingerlatseqatigiiffinni qullersaqarfik, taamaallaat qullersaqarfeqartoq, takuuk § 111, imm. 1, nr. 2, aamma

c) ingerlatseqatigiiffinni nakkutilliisut, qullersaqarfeqarlutillu nakkutilliisoqartut, takuuk § 111, imm. 1, nr. 2.

6) *Piginnittutut isumaqatigiissut:*

Isumaqatigiissut, ingerlatseqatigiiffimmi piginnittunut aqutsisunullu tunngasunik malittarisassaqaartitsisoq, aamma aningaasaatinik piginnittut akornanni isumaqatigiissutigineqarsimasoq.

7) *Piginnittuunermut uppersarsaatit:*

Aningaasaatitigut piginneqataassutinik piginnittuunermut uppersarsaat, takukkit §§ 59 aamma 60.

8) *Piginnittut allattorsimaffiat:*

Allattuiffik, aningaasaatitigut ingerlatseqatigiiffiup piginneqataasut tamaasa pillugit allattuiffia, takuuk § 50.

9) *Piginnittunik nalunaarsuiffik:*

Nalunaarsuiffik, Erhvervsstyrelsen aningaasaatitigut piginnittut ilaasa aningaasaataannik allattuiffik, takuuk § 58.

10) *Aningaasaateqarfimmi piginneqataassutit:*

Aktiat piginneqataassutilluunniit, aningaasaateqarfimmi atulersitsinermut atatillugu atulersinneqartut, takuuk § 165.

11) (Kalaallit Nunaanni atulersinneqanngilaq)

12) (Kalaallit Nunaanni atulersinneqanngilaq)

13) *Najugaqarfigisaq:*

Kalaallit Nunaanni najugaqarfigisaq, ingerlatseqatigiiffimmut attaveqarfiusoq.

14) *Ingerlatseqatigiiffik aallarniisartoq:*

Anpartsselskabi, takuuk nr. 2, ikinnerpaamik 50.000 kr.-nik ingerlatseqatigiiffittut aningaasaateqartutut nalunaarsorsimanngitsoq, aamma § 357 a-mi piumasqaatinik naammassinnittoq.

15) *Aningaasaatitigut piginneqataassutit:*

Aktia imaluunniit piginneqataassutit, takukkit §§ 45-49.

16) *Aningaasaatinik piginnittoq:*

Aningaasaatitigut piginneqataassummik ataatsimik amerlanernilluunniit piginnittoq kinaluunniit.

17) *Aningaasaatitigut inissisimaqatigiit:*

Aningaasaatitigut piginneqataassutit ataatsimoortut, pisinnaatitaaffiit imaluunniit piginnaatitaaffiit assigiit taakkununga atallutik.

18) *Ingerlatseqatigiiffik aningaasaliiffiusoq:*

Anpartsselskabi, tassunga ilanngullugu ingerlatseqatigiiffik aallarnisartoq, imaluunniit aktieselskabi, tassunga ilanngullugu peqatigiilluni ingerlatseqatigiiffik.

19) *Suliffeqarfissuaq:*

Ingerlatseqatigiiffik piginnittoq suliffeqarfiutaalu, takuuk § 7.

20) *Aqutsisut:*

Nr. 4 aamma 5-imi taaneqartut aqqissugaanerit tamarmik. Aqutsisuni ilaasortaqaq ataaseq ingerlatseqatigiiffiup nakkutilliisuini, siulersuisuini imaluunniit qullersaqarfiani ilaasortaasinnaavoq.

21) *Ingerlatseqatigiiffik piginnittoq:*

Ingerlatseqatigiiffik aningaasaliiffiusoq, suliffeqarfiutiminik ataatsimik amerlanernilluunniit aalajangiisutut sunniuteqartuusoq, takukkit §§ 6 aamma 7.

22) *Arlalinnit peqataaffigineqarluni niuernikkut atortoq:*

Pappiaqqanik aningaasanik nalilinnik niurneq il.il. pillugu inatsimmi, kunngip peqqussutaatigut Kalaallit Nunaanni atulersinneqartumi § 40, imm. 1-imi arlalinnik peqateqarluni niuernikkut atortoq pillugu nassuiaat, atorpeqassaaq.

23) *Peqatigisaqarluni ingerlatseqatigiiffik:*

Suliffeqarfiit inuussutissarsiutillit taaneqartut pillugit inatsimmi, kunngip peqqussutaatigut Kalaallit Nunaanni atulersinneqartumi § 2, imm. 2 naap. niurnermik ingerlataqartoq ingerlatseqatigiiffik, ingerlatseqatigiiffimmi piginnittuusut, aktiani agguarneqartuni, aningaasaatinut aalajangersimasunut aningaasaliisimallutik, takuuk kapitali 21.

24) *Aallartitseqqinneq:*

Ingerlatsitseqatigiiffiup Erhvervsstyrelsi qarasaasiaqarfianiit peerneqarnerata kingorna ingerlatseqatigiiffiup aningaasaliiffiusup kingorna pigisanik utaqqiisaasumik aallartitseqqinneq, takuuk § 235.

25) *Umiarsuaatileqatigiiffik aktieselskabiusoq:*

Aktieselskabi, umiarsuaatileqatigiiffimik ingerlataqartoq, takuuk § 112, imm. 2.

26) *Ulloq nalunaarsorneqarfik:*

Ulloq, aningaasaatinik piginnittup ataatsimeersuarnermi peqataasinnaalerneranik aamma aningaasaatigut pigisaminut atasumi taasisinnaalerneranik aalajangersaaffiusoq.

27) *Niurfik naleqqussagaq:*

Pappiaranik aningaasanik nalilinnik niurneq il.il. pillugu inatsimmi, kunngip peqqussutaatigut Kalaallit Nunaanni atulersinneqartumi § 16, imm. 1-imi niurfik naleqqussagaq pillugu nassuiaat atorpeqassaaq.

28) *Aningaasaatit sinniisuuffigineqartut:*

Aningaasaatitigut pigisat, ataatsimeersuarnermi sinniisuuffigineqartut aamma taasisinnaatitaaffiusut imaluunniit taasisinnaatitaaffeqanngitsut aamma malittarisassani sinniisuusinnaaffiusut.

29) *Sinniisuusinnaaneq:*

Pisinnaatitaaffik ataatsimeersuarnermi takkunnissamut aningaasaatitigut piginneqataassutini taasisinnaatitaaffeqanngitsunik aamma ingerlatseqatigiiffiup aningaasaataasa ilaannik ataatsimeersuarnermi sinniisuunerme naatsorsorneqartunut ilaasut. Aningaasaatitigut piginneqataassutit taasisinnaatitaaffiusut tamatigut sinniisuutitaaffeqarput, takuuk § 46.

30) *Ingerlatseqatigiiffimmi aningaasaatit:*

Aningaasaliissutit, peqqussut manna naapertorlugu aningaasaatinik piginnittut akisussaaitaanerat killeqartinneqartut, takuuk § 4.

31) *Naalagaaffiup pigisai aktieselskabit:*

§ 351 naapertorlugu ingerlatseqatigiiffiup piginnittup ingerlatseqatigiiffiutigisaminut atassuteqarnerata assinganik Namminersorlutik Oqartussat ingerlatseqatigiiffimmut atassuteqarfigisaasa ingerlatseqatigiiffiit naalagaaffiup pigisaani aktieselskabinut atuuttunik maleruagassanik malinninnissaat pillugu Erhvervsstyrelsi aalajangersaasinnaavoq. Naalagaaffiup pigisaa aktieselskabi tassaavoq aktieselskabi ingerlatseqatigiiffiup piginnittup ingerlatseqatigiiffiutigisaminut atassuteqarnerata assinganik danskit naalagaaffiat atassuteqarluni, takukkit §§ 6 aamma 7.

Suliffeqarfissuit

§ 6. Ingerlatseqatigiiffik piginnittoq suliffeqarfiutigisaq ataaseq arlallilluunniit peqatigalugit tassaavoq suliffeqarfissuaq. Suliffeqarfik ataaseq taamaallaat toqqaannartumik piginnittumik ingerlatseqatigiiffeqarsinnaavoq. § 7-imi piumasaqaatini ataatsimik arlalinnilluunniit ingerlatseqatigiiffiit arlallit naammassinnippata, ingerlatseqatigiiffik suliffeqarfiup aningaasatigut ingerlatsinikkullu aalajangiisarneranut piviusumik aalajangiisutut sunniuteqartoq kisimi ingerlatseqatigiiffittut piginnittutut isigineqarsinnaavoq.

§ 7. Aalajangiisutut sunniuteqarneq tassaavoq suliffeqarfiutigisap aningaasaqarnikkut ingerlatsinikkullu aalajangiisarneranik aqutsinissamut pisinnaatitaasoq.

Imm. 2. Suliffeqarfiutigisamut naleqqiullugu aalajangiisutut sunniuteqarneq pigineqalersarpoq suliffeqarfiutigisaq aqutigalugu toqqaannartumik toqqaannangitsumilluunniit ingerlatseqatigiiffik piginnittoq suliffeqarfimmi taasisinnaatitaasut affai sinnerlugit pigisagarpat, immikkut pisuni uppersararneqarsinnaappat taamatut piginnittuunermut pissutsit aalajangiisutut sunniuteqanngitsut.

Imm. 3. Suliffeqarfimmi ataatsimi taasisinnaatitaanermi pisinnaatitaaffiit affai sinnerlugit ingerlatseqatigiiffik piginnittoq piginninngippat, ingerlatseqatigiiffik piginnittoq aalajangiisutut sunniuteqassaaq

- 1) aningaasaliisunik allanik isumaqatigiissuteqarnermigut taasisinnaatitaanermi pisussaaffiit affai sinnerlugit naalagaappat,
- 2) malittarisassat imaluunniit isumaqatigiissut naapertorlugu suliffeqarfimmi aningaasanut ingerlatsinermullu pissutsinik aqutsinissamut pisinnaatitaappat,

3) aqutsinermi aaqqissuussinermi qullersani ilaasortat amerlanersaanik toqqaanissamut imaluunniit soraarsitsinissamut pisinnaatitaappat taamatullu aaqqissugaaneq suliffeqarfimmi aalajangiisutut sunniuteqarpat imaluunniit

4) ataatsimeersuarnermi imaluunniit aaqqissugaanermi taamaaqataani taasisinnaatitaasut amerlanersaannut piviusumik naalagaaguni taamaalillunilu suliffeqarfik pillugu piviusumik aalajangiisutut sunniuteqarluni.

Imm. 4. Taasisinnaatitaasut piuneri sunniuteqarnerilu, tassunga ilanngullugu aningaasaatitigut pigisanik pisinnaatitaaneq aamma pisinissamut periarfissaqarnerit, piviusumik iluaqutigineqarsinnaasut imaluunniit allanngortinneqarsinnaasut, ingerlatseqatigiiffiup aalajangiisutut sunniuteqarneranik naliliinermi isigineqassapput.

Imm. 5. Suliffeqarfiutigisami taasisinnaatitaasunik naatsorsuinermi suliffeqarfiutigisap nammineq imaluunniit taassuma suliffeqarfiutigisaata pigisaanut aningaasaatinut pigisanut atasut taasisinnaatitaanerit ilaatinneqassanngillat.

Skifterettenip aamma Sø- og Handelsrettip pisinnaatitaaffii

§ 8. Peqqussut manna naapertorlugu pisinnaatitaaffiit pigisanik agguaassisarnermut eqqartuussivimmut inissinneqarsimatillugit taakku Kalaallit Nunaanni eqqartuussivimmit isumagineqassapput.

Kapitali 1 a

Attaveqatigiinneq

§ 8 a. Pissutsit peqqussummut matumunnga ilaasut imaluunniit peqqussutip matuma malitsigisaanik maleruagassat atulersinneqartut pillugit styrelsimut aamma styrelsimiit allakkatigut attaveqatigiinnerup digitalikkut ingerlanneqarnissaa pillugu maleruagassanik Erhvervsstyrelsi aalajangersaasinnaavoq.

Imm. 2. Digitalikkut attaveqatigiinneq pillugu maleruagassanik erseqqinnerusunik Erhvervsstyrelsi aalajangersaasinnaavoq, tassunga ilanngullugu qarasaasiatigut aaqqissuussinermi aalajangersimasut, digitalikkut ilusit immikkuullarissut aamma digitalikkut atsiorderit assigisaasalu atornerarneri pillugit.

Imm. 3. Digitalikkut nalunaarut apuuttutut isigineqassaaq nalunaarummik nassitsiffiqeqartumit pissarsiarineqarsinnaaleraangat.

§ 8 b. Styrelsi peqqussut una malillugu imaluunniit peqqussutip matuma malitsigisaanik maleruagassat atulersinneqartut malillugit atsiorderneqanngitsumik aalajangiisinnaanera allanillu allagaqarsinnaasoq pillugu maleruagassanik Erhvervsstyrelsi aalajangersaasinnaavoq, maskiina taamaaqataanilluunniit atsiordermik pilersitsisoqarluni imaluunniit aalajangiisup imaluunniit allagaqartup paatsuugassaannngitsumik kinaaneranik qulakkeerisumik atuisoqarneratigut. Aalajangiinerit allakkallu taamatut ittut aalajangiinernut allakkanullu inummik atsiorderqartunut sanilliunneqarsinnaapput.

Imm. 2. Aalajangiinerit allakkallu allat, taamaallaat elektronikikkut paasissutissanik suliarinninneq tunngavigalugu aalajangerneqartut imaluunniit atulersinneqartut aatsaat Erhvervsstyrelsip nassiusissuunera kisimi allanneqarsimatillugu pillugu maleruagassanik Erhvervsstyrelsi aalajangersaasinnaavoq.

§ 8 c. Peqqussut manna imaluunniit peqqussut manna malillugu maleruagassanik atulersinneqartut malillugit allakkap, Erhvervsstyrelsimit allaanerusumik atulersinneqartoq, atsiorneqarsimanissaa piumasarineqarpat tamanna piumasarisaaq allakkamik atulersitsisup paatsuugassaannngitsumik kinaaneramik qulakkeerisumik periutsumik atuisoqarneratigut naammassineqarsinnaavoq, taamaattorli imm. 2 takujuk. Allakkat taamatut ittut allakkanut inummik atsiorneqartunut sanilliunneqarsinnaapput.

Imm. 2. Atsiorneqarsimanissaanik piumasaqaatip saneqqunneqarsinnaanera pillugu maleruagassanik erseqqinnerusunik Erhvervsstyrelsi aalajangersaasinnaavoq. Tassunga ilanngullugu aalajangersarneqarsinnaavoq inuup atsiornissaa pillugu piumasaqaat allakkat ilaannut aalajangersunit saneqqunneqarsinnaanngitsoq.

Kapitali 2

Nalunaarsuineq piffissaliussallu

Nalunaarsuineq

§ 9. Peqqussut manna malillugu paasissutissat nalunaarsorneqartussaasut inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna Erhvervsstyrelsip qarasaasiaqarfianut ilanngunneqarsimassapput, peqqussummi matumani imaluunniit peqqussut manna malillugu allamik aalajangiisoqarsimanngippat. Nalunaaruteqartoq nammineq Erhvervsstyrelsip qarasaasiaqarfiani nalunaarsuineramik isumaginninngippat, § 12, imm. 1 takuuk, inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna nalunaarut Erhvervsstyrelsimi tiguneqarsimassaaq.

Imm. 2. Nalunaarsuinerup pisimanerata qulakkeerneqarnissaanut pisussaaffik, imaluunniit nalunaarutip nalunaarsorneqarnissaa siunertaralugu Erhvervsstyrelsimut nalunaarutiginnissaa ingerlatseqatigiiffiup qitiusumik aqutsisunit pisussaaffigineqarpoq.

Imm. 3. Erhvervsstyrelsip qarasaasiaqarfiani tamanut saqqummiunneqartussat allakkat nalunaarutillu il.il. tamanut saqqummiunneqarnerini imm. 1 aamma 2 taamaaqataanik atornerarput. Nalunaaruteqartoq nammineq Erhvervsstyrelsip qarasaasiaqarfiani nalunaarsuineramik isumaginninngippat, § 12, imm. 2 takuuk, inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna nalunaarut Erhvervsstyrelsimi tiguneqarsimassaaq.

§ 10. Ingerlatseqatigiiffiup aningaasaliiffiusup qullersaqarfiani, siulersuisuini aamma nakkutilliisuisuini ilaasortat kukkunerisuisorlu Erhvervsstyrelsip qarasaasiaqarfiani nalunaarsorsimaneqassapput.

Imm. 2. Suliassap naanissaa sioqqullugu kukkunerisuisoq tunuarpat, § 144 takuuk, suliassap atorunnaarneranut pissutaasoq qitiusumik aqutsisuniit naammattumik nassuiaat nalunaarsorneqarnermut imaluunniit nalunaaruteqarnermut ilanngunneqassaaq.

§ 11. Ingerlatseqatigiiffiup aningaasaliiffiusup malittarisassaani imaluunniit pissutsini allani siusinnerusukkut Erhvervsstyrelsimi nalunaarsorneqarsimasuni allannguisoqarpat allannguneq Erhvervsstyrelsip qarasaasiaqarfiani nalunaarsoneqassaaq imaluunniit styrelsimut nalunaarutigineqarluni, takuuk § 9.

§ 12. Peqqussut manna malillugu nalunaarsorneqartussaasut pissutsit nalunaarutigineri aamma nalunaarsorneqarneri pillugit maleruagassanik Erhvervsstyrelsi aalajangersaassaaq.

Imm. 2. Peqqussut manna malillugu styrelsip qarasaasiaqarfiani nalunaarsuinerit, allakkat nalunaarutillu il.il. tamanut saqqummiunneqarneri pillugit maleruagassanik Erhvervsstyrelsi aalajangersaassaaq. Peqqussut manna malillugu Erhvervsstyrelsip qarasaasiaqarfiani qitiusumik aqutsisut namminneq isumagisassaannik nalunaarutininik il.il. tamanut saqqummiussineq, qitiusumik aqutsisunit nalunaaruteqartoqarnerata kingorna styrelsimit isumagineqarsinnaaneri pillugit maleruagassanik Erhvervsstyrelsi aalajangersaasinnaavoq.

Imm. 3. Nalunaarsuinerit allakkanillu il.il., tamanut saqqummiussinerit, styrelsip qarasaasiaqarfianik atuineq aamma kingusinaarluni akiliineri tuavisaarilluni allakkianut il.il. akiliutit pillugit maleruagassanik Erhvervsstyrelsi aalajangersaasinnaavoq.

Imm. 4. Ingerlatseqatigiiffinnut inatsisitigut maleruagassanik aqutsinerit aamma kifartuussinerit immikkut akissanik aalajangersarneqarsimanngitsunut ukiumut akiliummik akiliisarneq pillugu maleruagassanik Erhvervsstyrelsi aalajangersaasinnaavoq.

§ 13. Nalunaarsuinerit imaluunniit nalunaarsuinerit nalunaarutininik aamma, aningaasaatitigut ingerlatseqatigiiffinni nalunaarsuinerit imaluunniit nalunaaruteqarnerit atatillugu nassiunneqartunut uppersaatitigut oqaatsitigut piimasaaqatit pillugit maleruagassanik Erhvervsstyrelsi aalajangersaasinnaavoq.

Imm. 2. Ingerlatseqatigiiffinni paasissutissanik kajumissutsimit nalunaarsuinerup aamma tamanut saqqummiussinerup aamma imm. 1 malillugu akuerineqartut oqaatsit atorlugit tamanut saqqummiussinerup pisussaaffiusup saniatigut Den Europæiske Unionimi pisortatigoortumik oqaatsit arlaat atorlugit pisinnaaneri pillugu maleruagassanik Erhvervsstyrelsi aalajangersaasinnaavoq.

Imm. 3. Pinngitsoorani nalunaarsorneqartussanut tamanullu saqqummiunneqartussanut, imm. 1 tak., allagaatit paasissutissallu aamma taakkuninnga nutsernerit kajumissutsimik tamanut saqqummiunneqartut akornanni naapertuuttoqartinnagu ingerlatseqatigiiffiup nutserneqarsimasooq allamut atuutsissinnaanngilaa. Akerlianilli allap kajumissutsimik oqaasertat tamanut saqqummiunneqartoq ingerlatseqatigiiffimmu atuutsissinnaavai, nalunaarsorneqartussatut pisussaaffiusooq pineqartoq, Erhvervsstyrelsip qarasaasiaqarfiani tamanut saqqummiunneqarsimasooq, § 9, imm. 1 naap., kajumissutsimik tamanut saqqummiunneqartuni allagaatini atorneqarsinnaanngitsoq uppersarneqanngippat.

§ 14. Peqqussut manna malillugu nalunaarsorneqarsimasut ingerlatseqatigiiffiit pillugit nalunaarsuiffimmi Erhvervsstyrelsi allattuissaaq. Peqqussut manna naapertorlugi nalunaarsuineq aamma tamanut saqqummiussineq styrelsip qarasaasiaqarfiani ingerlanneqassaaq.

Imm. 2. Paasissutissat, qarasaasiaqarfimmi tamanut saqqummiunneqarsimasut allamit ilisimaneqalersutut isigineqarput. Oqaaseqatigiilli siulliit tamanut saqqummiussinermit kingusinnerpaamik ullut 16-issaanni iliuuserineqartunut atorneqassanngillat, pissutsinut tamanut saqqummiunneqartunut allap ilisimasaaqarsimannginnera uppersarneqarsinnaanngippat.

Imm. 3. Tamanut saqqummiussineq qarasaasiaqarfimmi pisimatinnagu pissutsit nalunaarsorneqartussat aamma tamanut saqqummiunneqartussat allamut atuutsinneqarsinnaanngillat, taanna tamatuminnga ilisimannissimasooq

uppernarsarneqarsinnaangippat. Pissuseq taamatut ittoq tamanut suli saqqummiunneqarsimangippat allamit pissutsip atuutsinnissaa akornuserneqanngilaq.

§ 15. Pissutsip nalunaarsorneqarnissaanik kissaatigineqartup peqqussummi matumani aalajangersakkanik, peqqussut manna imaluunniit ingerlatseqatigiiffiup malittarisassai naapertorlugit aalajangersakkanik naammassinninngitsut nalunaarsorneqassanngillat. Nalunaarsuineq aamma ingerlanneqassanngilaq, aalajangiineq nalunaarsuinnermut tunngaviusoq, peqqussummi najoqqutassat, peqqussummi manna naapertorlugu aalajangersakkani aalajangersarneqartut, imaluunniit ingerlatseqatigiiffiup malittarisassaani aalajangersarneqartut naapertorlugit pilersinneqarsimangippat.

Imm. 2. Nalunaaruteqartoq, Erhvervsstyrelsi qarasaasiaqarfianut pissutsinik nalunaarsuisoq imaluunniit tamanna pillugu Erhvervsstyrelsi qarasaasiaqarfiani nalunaarsuiffianut nalunaarummik nassiussoq nalunaarsuinnerup imaluunniit nalunaarutip inatsisinut naapertuunneranut akisussaavoq, tassunga ilanngullugu pisariaqartinneqartumik piginnaatitsissummik peqarnera, aamma nalunaarsuinnermut imaluunniit nalunaaruteqarnermut atatillugu uppernarsaatip atuuttuunera.

Imm. 3. Imm. 1 aamma 2 taamaaqataanik allagaatinut il.il., Erhvervsstyrelsi qarasaasiaqarfiani tamanut saqqummiunneqartunut atorneqarput, imaluunniit peqqussut manna malillugu tamanut saqqummiunneqartussanngorlugu styrelsimut nassiuunneqartunut.

§ 16. Pissutsimi nalunaarutigineqarsimasumi kukkuneq amigaataasorluunniit ataatsimeersuarnerup aalajangerneratigut imaluunniit ingerlatseqatigiiffiup aningaasaliiffiusup qitiusumik aqutsisuini akuersisoqarneratigut iluarsineqarsinnaasoq Erhvervsstyrelsi isumaqarpat pissutsip naqqiisoqarnissaanut piffissaliussamik styrelsi aalajangiisinnaavoq. Piffissaliussap aalajangersarneqartup naanerani kingusinnerpaamik naqqiisoqanngippat nalunaarsuisoqarsinnaanngilaq.

Imm. 2. Imm. 1 malillugu nalunaarsuinissaq itigartinneqarpat nalunaarsuinnerup pisinnaannginnera aamma tamatumunnga tunngavilersuut pillugu nalunaaruteqartoq allakkatigut nalunaarfigineqassaaq.

Imm. 3. Nalunaarsuinerit ingerlanneqarsimasut imaluunniit nalunaarutigineqarsimasut inatsisinut naapertuuttuuneri nalornissutigineqartut Erhvervsstyrelsi ilisimalerpagu, pissutsip paasisaqarfigineri pitinnagit, § 9, imm. 1 malillugu nalunaarsuinerit pisinnaanngitsut styrelsi aalajangersinnaavoq. Nalunaarsuineq pisinnaanngitsoq pillugu, aamma tamatumunnga tunngavilersuut pillugu nalunaaruteqartoq allakkatigut nalunaarfigineqassaaq. Erhvervsstyrelsi aamma styrelsi aalajangiinneranut tunngaviusoq pillugu styrelsi qarasaasiaqarfiani nalunaarummik tamanut saqqummiussisinnaavoq.

Imm. 4. Pisuni, imm. 3-mut ilaasuni aqutsisut tunuarneri aamma Erhvervsstyrelsi nalunaarsorsinnaavai.

§ 17. Peqqussut, peqqussut malillugu maleruagassat aalajangersarneqartut aamma aningaasaatitigut ingerlatseqatigiiffiup malittarisassai eqqortinneqarnerisut pillugu isummertoqarsinnaaneranut pisariaqartunik paasissutissanik Erhvervsstyrelsi piunasaqarsinnaavoq, tassunga ilanngullugu aningaasaatinut tunngaviusut pigineqarnerisut.

Imm. 2. Kapitali una naapertorlugu maleruagassanik aalajangersaaneq malillugu nalunaarsuinnermi nalunaaruteqarnermilu piffissami nalunaarsuiffiusumiit ukiut pingasut tikillugit nalunaarsuinnerup imaluunniit nalunaaruteqarnerup inatsisinut naapertuuttuunneranut

uppernarsaatip nassiunneqarnissaa Erhvervsstyrelsi piumasarisinnaavaa. Tamatumunnga atatillugu immikkut pisuni nalunaarsuinermit imaluunniit nalunaaruteqarnermit atatillugu aningaasaqarnikkut iliuseqarnerit inatsisit naapertorlugit pisimani pillugit kukkunerisiumiit nalunaarutit nassiunneqarnissaa Erhvervsstyrelsi piumasaqarsinnaavoq. Oqaaseqatigiit siulliit aamma aappaat naapertorlugu piumasaqaatit naammassineqanngippata pissutsip naqqinneqarnissaanut piffissaliussamik styrelsi aalajangersaasinnaavoq. Piffissaliussap aalajangersarneqartup naanerani naqqiineq kingusinnerpaamik isumagineqanngippat pisariaqassappat § 226-mi maleruagassat malillugit aqutsisoqarfiup aningaasaatitigut ingerlatseqatigiiffiup atorunnaarsissinnaavaa.

§ 18. Pilersitsisut aqqi najugaalu kiisalu aqutsisuni ilaasortat aqqi, atorfiit najugaalu pillugit paasissutissat qaqugukkulluunniit Erhvervsstyrelsi qarasaasiaqarfiani takuneqarsinnaassapput. Tamanna ingerlatseqatigiiffinni ingerlasuni atorunnaarsimasunilu atuuppoq. Paasissutissat ilai saqqumissanngitsut pillugit maleruagassanik Erhvervsstyrelsi aalajangersaasinnaavoq.

Imm. 2. Suliffeqarfimmi, Erhvervsstyrelsi qarasaasiaqarfiani nalunaarsorneqarsimasumi inuup pineqartup nalunaarsornerata atorunnaarneraniit ukiut qulit qaangiuppata imm. 1 malillugu inuit pillugit paasissutissanik nutarterineq atorunnaassaaq.

§ 19. (Atorunnaarpoq)

§ 20. § 109-mi ilaasut eqqaassanngikkaanni inuit arlaat isumaqarpat pilersuisunit, ataatsimeersuarnermi imaluunniit ingerlatseqatigiiffiup aqutsisunit aalajangiinermit tunngasoq nalunaarsuineq pineqartumut akornusiisoq nalunaarsorneqarnerup peerneqarnissaa pillugu apeqqut eqqartuussivinniissaaq.

Imm. 2. Tamanna pillugu suliaq nalunaarsuinerup Erhvervsstyrelsi qarasaasiaqarfiani tamanut saqqummiunneqarneraniit kingusinnerpaamik qaammatit arfinillit kingorna ingerlatseqatigiiffimmut saqqummiunneqassaaq. Eqqartuussivik eqqartuussutip allatangerora Erhvervsstyrelsimut nassitissavaa, tamatumalu kingorna suliap inerneqarnera pillugu paasissutissat styrelsi qarasaasiaqarfiani tamanut saqqummiullugu.

Piffissaliussat

§ 21. Pisussaq aalajangersimasoq ullunik, sapaatit akunnerinik, qaammatinik imaluunniit ukiunik aalajangersimasunik sioqqullugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq isumagineqarsinnaasoq imaluunniit isumagineqassasoq, iliuusissap ingerlanneqarnissaanut piffissaliussaq pisussaq taanna sioqqullugu ullormiit naatsorsorneqassaaq.

Imm. 2. Iliuusissap ingerlannissaanut piffissaliussaq sapaatit akunnerata naanerani, nalliuttuni, inatsisitaarfimmi, juulliaqqami imaluunniit ukiutoqqami naappat iliuuserisassaq taanna sioqqullugu ulluinnarmi kingullermi kingusinnerpaamik isumagineqassaaq.

§ 22. Peqqussummi imaluunniit peqqussut naapertorlugu najoqqutassani atulersinneqartumi iliuusissaq imaluunniit aalajangiineq ullunik, sapaatit akunnerinik, qaammatinik imaluunniit ukiunik aalajangersimasunik sioqqullugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq aalajangiinissarlunniit siusinnerpaamik isumagineqarsinnaasoq, iliuusissap ingerlanneqarnissaanut piffissaliussaq

pisussaq taanna sioqqullugu ullormiit naatsorsorneqassaaq. Iliuusissaq aalajangiinissarluunniit siusinnerpaamik piffissaliussap naanerata aqaguaniit siusinnerpaamik isumagineqarsinnaavoq.

§ 23. Pisussaq aalajangersimasoq ullunik, sapaatit akunnerinik, qaammatinik imaluunniit ukiunik aalajangersimasunik sioqqullugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq kingusinnerpaamik isumagineqassasoq, iliuusissap ingerlanneqarnissaanut piffissaliussaq pisussap taassuma aqaguani ullormiit naatsorsorneqassaaq, takuuk imm. 2-4.

Imm. 2. Piffissaliussaq, imm. 1 takuuk, sapaatit akunnerini allanneqarsimappat iliuuseqarnissamut piffissaliussaq sapaatip akunnerani ullormi pisussap piffissaani naassaaq.

Imm. 3. Piffissaq, imm. 1 takuuk, qaammatini allanneqarsimappat iliuusissap isumagineqarnissaanut piffissaliussaq qaammammi ullormi pisussap pinissaani naassaaq. Pisussaq qaammammi ullormi kingullermi pissappat, imaluunniit piffissaliussaq qaammatip ulluani nassaassaangitsumi pisussaappat, qaammammi kingullermi ullormi kingullermi piffissaliussaq tamatigut naasassaaq qaammatip sivisusussaa apeqqutaatinnagu.

Imm. 4. Piffissaliussaq, imm. 1 takuuk, ukiumi allanneqarsimappat, iliuusissap isumaginissaanut piffissaliussaq pisussap ukiumi ullup nalliunnerani naassaaq.

Imm. 5. Piffissaliussaq sapaatip akunnerata naanerani, nalliuttuni, inatsisitaarfimmi, juulliaqqami imaluunniit ukiutoqqami naappat iliuuserisassaq tamatuma kingorna ulluinnarmi siullermi kingusinnerpaamik isumagineqassaaq.

Kapitali 3

Pilersitsineq

Pilersitsisut

§ 24. Ingerlatseqatigiiffik aningaasaliiffiusoq pilersitsisumit ataatsimit arlalinnilluunniit pilersinneqarsinnaavoq.

Imm. 2. Pilersitsisoq nammineersinnaassuseqassaaq aammalu akilersuiunnaarallartutut akiliisinnaajunnaartutulluunniit nalunaarutigineqarsimassanani.

Imm. 3. Pilersitsisoq inuuppat, taanna nammineersinnaassuseqassaaq aamma nammineersinnaassuseqarneq pillugu inatsit kunngip peqqussuteqarneratigut Kalaallit Nunaanni atortuulersinneqartoq naapertorlugu sinniisuutitaqassanngilaq.

Imm. 4. Pilersitsisoq inatsisitigut pisinnaatitaappat pisussaataappallu taanna pisinnaatitaaffinnik pissarsisinaanermut pisinnaatitaassaaq, pisussaaffilerneqarsinnaalluni aamma eqqartuussivimmi suliani peqataasinnaalluni.

Pilersitsinermi allagartaq

§ 25. Pilersitsisut ingerlatseqatigiiffiup aningaasaliiffiusup malittarisassaanik imaqartumik pilersitsinermi allagartamik atsiugaqassapput.

§ 26. Pilersitsinermi allagartaq uku pillugit paasissutissanik imaqassaaq
1) ingerlatseqatigiiffimmi aningaasaliiffiusumi pilersitsisut atii, najugai aamma Erhvervsstyrelsiq qarasaasiaqarfiani nalunaarsorneqarnermi normu,
2) aningaasaatinik piginneqataassutit pisiarinerini naligititaq,

- 3) piginneqataassutinik pisinissamut aamma aningaasaatitigut piginneqataasutit akilernissaannut piffissaliussat,
- 4) pilersitsineq ullormit aalajangersimasumit sorlermiit inatsisitigut sunniuteqalernissaa, § 40, imm. 3-5 tak.,
- 5) pilersitsineq ullormit sorlermiit naatsorsuutit eqqarsaatigalugit sunniuteqalernissaa, § 40, imm. 6 tak., aamma
- 6) pilersitsinermi aningaasartuutinik ingerlatseqatigiiffik aningaasaliiffiusoq aningaasartuuteqassanersoq taamaattoqassappallu aningaasartuutit missingiliuussat.

§ 27. Pilersitsinermi allagartaq aamma pissutsit makku pillugit aalajangersakkanik imaqassaaq, taakku pillugit aalajangiisoqarsimappat:

- 1) Immikkut pisinnaatitaaffiit imaluunniit iluaqutissat, pilersitsisunit allanilluunniit pissarsiarineqartussat,
- 2) pilersitsisunik allanilluunniit isumaqatigiissuteqarneq, taamaalilluni ingerlatseqatigiiffimmut aningaasaliiffiusumut aningaasatigut annertuumik pisussaaffiliisinnaasut,
- 3) aningaasaatitigut piginneqataassutit aningaasanit allaanerusunik allanik nalilinnik aningaasaliinikkut pissarsiarineqarsinnaapput, § 35 tak.,
- 4) ingerlatseqatigiiffiup aningaasaliiffiusup ukiumoortumik naatsorsuutai il.il. kukkunersiorneqassanngitsut, aningaasaatitigut ingerlatseqatigiiffiup kunngip peqqussuteqarneratigut Kalaallit Nunaanni atortuulersinneqartoq naapertorlugu ukiumoortumik naatsorsuutit pillugit inatsit, imaluunniit inatsisit allat malillugit kukkunersiuisup atorneqannginnissaa toqqarpagu, aamma
- 5) ingerlatseqatigiiffimmi aningaasaatit pisiarineqartut ilai, piffissami pilersitsinermi akilerneqartut annertussusaat.

Imm. 2. Pilersitsinermi allagartami imm. 1 naapertorlugu aalajangiiffigineqartut aalajangersakkat nalilernerinut pingaaruteqartut pisut pillugit pilersitsisut nassuiaassapput. Aalajangersakkanut ilaasut inuit aqqi najugaalu nassuiaammi allanneqassapput.

Imm. 3. Allagaatit, pingaarnersatut imai pilersitsinermi allagartami issuarneqanngitsut, kisiannili pilersitsinermi allagartami innersuussutigineqartut, tassunga ilanngunneqassapput.

Imm. 4. Pissutsit pilersitsinermi allagartami eqqaaneqartut pillugit isumaqatigiissutit, kisiannili tassani akuerineqanngitsut, ingerlatseqatigiiffimmut aningaasaliiffiusumut atuuffeqanngillat.

Malittarisassat

§ 28. Ingerlatseqatigiiffiup aningaasaliiffiusup malittarisassai uku pillugit paasissutissanik imaqassapput:

- 1) Ingerlatseqatigiiffiup aningaasaliiffiusup aqqa saniatigullu taaguuteqassappat taaguutai,
- 2) ingerlatseqatigiiffiup aningaasaliiffiusup siunertaa,
- 3) ingerlatseqatigiiffiup aningaasaataasa annertussusai aamma aningaasaatini piginneqataassutit amerlassusaat imaluunniit aningaasaatitigut piginneqataassutit naleqassusaat,
- 4) aningaasaatitigut piginneqataassutit pisinnaatitaaffii,
- 5) ingerlatseqatigiiffiup aningaasaliiffiusup aqutsisutigut aqqissugaanera, tassunga ilanngullugu aqutsisut aqqissugaanerat toqqarneqartoq pillugu paasissutissaq, § 111 tak., aamma aktieselskabini aqutsisutigut aqqissugaanerni assigiinngitsuni ilaasortat aamma sinniisuusinnaasut amerlassusaat imaluunniit ikinnerpaaffissaat amerlanerpaaffissaallu

pillugit paasissutissat kiisalu aqutsisutut aaqqissugaanermi qullersaasumik ilaasortat piffissaq qinigaaffiat,

6) ataatsimeersuarnissamut aggersaaneq aamma

7) ingerlatseqatigiiffiup aningaasaliiffiusup ukiumoortumik naatsorsuusiorfigisartagaa.

§ 29. Ingerlatseqatigiiffiup aningaasaliiffiusup malittarisassai aamma peqqussut manna malillugu malittarisassani ilanngunneqartussanik aalajangiinerit pillugit paasissutissanik imaqaassaaq, aamma ingerlatseqatigiiffiup aningaasaliiffiusup atuuffissaa killeqarpasat ingerlatseqatigiiffiup aningaasaliiffiusup kingusinnerpaamik atuukkunnaarnissaanut piffissaq pillugu.

Ingerlatseqatigiiffimmi aningaasaatinik pisiumalluni nalunaarneq

§ 30. Aningaasaatinit pigisassanik pisiumalluni nalunaarneq pilersitsinermi allagartami pissaaq ilanngussaqaqtarsinnaalluni.

§ 31. Aningaasaatinit pigisat nangaassuteqarluni imaluunniit nalia ataallugu pisiumalluni nalunaartoqassanngilaq.

§ 32. Aningaasaatinit pigisanik pisiumanissamut nalunaarneq akuerineqarsinnaanersooq pillugu pilersitsisut aalajangiissapput, taamaattorli § 31 tak.

Imm. 2. Nalinga sinnerlugu pisiumanissamut nalunaartoqartillugu pilersitsisut nalunaarsuinissaq imaluunniit nalunaarsorneqarnissamut nalunaaruteqarnissaq sioqqullugu, §§ 9 aamma 40 tak., aningaasaatinik piginneqataassutit qassit pisiumanissamut nalunaartunut ataasiakkaanut tutsinneqassanersut aalajangiissapput. Pilersitsinermi allagartaq malillugu pilersitsisup pisiumanissamut nalunaartunut aningaasanik annikinnerusunik aningaasaatinit piginneqataassutinik pilersitsisumut tunniussisoqassanngilaq.

Imm. 3. Pilersitsisut inuit ingerlatseqatigiiffinni aningaasaliiffiusuni aningaasaatitigut piginneqataassutinik pisiumanissamut nalunaarsimasut sapinngisamik piaarnerpaamik nalunaarfigissavaat,

1) pisiumanissamut nalunaarneq akuerineqanngippat,

2) pilersitsisut pisiumanissamut nalunaarneq atorussaannngitsippassuk imaluunniit

3) ingasanaarluni pisiumanissamut nalunaarnerup malitsigisaanik aningaasat pisiassatut pisussaaffiliisut appartinneqarpata.

Imm. 4. Malittarisassani allanneqartumik qaffasinnerusumik appasinnerusumilluunniit ingerlatseqatigiiffik aningaasaateqartillugu ingerlatseqatigiiffimik aningaasaliiffiusumik pilersitsinissaq pillugu siunnersuut taamaallaat pilersitsisunit aamma aningaasaatinik pisisimasunit tamanit akuersisoqarneratigut akuerineqarsinnaavoq.

Imm. 5. Ingerlatseqatigiiffiup aningaasaatai imaluunniit aningaasat ikinnerpaaffissaatut aalajangiineq tamakkiisumik pisiarineqarsimanngippat aamma pilersitsisunit akuerineqarnani ingerlatseqatigiiffiup aningaasaliiffiusup pilersinneqarnera taamaalillunilu aningaasaatinik pisisut pisussaaffii atorunnaassapput. Aningaasat akilerneqarsimasut utertillugit akilerneqassapput. Pilersitsinermi aningaasartuutit ilanngaatigineqarsinnaapput, tamanna pisinermi piumasaqaatigineqarsinappat.

Ingerlatseqatigiiffiup aningaasaataanik akiliineq

§ 33. Qaqugukkulluunniit ingerlatseqatigiiffiup aningaasaataasa 25 pct.-ii akilerneqarsimassapput, ikinnerpaamilli 50.000 kr.-t. Akiliineq aningaasaatinik piginneqataasunut ataasiakkaanut naleqqiullugu pissaaq. Nalinga sinnerlugu akiliisoqassasoq aalajangerneqarpat aktieselskabimi nalinganik sinniineq tamakkiisumik akilerneqassaaq, ingerlatseqatigiiffiup aningaasaataasa ilai akilerneqannginneri apeqqutaatinnagu. Anpartsselskabini nalinganik sinniineq tamakkiisumik akilerneqassanngilaq, kisiannili ingerlatseqatigiiffimmi aningaasaatit annertoqataattut ilaannakuusumik akilerneqarsinnaalluni. Ingerlatseqatigiiffiup aningaasaatai tamarmik ilaannaaluunniit aningaasaliinermi aningaasaanngitsunik nalilinnik allanik akilerneqarpata, § 35 tak., ingerlatseqatigiiffiup aningaasaatai tamarmik aamma nalingata sinnera tamakkiisumik akilerneqassaaq.

Imm. 2. Ingerlatseqatigiiffiup aningaasaatai akilerneqanngitsut ingerlatseqatigiiffiup aningaasaliiffiusup qitiusumik aqutsisunit qaquguluunniit piumasarineqarpat akilerneqassaaq. Akiliinissamut piffissaliussaq sivikinnerpaamik sapaatit akunneri marluupput. Malittarisassani sivisunerusumik piffissaliisoqarnissaanik aalajangersaasoqarsinnaavoq, taamaattorli sapaatit akunneri sisamat qaangertussaanaq.

Imm. 3. Aningaasaatinik piginnaataassutinik akiliinernut ingerlatseqatigiiffiup aningaasaliiffiusup pissarsiassai tunineqarsinnaanngillat imaluunniit taarsigassarsianut sallunaveeqqutaasinnaanngillat.

Imm. 4. Ingerlatseqatigiiffiup aningaasaataasa annertussusaat allakkani allanilu niuernerminni pappiarani, tassunga ilanngullugit elektronikkikkut nalunaarutit, aamma ingerlatseqatigiiffiup aningaasaliiffiusup nittartagaani allanneqarpata, aningaasaatit pisiassatut nalunaarutigineqartut kiisalu aningaasaatit akilerneqartut allanneqassapput.

§ 34. Aningaasaatinik piginnittup pisinnaatitaaffii peqqussut manna malillugu allanngussanngillat, aningaasaatinik piginneqataassutit tamakkiisumik akilerneqarsimanersut apeqqutaatinnagu, taamaattorli imm. 3 tak.

Imm. 2. Aningaasaatinik piginnittoq, qitiusumik aqutsisut tamatuminnga qinnuteqarpata, aningaasaatinik piginneqataassutinik akiliinissamut pisussaaffeqarpoq, tak. § 33, imm. 2. Aningaasaatinilli piginnittoq qaqugukkulluunniit aningaasaatinik piginneqataassutini aningaasat isumannaarneqarsimannngitsut akilernissaannut pisinnaatitaaffeqarpoq, qitiusumik aqutsisut tamanna pillugu qinnuteqarnermi saqqummiussisimaneri apeqqutaatinnagu. Aningaasaatinik piginnittoq aningaasaatinik piginneqataassutini pineqartuni aningaasat isumannaarneqarsimannngitsut tamaasa akilissavai, malittarisassat allamik aalajangiisimannngippata.

Imm. 3. Aningaasaatinik piginnittoq aningaasaatinik piginneqataassutini aningaasat isumannaarneqarsimannngitsut akilerneqarnissaat pillugu qitiusumik aqutsisut piunasaqarnerannik piffissaagallartillugu naammassisimannngippagu, aningaasaatinik piginnittup ingerlatseqatigiiffimmi aningaasatigut akiligassami ilaata arlaannut taasisinnaatitaanini atorsinnaanngilaa, pineqartullu aningaasatigut akiligassai ataatsimeersuarnermi sinniisuuffigineqartutut isigineqarnatik, aningaasat akilerneqartinnagit aamma ingerlatseqatigiiffimmit aningaasaliiffiusumit nalunaarsorneqartinnagit. Tamannali iluanaarutinut pisinnaatitaaffinnut allanullu aningaasanut tigusassanut kiisalu aningaasaatit qaffanneqarnerini aningaasaatini piginneqataassutsinut nutaanik pisinnaatitaaffeqarnermut atuutinnngilaq. Qitiusumik aqutsisut aningaasaatinik piginnittup pineqartup aningaasaatinik

piginnittutut pisinnaatitaaffiinit ingerlatseqatigiiffimmiit iluanaarutissani aningaasaatinik akiliinissami ingerlatseqatigiiffiup aningaasaliiffiusup piunasaqaatai ilanngaatigineqarsinnaapput.

Imm. 4. Ingerlatseqatigiiffiup aningaasaliiffiusup qitiusumik oqartussanit akuerineqaqqaarnani aningaasat isumannaarneqarsimanngitsut akilernissaannut pisussaaffigisaminut ingerlatseqatigiiffimmi aningaasaliiffiusumi pissarsiassani aningaasaatinik piginnittup ilanngaatigisinnaanngilai. Ilanngaassineq ingerlatseqatigiiffimmut aningaasaliiffiusumut taassumaluunniit akiligassaqaarfiinut akornusiissappat akuersisoqassanngilaq.

Imm. 5. Aningaasaatinik piginnittoq ingerlatseqatigiiffiup aningaasaliiffiusup qitiusumik oqartussaani akuerineqaqqaarnani aningaasat isumannaarneqanngitsut akilernissaannut pisussaaffimminik naammassinninnissaminut aningaasaanngitsunik nalilinnik allanik aningaasaliisinnaanngilaq. Aningaasaliineq ingerlatseqatigiiffimmut aningaasaliiffiusumut taassumaluunniit akiligassaqaarfiinut akornusiissappat akuersisoqassanngilaq. Aamma §§ 36 aamma 37-mi aalajangersakkat malillugit nalilersuilluni nalunaarusiortoqassaaq, pissarsineq § 38-mut ilaanngippat.

Imm. 6. Aningaasaatinik piginnittoq aningaasaatinik piginneqataassutit tamakkiisumik akilerneqarsimanngitsut tunniuppagit pineqartoq aningaasaatinik piginneqataassutit akilernissaannut sinneruttunut pissarsinermut aamma kingusinnerusukkat pissarsisussanut nammaqatiginnilluni akisussaatinneqassaaq.

Ingerlatseqatigiiffiup aningaasaataanik aningaasaanngitsunik nalilinnik allanik aningaasaliissuteqarneq pillugu immikkut

§ 35. Aningaasaanngitsunik nalilinnik allanik aningaasaliissuteqarneq aningaasanik naleqassaaq aamma suliaqarnissamik imaluunniit kiffartuussinissamik pisussaaffeqartussaani.

Imm. 2. Pilersitsisuni imaluunniit aningaasaatinik piginnittuni pissarsiassat aningaasaliissutigineqarsinnaanngillat imaluunniit tiguneqarsinnaanngillat, pissarsiassat qularnaveeqqusiisoqarneratigut qulakkeerneqarsimaneri apeqqutaatinnagu.

§ 36. Ingerlatseqatigiiffik aningaasaliiffiusoq aningaasaanngitsunik nalilinnik allanik tigusaqassappat pilersitsinermi uppernarsaat nalilersuinermi nalunaarummut ilanngunneqassaaq. Nalunaarutip imarissavai

- 1) aningaasaliissutit tamarmik allaaserineqarneri,
- 2) naliliinermi suleriaaseq atorneqartoq pillugu paasisutissaq,
- 3) tigusinermi aalajangerneqartup akissarsiap allanneqarnera, aamma
- 4) aningaasatigut naliusup inissinneqartup akissarsiatusut isumaqatigiissutigineqartutut minnerpaamik naapertuunnera pillugu nalunaarut, tassunga ilanngullugu aningaasaatinik piginneqataassutsit atulersinneqartussat nalingi, sinneqartumik naleqartitsisinnaaneq ilanngullugu.

Imm. 2. Naliliineq pilersitsinermi uppernarsaatip atsiornera sioqqullugu sapaatit akunnerinik sisamanik siusinnerusumik isumagineqarsimassanngilaq. Piffissaliusaaq qaangerneqarpat nutaamik naliliisoqassaaq.

Imm. 3. Suliffeqarfimmik pioreersumik pilersitsinermut atatillugu ingerlatseqatigiiffik aningaasaliiffiusoq tigusaqarpat naliliinermi nalunaarusiaq aamma ingerlatseqatigiiffik aningaasaliiffiusoq pillugu pilersitsinermi pigisanik nalilinnik akiligassanillu naatsorsuinermik imaqaassaaq. Pilersitsinermi pigisanik nalilinnik akiligassanillu

naatsorsuineq ingerlatseqatigiiffiup ukiumoortumik nalunaarusiornermi malitaanut maleruagassanut naapertuutissaaq. Pilersitsinermi pigisanik nalilinnik akiligassanillu naatsorsuineq nangaassuteqarfiussanngilaq. Ingerlatseqatigiiffik aningaasaliiffiusoq kunngip peqqussuteqarneratigut Kalaallit Nunaanni atulersinneqartumik ukiumoortumik naatsorsuutit pillugit inatsit, imaluunniit inatsisit allat malillugit kukkunersiorfigineqartussaappat, pilersitsinermi pigisanik nalilinnik akiligassanillu naatsorsuineq aamma kukkunersuinerup nangaassuteqarfiunnginnera pillugu nalunaarummik pilersorneqarsimassaaq.

§ 37. Nalilersuinermi nalunaarusiaq nalilersuisartumit ataatsimit amerlanernilluunniit nakerisarsiunngitsunit, paasisimasalinnit suliarineqassaaq. Nalilersuisartutut pilersitsisut taamaallaat kukkunersuiisunik akuerisaasunik toqqaasinnaapput. Pigisanik agguaassisarnermut eqqartuussivik pisuni allani nalilersuisussanik toqqaasinnaavoq.

Imm. 2. Peqqussummi matumani §§ 133 aamma 149 aamma kukkunersuiisut attaviitsuunerat pillugu kukkunersuiisunut inatsimmi maleruagassat taamaaqataanik nalilersuisunut atorneqarput.

Imm. 3. Nalilersuisartut misissuinernik pisariaqartinneqartutut isigisaminnik misissuisinnaassapput, aamma suliamik ingerlanneqarnissaannut pisariaqartutut isigisaminnik pilersitsisuniit imaluunniit ingerlatseqatigiiffimmiit aningaasaliiffiusumiit paasissutissanik ikiorneqarnissamillu piumasaqarsinnaallutik.

§ 38. § 36, imm. 1 malillugu nalilersuinermi nalunaarusiamik suliaqarnissaaq pillugu piumasaqaat imatut aningaasaliinermi atuutinngilaq:

1) Pigisat nalillit aamma pisussaaffiit (ilanngaateqareerluni pigisat nalillit), ullormi nalimut uuttorneqartut aamma ukiup siuliani ukioq naatsorsuusiorfiusoq pillugu ukiumoortumik imaluunniit suliffeqarfissuup naatsorsuutaani immikkut saqqummiunneqartut.

Ukiumoortumik imaluunniit suliffeqarfissuup naatsorsuutai kunngip peqqussuteqarneratigut Kalaallit Nunaanni atulersinneqartumi ukiumoortumik naatsorsuutit pillugit inatsimmi aalajangersakkat, imaluunniit nunani tamalaani naatsorsuusiornermi piumasarisat naapertorlugit suliarineqarsimassapput, nunani tamalaani naatsorsuuserinermi piumasarineqartut atorneqarneri pillugit Europa-Parlamentip aamma Rådip peqqussutaa naap., aningaasatigut ingerlataqarneq pillugu inatsisikkut imalunniit naapertorlugu naatsorsuinermi malerusagassat aalajangersarneqartut naapertorlugit, imaluunniit Europa-Parlamentip aamma Rådip malitassaani 2013/34/EU-mi maleruagassat malillugit suliarineqartut nunani allani suliffeqarfik pillugu naatsorsuutini kingusinnerusukkat allannguuteqartut aamma kukkunersuiisumik uppenarsaatitalik.

2) Pappiaqqat aningaasanik nalillit imaluunniit aningaasanik niuerfimmi sakkut, agguaqatigiissillugu naleqartillugit pissarsiarineqartut, taakkununnga pilersitsinermi uppenarsaatip atsiorneqarnissaa sioqqullugu sapaatit akunnerini sisamani niuerfinni killeqartumi ataatsimi amerlanerniluunniit niuerutigineqartut. § 36, imm. 1 malillugu nalilersuinermi nalunaarusiorneq suliarineqassaaq, ingerlatseqatigiiffiup aningaasaliiffiusup qitiusumik aqutsisui naliliippata taamatut agguaqatigiissilluni naleqartitsineq pissutsinik immikkut illuinnartunik sunnerneqarsimasoq imaluunniit allatigut nalimut atuuttumut naapertuuttutut isigineqarsinnaanngippat.

Imm. 2. Imm. 1 naapertorlugu aningaasaliissutit ingerlatseqatigiiffimmut aningaasaliiffiusumut imaluunniit tassani aningaasaatinik piginnittunut imaluunniit akiligassaqarfiinut akornusiinnginnerinut ingerlatseqatigiiffiup aningaasaliiffiusup qitiusumik aqutsisui akisussaapput, aamma nalunaaruteqassallutik imatut imaqartumik

- 1) aningaasaliissutit aamma pisussaaffiit (ilangaateqareerluni pigisat nalillit) taakkulu nalingisa allaaserineqarneri,
- 2) naliliinermi suleriaaseq atorpeqartoq pillugu paasissutissaq,
- 3) aningaasaatinik piginneqataassutit naliinut aamma sinneqartumik naliliisoqarsimappat minnerpaamik nalit allanneqartut naapertuunneri pillugu oqaaseqaat, akissarsiatut atulersinneqartussa, aamma
- 4) aallaqqaammut naliliinermut pingaaruteqartumik pissutsit nutaat atuutilersimanginneri pillugu oqaaseqaat.

Imm. 3. Qitiusumik aqutsisut imm. 2 malillugu nalunaarut Erhvervsstyrelsen qarasaasiaqarfianut tamanut saqqummiutissavaa, kingusinnerpaamik pilersitsinerup nalunaarsorneqarnerata imaluunniit nalunaarsorneqarnissaanut nalunaarutigineqarnerata peqatigisaanik.

Aqutsisut kukkuneriusumillu il.il. toqqaaneq

§ 39. Ingerlatseqatigiiffimmik aningaasaliiffiusumik pilersitsinerup atatillugu ingerlatseqatigiiffiup aningaasaliiffiusup aqutsisuinik kukkuneriusumillu toqqaasoqarsimangippat, pilersitsinerup uppersaatait atsiorneqarneriniit kingusinnerpaamik sapaatit akunneri tallimat qaangiutsinnagit ingerlatseqatigiiffiup aningaasaliiffiusup aqutsisuinik kukkuneriusumillu toqqaasoqarnissaanik ingerlatseqatigiiffimmi aningaasaliiffiusumi pilersitsisut ataatsimeersuassapput. Pilersitsineq aamma aqutsisut toqarneqartut kiisalu kukkuneriusoq nalunaarsorneqassapput imaluunniit nalunaarutigineqarlutik, § 9 tak.

Nalunaarsuineq

§ 40. Pilersitsinerup uppersaatait atsiorneqarneraniit kingusinnerpaamik sapaatit akunneri tallimat qaangiutsinnagit aningaasaatit ingerlatseqatigiiffik Erhvervsstyrelsen qarasaasiaqarfini nalunaarsorneqassaaq imaluunniit nalunaarsorneqarnissaanut nalunaarutigineqassaaq, § 9 tak. Piffissap taassuma naanissaa sioqqullugu nalunaarsorneqarsimangippat imaluunniit nalunaarut Erhvervsstyrelsimi tiguneqarsimangippat nalunaarsorneqarneq pisinnaangilaq.

Imm. 2. Ingerlatseqatigiiffik aningaasaliiffiusoq nalunaarsorneqarsinnaangilaq, aningaasaatit tamarmiusut ikinnerpaamik 25 pct.-ii, taamaattorli ikinnerpaamik 50.000 kr.-t, § 4, imm. 2 tak., akilerneqarsimangippata, § 33, imm. 1, oqaaseqatigiit siulliit tak. Sinneqartumik naleqartitsisoqarsimappat taanna § 33, imm. 1 naapertorlugu akilerneqarsimassaaq. Imm. 1 malillugu nalunaarsorneqarnermi imaluunniit nalunaaruteqarnermi kingusinnerpaamik piffissami nalunaarsorneqarnermi imaluunniit nalunaaruteqarnermi aningaasaatit ingerlatseqatigiiffimmut akilerneqarsimaneri pillugu uppersaatait nassiunneqassaaq.

Imm. 3. Ingerlatseqatigiiffiup aningaasaliiffiusup pilersinneqarnera pilersitsinerup allagartap ullormit atsiorneqarneraniit imaluunniit pilersitsinerup allagartami allanneqartumi ullormit kingusinnerusumiit inatsisitigut sunnuteqalissaaq, taamaattorli imm. 4 aamma 5 tak.

Imm. 4. Ingerlatseqatigiiffimmi aningaasaatit aningaasaliinermi aningaasanik akilerneqarpata pilersitsinerup allagartap atsiorneqarneraniit qaammatinik aqqaneq marlunnik kingusinnerusumik pilersitsineq inatsisitigut sunnuteqalersinnaangilaq.

Imm. 5. Ingerlatseqatigiiffik pilersitsinerup atatillugu aningaasaanngitsunik nalilinnik allanik tigusaqassappat aningaasaatitigut ingerlatseqatigiiffiup nalunaarsorneqarneranut

imaluunniit nalunaarsorneqarnissamut nalunaarutigineqarneranut piffisami kingusinnerusumik pilersitsineq inatsisitigut sunnuteqalersinnaanngilaq, imm. 1 tak.

Imm. 6. Pilersitsinermut atatillugu ingerlatseqatigiiffik aningaasaliiffiusumik suliffeqarfimmik pioreersumik tigusippat imaluunniit suliffeqarfimmi allani piginneqataassutinik aalajangiisunik tigusaqarpat, suliffeqarfimmi aningaasaliissutigineqartumi, imaluunniit aningaasaatinut tunngasumi ukiumi naatsorsuusiorfiusumi ullormit siullermiit naatsorsuutit eqqarsaatigalugit pilersitsineq sunnuteqalissaaq.

§ 41. Ingerlatseqatigiiffik aningaasaliiffiusoq, nalunaarsorneqarsimanngitsoq, pisinnaatitaaffinnik pissarsisinnaanngilaq, pisussaaffeqalersinnaanngilaq imaluunniit eqqartuussivimmi suliameq qataaasuusinnaanani, ingerlatseqatigiiffimmi aningaasaatinik pisiumalluni nalunaarutigineqartunik akileeqqusinermut eqqartuussisunut suliassanngortitsinerit aamma pisiumalluni nalunaarnernut tunngasut eqqartuussisunut suliassanngortitsinerit eqqaassanngikkaanni. Ingerlatseqatigiiffiup taaguutiminut ilanngutissavaa oqaaseq »pilersinneqarnialersoq«.

Imm. 2. Ingerlatseqatigiiffik aningaasaliiffiusoq pilersitsinermi allagartap atsiorneqarneranut ullup kingornaniittumik inatsisitigut sunnuteqalersillugu ulloqartillugu pilersinneqarpat, § 40, imm. 3-5 tak., piffissami ingerlatseqatigiiffiup aningaasaliiffiusup pilersinneqarnerata inatsisitigut sunnuteqalernissaata tungaanut ingerlatseqatigiiffik aningaasaliiffiusoq sinnerlugu pisinnaatitaaffinnik imaluunniit pisussaaffinnik pissarsisoqarsinnaavoq.

Imm. 3. Pilersitsinermi allagartap ullormi atsiorneqarnerata kingorna, kisiannili nalunaarsorneqarneq sioqqullugu, ingerlatseqatigiiffik aningaasaliiffiusoq sinnerlugu pisussaaffeqalerpat inuit pisussaaffeqalersitsisut imaluunniit tamatumunnga akisussaaqataasut nammaqatigiillutik akisussaatinneqassapput. Nalunaarsorneqarnermi pilersitsinermi allagartap malitsigisaanik pisinnaatitaaffiit pisussaaffiillu imaluunniit pilersitsinermi allagartap atsiorneqarnerata kingorna ingerlatseqatigiiffimmut aningaasaliiffiusumut pisuutinneqartussat ingerlatseqatigiiffimmit aningaasaliiffiusumit tiguneqassapput.

Imm. 4. Ingerlatseqatigiiffiup aningaasaliiffiusup nalunaarsorneqarnera sioqqullugu isumaqatigiissuteqartoqarsimappat, isumaqatigiissuteqarfigineqartullu aappaat ilisimasimappagu ingerlatseqatigiiffik aningaasaliiffiusoq nalunaarsorneqarsimanngitsoq, taassuma isumaqatigiissut atorunnaarsissinnaavaa, nalunaarsorneqarneq § 40, imm. 1 malillugu piffissaliussap naanerani kingusinnerpaamik Erhvervsstyrelsip qarasaasiaqarfiani pisimanngippat, imaluunniit nalunaarsorneqarnissaaq naaggaarneqarpat. Tamannali allamik isumaqatigiittoqarsimappat atuutissanngilaq. Ingerlatseqatigiiffik aningaasaliiffiusoq nalunaarsorneqarsimanngitsoq isumaqatigiissuteqarfigineqartup ilisimasimanngippagu, ingerlatseqatigiiffiup aningaasaliiffiusup nalunaarsorneqarsimannginnerani isumaqatigiissut taanna atorunnaarsinneqarsinnaavoq.

Kingornatigut pissarsinerit

§ 42. Ingerlatseqatigiiffiup aningaasaliiffiusup qitiusumik aqutsisui pilersitsisuniit, aningaasaatinik piginnittuniit aamma ingerlatseqatigiiffiup aningaasaliiffiusup aqutsisuini ilaasortaniit pigisanik nalilinnik pissarsinerit ingerlatseqatigiiffimmut, taassuma aningaasaatinik piginnittuinut imaluunniit akiligassaqarfiinut ajoqusiinnginnissaanut akisussaapput.

§ 42 a. Ingerlatseqatigiiffiup aningaasaliiffiusup pilersitsisumiit pigisanik nalilinnik pissarsinera ataatsimeersuarnermit akuerineqassaaq.

1) pissarsineq piffissami pilersitsinermit allagartap atsiorderanit ullormiit aamma aktieselskabip nalunaarsorneqarnerata kingorna qaammatit 24-t tikillugit pisimappat, aamma
2) akissarsiat ingerlatseqatigiiffiup aningaasaataasa minnerpaamik qulerarterutaanut naapertuuppata.

Imm. 2. Aktieselskabimi qitiusumik aqutsisut pissarsinerup akuerineqarnissaa pillugu ataatsimeersuartut aalajangiinissaannut atugassamik pissarsinermit pisut erseqqinnerusut pillugit nassuiaasiussapput.

§ 43. Pilersitsisumiit pigisanik nalilinnik aktieselskabi pissarsippat aamma pissarsineq § 42 a, imm. 1-imut ilaappat §§ 36 aamma 37-mi aalajangersakkat malillugit nalilersuinermit nalunaarusiortoqassaaq, pissarsineq § 38-mut ilaanngippat.

Imm. 2. Pissarsiarineqartoq imm. 1 malillugu suliffeqarfiuppat pioreersoq, taamaattoq oqimaatigiissitsineq § 36, imm. 3 malillugu suliffeqarfik tiguneqartoq pillugu tigusernermi oqimaatigiissitsinermit suliaqartoqassaaq.

§ 44. Qitiusumik aqutsisut nassuiaat, § 42 a, imm. 2 tak., aamma nalilersuinermit nalunaarusiaq imaluunniit aqutsisut nalunaarutaat, § 43 tak., Erhvervsstyrelsen qarasaasiaqarfiani pissarsinerup ataatsimeersuartunit akuerineqarneraniit kingusernerpaamik sapaatit akunneri tallimat qaangiutsinnagit tamanut saqqummiutissavaat.

Imm. 2. §§ 42 a aamma 43 aktieselskabip ileqqusumik niuernikkut iliuuserisaanut atorneqassanngillat.

Kapitali 4

Aningaasaatinik piginneqataassutit, piginnittut nalunaarsorsimaffiat il.il.

Aningaasaatinik piginneqataassutit

§ 45. Ingerlatseqatigiiffinni aningaasaliiffiusuni aningaasaatinik piginneqataasut tamarmik ingerlatseqatigiiffimmi naligiimmik pinnaatitaaffeqarput. Malittarisassalli aningaasaatillit assigiinngitsunut immikkoortiterneqarsinnaasut aalajangiisinnaallutik. Taamaattoqartillugu aningaasaatinik piginneqataassutini immikkoortunut ataasiakkaanut atassutit assigiinngissusaat malittarisassani allanngissaaq, aamma immikkoortut ataasiakkaat angissusaat.

§ 46. Aningaasaatinik piginneqataasut tamarmik taasisinnaatitaapput. Taamaattoq ingerlatseqatigiiffiup aningaasaliiffiusup malittarisassaani aalajangerneqarsinnaalluni aningaasaatinik piginneqataasut ilai taasisinnaatitaanngitsut, aamma aningaasaatinik piginneqataassutit taasisinerisa nalingi aningaasaatinik piginneqataassutitut allanut naleqqiullutik allaanerisut.

Imm. 2. Aningaasaatinik piginneqataassutit taasisinnaanngitsut tamanna malittarisassanit takunerisinnaappat taamaallaat sinniisoqarsinnaapput.

§ 47. Ingerlatseqatigiiffik aningaasaliiffiusoq allassimasutut nalilimmik imaluunniit aningaasaatit ilaannik piginneqataasutut imaluunniit taakku ataqatigiissillugit aningaasaatinik piginneqataassutinik atulersitsisinnaavoq.

Imm. 2. Aningaasaatit ilaannik piginneqataassutit allassimasunik naleqanngillat. Aningaasaatit ilaannik piginneqataassutit ataasiakkaat tamarmik ingerlatseqatigiiffiup aningaasaataannik annertoqatigiittumik annertussuseqarput.

Imm. 3. Ingerlatseqatigiiffiup aningaasaataannik piginneqataaneq, piginneqataassutit atulersinneqartut amerlassusaat malillugit, naliusup allassimasup aamma ingerlatseqatigiiffiup aningaasaatai aamma aningaasaatit ilaannik piginneqataassutit akornanni pissutsit malillugit allassimasumik naleqartillugit aningaasaatinik piginneqataassutinit aalajangerneqartarput.

§ 48. Aningaasaatit piginneqataassutit killilersorneqanngitsunik niuerutigineqarsinnaapput utertillugillu aningaasannqortinneqarsinnaanatik, inatsisit allatut aalajangersagaqanngippata.

Imm. 2. Aningaasaatit piginneqataassutit ateq allallugu atulersinneqassapput. Taamaattoqartillugu niuerutigineqarsinnaanerisa killeqartinneri imaluunniit aningaasannqortinnissaannut tunngasunik aalajangersakkanik malittarisassanik aalajangersaasoqarsinnaavoq.

§ 49. Aningaasaatinik piginneqataassutinik atilimmik pissarsisoq aningaasaatinik piginnittup pisinnaatitaaffiinik ingerlataqarsinnaanngilaq, pissarsisoq piginnittut allattaavianni allanneqarsimanngippat imaluunniit pissarsisup pissarsinini nalunaarutigisimanngippagu uppersarsimanngippagulu. Tamannali iluanaarutinut aamma tigusinernut allanut pisinnaatitaaffimmut aamma aningaasaatit qaffanneqarnerini piginneqataassutinut nutaanut pisinnaatitaanermut atuutinngilaq.

Imm. 2. Piginneqataassutinik qaqugumulluunniit tigungminnittup pigisaanik ataatsimik amerlanernilluunniit pissarsisoq aningaasaatinik piginnittup pisinnaatitaaffiinik ingerlataqarsinnaanngilaq, pissarsisoq Erhvervsstyrelsen qarasaasiaqarfiani allanneqarsimanngippat, §§ 57 a imaluunniit 58 tak., imaluunniit § 55 naapertorlugu pigisaqarnini pillugu ingerlatseqatigiiffimmut nalunaaruteqarsimanngippat.

Imm. 3. Pissarsisoq imm. 1 aamma 2-mi piumasaqaatinik naammassinninersoq pillugu nakkutilliinissamut qitiusumik aqutsisut akisussaapput.

Piginnittut allattorsimaffiat

§ 50. Qitiusumik aqutsisut ingerlatseqatigiiffiup pilersinneqarnerata kingorna sapinngisamik piaarnerpaamik aningaasaatinik piginnittut tamaasa pillugit allattorsimaffik pilersinneqassaaq.

Imm. 2. Piginnittut allattorsimaffiat § 52 aamma § 56, imm. 2 malillugu paasisutissat Erhvervsstyrelsen qarasaasiaqarfianut nalunaarsoneqarnerisigut ingerlanneqassaaq, § 58 tak.

Imm. 3. Malittarisassat aalajangersinnaavaat piginnittut allattorsimaffiat inummit ingerlatseqatigiiffimmit toqqarneqartumit, ingerlatseqatigiiffik sinnerlugu ingerlanneqassasoq. Malittarisassat inuup piginnittut allattorsimaffiannik ingerlatsisup atia najugaalu pillugit paasisutissanik imaqqassapput. Taanna inatsisitigut pisinnaatitaasuvoq pisussaataitaallunilu naammappoq nalunaarsorsimanermut normup Erhvervsstyrelsen qarasaasiaqarfianit takuneqarsinnaappat. Inuit piginnittut allattorsimaffinnik ingerlataqartut pillugit maleruagassanik erseqqinnerusunik Erhvervsstyrelsi aalajangersaasinnaavoq, tassunga ilanngullugu pineqartup piumasaqaatit suut naammassisimassanera.

§ 51. Piginnittut allattorsimaffiat pisortani oqartussanit pissarsiarineqarsinnaassaaq. Malittarisassat ilisimatitsissapput piginnittut allattorsimaffiat sumi ingerlanneqarnersoq, tamanna ingerlatseqatigiiffiup nalunaarsorsimasaani najukkami ingerlanneqanngippat. Piginnittut allattorsimaffiat EU/EØS-ip iluani ingerlanneqassaaq.

Imm. 2. Ingerlatseqatigiiffinni, sulisut § 140 naapertorlugu ingerlatseqatigiiffiup qullersatut aqutsisuini ilaasortamut toqqaasinnaaffiusumi, kisianni pisinnaatitaaffik taanna iluaqutigineqarnani, piginnittut allattorsimaffiat aamma sulisunut sinniisumit pissarsiarineqarsinnaassaaq. Suliffeqarfissuarmi, § 141 naapertorlugu suliffeqarfissuarmi sulisut ingerlatseqatigiiffiup qullersatut aqutsisuini ilaasortatut toqarneqarsimaffiunngitsumi, ingerlatsiviup piginnittup piginnittut allattorsimaffia Kalaallit Nunaanni suliffeqarfissuit ingerlatsivinni allani sulisunut sinniisunit pissarsiarineqarsinnaassaaq.

Imm. 3. (Kalaallit Nunaanni atulersinneqanngilaq)

Imm. 4. Malittarisassani aalajangerneqarsinnaavoq piginnittut allattorsimaffiat aamma aningaasaatinik pigineqartunit pissarsiarineqarsinnaasoq, tassunga ilanngullugu elektronikikkut, taamaattorli imm. 5 aamma 6 tak. Tamanna pillugu aalajangiineq ataatsimeersuarnermit aalajangerneqassaaq, malittarisassani allannguissamut piumasarineqartumik amerlanerussuteqarfiusumik.

Imm. 5. Piginnittut allattorsimaffiat § 50, imm. 2 malillugu elektronikikkut pissarsiarineqarsinnaappat, Imm. 1-4 malillugu piunasaqaatini igerlatseqatigiiffiup naammassisinnaavai imm. 1-4 malillugu pisinnaatitaasut elektronikikkut piginnittut allattorsimaffiannut isersinnaatilerlugit. Ingerlatseqatigiiffiup pisussaaffii naammassineqassapput ingerlatseqatigiiffiup paasissutissat, § 52 tak., Erhvervsstyrelsen qarasaasiaqarfianut (piginnittut allattorsimaffiat) nalunaarutigippagit, § 58, imm. 1 aama 2 naap.

Imm. 6. Anpartsselskabini piginnittut allattorsimaffiat piginneqataasunut ataasiakkaanit pissarsiarineqassaaq.

§ 52. Ingerlatseqatigiiffik aningaasaliiffiusoq, aningaasaatinik piginneqataassutininik ateqartillugit atulersitsisimasoq pillugu piginnittut allattorsimaffiat paasissutissanik makkuninnga imaqassaaq, taamaattorli imm. 3 tak.:

- 1) Aningaasaatinik piginnittup aningaasaatini piginneqataassutininik pigisat tamarmiusut.
- 2) Aningaasaatinik piginnittup aamma qularnaveeqqusiiffigisap atia najugaalu aamma suliffeqarfiup aqqa, Erhvervsstyrelsen qarasaasiaqarfiani nalunaarsorsimanerup normua aamma najugarisaq, imm. 2 tak.
- 3) Pissarsineq, tunisineq imaluunniit qularnaveeqqusiiffigisap pillugu ulloq, tassunga ilanngullugu aningaasaatinik piginneqataassutit annertussusaat.
- 4) Aningaasaatinik piginneqataassutininik atasut taasisinnaatitaanerit.

Imm. 2. Aningaasaatinik piginnittoq imaluunniit qularnaveeqqusiiffigisap nunami allami innuttaappat imaluunniit inatsisitigut pisinnaatitaallunilu pisussaataasooq nuna allamiuuppat, nalunaaruteqarneq, § 53, imm. 1 tak., allamik uppersaaneq ilanngunneqassaaq, aningaasaatinik piginnittup imaluunniit qularnaveeqqusiiffigisap kinaanera paatsuugassaannngitsumik qulakkeerarluni.

Imm. 3. Aktieselskabinut, pappiaqqanut aningaasanut nalilinnut toqqorsivik aqutugalugu piginnittut uppersaammik atulersitsimasunut imaluunniit piginneqataassutininik atulersitsisimasunut imm. 1 aamma 2 atorneqassanngilaq.

§ 53. Aningaasaatinik piginnittoq imaluunniit qularnaveeqqusiiffigisaq piginnittut paarlaannerat imaluunniit qularnaveeqqusiineq pillugu aningaasaatitigut ingerlatseqatigiiffimmut nalunaaruteqassaaq. Aningaasaatinik piginnittumiit imaluunniit qularnaveeqqusiiffigisamiit nalunaarut ingerlatseqatigiiffimmit tiguneqarsimassaaq piginnittut paarlaanneriniit imaluunniit qularnaveeqqusiinermiit kingusinnerpaamik sapaatit akunneri tallimat kingorna. Nalunaarut § 52-imi eqqaaneqartut aningaasaatinik piginnittoq imaluunniit qularnaveeqqusiiffigisaq nutaaq pillugit paasissutissanik imaqassaaq. Aningaasaatinik piginneqataassutininik tunniussinermi nalunaarsorneqarnissamut pisussaaffik atuutinngilaq, taamaattorli imm. 4 tak.

Imm. 2. Piginnittut paarlaannerat imaluunniit qularnaveeqqusiineq pillugu nalunaaruteqarneq piginnittut allattorsimaffianni allanneqassaaq aningaasaatinik piginnittoq imaluunniit qularnaveeqqusiiffigisaq nutaaq pillugit paasissutissat allanneqarlutik, malittarisassat malillugit pissarsinissamut akornutissaqanngippat. Ingerlatseqatigiiffiup, kiisalu piginnittut allattorsimaffiannik allattuisup, piumasarisinnaavaa pissarsisup imaluunniit qularnaveeqqusiiffigisap pisinnaatitaaffini uppersarsassagaa. Piginnittut allattorsimaffianni allanneq ullulerneqassaaq.

Imm. 3. Ingerlatseqatigiiffik kiisalu piginnittut allattorsimaffiannik allattuisoq aningaasaatinik piginnittumit imaluunniit qularnaveeqqusiiffigisap piumasaqarneratigut uppersarsaatip piginnittut allattorsimaffianut allanneqarnera uppersarsassavaat.

Imm. 4. Ingerlatseqatigiiffik aningaasaliiffiusoq kiisalu piginnittut allattorsimaffiannik allattuisoq piginnittuunermut uppersarsaammik allattuineq pisimasoq uppersarsaassaaq, imaluunniit malittarisassat tamanna aalajangerpassuk, piginnittuunermut uppersarsaatip toqqorneqarneranut allattuinerup pisimaneranik uppersarsaammik atsiuilluni.

§ 54. Aktieselskabi pillugu piginnittut allattorsimaffiat, piginneqataassutininik qaqugumulluunniit tigumminnittup pigisaanik atulersitsisoq, tulleriinnermi normu pillugu paasissutissamik imaqassaaq.

Aningaasaatit annertuut pillugu nalunaarut

§ 55. Kinaluunniit ingerlatseqatigiiffimmi aningaasaliiffiusumi aningaasaatinik piginneqataassutininik pigisaqartoq, tamanna pillugu nalunaarummik ingerlatseqatigiiffimmut tunniussissaaq

- 1) aningaasaatinik piginneqataassutit taasisinnaatitaanerat ingerlatseqatigiiffiup aningaasaataani taasisinnaatitaasut minnerpaamik 5 pct.-iinik annertussuseqalerpata imaluunniit ingerlatseqatigiiffiup aningaasaataanit minnerpaamik 5 pct.-iinik annertussuseqalerpata imaluunniit
- 2) pigisaqarnermut pissutsit nalunaarutigineqareersimasut allanngornerisa kingunerippagu 5, 10, 15, 20, 25, 50, 90 imaluunniit 100 pct.-imik killiliussat aamma ingerlatseqatigiiffiup aningaasaataanik taasisinnaatitaasut pingajorarterummik imaluunniit pingajorarterutit marlunni killiliussat imaluunniit ingerlatseqatigiiffiup aningaasaatai angunearlutik imaluunniit angunearunnaarsimallutik.

Imm. 2. Imm. 1 malillugu piginninnermut ilanngullugu naatsorsuutigineqassaaq

- 1) aningaasaatinik piginneqataassutit, § 7-imi taaneqartunut atassuteqarnermigut pineqartup nakkutigisaanut suliffeqarfik taasisinnaatitaalerluni, aamma

2) aningaasaatinik piginneqataassutit, pineqartup qularnaveeqqutitut inississimasai, qularnaveeqquisiiffigisap taasisinnaatitaaneq oqartussaaffiginngippagu aamma taassuma ingerlanneqarnissaanik siunertaqarluni nalunaaruteqarsimangippat.

Imm. 3. Pigisaqarneq pillugu aamma imm. 1 aamma 2 malillugu aningaasaatinik piginneqataassutitik pigisaqarneq pillugu nalunaaruteqarnissaq pillugu maleruagassanik erseqqinnerusunik Erhvervsstyrelsi aalajangersaasinnaavoq. Aamma Erhvervsstyrelsi, imm. 1-imik saneqqussisunik, maleruagassanik aalajangersaasinnaavoq, aktieselskabini piginneqataassutitut tunngatillugu, niuerfimmi killeqartumi imaluunniit assigiinngitsut peqataaffigisaanni niuernermi atortuni niuernissamut atugassat piginneqataassutit, tassunga ilanngullugu sivikinnerusumik piffissaliilluni nalunaaruteqarnissaq pillugu maleruagassat.

§ 56. § 55 malillugu nalunaarut ingerlatseqatigiiffimmut tunniunneqassaaq, § 55, imm. 1-imi killiliussat arlaata anguneqarnerata imaluunniit anguneqarunnaarnerata kingorna kingusinnerpaamik sapaatit akunneri marluk kingorna. Ingerlatseqatigiiffiup paasisutissat piginnittut allattorsimaffiannut allassavai.

Imm. 2. Nalunaarut aningaasaatinik piginneqataassutitik pissarsinerup imaluunniit tunisinerup ullua, aningaasaatini piginneqataassutit amerlassusai, aamma taakku immikkoortunut sunut ataneri, aningaasaatinik piginnittut atii tamarmiusut, najugaqarfii aamma cpr-normui imaluunniit suliffeqarfiit eqqarsaatigalugit taaguutai, Erhvervsstyrelsip qarasaasiaqarfiani nalunaarsorsimanerup normua aamma najugaq pillugu paasisutissanik imaqaassaaq. Aningaasaatinik piginnittoq cpr-normoqanngippat imaluunniit Erhvervsstyrelsip qarasaasiaqarfiani nalunaarsorsimanermik normoqanngippat, nalunaarummut ilanngunneqassaaq uppersaat alla, pineqartup paatsuugassaannigitsumik kinaaneramik qulakkeerisoq. Tamanna pillugu maleruagassanik erseqqinnerusunik Erhvervsstyrelsi aalajangersaasinnaavoq.

Imm. 3. Nalunaarut aamma aningaasaatinik piginneqataassutit annertussusai aamma nalii aamma taasisinnaatitaanerit tassunga atasut pillugit paasisutissanik imaqaassaaq. Ingerlatseqatigiiffimmut nalunaarut § 53, imm. 1 malillugu nalunaarummut atatillugu tunniunneqarsinnaavoq.

§ 57. Naalagaaffiup akiteselskabiini piginneqataassutitik pigisaqarneq pillugu § 55 malillugu nalunaaruteqarneq pillugu maleruagassanik Erhvervsstyrelsi aalajangersaassaaq, § 351 tak., tassunga ilanngullugu uku pillugit,

- 1) piginnittutut suut ilanngullugit naatsorsuutigineqassanersut, aamma
- 2) ingerlatseqatigiiffimmut nalunaarut sapinngisamik piaarnerpaamik pissasoq.

*Piginneqataassutitik qaqugumulluunniit tigumminnittut annikitsunik piginnittut
nalunaarsorneqarneri*

§ 57 a. Ataatsimik arlalinnilluunniit piginneqataassutitik qaqugumulluunniit tigumminnittoq pigisalik, ingerlatseqatigiiffiup aningaasaataanik taasisinnaatitaaffiusut 5 pct.-iini annikinnerusunik imaluunniit ingerlatseqatigiiffiup aningaasaataa 5 pct.-iini annikinnerusunik piginnittoq, pissarsiarineqarneraniit kingusinnerpaamik sapaatit akunneri tallimat qaangiutsinnagit Erhvervsstyrelsip qarasaasiaqarfiani nalunaarsorneqarsimassaaq, taamaattorli imm. 4 tak.

Imm. 2. Imm. 1 naapertorlugu nalunaarsorneqarneq pissarsinerup ullua, qaqugumulluunniit tigumminnittut pigisallit amerlassusai, aamma pissarsisup atii tamarmiusut, najugaqarfii

aamma cpr-normui imaluunniit suliffeqarfiit eqqarsaatigalugit taaguutai, Erhvervsstyrelsen qarasaasiaqarfiani nalunaarsorsimanerup normua aamma najugaq pillugu paasisutissanik imaqaassaaq. Pissarsisoq cpr-normoqanngippat imaluunniit Erhvervsstyrelsen qarasaasiaqarfiani nalunaarsorsimanermik normoqanngippat, nalunaarummut ilanngunneqassaaq uppernarsaat alla, pineqartup paatsuugassaanngitsumik kinaaneramik qulakkeerisoq.

Imm. 3. Imm. 1-ip malitsigisaanik nalunaarsorneqarsimasunik ataatsimik arlalinnilluunniit piginneqataassutinik qaqugumulluunniit pigisanik tunniussinermi tunniussisup piginneqataassutinik tiggumminnikkunnaarnera pillugu tunniussinermi kingusinnerpaamik sapaatit akunneri tallimat qaangiutsinnagit Erhvervsstyrelsen qarasaasiaqarfiani nalunaarsorneqassaaq, taamaattorli imm. 4 tak.

Imm. 4. Imm. 1 aamma 3 malillugu nalunaarsorneqarnissaanut pisussaaffik atuutissanngilaq, piginneqataassutit qaqugumulluunniit tiggummineqartut pigisat pissarsiarineqartut tunniunneqartullu niuerfimmik naleqqussakkami niuernermit ilaappata.

Imm. 5. Paasisutissat, imm. 1 aamma 3 malillugu nalunaarsorneqarsimasut, taamaallaat pisortani oqartussanut ingerlateqqinneqarsinnaapput. Paasisutissanik ingerlatitseqqinneq taamaallaat pisinnaavoq paasisutissat nakkutilliilluni misissuillunilu sulinerup isumagineranut pisortani oqartussanut pisariaqarpata aamma ingerlatitseqqinneq inuk pillugu paasisutissanik suliarinninneq pillugu inatsimmut peqqussutikkut Kalaallit Nunaanni atulersinneqartumut naapertuuppat.

Imm. 6. Piginneqataassutit qaqugumulluunniit tiggummineqartunik pigisallit pillugit piginnittunik paasisutissanik aqutsisoqarfiup qarasaasiaqarfiani nalunaarsuineq pillugu maleruagassanik erseqqinnersunik Inuussutissarsiornermut aqutsisoqarfik aalajangersaassaaq, tassunga ilanngullugu paasisutissat suut pissarsisup imaluunniit tunniussisup nammineerluni styrelsen qarasaasiaqarfiani nalunaarsorsinnaanerai.

Piginnittunik nalunaarsuiffik

§ 58. Ingerlatseqatigiiffik, § 55, imm. 1 malillugu nalunaarummik ingerlatseqatigiiffiup tigusineraniit sapinngisamik piaarnerpaamik Erhvervsstyrelsen qarasaasiaqarfiani paasisutissanik nalunaarsuissaaq.

Imm. 2. Ingerlatseqatigiiffik aamma imm. 1 malillugu nalunaarutigineqartunut paasisutissanut allannguutit sulluunniit sapinngisamik piaarnerpaamik nalunaaruteqassaaq, allannguinerup kingunerisaanik § 55, imm. 1-imi killiliussat arlaat anguneqarpat imaluunniit anguneqarunnaarpat.

Imm. 3. Imm. 1 aamma 2 naapertorlugu paasisutissat tigguneqartut Erhvervsstyrelsen qarasaasiaqarfiani tamanut saqqummiunneqassapput. Nalunaarsuineq pillugu kapitali 2-mi maleruagassat taamaaqataanik atorineqassapput.

Piginnittut uppernarsaataat

§ 59. Piginnittup uppernarsaataa aningaasaatinik piginneqataassummik ataatsimik arlalinnilluunniit imaqarsinnaavoq. Piginnittup uppernarsaataani, aningaasaatinik piginneqataassutinik arlalinnut tunngasumi, aningaasaatini piginneqataassutit ataasiakkaat annertussusai imaluunniit nalinga allassimasooq allanneqarsimassaaq. Piginnittup uppernarsaataani piginneqataassutinik qaqugumulluunniit tiggummineqartunik pigisamik ataatsimik arlalinnilluunniit imaqartumi piginneqataassutit qaqugumulluunniit tiggummineqartut pigisat tullerriaartuni normui allanneqassapput.

§ 60. Qitiusumik aqutsisut piginnittut uppersaataannik atulersitsinermik aamma atorunnaarsitsinermik aalajangiisinaapput. Piginnittut uppersaataannik taamaallaat atulersitsisoqarsinnaavoq tamanna malittarisassani aalajangerneqarsimappat, taamaattorli § 64, imm. 1 tak., imaluunniit piginnittut uppersaataat niuerutigineqarsinnaallutik pappiaraappata imaluunniit piginneqataassutitut qaqugumulluunniit tigumminnittup pigisaatut atulersinneqarpata, tamatumalu kingorna aningaasaatini piginneqataassutitut tamanut piginnittut uppersaataannik atulersitsisoqarluni, pappialanut aningaasanik nalilinnut toqqorsivikkut piginnittut uppersaataa atulersinneqanngippata, kunngip peqqussuteqarneratigut Kalaallit Nunaanni atulersinneqartumi pappiaqqanik aningaasanik nalilinnik niuerneq il.il. pillugu inatsimmi § 7, imm. 1, nr. 3 tak.

Imm. 2. Piginneqataassutit niuerutigineqarsinnaanerini killilersuinerit atuuppata imaluunniit piginneqataasut piginneqataassutitut akilerlugit utertitsinnissaannut pisussaaffeqarpata piginneqataassutitut allagartaq qaqugumulluunniit tigumminnittussamut atulersinneqarsinnaanngilaq, soorlu aamma taakkua aktieselskabimut naleqqiullugu sunniuteqartumik qaqugumulluunniit tigumminnittussamut tunniunneqarsinnaanngitsut.

Imm. 3. Aningaasaatinik pisiumalluni nalunaarneq Erhvervsstyrelsip qarasaasiaqarfiani nalunaarsorsimalersimatinnagu piginnittut uppersaataat tunniunneqaqquusaanngillat. Aningaasaatinik piginneqataassutit atilerlugit allanneqarsimasut taamaallaat piginnittut nalunaarsorsimaffianni allanneqarsimasunut aningaasaatinik piginnittunut tunniunneqaqquusaapput.

Imm. 4. Piginnittup uppersaataani ingerlatseqatigiiffiup taaguutaa, najugaqarfia aamma nalunaarsorneqarnermi normua, aningaasaatinik piginneqataassutit annertussusaat imaluunniit nalingi allanneqarsimasut allassimassapput, aamma piginneqataassutit qaqugumulluunniit tigummineqartut pigisallit pillugit tullerriaarnermi normu allanneqassalluni. Piginnittut uppersaataanni aamma piginnittup uppersaataa atia allassimassanersoq imaluunniit qaqugumulluunniit tigumminnittumut allassimassanersoq, kiisalu piginnittup uppersaatiup ulloq imaluunniit qaammat atulersinneqarnera allanneqarsimassalluni. Piginnittut uppersaataat qitiusumik aqutsisunit atsiorneqassaaq. Atsiorterli maskiinat atorlugit allanneqarsinnaalluni.

Imm. 5. Malittarisassat malillugit assigiinngitsunik inissinneqartunik aningaasaatinik piginneqataassutit atulersitsisoqarsinnaappat piginnittup uppersaataani allassimassaaq inissiffimmi sorlermut taanna ilaanersoq.

Imm. 6. Piginnittup uppersaataani aamma allanneqassapput aalajangersakkat malittarisassani makku pillugit imaqartut

- 1) aningaasaatinik piginneqataassutit taasisinnaatitaanermut piumasaqaatitut allassimassasut,
- 2) aningaasaatinik piginneqataassutit ilaannut immikkut pisinnaatitaaffiit atasut,
- 3) aningaasaatinik piginnittut aningaasaatinik piginneqataassutitut akilerlugit utertinnissaannut pisussaaffeqartut,
- 4) aningaasaatinik piginneqataassutit tassaassanngitsut pappiaqqat niuerutigineqarsinnaasut,
- 5) aningaasaatinik piginneqataassutit niuerutigineqarsinnaaneri killilersuinerit atuuttut, aamma
- 6) aningaasaatinik piginneqataassutit tammassagaluarpata eqqartuussutitaqanngitsumik atorunnaarsinneqarsinnaassasut.

Imm. 7. Piginnittut uppersaataanni allassimassaaq tunniunneqareernermit kingorna imm. 6, nr. 3-5-imi pissutsit pillugit aalajagersaasoqaratarsinnaasoq, piginneqataasut inatsisitigut inissisimanerannik allanngortitsisumik. Taamatut allanngortitsisoqassappat, qitiusumik

aqutsisut sapinngisamik isumagissavaat piginnittut uppersaataat tamatuminnga uppersaaserneqarnissaat imaluunniit nutaanik taarserneqarnissaat.

Pappialanut aningaasanik nalilinnut toqqorsivik aqutigalugu piginneqataassutinik atulersitsineq

§ 61. Piginneqataassutit allagartaat pappialanut aningaasanik nalilinnut toqqorsivimmiit allagartaliuunneqartut pillugit ingerlatseqatigiiffiup aningaasaliiffiusup qitiusumik aqutsisuisa isumagissavaat toqqorsiviup piaartumik makkuninnga kingusinnerusukkullu allannguutaannik ilisimatinneqarnissaa:

- 1) Ingerlatseqatigiiffiup aqqa, najugaqarfia, allakkanik nassiussarsisarfia aamma aningaasaatitigut ingerlatseqatigiiffinnik nalunaarsuiffimmi normua,
- 2) Ingerlatseqatigiiffimmi aningaasaliissutit piginneqataassutinut qanoq amerlatigisunut agguataarsimanerat, annertussusaat, piginneqataassutinullu piginnittup aqqani nalunaarsorsimasut eqqarsaatigalugit, taakku piginnittaasa aqqi najugaallu. Piginneqataassutit assigiinngitsunik klassilerneqarsimappata, assigiinngiaartut tamaasa immikkut paasissutissartaat ilanngunneqassapput.

3) Piginneqataassutit ilaat immikkut pisinnaatitsinersut imaluunniit pisussaatsinersut.

4) Piginneqataassutit nalunaarsorneqassasut taasisinnaanissamut piumasaqaatit.

Imm. 2. Piginneqataassutit pappialanut aningaasanik nalilinnut toqqorsivik aqutigalugu allagartaliuunneqarsinnaanngillat ingerlatseqatigiiffik Erhvervsstyrelsen qarasaasiaqarfiani nalunaarsoreertinnagu.

Imm. 3. Aningaasaliissutit amerlineqaleraangata, piginneqataassutinut, aningaasat sillimmataasut nuunneqarnerisigut pilersinneqartunut, piseqqaartussaataanerit pisinnaatitaanerillu nalunaarsorneqarnissaat qitiusumik aqutsisut qulakkiissavaat, piginneqataassutinik nutaanik pisissagaanni immikkut pisinnaatitaaffiit qanoq amerlatigisut pisariaqarnersut allanneqarluni. Piginneqataassutit nutaat allagartaanni piginneqataassutit ingerlatseqatigiiffimmi qaqugukkut pisinnaatitaaffeqalissanersut allanneqassaaq.

Aningaasaliissutit amerlineqarnerat aktieselskabet nalunaarsuiffianni nalunaarsorneqarsimangippat imaluunniit piginneqataassut tamakkiisumik akilerneqarsimangippat, qitiusumik aqutsisut tamatuma pappialanut aningaasanik nalilinnut toqqorsivimmi nalunaarsorneqarnissaa isumagissavaat.

Imm. 4. Aningaasaliissutinik ikililerinissaq ikililerissutaasussallu aalajangiunneqariapata tamatuma pappialanut aningaasanik nalilinnut toqqorsivimmut nalunaarutigineqarnissaa qitiusumik aqutsisut qulakkiissavaat.

Imm. 5. Imm. 1-4-mi taaneqarsimasut paasissutissiissutissat pillugit erseqqinnerusumik Erhvervsstyrelsen malittarisassaliorsinnaavoq.

§ 62. Aktieselskabip ataatsip piginneqataassutai pappialanut aningaasanik nalilinnut toqqorsivik aqutigalugu atulersinneqassappata § 61-imi taaneqartunik paasissutissanik ingerlatseqatigiiffik sapinngisamik piaarnerpaamik pappialanut aningaasanik nalilinnut toqqorsivimmut nassiussissaaq.

Imm. 2. Aktieselskabip piginneqataassutinut allagartaatai aningaaserivimmut tunniunneqassapput pappialanut aningaasanik nalilinnut toqqorsiviup tunniusseqqusinermini ileqqoreqqusaa naapertorlugu. Piginneqataasooq ingerlatseqatigiiffillu tunniusseqqusummi piumasarineqartut paasissutissat tunniutissavaat.

Imm. 3. Aktieselskabip pappialanut aningaasanik nalilinnut toqqorsivik aqputigalugu piginneqataassutit allagartaliuunneqarnerinut aningaasartuutit tamaasa aningaasartuutigissavai. Ingerlatseqatigiiffik aningaaserivinnik kontoqarfiusunik ataatsimik arlalinnilluunniit isumaqatigiissuteqassaaq piginneqataasunit ingerlatseqatigiiffimmut akiligassanngorlugit

- 1) piginneqataassutitik il. il. tassani nalunaarsorlugillu toqqorsimasinnaagaat, aamma
- 2) iluanaarutisisoqartillugu nalunaarutisisassasut il.il. ukiumoortumillu kontomik imaasa allassimaffianik pisassasut.

Imm. 4. Piginneqataasut namminneq aningaaserivimmik kontoqarfimminnik innersuussisinnaatitaapput, ingerlatseqatigiiffiup nr. 1 aamma 2 naapertorlugit suliaasaanik isumaginnittussamik, aningaaseriviup ingerlatseqatigiiffimmut kiffartuussinissaminut akigititassaa ingerlatseqatigiiffiup aningaaserivimmut isumaqatigiissuteqarfigisimagaluakkaminut atugassaraluanut assinguppat.

§ 63. Ingerlatseqatigiiffimmi piginneqataassutit pappialanut aningaasanik nalilinnut toqqorsivimmi nalunaarsorneqarnissaannik peqqussutip tunniunneqarneraniit ukiut pingasut qaangiunneranni piginneqataassutit tamarmik nalunaarsorneqarsimangippata, qitiusumik aqutsisut Erhvervsstyrelsip qarasaasiaqarfiani nalunaaruteqarnikkut piginneqataasut kajumissaarsinnaavaat qaammatit arfinillit qaangiutsinnagit piginneqataassutitik nalunaarsoqqullugit. Piffissap naanerani nalunaarsuisoqarsimangippat, qitiusumik aqutsisut piginneqataassutit, piginneqataasut akiligassaannik, pappiaqqanik aningaasanik nalilinnik tuniniaasartoq aqputigalugu tuniniassavaat, tak. pappialanik nalilinnik niuerneq il. il. pillugit inatsimmi kunnqip peqqussuteqarneratigut Kalaallit Nunaanni atortussanngortinneqartumi § 4, imm. 1. Aktieselskabi nalunaaruteqarnermini tunisinermi iluanaarutit tunisinermi ukiut pingasut qaangiunneranni aaneqarsimangippata ingerlatseqatigiiffimmut tigusassanngortinneqassapput.

Piginnittut uppernarsaataannik atorunnaarsitsineq

§ 64. Ingerlatseqatigiiffiup piginneqataassutai niuerfimmi naleqqussakkami tuniniagassanngortitaasimappata ingerlatseqatigiiffimmiit piginneqataassutit allagartaannik tunineqarnissaq piginneqataassutillit piumasarisinnaanngilaat.

Imm. 2. Ingerlatseqatigiiffik aningaasaliiffiusoq piginnittut uppernarsaataannik tunniussaqaarsimaguni, peqqussummut naapertuuttut maleruagassat malillugit sivikinnerpaamik qaammatinik pingasunik piffissaliilluni taakku atorunnaarsinnissaannut ingerlatseqatigiiffik arsaarinnissinnaavoq aamma ingerlatseqatigiiffiup malittarisassai ileqqussumik ataatsimeersuarnissamut aggersaasarnermi atuullutik, kiisalu aningaasaatinik piginnittunut tamanut allakkatigut nalunaaruteqarnikkut, taakku piginnittut nalunaarsorsimaffianni allanneqaarsimallutik. Pisinnaatitaaffiit aningaasaatinik piginnittunut atuuttut aatsaat piginnittut uppernarsaataat ingerlatseqatigiiffimmut aningaasaliiffiusumut tunniunneqarpata atorniarneqalersinnaallutik., piginneqataassutit allagartaat ingerlatseqatigiiffimmut tunniunneqareerpat. Tamannali iluanaarutisisinnaatitaanermut akiliutissanullu allanut kiisalu aningaasaliissutinik qaffaanikkut nutaanik piginneqataassuteqalersinnaatitaanermut tunngatillugu atuutinneqassanngilaq.

Imm. 3. Imm. 1 piginneqataassutinut niuerutigineqarsinnaasunut imaluunniit qaqugumulluunniit tigungminnittussamut tunniussanut atorineqassanngilaq.

Aningaasaatinik piginneqataassutinik tunniussineq

§ 65. Aningaasaatinik piginneqataassutinik pappialanut aningaasanik nalilinnut toqqorsivik aqqutigalugu atulersinneqarsimanngitsunik, imaluunniit pigisassatut imaluunniit qularnaveeqqutissatut piginnittup uppernarsaataannik atulersitsisoqarfiunngitsunik tunniussineq tunniussisup akiligassaqarfiinut atuuttuussuseqassanngilaq, ingerlatseqatigiiffik aningaasaliiffiusoq imaluunniit piginnittut nalunaarsorsimaffiannik ingerlataqartoq, § 50, imm. 3 tak., tunniussisumiit imaluunniit pissarsisumiit tunniussineq pillugu nalunaarummik tigusaqarsimanngippat.

Imm. 2. Aningaasaatinik piginnittoq aningaasaatinik piginneqataassutit taakku pissarsisunut arlalinnut tunniussimappagit, aamma aningaasaatini piginneqataassut imm. 1-imut ilaalluni, kingusinnerusukkut pissarsisoq salliutinneqassaaq, ingerlatseqatigiiffik aningaasaliiffiusoq imaluunniit piginnittut allattorsimaffiannik ingerlataqartoq, § 50, imm. 3 tak., siullermik kingusinnerusukkut pissarsisumut tunniussineq pillugu nalunaarummik siulliulluni tigusaqarsimappat aamma kingusinnerusukkut piginnittoq ajunngitsumik isumaqarsimalluni, tassa nalunaarut ingerlatseqatigiiffimmut aningaasaliiffiusumut imaluunniit piginnittunut apuummat.

§ 66. Piginnittup uppernarsaataa allamut pigisassanngortinneqarpat imaluunniit qularnaveeqqusinneqarpat, akiitsunut allagartat pillugit inatsimmi kunngip peqqussuteqarneratigut Kalaallit Nunaanni atortussanngortinneqartumi § 14, imm. 1 aamma 2-mi aalajangersakkat taamatulli atuutissapput. Tamannali ingerlatseqatigiiffiup aningaasaliiffiusup malittarisassaani aalajangersagaq naapertorlugu paatsoorneqarsinnaanngitsumik erseqqissumillu piginnittup uppernarsaataani nangaassuteqarpat atuutissanngilaq, assersuutigalugu imaattumik taanna tassaanngitsoq pappiaaraq niuerutigineqarsinnaasooq. Piginneqataassutip allagartaa qaqugumulluunniit tigungmisup pigisaatut nalunaarsorneqarsimasooq, ingerlatseqatigiiffimmit piginnittup aqqanut allanneqarsimaneranik uppernarsaaffigineqaraluarpalluunniit, qaqugumulluunniit tigungmisumit pigineqartutut isigineqassaaq, atermik allagartamut nalunaarsuisoqanngippat.

Imm. 2. Akiitsunut allagartat pillugit inatsimmi kunngip peqqussuteqarneratigut Kalaallit Nunaanni atortussanngortinneqartumi §§ 24 aamma 25-mi aalajangersakkat iluanaarutisinermi allagartanuttaaq taamatut atuupput.

Imm. 3. Eqqartuussutitaqanngitsumik piginnittup uppernarsaataannik atorunnaarsitsineq taamaallaat pisinnaavoq ingerlatseqatigiiffiup aningaasaliiffiusup malittarisassai piginnittullu uppernarsaataa taanna pillugu aalajagersagaqarpata. Atorunnaarsitsinissamut nalunaarut Erhvervstyrelsip qarasaasiaqarfiani ilanngunneqassaaq imaattumik sioqqutsisumik nalunaarluni:

- 1) piginnittut uppernarsaataat niuerutigineqarsinnaanngitsut atorunnaarsissagaanni sivikinnerpaamik sapaatit akunneri sisamat, aamma
- 2) piginnittut uppernarsaatai allat atorunnaarsissagaanni ikinnerpaamik qaammatit arfinillit.

Imm. 4. Imm. 3-mi aalajangersakkat taamatulli pappiaqqanut qiortakkanut pappiaqqallu nusullugit peertakkat atasortaanut atuutissapput. Pappiaqqat qiortakkat eqqartuussissutitaqanngitsumik atorunnaarsinneqarsinnaapput taakkununnga atasunut piginnittut uppernarsaataannut peqataatillugit, malittarisassat allatut aalajangersaanngippata.

Kapitali 5

Niuerutigineqarsinnaasunik killiliineq aningaasanngortitsinerlu

Piseqqaartussaataaneq

§ 67. Malittarisassani aalajangerneqarsimappat aningaasaatinik piginneqataassutit ikaarsaarneranni aningaasaatinik piginnittunit allanit pigineqalissasut allalluunniit piseqqaartussaatinneqassasut, tamanna pillugu malittarisassani erseqqinnerusumik aalajangersaasoqassaaq, tassunga ilanngullugu piseqqaartussaataanerup ator neqarnissaanut piffissaliussaq pillugu. Malittarisassani aalajangersakkat taakku erseqqissumik naleqqutinngitsumik akeqartitsilerpata allatigulluunniit erseqqissumik tulluutinngitsumik piumasqaateqartitsilerlutik, aalajangersakkat taakku tamakkiisumik ilaannakuusumilluunniit eqqartuussinikkut atorunnaarsinneqarsinnaapput.

Imm. 2. Pingaarnertut isumaqatigiinniarnermi atugassatut, imm. 1, oqaaseqatigiit aappaat tak., erseqqissumik naleqqutinngitsumik akeqartitsilerneq pinersoq pillugu nalilersuinissamut, aamma akimik aalajangiinissamut imm. 3-mi naliliisartut nalunaarutigineqarneri pillugit maleruagassat illuatungeriinnit ator neqarsinnaapput.

Imm. 3. Malittarisassat piseqqaartussaataanerup iluaqutigineqarnerani akip naatsorsornissaannut tunngavissaq pillugu aalajangersakkanik imaqqanngippata, akigititassaq, taanna pillugu isumaqatigiinneq anguneqqanngippat, ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumit naliliisartumit aningaasaatini piginneqatigiissutit nalingat aalajangerneqassaaq. Naliliisartup aalajangiinera eqqartuussivimmut suliassanngortinneqarsinnaavoq. Tamanna pillugu suliassaq naliliisartup nalunaarutaanik tiguneqarneraniit kingusinnerpaamik qaammatit pingasut qaangiutsinnagit suliassanngortinneqassaaq. Naliliisartumut aningaasartuutit, naliliisartumi naliliisoqarnissaanik kissaateqartumit aningaasaatinik piginnittumit akilerneqassapput, kisiannili naliliisartup naliliinera akiligutitamiit annertuumik allaaneruppat aamma tamakkiisumik ilaannakuusumilluunniit tunngavigineqarpat ingerlatseqatigiiffimmut akiligassanngortinneqarsinnaalluni.

Imm. 4. Aningaasaatinik piginneqataassutit arlallit allanit pigineqartussanngorpata, piseqqaartussaataaneq taakku arlaannit ator neqarsinnaanngilaq, malittarisassat taamatut pisinnaatitsinngippata.

Tunisinissamut akuersineq

§ 68. Aningaasaatinik piginneqataassutit allamit pigineqartussanngornerat akuersissutigineqarnissaa pillugu malittarisassani aalajangerneqarpat, tamanna pillugu aalajangiineq qinnuteqaatip tiguneraniit sapinngisamik piaarnerpaamik aalajangerneqassaaq. Akuersisoqarnissaa pillugu qinnuteqartoq sapinngisamik piaarnerpaamik aalajangiineq pillugu nalunaarfigineqassaaq. Qinnuteqarnerup tiguneqarneraniit kingusinnerpaamik sapaatit akunneri arfineq marluk qaangiutsinnagit nalunaaruteqartoqanngippat qinnuteqaat akuerineqarsimasutut isigineqassaaq.

Imm. 2. Malittarisassani aalajangerneqarsimappat aningaasaatinik piginneqataassutininik allanut piginnittussanngortitsineq taamaallaat ingerlatseqatigiiffimmit aningaasaliiffiusumit akuersisoqarneratigut pisinnaasoq, ingerlatseqatigiiffiup qitiusumik aqutsisut tamanna pillugu aalajangiissapput, aalajangiineq ataatsimeersuarnermut inissinneqarsimanngippat. Akuersisoqanngippat tamatumunnga tunngavilersuut nalunaarummit takuneqarsinnaassaaq imm. 1 tak.

Aningaasanngartitsineq

§ 69. Malittarisassani aningaasanngartitsinermit tunngasunik aalajangersakkanik imaqarpat, aalajangersakkat taakku aningaasanngartitsineq pillugu piumasaqaatinik, kikkullu aningaasanngartitsinissamut piumasaqarsinnaanerannik paasissutissiissapput. § 67 taamatulli atorpeqassaaq. Aningaasaatinik piginnittup aningaasaatinik piginneqataassutai ataasiakkaat tamarmiusut aningaasanngartinneqassapput, malittarisassani allanik aalajangersaasoqarsimangippat.

§ 70. Aningaasaatinik piginneqataasoq ingerlatseqatigiiffimmi aningaasaliiffiusumi piginneqataassutit qulerarterutaasa qulingiluaat sinnerlugit pigippagit, piginnitorlu taakku amerlaqataannik taasisinnaatitaappat, ingerlatseqatigiiffimmi aningaasaliiffiusumi ikinnerussuteqarlutik piginneqataasut sinnerisa aningaasaatini piginneqataassutitik aningaasaatinik piginnittumut aningaasanngartissagaat aningaasaatinik piginneqataasoq pineqartoq aalajangersinnaavaa. Taamaasiortoqassappat ikinnerussuteqarlutik piginneqataasut pineqartut ataatsimeersuaruaqqusisarneq pillugu maleruaqqusat naapertorlugit kingusinnerpaamik sapaatit akunneri arfineq marluk qaangiutsinnagit aningaasaatini piginneqataassutiminnik aningaasaatinik piginneqataasumut tunisinissaannik kajumissaarneqassapput. Ikinnerussuteqarlutik aningaasaatinik piginnittut aamma Erhvervsstyrelsen qarasaasiaqarfiani nalunaaruteqarnikkut aningaasaatinik piginnittumut aningaasanngartitsisumut aningaasaatinik piginneqataassutiminnik taamaaqataanik ilisimatitsillutik tunniussinissamut kaammattorneqassapput.

Imm. 2. Aningaasanngartitsinermit piumasaqaatit aningaasanngartitsinermit nalimut tunngavigisamik naliliineq kaammattuuteqarnermit ilisimatitsissutigineqassaaq. Aammattaaq aningaasanngartitsinermit nalip, taanna pillugu isumaqatigiinneq anguneqarsinnaangippat, § 67, imm. 3-mi maleruaqassat malillugit, ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumit naliliisartunit aalajangersarneqassasoq ilisimatitsissutigineqassaaq. Kunngip peqqussuteqarneratigut Kalaallit Nunaanni atulersinneqartumi pappiaqqat aningaasanik nalillit il.il. pillugit inatsimmi kapitali 8 malillugu tigusinissamut neqeroortip naammassineqarneranut atatillugu aningaasanngartitsineq pineqarpat tassani akinik aalajangersaaneq pillugu maleruaqassat aningaasanngartitsinermit atorpeqassapput, ikinnerussuteqarlutik aningaasaatinik piginnittup aningaasaatinik piginnittumut aningaasanngartitsisumut akip naliliisartumit aalajangersarneqassasoq pillugu qinnuteqaammik saqqummiussisimangippata, taamaattorli imm. 4 tak. Aammattaaq kaammattuummiissaaq ilisimatitsissut imm. 3, oqaaseqatigiinni siullerni eqqartorneqartoq. Tamatuma saniatigut kaammattuummiissaaq aningaasanngartitsinermit piumasaqaatit tamaasa pillugit ingerlatseqatigiiffiup aningaasaliiffiusup qitiusumik aqutsisuniit oqaaseqaat. Kiisalu nalunaarutigineqassaaq imm. 1, oqaaseqatigiit aappaanni piffissaliussap naanerata kingorna aningaasaatinik piginneqataassutit § 72, imm. 1 aamma 2 naapertorlugit ingerlatseqatigiiffiup aningaasaliiffiusup piginnittunik nalunaarsorsimaffiani aningaasaatinik piginnittup aningaasanngartitsisup atiani allanneqassasut. Siusinnerusukkut ikinnerussuteqarlutik aningaasaatinik piginnittut maannakkut aningaasanngartitsiffigineqartulli naliliisartumik naliliisoqarnissaanik piumasaqarnissamut pisinnaatitaaffeqarput, § 72, imm. 3 tak. Paasissutissat taakku imm. 1, oqaaseqatigiit pingajuat naapertorlugu nalunaarusiamit takuneqarsinnaassapput.

Imm. 3. Naliliisartut naliliinerat imaluunniit § 27, imm. 3 malillugu aalajangiinerat aningaasaatinik piginnittup aningaasanngartitsisussap neqeroortaanit

anigaasannortitsinissap nalinga qaffasinnerussagaluarpat, tamanna immikkoortuni tassani ikinnerussuteqarlutik aningaasaatinik piginnittut, naliliisoqarnissaanik kissaateqarsimangitsunut aamma atuutissaaq. Piginneqataassutinik naliliinermi aningaasartuutit piginneqataasup akilissavai, ikinnerussuteqarlutik piginneqataasut tamakkiisumik ilaannakortumilluunniit naliliinermi aningaasartuutaasimasunik akiliinissaat eqqartuussiviup immikkut pissutissaqartinnigippagu. Nalimik aalajangersaanermi aningaasartuutit nalimik aalajangersaasoqarnissaa pillugu qinnuteqaammik saqqummiussisumit akilerneqassapput. Naliliineq imaluunniit aalajangiineq aningaasaatinik piginnittup aningaasannortitsisussap neqeroorutaanit aningaasannortitsinissap nalinga qaffasinnerussappat, eqqartuussiviup naliliisussamik nalunaaruteqarsimasup aningaasartuutit tamaasa ilaannaanilluunniit akileeqqullugu aningaasaatinik piginnittoq aningaasannortitsisussaaq peqqusinnaavaa.

Imm. 4. Kajumissuseqarnikkut neqeroorutip nanginnerani aningaasannortitsinissaaq pineqarpat neqerooruteqartup neqeroorummik akuersisoqarneratigut neqeroorummut ilaasimasumut aningaasaatit taasisinnaatitaasut ikinnerpaamik 90 pct.-ii pissarsiarisimappagit akiusooq qanorluunniit pisoqaraluarpat naammaginartutut isigineqassaaq. Pisussaaffigisatut neqerooruteqarnerup kingorna aningaasannortitsineq pineqarpat neqeroorummi akiliut qanorluunniit pisoqaraluarpat naammaginartutut isigineqassaaq.

§ 71. Ingerlatseqatigiiffimmi anigaasaliiffiusumi, EU/EØS-imi nunami niuerfimmi naleqqussakkami piginneqataassutinik ataatsimik amerlanernilluunniit niueruteqartumi piginneqataassutinik pissarsinerup § 70, imm. 1 malillugu aningaasannortitsinermi, imaluunniit pappialanik nalilinnik niuerneq il.il. pillugu inatsimmi kunngip peqqussuteqarneratigut Kalaallit Nunaanni atortussannortinneqartumi § 31, imm. 1 malillugu neqerooruteqarnissamik pisussaaffeqarneq kingunerippagu pappialanik nalilinnik niuerneq il.il. pillugu inatsimmi kunngip peqqussuteqarneratigut Kalaallit Nunaanni atortussannortinneqartumi akinik aalajangersaasarneq pillugu maleruagassat atorpeqassapput, ikinnerussuteqarluni aningaasaatinik piginnittoq akit naliliisartumit aalajangersarneqarnissaat qinnutiginnigippagu, tak. § 76, imm. 3.

Imm. 2. Tigusinissamik neqeroorummik naammassisaqarnermut atatillugu aningaasannortitsineq pineqarpat, § 70, imm. 2, oqaaseqatigiit pingajuat tak., aningaasannortitsinermi akiliutigineqartoq neqerooruteqartup aallaqqaammut tigusinissamut neqeroorutaani allanneqartoq assigisinnaavaa, imaluunniit aningaasannorlugu akilerneqarsinnaalluni. Aningaasannortitsinermi ikinnerussuteqarlutik aningaasaatinik piginnittut tamatigut aningaasannorlugu akiliisoqarnissaa piumasarisinnaavaat.

Imm. 3. Tigusinissamik neqeroorummik naammassisaqarnermut atatillugu aningaasannortitsineq pillugu qinnuteqarneq, § 70, imm. 2, oqaaseqatigiit pingajuat tak., neqerooruteqartup tigusinissamik neqeroorutaani piffissap neqerooruteqarfiusussap naaneraniit kingusinnerpaamik qaammatit pingasut qaangiutsinnagit saqqummiunneqassaaq.

Imm. 4. Aningaasaatinik piginnittut sinnerisa neqerooruteqartup aningaasannortitsinissaa pillugu maleruagassanik Erhvervsstyrelsi aalajangersaasinnaavoq, tassunga ilanngullugu tigusinissamik neqeroorummik naammassisaqarnermut atatillugu piginneqataassutinik pissarsinerit qanoq naatsorsorneqarnissaat, § 70, imm. 3, oqaaseqatigiit pingajuat tak.

§ 72. Ikinnerussuteqarlutik aningaasaatinik piginnittut § 70, imm. 1, oqaaseqatigiit aappaanni aalajangersarneqartoq piffissaaq sioqqullugu aningaasaatinik piginnittumut aningaasannortitsisussamut aningaasaatinik piginneqataassutitik tunniussimangippatigut,

anigaasaatinik piginnittoq anigaasanngartitsisussaq sapinngisamik piaarnerpaamik ikinnerussuteqarluni anigaasaatinik piginnittunut pineqartunut iluaqutaasumik nangaanani anigaasaatini piginneqataassutit tunineqarsimangitsut nalinginut, anigaasanngartitsinerup anigaasartai toqqortissavai, toqqorsinermi akiitsoqartut pisussaajunnaarsitaasarnerat pillugu inatsit tak.

Imm. 2. Anigaasanik toqqorsinerup peqatigisaanik piginnittut uppernarsaataat anigaasaatinik piginneqataassutit anigaasanngartinneqartut atorunnaartutut isigineqassapput. Piginnittut uppernarsaataanni nutaani allassimassasoq piginnittut uppernarsaataannut atorunnaartunut taartaaneri pillugit uppernarsaammik pissarsinissaat ingerlatseqatigiiffiup qitiusumik aqutsisuisa isumagissavaat.

Imm. 3. Siusinnerusukkut anigaasaatinik piginnittut maannakkut anigaasanngartitsiffigineqartut Erhvervsstyrelsen qarasaasiaqarfiani sivikinnerpaamik qaammatinik pingasunik ilisimatitserenikkut nutaamik nalunaaruteqarnikkut ilisimatineqassapput naliliisartumik nalilersuisoqarnissaanik piumasaqarsinnaaneq, § 67, imm. 1 tak., piffissaliussap naanerani annaaneqassasoq. Aammattaaq naliliisartup naliliineranut imaluunniit § 67, imm. 3 malillugu eqqartuussutit ullua ilisimatitsissutigineqassaaq.

§ 73. Anigaasaatinik piginnittoq ingerlatseqatigiiffimmi anigaasaatinik piginneqataassutit qulerarterutaasa qulingiluaat sinnerlugit pigisaqarpat, anigaasaatinillu piginnittoq taakku amerlaqataanik taasisinnaatitaappat, ikinnerussuteqarlutik anigaasaatinik piginnittut ataasiakkaat tamarmik anigaasaatinik piginnittup anigaasanngartitsinissaa piumasarinnavaat. § 67, imm. 3, § 70, imm. 2, oqaaseqatigiit aappaat aamma imm. 3, oqaaseqatigiit aappaat aamma pingajuat taamatulli atorineqassapput.

Milliartortumik nalikilliliineq

§ 74. Ingerlatseqatigiiffiup anigaasaliiffiusup malittarisassaani anigaasaatinik piginneqataassutit anigaasanngartinnerisigut ingerlatseqatigiiffiup anigaasaataanik ikililerinissaq pillugu (milliartortumik nalikillisaaneq) aalajangersakkanik ilanngussisoqarsinnaavoq, tassunga ilanngullugu milliartortitsinerup ingerlanera pillugu aalajangersakkat.

Imm. 2. Obligationinik atulersitsisoqarneratigut anigaasaatinik piginnittut akissarsiaqartitsisoqarsinnaavoq, imm. 1 tak., malittarisassani tamanna pillugu aalajangersakkanik ilanngussisoqarsinappat.

Imm. 3. Anigaasaatinik piginneqataassutit pisiariumallugit nalunaarutigineqarsimasut pillugit milliartortumik nalikilliliinermik qitiusumik aqutsisut aallartitsinnaapput, milliartortumik nalikilliliisoqarneratigut ingerlatseqatigiiffiup anigaasaataanik ikililerinissaq pillugu aalajangersakkat malittarisassani ikkunneqareerata. Milliartortumik nalikilliliinerup naammassineqarnerata malitsigisaanik malittarisassanik allanngineq qitiusumik aqutsisunit akuerineqarsinnaavoq.

Imm. 4. Milliartortumik nalikilliliinermut atasumik anigaasaatinik ikililerinermi ingerlatseqatigiiffimmut piumasaqaatiminnik nalunaaruteqarneq pillugu ingerlatseqatigiiffiup anigaasaliiffiusup akiligassaqarfiinut kaammattuinermik Erhvervsstyrelsen qarasaasiaqarfiani tamanut saqqummiussisoqassanngilaq, piumasaqaatit uku naammassineqarsinappata:
1) Ikililerineq anigaasaatinik piginneqataassutit tamakkiisumik akilerneqarsimasut milliartortumik nalikilliliinermisigut pippat.

- 2) Aningaasaatinik piginneqataassutit akissarsiaqarfiunngitsumik imaluunniit iluanaarutinut atorneqarsinnaasut aningaasat qaangernagit akissarsiaqarfiusumik pissarsiarineqarpata, tassunga ilanngullugu obligationinik atulersitsinermi.
- 3) Aningaasaatinik piginneqataassutit atorunnaarsinneqartut naliinut naapertuuttut aningaasat immikkut aningaasaateqarfimmut inissinneqarlutik.

§ 75. (Atorunnaarpoq)

Kapitali 6

Ataatsimeersuarneq

Aningaasaatinik piginnittut aalajangiisinnaatitaanerat

§ 76. Ingerlatseqatigiiffimmi aningaasaliiffiusumi aningaasaatinik piginnittut aalajangiisinnaatitaanerat ataatsimeersuarnermi pissaaq.

Imm. 2. Aningaasaatinik piginnittut ataatsimeersuarnermi aalajangiineri, aningaasaatinik piginnittut tamarmik tamanna pillugu isumaqatigiippata, peqqussutip aamma malittarisassani ilusissatut piffissatigullu piumasqaatinik saneqqussinikkut aalajangerneqarsinnaapput, taamaattorli imm. 5 tak.

Imm. 3. Aningaasaatinik piginnittut ataatsimeersuarnermi aalajangiineri nalinginnaasumik iluseq piffissaliussarlu pillugit peqqussutip maleruagassaanik saneqqussilluni aalajangerneqarsinnaapput, taamaattorli imm. 5 tak. Tamanna pillugu aalajangiineq akerliusoqarnani aalajangerneqassaaq, tamannalu pillugu maleruagassat malittarisassani ilanngunneqassallutik. § 106 taamaaqataanik maleruagassanik allannguinermi imaluunniit atorunnaarsitsinermi atorneqarpoq. Aningaasaatinik piginnittut, ingerlatseqatigiiffiup aningaasaataanik 10 pct.-imik annertunerusumik piginnittut, tamanna pillugu piumasqaateqarpata, inuttut takkunnermi ataatsimeersuarnermi ingerlanneqassaaq.

Imm. 4. Peqqussummi matumani allanneqarsimasunit inuit allaaneruset ataatsimeersuarnermi najuussinnaanerat pillugu qitiusumik aqutsisut aalajangiisinnaapput, malittarisassani allanik aalajangiisoqarsimanngippat.

Imm. 5. Naalagaaffiit aktieselskabiini aningaasaatinik piginnittut, § 351 tak., aamma aktieselskabini EU-mi imaluunniit EØS-imi nunami niuerfimmi naleqqussakkami piginneqataassuteqartut, iluseq piffissarlu pillugit peqqussummi maleruagassanik saneqqussillutik aalajangiisinnaannngillat, imm. 2 aamma 3 tak. Aamma tamanna aktieselskabinut, inatsisikkut nalunaarutikkulluunniit tusagassiortut ataatsimeersuarnermi isersinnaanerannik aalajangerneqarsimasunut atuuppoq.

Imm. 6. Naalagaaffiit aktieselskabiini ataatsimeersuarnerit, § 351 tak., tusagassiortunut ammasuupput.

Elektronikkikkut ataatsimeersuarneq

§ 77. Malittarisassani allamik aalajangiisoqanngippat qitiusumik aqutsisut aalajangiisinnaapput ataatsimeersuarnermi inuttut takkunnermut tapiliussatut aningaasaatinik piginnittut elektronikkikkut ataatsimeersuarnermi peqataasinnaasut, tassunga ilanngullugu elektronikkikkut taasisinnaasut, ataatsimeersuarnermi inuttut takkutinnngikkaluarlutik, tassa imaappoq ilaannakuusumik elektronikkikkut ataatsimeersuarnermi ingerlatsineq, imm. 3-6 tak.

Imm. 2. Ataatsimeersuarnerup inuttut takkuttoqarnani elektronikkikkut taamaallaat ingerlanneqarnissaa ataatsimeersuartut aalajangersinnaapput, tassa imaappoq tamakkiisumik elektronikkikkut ataatsimeersuarneq, imm. 3-6 tak. Ataatsimeersuarnermi peqataanermut atatillugu elektronikkikkut atortorissaarutit qanoq atorneqarnissaat pillugu paasisutissanik alajangiineq imaqassaaq. Aalajangiineq malittarisassanut ilanngunneqassaaq. § 106 aalajangiinnermi kiisalu taassuma allanngortinnerani atorneqassaaq.

Imm. 3. Ilaannakuusumik tamakkiisumilluunniit elektronikkikkut ataatsimeersuarnermi elektronikkikkut aaqqissuussinernut atorneqartunut piumasaqaatinik erseqqinnerusunik qitiusumik aqutsisut aalajangersaassapput. Ataatsimeersuarnermi aggersaaneq tamanna pillugu paasisutissanik imaqassaaq, soorlu aamma aningaasaatinik piginnittut elektronikkikkut peqataanissamut qanoq nalunaaruteqarnissaat aggersaanermit takuneqarsinnaassasoq, aamma ataatsimeersuarnermi elektronikkikkut peqataanermut atatillugu suleriaasissaq pillugu paasisutissat tassani nassaarineqarsinnaassasut.

Imm. 4. Ilaannakuusumik tamakkiisumillu elektronikkikkut ataatsimeersuarnerup ingerlanneqarnissaanut tunngaviuvoq ataatsimeersuarnermi toqqissisimanartumik ingerlannissaanut aningaasaatitigut ingerlatseqatigiiffiup qitiusumik aqutsisuisa isumagissavaat. Aaqqissuussineq atorneqartoq imatut aaqqissuunneqarsimassaaq ataatsimeersuarnerup ingerlanneqarneranut peqqussutip piumasaqaatai naammassineqarsimassallutik, tassunga ilanngullugu aningaasaatinik piginnittut ataatsimeersuarnermi peqataasinnaanerat kiisalu oqaaseqarsinnaanerit taasisinnaanerallu. Aaqqissuussineq atorneqartoq aamma tatiginartumik aalajangersinnaassavaa aningaasaatinik piginnittut kikkut ataatsimeersuarnermi peqataassanersut, aningaasaatit suut aamma kikkut sinnerlugit taasisinnaanersut, kiisalu taasisitsinerit inernerit.

Imm. 5. Aktieselskabi qaqumulluunniit tigungminnittunik piginneqataassutininik atulersitsisimappat ullulu nalunaarsornera allanneqarsimangippat, § 84 tak., aamma aggersaanermit allanneqassaaq, imm. 3 tak., piginneqataassutininik taamatut ittunik piginnittoq qanoq ataatsimeersuarnermi elektronikkikkut peqataasinnaanertik uppernarsassaneraat.

Imm. 6. Ataatsimeersuarnerup ingerlanneqarnissaa pillugu peqqussummi aalajangersakkat pisariaqartutitigut allannguuteqartut taamaaqataanik ilaannakuusumik tamakkiisumillu elektronikkikkut ataatsimeersuarnermi atorneqassapput.

Peqataasinnaaneq taasisinnaatitaanerlu il.il.

§ 78. Aningaasaatinik piginnittoq kinaluunniit ataatsimeersuarnermi peqataasinnaavoq tassanilu oqaaseqarsinnaalluni, taamaattorli § 84, imm. 1 tak.

§ 79. Aningaasaatinik piginneqataassut peqatigiinnikkut arlalinnit pigineqarpat, aningaasaatinik piginneqataassummut atasut ingerlatseqatigiiffimmut aningaasaliiffiusumut pisinnaatitaanerit taamaallaat piginnaatitsissutikkut ataatsimoorussakkut ingerlanneqarsinnaapput.

§ 80. Aningaasaatinik piginnittut sinnerlutik sinniisuutitaqarlutik ataatsimeersuarnermi peqataasinnaapput.

Imm. 2. Sinnerluni sinniisuutitaqarneq allaganngorlugi saqqummiunneqassaaq piginnaatitsinerlu ullulereqarsimassalluni. Piginnaatitsineq qaqugukkulluunniit utertinneqarsinnaassaaq. Utertitsineq allakkatigut pissaaq aamma ingerlatseqatigiiffimmut aningaasaliiffiusup saaffiginnikkut pisinnaalluni. Aningaasaatinik piginnittut

elektronikkikkut sinnerlutik sinniisuutitassamik toqqaasinnaapput aamma piginnaatitsinermik utertitsinnaallutik.

Imm. 3. Sinniisuutitaq aningaasaatinik piginnittunit arlalinniit piginnaatitsissutinik tigusaqarsimappat sinniisuutitaq aningaasaatinik piginnittut assigiinngitsut sinnerlugit assigiinngitsunik taasisinnaavoq.

Imm. 4. Aktieselskabi niuerfimmi naleqqussakkami piginneqataassutinik niueruteqartoq, ataatsimeersuarnermi taasisinnaatitaasunut piginneqataasunut tamanut allatamik imaluunniit elektronikkikkut piginnaatitsinermik immersukkamik inissiisaaq, aamma elektronikkikkut sinniisussamik toqqaaneq pillugu aktieselskabimut nalunaaruteqarnissamut ikinnerpaamik periutsimik ataatsimik piginneqataasunut neqerooruteqassalluni. Sinniisussamik toqqaaneq, toqqaaneq aamma sinniisussamut taasisarnissamut ilitersuutinik tunniussineq pillugu aktieselskabimut nalunaaruteqarneq piginneqataasup sinniisuutitaasup kinaanerata qulakkeerneqarnissaanut pisariaqartunik piumasaqaatinik atugasaqartinneqassaaq kiisalu taasinissamut ilitersuutit imarisaasa uppersarneqarnissaat qulakkeerneqarluni, taamaallaallu ima annertutigisumik taakkununga anguniakkanut naammaginartumik naleqqiussimassallutik. Taamaaqataanik piginnaatitsinerup utertinneqarneranut atuutissallutik.

§ 81. Aningaasaatinik piginnittut imaluunniit sinniisuutitaasoq siunnersortini peqatigalugu ataatsimeersuarnermut takkussinnaavoq.

§ 82. Piginnittut isumaqatigiissutaat ingerlatseqatigiiffimmut aningaasaliiffiusumut aamma ataatsimeersuarnermi aalajangerneqartunut aalajangiinernut pituttuinnngillat.

§ 83. Aktieselskabi, niuerfimmi naleqqussakkami piginneqataassutinik niueruteqartoq, aningaaserivimmik toqqaasimappat, taanna aqputigalugu piginneqataasut aningaasatigut pisinnaatitaaffitik ingerllallugit, piginneqataasut tamatuminnga ilisimatitsissapput.

§ 84. Aktieselskabini, niuerfimmi naleqqussakkami piginneqataassutinik niueruteqartuni, ataatsimeersuarnermi piginneqataasup peqataasinnaanera aamma piginneqataasup ullormi nalunaarsuinermi piginneqataassutinik pigisai naleqqiullugit taasisinnaanera aalajangerneqassaaq.

Imm. 2. Piginneqataasup piginneqataassutinik pigisaqarnera aamma taasisinnaatitaanera piginnittut allattorsimaffianni nalunaarsorneqarsimasut aningaasaatinik piginnittunut pissutsit allattorsimasut kiisalu piginnittut allattorsimaffianni allanneqarnissai siunertaralugu aktieselskabip tigusimasai piginnittuunermut pissutsit pillugit nalunaarutit tunuliaqutaralugit ullormi nalunaarsorsimaffimmi naatsorsorneqassapput.

Imm. 3. Ulloq nalunaarsuiffik ataatsimeersuarnissap ingerlanneqarnissaa sapaatip akunneranik siusinneruvoq.

Imm. 4. Malittarisassat aalajangersinnaavaat piginneqataasup ataatsimeersuarnermi peqataanera kingusinnerpaamik ataatsimeersuarnerup ingerlanneqarnissaa ullunik pingasunik sioqqullugu aktieselskabimut nalunaarutigineqarsimassasoq. Peqataanissamut nalunaaruteqarneq piginneqataasup, nalunaaruteqarnerup pereernerata kingorna, sinniisuutitamik sinniisoqarnissaminik aalajangersinnaaneranut akornusiinngilaq.

Imm. 5. Aktieselskabini, niuerfimmi naleqqussakkami piginneqataassutinik niueruteqanngitsoq, aamma anpartsselskabini malittarisassat imatut aalajangiisinnaapput:

- 1) Imm. 1-3 taamaaqataanik atorneqassasut.
- 2) Imm. 4 taamaaqataanik atorneqassasoq.

§ 85. Ingerlatseqatigiiffiup aningaasaliiffiusup nammineq aningaasaatinik piginneqataassutai kiisalu ingerlatseqatigiiffimmi piginnittumi ingerlatseqatigiiffiup pigineqartup aningaasaatinik piginneqataassutai eqqarsaatigalugit taasisinnaaneq ingerlanneqarsinnaanngilaq. Nammineq aningaasaatinik piginneqataassutit aamma ingerlatseqatigiiffimmi piginnittumik ingerlatseqatigiiffiup pigineqartup aningaasaatinik piginneqataassutai taasisinnaanerit piginneqataassutillu naatsorsornerini ilanngullugit naatsorsorneqassanngillat. Oqaaseqatigiit aappaalli § 55 malillugu aningaasaatinik taasisinnaatitaanernillu naatsorsuinermit atuutinngilaq.

§ 86. Aningaasaatinik piginnittoq nammineerluni, sinniisuutitaqarnermigut imaluunniit allanut sinniisuunermigut, aningaasaatinik piginnittumut namminermit eqqartuussisunut suliaassanngortitaq pillugu imaluunniit aningaasaatinik piginnittup nammineq ingerlatseqatigiiffimmut aningaasaliiffiusumut akisussaanera pillugu aamma allanut imaluunniit allat akisussaanersanut eqqartuussivimmi suliaassanngortitsinermit ataatsimeersuarnermit taasinermi peqataasinnaanngilaq, ingerlatseqatigiiffimmut aningaasaliiffiusumut akerliusinnaasunik aningaasaatinik piginnittoq taakkunani annertuumik soqutigisaqarpat.

Piffissaq sumiiffillu

§ 87. Ingerlatseqatigiiffiup aningaasaliiffiusup najugarisaani ataatsimeersuarneq ingerlanneqassaaq, malittarisassat naapertorlugit allami ingerlanneqartussaataannigippat imaluunniit allami ingerlanneqarsinnaanerit aalajangersagaqannigippat. Pissutsit immikkut ittut pisariaqartitsissappata, ataatsimeersuarneq allami pisinnaavoq.

§ 88. Ileqquusumik ataatsimeersuarnermit makkununga tunngasunik aalajangiisoqassaaq:

- 1) ukiumoortumik nalunaarusiap akuersissutigineqarnera,
- 2) ukiumoortumik nalunaarusiat akuerineqarsimasut naapertorlugit sinneqartoorutit atorneqarnissaat imaluunniit amigartoorutit matuneqarnissaat,
- 3) ingerlatseqatigiiffiup aningaasaliiffiusup siunissami ukiumoortumik naatsorsuusiassaasa kukkunerisiorneqartarnissaat pillugu aalajangiinerit allanngortinneqarsinnaaneri, ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaanni atortussanngortinneqartoq inatsisiliilluunniit allat naapertorlugit kukkunerisuisitsisussaataanermit pineqannigippat, aamma
- 4) apeqqutit allat, ingerlatseqatigiiffiup aningaasaliiffiusup malittarisassai naapertorlugit ataatsimeersuarnermit suliarisassanngortinneqartut.

Imm. 2. Ileqquusumik ataatsimeersuarneq ingerlanneqassaaq sapinngisamik ima piffissaqartigaluni, ukiumoortumik nalunaarut akuerineqarsimasooq Erhvervsstyrelsimut nassiunneqarsinnaassalluni tassanilu tiguneqarsimassalluni ukiumoortumik naatsorsuusiortarneq pillugu inatsisip kunngip peqqussuteqarneratigut Kalaallit Nunaanni atortussanngortinneqartup piffissarititaa naatinngu. Ataatsimeersuarnermit ukiumoortumik nalunaarut suliarineqarsimasooq saqqummiunneqassaaq.

Immikkut ittumik ataatsimeersuarneq

§ 89. Immikkut ittumik ataatsimeersuarneq ingerlanneqassaaq qitiusumik aqutsisut, nakkutilliisut imaluunniit ataatsimeersuarnermi toqqarneqartup kukkuneriusisup tamanna piumasarisimappassuk.

Imm. 2. Anpartsselskabi piginneqataasup kialuunniit immikkut ittumik ataatsimeersuortoqarnissaa piumasarisinnaavaa. Sammisap aalajangersimasup suliarineqarnissaanut immikkut ittumik ataatsimeersuarnissaq aggersarneqassaaq piumasarineqartup saqqummiunneqarneraniit kingusinnerpaamik sapaatit akunneri marluk qaangiutsinnagit.

Imm. 3. Aktieselskabini piginneqataasut, ingerlatseqatigiiffiup aningaasaataanik 5 pct-imik imaluunniit annikinnerusunik piginnittut, malittarisassani aalajangersarneqarsimasumi, imaluunniit malittarisassanut tamatumunnga piginnaatitaasut, immikkut ittumik ataatsimeersuortoqassasoq allakkatigut piumasarisinnaavaat. Sammisap aalajangersimasup suliarineqarnissaanut immikkut ittumik ataatsimeersuarnissaq aggersarneqassaaq piumasarineqartup saqqummiunneqarneraniit kingusinnerpaamik sapaatit akunneri marluk qaangiutsinnagit.

Oqaluuserisassat

§ 90. Aningaasaatinik piginnittoq kinaluunniit ileqqusumik ataatsimeersuarnermi sammisap aalajangersimasup oqaluuserisassanut ilanngunneqarnissaanut pisinnaatitaaffeqarpoq, taamaattorli imm. 2 tak.

Imm. 2. Aktieselskabini sammisap aalajangersimasup ileqqusumik ataatsimeersuarnermi oqaluuserisassani ilanngunneqarnissaa pillugu qitiusumik aqutsisunut allakkatigut piginneqataasup saqqummiutissavaa. Piumasaqaat ataatsimeersuarnerup ingerlanneqarnissaa kingusinnerpaamik sapaatit akunneri arfinillit sioqqullugit saqqummiunneqarpat sammisap oqaluuserisassani ilanngunneqarnissaanut piginneqataasooq pisinnaatitaaffeqarpoq. Ataatsimeersuarnermi ingerlanneqarnissaa sioqqullugu sapaatit akunnernik arfinilinnik kingusinnerusumik piumasaqaammik aktieselskabi tigusaqarpat qitiusumik aqutsisut aalajangissavaat piumasaqaat piffissaagallartillugu saqqummiunneqarsimanersoq sammisaq oqaluuserisassani ilanngunneqarsinnaalluni.

Imm. 3. Aktieselskabit, niuerfinni naleqqussakkani piginneqataassutininik niueruteqartut, ileqqusumik ataatsimeersuarnerup ingerlanneqarnissaanut ulloq eqqarsaatigineqartoq kingusinnerpaamik sapaatit akunneri arfineq pingasut sioqqullugit ataatsimeersuarnerup ingerlanneqartussatut eqqarsaatigineqartup ullua kiisalu piginneqataasut sammisamik aalajangersimasumik oqaluuserisassani ilanngussinissaat pillugu piumasaqaatinik kingusinnerpaamik saqqummiussinissaanut ulloq tamanut saqqummiussissapput, piffissat marluullutik malittarisassanit takuneqarsinnaanngippata.

§ 91. Suliassat, oqaluuserisassanut inissinneqarsimanngitsut, ataatsimeersuarnermi taamaallaat aalajangiiffigineqarsinnaapput aningaasaatinik piginnittut tamarmik akuersippata. Ileqqusumik ataatsimeersuarnerli, malittarisassat malillugit taamatut ataatsimeersuarnermi suliarineqartussat suliassat pillugit tamatigut aalajangiisassapput, § 88, imm. 1 tak., aamma aalajangiillutik, soorlu aamma sammisap aalajangersimasup suliarineqarnissaanut immikkut ittumik ataatsimeersuarnissamut aggersaasoqarnissaa aalajangerneqarsinnaasoq.

Elektronikkikkut attaveqatigiinneq

§ 92. Ataatsimeersuarneq elektronikkikkut attaveqatigiinneq pillugu aalajangiisnaavoq, tassa imaappoq elektronikkikkut allagaatinik paarlaassaqatigiinnerup atorneqarnera kiisalu ingerlatseqatigiiffiup aningaasaliiffiusup aningaasaatinillu piginnittut akornanni attaveqatigiinnermi elektronikkikkut allakkat atorneqarnerat pillugu, peqqussut manna naapertorlugu pappiaranik tunngaveqartunik allakkanik nassiussinermut imaluuniit saqummiussinermut taarsiullugu, imm. 2 aamma 3 tak. elektronikkikkut attaveqatigiinneq taamaalilluni ingerlatseqatigiiffiup aningaasaliiffiusup aamma aningaasaatinik piginnittut akornanni atorneqarsinnaavoq, allakkanut nalunaarutinullu pineqartunut tunngasunik aalajangersakkani allassimasinnaasut ilusissaatigut piumasaaqatit apeqqutaatinnagit, taamaattorli imm. 5 aamma § 8 c tak.

Imm. 2. Imm. 1 malillugu aalajangiinnermit takuneqarsinnaassaaq nalunaarutit il.il. suut aalajangiinnermut ilaatinneqarnerisut, aamma elektronikkikkut attaveqatigiinneq qanoq atorneqassanersoq imaluuniit atorneqarsinnaanersoq. Aalajangiinnermit aamma takuneqarsinnaassaaq aqqissuussinernut atorneqartunut piumasaaqatit pillugit paasissutissanik aningaasaatinik piginnittut sumi nassaarsinnaanersut kiisalu elektronikkikkut attaveqatigiinnermut atatillugu suleriaasissaq pillugu.

Imm. 3. Imm. 1 aamma 2 malillugu ataatsimeersuarnerup aalajangiinera malittarisassanut ilanngunneqassaaq, taamaattorli imm. 4 tak. § 106 aalajangiinnermut kiisalu tassani allannguinnermut atorneqarpoq.

Imm. 4. Imm. 1 malillugu ingerlatseqatigiiffiup aningaasaliiffiusup aamma aningaasaatinik piginnittut akornanni elektronikkikkut attaveqatigiinnerup eqqunneqarnissaa ataatsimeersuarnermi aalajangerneqanngikkaluartoq, pineqartut akornanni tamanna pillugu isumaqatigiittoqarsimappat, ingerlatseqatigiiffiup aningaasaliiffiusup aamma aningaasaatinik piginnittup ataatsip arlallilluuniit akornanni attaveqatigiinneq elektronikkikkut ingerlanneqarsinnaavoq.

Imm. 5. Elektronikkikkut attaveqatigiinnerup atorneqarnissaanut periarfissaqarneq imm. 1-imi taaneqartoq tamanut ammasumik aggersaanermut imaluuniit nalunaaruteqarnermut taarsiullugu atorneqarsinnaanngilaq, tassani inatsisikkut aalajangerneqarluni aningaasaatinik piginnittunut ingerlatseqatigiiffiup aningaasaliiffiusup nalunaarutai il.il. tamanut ammasumik imaluuniit nalunaaruteqarnikkut pissasut imaluuniit Erhvervsstyrelsen qarasaasiaqarfia imaluuniit inatsimmi pineqartumi aalajangersarneqartoq alla aqqutigalugu. Tamanna pisuni § 95, imm. 3, oqaaseqatigiit pingajuanni taaneqartuni atuutinngilaq.

Imm. 6. Imm. 1 aamma 4-mi taaneqartumi pisumi ingerlatseqatigiiffiit aningaasaliiffiusut, piginnittut nalunaarsorsimaffianni atiatigut allanneqarsimasut aningaasaatinik piginnittut elektronikkikkut najugaq, nalunaarutit il.il. nassiussinnaanerinut qinnuigissavaat. Ingerlatseqatigiiffiup aningaasaliiffiusup elektronikkikkut najukkamik eqqortumik pigisaqarnerup qulakkeerneqarnissaa aningaasaatinik piginnittup akisussaaffigaa. Ingerlatseqatigiiffiup aningaasaliiffiusup elektronikkikkut attaveqarnermi nammineq aningaasartuutini akilissavai.

Ataatsimeersuarnermut aggersaaneq

§ 93. Ataatsimeersuarnerit qitiusumik aqutsisunit aggersarneqarlutillu aqqissuunneqassapput.

Imm. 2. Ingerlatseqatigiiffik aningaasaliiffiusoq qitiusumik aqutsisoqanngippat, imaluuniit malittarisassat imaluuniit ataatsimeersuarnermi aalajangiineq malillugu ingerlanneqartussanut ataatsimeersuariarnissamut qitiusumik aqutsisut peqqussut

qaaqqusinngitsoorpata, ingerlatseqatigiiffiup aningaasaliiffiusup qullersaani imaluunniit qitiusumik aqutsisuni ilaasortap ataatsip, ingerlatseqatigiiffiup aningaasaliiffiusup kukkunersiuisua ataatsimeersuarnermi qinigaasup, tak. § 144 imm. 1, imaluunniit aningaasaatinik piginnittup piunasaqarneratigut Erhvervsstyrelsi atatsimeersuariaqqusissaaq. Styrelsi ataatsimeersuarnermi oqaluuserisassanik aalajangersaasinnaavoq.

Imm. 3. Ataatsimeersuarneq, Erhvervsstyrelsimiit qaaqqusisutiginartoq, styrelsip tamatumunnga piginnaatitaanit aqunneqassaaq, qitiusumillu aqutsisut piginnittut nalunaarsorsimaffiat, ataatsimeersuarnermi isumaqatigiinniartarnerit allattaaviat kukkunersiuisullu nalunaarutaasa allattaaviat tassunga tunniutissallugu, kukkunersiuisut pillugit inatsit inatsisiliaalluunniit allat naapertorlugit allattaaveqarnissamik piunasaqaateqartoqarpat, imaluunniit kukkunersiuisoq ilaatigut ingerlatseqatigiiffimmik aningaasaliiffiusumik isumaqatigiissuteqarneq malillugu kukkunersiuiunermini allattaaveqarsimappat. Ataatsimeersuarnermi aningaasartuutit Erhvervsstyrelsimiit akilerallarneqassapput, aningaasaatitigulli ingerlatseqatigiiffimmuut aningaasartuutigisassanngortinneqassallutik.

Imm. 4. § 77-imi aalajangersakkat apeqqutaatinnagit Erhvervsstyrelsi aalajangersinnaavoq ataatsimeersuarneq, imm. 1 naapertorlugu styrelsimiit aggersarneqarsimasoq, taamaallaat inuttut takkuttoqarneratigut imaluunniit ilaannakuusumik tamakkiisumilluunniit elektronikkikkut ataatsimeersuarnerit ingerlanneqarsinnaasoq, aamma § 87-imi aalajangersakkat apeqqutaatinnagit styrelsip kommunimi najugaaneq taanna ingerlanneqarluni.

§ 94. Ataatsimeersuarnissamut aggersaaneq siusinnerpaamik sapaatit akunneri sisamat sioqqullugu pissaaq aamma, malittarisassani sivisunerusumik piffissamik aalajangiisoqarsimanngippat, kingusinnerpaamik ataatsimeersuarnissaq sapaatit akunneri marluk sioqqullugit. Ataatsimeersuarnissaq ullormut, sapaatit akunnerinik sisamanik kingusinnerusumut kinguartinneqarpat, ataatsimeersuarnissamut aggersaasoqassaaq.

Imm. 2. Aktieselskabinut, niuerfimmi naleqqussakkamik piginneqataassutinik niueruteqartunut, ataatsimeersuarnissamut aggersaaneq siusinnerpaamik sapaatit akunneri tallimat sioqqullugit pissaaq aamma, malittarisassani sivisunerusumik piffissamik aalajangiisoqarsimanngippat, kingusinnerpaamik ataatsimeersuarnissaq sapaatit akunneri pingasut sioqqullugit, taamaattorli § 339, imm. 4, aamma § 343 tak.

§ 95. Aggersaaneq malittarisassani aalajangersakkat naapertorlugit pissaaq.

Imm. 2. Ataatsimeersuarneq aalajangersinnaavoq aggersaaneq ingerlatseqatigiiffiup aningaasaliiffiusup nittartagaatigut pisinnaasoq, taamaattorli imm. 3 tak. Aalajangiineq malittarisassanut ilanngunneqassaaq. § 106 aalajangiinermut tassanilu allannguinernut atorneqarpoq.

Imm. 3. Aktieselskabini aggersaaneq piginnittut allattorsimaffianni piginneqataasunut allassimasunut tamanut, tamanna pillugu noqqaassuteqarsimasunut allakkatigut pissaaq. Aktieselskabip piginneqataassutai qaqugumilluunniit tigumminnittut pigisaanut allassimappata aggersaaneq Erhvervsstyrelsip qarasaasiaqarfiatigut ingerlanneqassaaq.

Imm. 4. Siusinnerusukkut allatut aggersaasoqarsimanera apeqqutaatinnagu, aktieselskabini, niuerfimmi naleqqussakkami piginneqataassutinik niueruteqartumut aggersaaneq aktieselskabip nittartagaatigut tamanut saqqummiunneqassaaq. Tamatumunnga aningaasartuutit aktieselskabimit akilerneqassapput.

§ 96. Aggersaanermi ataatsimeersuarnissamut piffissaq sumiiffissarlu kiisalu oqaluuserisassat allanneqarsimassapput, taakkunannga takuneqarsinnaalluni ataatsimeersuarnermi suliaassat suut suliarineqassanersut. Malittarisassani allannguutissanut siunnersuutit ataatsimeersuarnermi suliarineqassappata siunnersuutip pingaarnertut imarisaa aggersaanermi allanneqassaaq.

Imm. 2. Ataatsimeersuarnissamut aggersaaneq, § 77, imm. 2, § 92, imm. 1 imaluunniit § 107, imm. 1 imaluunniit 2 malillugu aalajangiiffiusussami, malittarisassanut allannguutissanut siunnersuutip oqaasertaa tamarmiusoq ilaassaaq.

§ 97. Aktieselskabini, niuerfinni naleqqussakkani piginneqataassutinik niueruteqartuni, aggersaaneq, § 96-imi paasissutissat saniatigut ikinnerpaamik ukuninnga imaqassaaq:

- 1) Aktietigut aningaasaatit annertussusaannik piginneqataasullu taasisinnaatitaanerannik allaaserinninneq,
- 2) ataatsimeersuarnermi peqataanissap taasisinnaatitaanissallu piginneqataasunit eqqortinnissaanut suleriaatsinik erseqqissunik eqqortunillu allaaserinninneq, imm. 2 tak.,
- 3) ulloq nalunaarsorneqarfik, 84, imm. 1 tak., ullormi tassani piginneqataasuusut inuit kisimik ataatsimeersuarnermi peqataasinnaanerat taasisinnaanerallu erseqqissarneqarluni,
- 4) § 99, imm. 1, nr. 3 aamma 4-mi taaneqartunut allakkanut oqaasertaliussat tamarmiusut naalisarneqarsimangitsullu aamma oqaluuserisassat sumi qanorlu pissarsiarineqarsinnaanerannik allataqarneq aamma
- 5) paasissutissat § 99-imi eqqaaneqartut internetikkut sumi pissarsiarineqarsinnaanerisa allanneqarnera.

Imm. 2. Ataatsimeersuarnermi peqataanissap taasisinnaatitaanissallu piginneqataasunit eqqortinnissaanut suleriaatsinik erseqqissunik eqqortunillu allaaserinninnermut, imm. 1, nr. 2 tak., ilaapput

- 1) piginneqataasut apeqquteqarsinnaatitaanerata, tassunga ilanngullugu piffissaliineq, § 102, imm. 3 tak.,
- 2) piginnaatitsinermi taasinissamut suleriaaseq, pingaartumik immersugassat piginnaatitsinikkut taasinermi atorineqartussat, aamma sinniisuutitanik toqqaaneq pillugu elektronikkikkut nalunaaruteqarnermut atatillugu ingerlatseqatigiiffiup aningaasaliiffiusup attaveqaatitigut suut akuerinerai allanneqarlutik aamma
- 3) allakkatigut imaluunniit elektronikkikkut taasinermut suleriaaseq.

Imm. 3. Naalagaaffiup aktieselskabiini, § 351 tak., aggersaanermut ataatsimeersuarnermi siunnersuutit suliarineqartussat tamarmik ilaassapput, aamma immikkut ittumik ataatsimeersuarnermut atatillugu aamma tamatumunnga pissutaasoq. Aggersaaneq Erhvervsstyrelsen qarasaasiaqarfiani tamanut saqqummiunneqassaaq, kingusinnerpaamik tamatuma piginneqataasunut nalunaarutiginerata peqatigisaanik.

§ 98. Aktieselskabini oqaluuserisassat aamma siunnersuutit tamarmiusut kiisalu immikkut ittumik ataatsimeersuarnermut tunngatillugu aamma ukiumoortumik nalunaarusiaq ataatsimeersuarnissaq kingusinnerpaamik sapaatit akunneri marluk sioqqullugit piginneqataasunit misissorneqarsinnaassaaq, taamaattorli § 99 tak.

§ 99. Aktieselskabi, niuerfimmi naleqqussakkami piginneqataassutinik niueruteqartumi, ataatsimeersuarnissaq kingusinnerpaamik sapaatit akunneri pingasut sioqqullugit, taassuma

ingerlanneqarnissaa ulloq ilanngullugu, piffissami ataqatigiissumi sapaatit akunnerini pingasuni paasissutissat uku piginneqataasunut nittartakkami takuneqarsinnaassapput:

1) Aggersaaneq.

2) Aggersaanermut ullormi piginneqataassutit amerlassusai tamarmiusut aamma taasisinnaatitaasut, tassunga ilanngullugu piginneqataassutit agguarnerni tamani amerlassutsit tamarmiusut, ingerlatseqatigiiffiup aktiatigut aningaasaatai marlunnut amerlanernulluunniit agguarsimappata.

3) Allakkat, ataatsimeersuarnermi saqqummiunneqartussat.

4) Oqaluuserisassat siunnersuutillu tamarmiusut.

5) Taamaattoqartillugu piginnaatitsinikkut taasinermi aamma allakkatigut taasinermi atorveqartussat immersugassat, immersugassat taakku piginneqataasunut toqqaannartumik nassiunneqarsimanngippata. Immersugassat taakku teknikikkut peqquteqartumik internettikkut pissarsiarineqarsinnaanngippata, ingerlatseqatigiiffiup aningaasaliiffiusup nittartakkamigut ilisimatitsissutigissavaa immersugassat pappialanngorlugit qanoq pissarsiarineqarsinnaanersut. Taamatut pisoqartillugu ingerlatseqatigiiffiup aningaasaliiffiusup immersugassat piginneqataasunut tamatuminnga kissateqartumut nassiutissavai. Tassunga aningaasartuutit ingerlatseqatigiiffiup aningaasaliiffiusup akilissavai.

Imm. 2. § 339, imm. 4 aamma § 343 malillugu ataatsimeersuarnissamut aggersaaneq ataatsimeersuarnissap ullua sapaatit akunnerinik pingasunik sioqqullugu nassiunneqarpat imm. 1-imi piffissaliussaq taamaaqataanik sivikillisinneqassaaq.

Ataatsimeersuarnerup ingerlanneqarnera

§ 100. Ataatsimeersuarneq kalaallisut imaluunniit danskisut ingerlanneqassaaq, taamaattorli imm. 2-4 tak.

Imm. 2. Ataatsimeersuarneq nalinginnaasumik amerlanerussuteqarnikkut aalajangiisinnaavoq ataatsimeersuarneq kalaallisuunngitsoq imaluunniit danskisuunngitsoq oqaatsit allat atorlugit ingerlanneqassasoq, peqatigisaanillu peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarluni. Aalajangiineq malittarisassani ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

Imm. 3. Ataatsimeersuarneq nalinginnaasumik amerlanerussuteqarnikkut aalajangiisinnaavoq ataatsimeersuarneq tuluttut ingerlanneqassasoq, peqatigisaanik peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarnani. Aalajangiineq malittarisassani ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

Imm. 4. Ataatsimeersuurtut aalajangiisinnaapput ataatsimeersuarneq kalaallisuunngitsoq, danskisuunngitsoq imaluunniit tuluttuunngitsoq oqaatsit allat atorlugit ingerlanneqassasoq, peqatigisaanik peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarnani. Aalajangiineq malittarisassani ilanngunneqarsinnaavoq, aamma § 107, imm. 2, nr. 6 aamma § 110 aalajangiinermi kiisalu tassani allannguutinit atorveqarput.

Imm. 5. Ataatsimeersuarneq kalaallisuunngitsoq imaluunniit danskisuunngitsoq oqaatsit allat atorlugit ingerlanneqassasoq aalajangiisoqarpat nalinginnaasumik amerlanerussuteqarnikkut aalajangiisoqarsinnaavoq ataatsimeersuarneq siunissamut kalaallisut imaluunniit danskisut ingerlanneqartassasoq. Tamanna pillugu aalajangiineq

malittarisassanut ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq. Oqaatsit allat pillugit aalajangiineq malittarisassani ilanngunneqarsimappat, oqaaseqatigiit suilliit malillugu aalajangiinermi takuneqarsinnaassaaq tamanna malittarisassani ilanngunneqassasoq, imaluunniit ataatsimeersuarnermi oqaatsinik atuineq pillugu paasissutissanik malittarisassat imaqarunnaassasut.

Imm. 6. Ataatsimeersuarnermut atatillugu allakkat ataatsimeersuarnerup iluani atorneqartussatut suliarineqarsimasut imaluunniit kingorna kalaallisut imaluunniit danskisut suliarineqarsimassapput, taamaattorli imm. 7 aamma 8 tak.

Imm. 7. Ataatsimeersuartut nalinginnaasumik amerlanerussuteqarnikkut aalajangiisinnaapput imm. 6-imi taaneqartut allakkat tuluttut suliarineqassasut. Tamanna pillugu aalajangiineq malittarisassanut ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

Imm. 8. Ataatsimeersuartut aalajangiisinnaapput imm. 6-imi taaneqartut allakkat kalaallisuunngitsoq, danskisuunngitsoq imaluunniit tuluttuujunngitsoq oqaatsit allat atorlugit suliarineqassasut. Tamanna pillugu aalajangiineq malittarisassani ilanngunneqarsinnaavoq, aamma § 107, imm. 2, nr. 6 aamma § 110 aalajangiinermi kiisalu tassani allannguutinut atorneqarput.

§ 100 a. Ataatsimeersuartut nalinginnaasumik amerlanerussuteqarnikkut aalajangiisinnaapput ukiumoortumik nalunaarusiaq tuluttut suliarineqarlunilu saqqummiunneqassasoq. Ataatsimeersuartut tamanna pillugu aalajangiinerat malittarisassani ilanngunneqassaaq. Ataatsimeersuarnerup aalajangiineranik malittarisassani ilanngunneqarnera immikkut akuersisoqarnissaanik pisariaqartitsinngilaq.

§ 101. Aningaasaatinik piginnittut akornanni imaluunniit taakku avataaniittumik ataatsimeersuarnermik aqutsisussamik toqqaasoqassaaq, malittarisassat allamik aalajangersaasimangippata.

Imm. 2. Aqutsisup ataatsimeersuarneq aqussavaa aamma ataatsimeersuarnerup illersorneqarsinnaasumik naleqquttumillu ingerlanneqarnissaa qulakkeerlugu. Aqutsisoq tamatumunnga pisariaqartunik pisinnaatitaassaaq, tassunga ilanngullugit oqallinnerit aaqqissuunnissaannut, taasinermi sammisat ilusilersornissaannut, aalajangiinissamut, qaqugu oqallinnerup naammassineqarneranut, ilanngussisup kipitinnissaanut pisariaqassappallu peqataasut ataatsimeersuarnermiit anisinnissaannut pisinnaatitaaffik.

Imm. 3. Ataatsimeersuarnermi isumaqatigiinniarnert pillugit allattuisoqassaaq, aqutsisumit atsiorneqartussaq. Aalajangiinerit tamarmik ingerlatseqatigiiffiup aningaasaliiffiusup isumaqatigiinniarnermi allattaavianut allanneqassapput.

Imm. 4. Ataatsimeersuarnerup ingerlanneqarneraniit kingusinnerpaamik sapaatit akunneri marluk kingorna ataatsimeersuarnermi allattaavik imalunniit taassuma naqinneqarnera akuerisaq aningaasaatinik piginnittunik pissarsiarineqarsinnaassaaq.

Imm. 5. Aktieselskabit, niuerfinni naleqqussakkani piginneqataassutinik niueruteqartut, aalajangiinernut ataasiakkaanut minnerpaamik aalajangissavaat,

- 1) piginneqataassutit qassit taasinernik atuuttunik taasisimanersut,
- 2) aktiatigut aningaasaatit ilai qanoq annertutigisut taasinernik qassinik sinniisuuffigineqarnersut,
- 3) taasinerit atuutut amerlassusaat tamarmiusut,

4) aalajangiiffigisassatut siunnersuummut taaseqataasut akerliusullu taasinerisa amerlassusaat aamma,

5) tamanna naleqqutsillugu, taasinnitsoortut amerlassusaat.

Imm. 6. Aktieselskabimi, niuerfimmi naleqqussakkami piginneqataassutinik niueruteqartumi, piginneqataasut kissaatiginnippagu taasinnermut tamakkiisumik nassuiaasoqarnissaa, imm. 5 tak., aalajangiinernut ataasiakkaanut amerlanerussuteqartut pisariaqartinneqartut anguneqarsimanersut qulakkeerniarlugit taasinerup inerneranik taamaallaat aalajangiisoqartassaaq.

Imm. 7. Aktieselskabi, niuerfimmi naleqqussakkami piginneqataassutinik niueruteqartoq, ataatsimeersuarnerup ingerlanneqareerneraniit kingusinnerpaamik sapaatit akunneri marluk kingorna taasinerit inernerit nittartakkamini tamanut saqqummiutissavai.

Imm. 8. Naalagaaffiup aktieselskabii eqqarsaatigalugit, § 351 tak., allataq uppersarneqarsimasoq, kingusinnerpaamik allattaaviup piginneqataasunit pissarsiarineqarsinnaalernerata peqatigisaanik, imm. 4 tak., Erhvervsstyrelsimut nassiunneqassaaq.

§ 102. Aningaasaatinik piginnittunit piumasarineqarpat aammalu qitiusumik aqutsisut naliliinerat naapertorlugu aningaasaatitigut ingerlatseqatigiiffimmut annertuumik ajoqutaassanngippat, aqutsisut pisussaapput ataatsimeersuarnermi paasissutissanik tunniuteraannarnik ilisimatitsissallutik, pissutsinik tamanik ukiumoortumik naatsorsuutitut nalunaarummullu aammalu ingerlatseqatigiiffissuussappat aningaasaliiffiusoq taassuma ukiumoortumik naatsorsuutaanut ingerlatseqatigiiffiullu ingerlaneranik naliliinissamut pingaarutilinnik, imaluunniit apeqqutitut ataatsimeersuarnermi aalajangiiffigineqartussanut tunngasunik. Ilisimatitsisussaatitaaneq aningaasaatitigut ingerlatseqatigiiffissuullu aningaasaliiffiusup piginnittaata ingerlatseqatigiiffiutaasa allat akornanni aammattaaq atuuppoq.

Imm. 2. Akissutissaq paasissutissanik ataatsimeersuarnermi tunniuteraannaanngitsunik pisariaqartitsippat, paasissutissat ataatsimeersuarnermiit sapaatit akunneri marluk qaangiutsinnagit allaganngorlugit ingerlatseqatigiiffimmi aningaasaliiffiusumi piginnittunit takuneqarsinnaanngorlugit saqqummiunneqassapput piginneqataasunullu paasissutissanik piunnaqarsimasunut nassiunneqassallutik.

Imm. 3. Qitiusumik aqutsisut aalajangersinnaapput piffissap, malittarisassani ilanngunneqartup naanissaa sioqqullugu ataatsimeersuarnermi atorneqartussanik aningaasaatinik piginnittut oqaluuserisassanut imaluunniit allakkanut il.il. apeqquteqarsinnaasut. Qitiusumik aqutsisut malittarisassani allannguinerit pisariaqartut akuerisinnaavaat.

Imm. 4. Aktieselskabini, niuerfimmi naleqqussakkami piginneqataassutinik niueruteqartuni, aamma naalagaaffiup aktieselskabiini, § 351 tak., imm. 1 aamma 2 malillugu paasissutissiinissamik pisussaaffik aammattaaq atuutissaaq piginneqataasut ataatsimeersuarnissaq qaammatinik pingasunik sioqqullugu allakkatigut apeqqutaannut. Apeqqut allaganngorlugu akineqarsinnaavoq, taamaattoqassappallu ataatsimeersuarnerup aallartinnerani piginneqataasunut apeqqut akissutissarlu saqqummiunneqassapput. Akissuteqanngitsoortoqarsinnaavoq piginneqataasoq ataatsimeersuarnermi peqataanngippat. Imarisaq ataaseq pillugu apeqqutit arlallit akissummik ataatsimik akineqarsinnaapput. Apeqqut akineqartutut isigineqarpoq paasissutissat pineqartut aktieselskabip nittartagaani apeqqummut/akissutikkut pissarsiarineqarsinnaalerpata.

§ 103. Ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuisua, § 144, imm. 1 tak., ataatsimeersuarnermi najuunnissaminut pisinnaatitaaffeqarpoq. Ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuisua, § 144, imm. 1 tak., ataatsimeersuarnermi najuutissaaq, qullersani ilaasortaq imaluunniit qitiusumik aqutsisut imaluunniit aningaasaatinik piginnittup ataatsip tamanna piumasarippagu.

Imm. 2. Ataatsimeersuarnermi ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuisua, § 144, imm. 1 tak., ukiumoortumik nalunaarusiaq il.il. ataatsimeersuarnermi pineqartumi suliarineqartoq pillugu apeqqutinik akissuteqassaaq.

Imm. 3. Ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuisua, § 144, imm. 1 tak., ukiumoortumik nalunaarusiat il.il. suliarineqarneranni aqutsisut qullersat ataatsimiinneranni peqataanissamut pisussaaffeqarpoq aamma aqutsisuni qullersani ilaasortaq ataasiinnarluunniit tamanna pillugu qinnuteqarpat peqataanissamut pisussaaffeqarluni.

Imm. 4. Aktieselskabini, niuerfinni naleqqussakkani pappiaranik aningaasanik nalilinnik niueruteqartuni, aamma naalagaaffiup aktieselskabiini ingerlatseqatigiiffiup ataatsimeersuarnermi toqqarneqartoq kukkunersiuisoq ileqquusumik ataatsimeersuarnermi najuuttussaavoq.

Taasinerit

§ 104. Aningaasaatinik piginnittoq aningaasaatinik piginneqataassutimini tamarmiusuni taasisaaq, malittarisassani allanik aalajangiisoqanngippat, taamaattorli imm. 3 tak.

Imm. 2. Aningaasaatinik piginnittut allakkatigut taasinissamut periarfissaqarput, tassa imaappoq ataatsimeersuarnerup aallartinnissaa sioqqullugu allakkatigut taasilluni. Ingerlatseqatigiiffinni aningaasaliiffiusuni, EU/EØS-imi nunami niuerfinni naleqqussakkani pappiaranik aningaasanik nalilinnik niueruteqartuni, periarfissaq taanna ingerlatseqatigiiffiup aningaasaliiffiusup malittarisassaa saniqqunneqarsinnaavoq. Allakkatigut taasinerit taamaallaat aningaasaatinik piginnittut kinaanerinek qulakkeerinissamut pisariaqartunik piumasaqaatinik killilersuinernillu atugassaqartinneqarsinnaapput, taamaallaallu anguniakkamut tassunga naleqqiullugu sapinngisamik naammaginaruussalluni.

Imm. 3. Aktieselskabini piginneqataasoq, inuussutissarsiornermut atatillugu inuit allat imaluunniit inatsisitigut pisinnaatitaasullu akisussaasullu (sullitat) sinnerlugit iliuseqartut, piginneqataassutit ilaannut atasumik taasisinnaatitaanerit ingerlassinnaavaat, piginneqataassutinut allanut atasunik taasisinnaatitaanerit ingerlanneqarnerinut assigeqqinnaartuunngitsumik ingerlallugu.

§ 105. Peqqussutip matuma malitsiginngippagu imaluunniit ingerlatseqatigiiffiup aningaasaliiffiusup malittarisassai allamik aalajangiippata ataatsimeersuarnermi suliassat tamarmik nalinginnaasumik amerlanerussuteqarnikkut aalajangiiffigineqartassapput. Taasinerit naligiippata siunnersuut akuerineqassanngilaq. Inunnik qinersineq kiisalu suliassat, aningaasaatinik piginnittut ataasiarluni taasisoqarneratigut qinigassat arlallit pillugit taasisussaallutik, allanut naleqqiullugu nalinginnaasumik amerlanerussuteqarneratigut aalajangiiffigineqartassapput. Inunnik qinersineri taasinerit naligiippata taasineq makitsisoqarneratigut aalajangiiffigineqassaaq, malittarisassat allanik aalajangiinngippata.

§ 106. Malittarisassanik allannguneq pillugu aalajangiineq taamaallaat atuussinnavoq ataatsimeersuarnermi sinniisuusut ingerlatseqatigiiffiup aningaasaliiffiusup ilaanit taasinerit ikinnerpaamik pingajorarterutai marluk akuersippata, taamaattorli imm. 2 tak. Malittarisassanik allannguneq pillugu aalajangiineq aamma malittarisassani imarineqarsinnaasunik malitassat, aamma § 107-imi immikkut maleruagassat naammassissavai.

Imm. 2. § 74, imm. 3, § 102, imm. 3, § 175, imm. 2, § 176, imm. 2, § 247, imm. 1, § 265, imm. 1, § 282, imm. 1, imaluunniit § 302, imm. 1 malillugu malittarisassanik allannguneq pillugu aalajangiineq ataatsimeersuarnermi aalajangiiffigineqassanngilaq.

§ 107. Malittarisassanik allannguneq pillugu aalajangiineq, tassuunakkut aningaasaatinik piginnittut ingerlatseqatigiiffimmut aningaasaliiffiusumut pisussaaffii annertusillutik, taamaallaat atuutissaaq aningaasaatinik piginnittut tamarmik tamanna pillugu isumaqatigiippata.

Imm. 2. Malittarisassanik allanngunerit pillugit aalajangiinerit uku taamaallaat atuutissapput ingerlatseqatigiiffiup aningaasaataanik sinniisuusut ataatsimeersuarnermi taasinerit taasisut ikinnerpaamik qulerarterutusunit qulingiluanit akuerineqarpata:

- 1) Aalajangiineq, taamaalilluni aningaasaatinik piginnittut iluanaarutaat imaluunniit ingerlatseqatigiiffiup aningaasaliiffiusup aningaasaataanik pissarsiassaasat, tassunga ilanngullugu aningaasaatinik piginneqataassutit iluanaarnartumik naleqartillugu pissarsiarineri, ingerlatseqatigiiffimmi aningaasaliiffiusumi piginneqataasunit aamma ingerlatseqatigiiffimmi aningaasaliiffiusumi sulisunit imaluunniit taassuma ingerlatseqatigiiffianut pigisaanit allaanerusunut iluaqutaasumik annikillisinneqarpata.
- 2) Aalajangiineq, taamaalilluni aningaasaatinik piginneqataassutit niuerutigineqarsinnaaneri killeqartinneqarlutik imaluunniit [killilersuinioreersut](#) sukanganerulerlutik, tassunga ilanngullugit aningaasaatinik piginneqataassutinik tigusinissamut ingerlatseqatigiiffiup aningaasaliiffiusup akuersinissaata pisariaqarnera pillugit aalajangersakkanik akuersineq, imaluunniit ingerlatseqatigiiffiup aningaasaataanik ilaanik erseqqinnerusumik aalajangersarneqartup saniatigut aningaasaatinik piginnittut arlaannaalluunniit aningaasaatinik piginneqataassutinik pigisaqarsinnaanani.
- 3) Aalajangiineq, taamaalilluni assigiimmik annertussuseqartumik aningaasaatinik piginneqataassutitik aningaasannortinnissaannut aningaasaatinik piginnittut pisussaalerlutik, ingerlatseqatigiiffik aningaasaliiffiusoq atorunnaarsinneqarnerata saniatigut imaluunniit kapitali 5-imi eqqartorneqartup saniatigut.
- 4) Aalajangiineq, taamaalilluni aningaasaatinik piginnittut namminneq imaluunniit aningaasaatinik piginnittut allat taasisinnaanerat taasinerit erseqqinnerusumik aalajangersarneqartunut imaluunniit ingerlatseqatigiiffiup aningaasaataanut taasisinnaatitaasut annikillisinneqarluni.
- 5) Aalajangiineq, taamaalilluni agguataarinermut atasumik aningaasaatinik piginnittut ingerlatseqatigiiffimmi aningaasaliissumisut assigalugit ingerlatseqatigiiffinni tiguisuni tamani taasinerit imaluunniit aningaasaatinik piginneqataassutinik pissarsinatik.
- 6) Aalajangiineq, taamaalilluni ataatsimeersuarneq kalaallisut, danskisut imaluunniit tuluttut allaanerusunut oqaatsit atorlugit ingerlanneqarluni peqatigisaanik peqataasunut tamanut kalaallisut imaluunniit danskisut toqqaannartumik nutserisoqarnissaanik periarfissiisoqarnani.

7) Aalajangiineq, taamaalilluni kalaallisut, danskisut imaluunniit tuluttut suliffiup iluani allakkanut oqaatsit allat atorineqalerlutik, tassa imaappoq ataatsimeersuarnermut atatillugu kingornaluunniit ingerlatseqatigiiffiup iluani atorineqartussat allakkat suliarineqarlutik.

Imm. 3. Ingerlatseqatigiiffimmi aningaasaliiffiusumi aningaasaatinik immikkoortut arlaliuppata, malittarisassani allanguineq, pilersinneqareersimasut allannortinnerisigut imaluunniit assigiinngissutsit nutaat atulersinneqarnerisigut taakku akornanni inatsisitigut pissutsini nikisitsisoqarneranik kinguneqartumik taamaallaat atuuttuussaaq aningaasaatinik piginnittunit aningaasaatinik immikkoortuni taakkunani ikinnerpaamik pingajorarterutinit marlunnit akuerineqarpata, ataatsimeersuarnermi peqataasunut inatsisitigut inissisimanerat ajornerulerluni.

Ataatsimeersuarnermi taasinerit atortussaangitsut

§ 108. Aningaasaatinik piginnittut imaluunniit ingerlatseqatigiiffiup aningaasaliiffiusup ajoqutigisaanik aningaasaatinik piginnittut ilaanut imaluunniit allat assuarnartumik erseqqissumik iluaquserlugit ataatsimeersuarnermi aalajangiisoqassanngilaq.

§ 109. Aningaasaatinik piginnittoq imaluunniit aqutsisuni ilaasortaq inatsisinut naapertuutinnngitsumik pilersinneqarsimasumut imaluunniit peqqussummut matumunnga imaluunniit ingerlatseqatigiiffiup aningaasaliiffiusup malittarisassaanut akerliuqsumik ataatsimeersuarnermi aalajangiinnermut tunngasumik eqqartuussassatut suliassanngortitsisinnaavoq.

Imm. 2. Suliassanngortitsineq aalajangiisoqarneraniit kingusinnerpaamik qaammatit pingasut qaangiutsinnagit pissaaq, taamaanngippat aalajangiineq atuuttussatut isigineqassaaq.

Imm. 3. Imm. 2 atorineqassanngilaq

- 1) aalajangiineq aningaasaatinik piginnittut tamarmik allaat akuersinerisigut inatsisinut naapertuuttumik aalajangiiffigineqarsinnaanngippat,
- 2) peqqussut una imaluunniit ingerlatseqatigiiffiup aningaasaliiffiusup malittarisassai malillugit aalajangiinnissamut pisariaqartinneqarpat aningaasaatinik piginnittut ilaannit tamarmiusunilluunniit akuersinissaat taamatullu akuersineq tunniunneqanngippat,
- 3) aggersaanermut maleruagassat, ingerlatseqatigiiffimmut aningaasaliiffiusumut atuuttut sakkortuumik saneqqunneqarsimappata imaluunniit
- 4) aningaasaatinik piginnittoq, imm. 2-mi piffissap allanneqarsimasup naanerata kingorna suliassanngortitsisimasoq, kisiannili aalajangiinnermiit kingusinnerpaamik qaammatit 24-t kingorna, kinguaattoornermut naammaginartumik pissutissaqarsimaguni tamannalu tunngavigalugu eqqartuussivik aamma pissutsit allat eqqarsaatigalugit isumaqarluni imm. 2-mi aalajangersakkat atorineqarnissaat erseqqissumik naammaginanngippat.

Imm. 4. Eqqartuussivik isumaqarpat, aalajangiineq imm. 1-mut ilaasoq, eqqartuussisoqarneratigut taanna atuuttussaajunnaartinneqassaaq imaluunniit allannortinneqarluni. Aalajangiinnermik allannortitsinerlu taamaallaat pisinnaavoq tamanna pillugu piimasaqaateqartoqarpat aamma aalajangiineq eqqortumik qanoq imaqartussaagaluarnera eqqartuussiviup aalajangersinnaallugu. Eqqartuussiviup aalajangiinera aamma aningaasaatinik piginnittunut suliassanngortitsisimannngitsunut atuutissaaq.

Aningaasannngortitsisinnaaneq

§ 110. Aningaasaatinik piginnittut, ataatsimeersuarnermi § 107, imm. 2, nr. 1-4, 6 aamma 7-imi taaneqartunut malittarisassanut allannguutinut akerliliisimasut piimasarinnaavaat

ingerlatseqatigiiffiup aningaasaliiffiusup taakku aningaasaatinik piginneqataassutaat aningaasanngortinneqassasut, tamanna pillugu piunasaqaat ataatsimeersuarnerup ingerlanneqareerneraniit kingusinnerpaamik sapaatit akunneri arfineq marluk kingorna allakkatigut saqqummiunneqarpat.

Imm. 2. Aningaasaatinik piginnittut taasinissaq sioqqullugu imm. 1 malillugu aningaasanngortitsisinnaanermik taanna atuerusunnersoq pillugu oqaaseqaateqaqqullugu qinnuigineqarsimappat tassunga pisinnaatitaaffimmut pineqartup ataatsimeersuarnermi taamatut kissaateqarnermik nalunaaruteqarsimanera piunasaarineqarpoq.

Imm. 3. Aningaasanngortitsineri ingerlatseqatigiiffiup aningaasaliiffiusup aningaasaatinik piginnittut pineqartut piginneqataassutaat aningaasaatinik piginneqataassutaat nalinginut naapertuuttumik akilerlugit pisiarissavai, tamatuminnalu isumaqatigiinngitsoqarpat ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumik naliliisartumik aalajangiisoqassalluni. Naliliisartunut aningaasartuutit naliliisartut naliliinissaannik kissaateqartumit aningaasaatinik piginnittumit akilerneqassapput, kisiannili naliliisartut naliliinerat ingerlatseqatigiiffiup akitut siunnersuutigisaaniit annertuumik allaaneruppat aamma tamakkiisumik annertuutigulluunniit tunngavigineqarpat ingerlatsivimmut akiligassanngortinneqarsinnaalluni. Illuatungeriit marluullutik naliliisartut aalajangiinerat eqqartuussivimmut suliaasanngortissinnaavaat. Tamanna pillugu suliaq naliliisartut nalunaarutaannit tiguserermermiit kingusinnerpaamik qaammatit pingasut kingorna suliaasanngortinneqassaaq.

Kapitali 7

Ingerlatseqatigiiffiup aningaasaliiffiusup aqutsisui il.il.

Aqutsisut aaqqissugaanerannik toqqaaneq

§ 111. Ingerlatseqatigiiffiup aningaasaliiffiusup aqutsisutigut aaqqissugaanerit uku akornanni toqqaasinnaavoq:

- 1) Aqutsisutigut aaqqissugaaneq, ingerlatseqatigiiffik aningaasaliiffiusoq siulersuisunit aqunneqarluni, pingaarnertut periusissatigullu aqutsinermik isumaginnittoq. Ulluinnarni aqutsinermik isumaginnittussamik siulersuisut qullersaqarfimmik atorfinitsitsinnaavoq, siulersuisut nammineq ilaasortaasa akornanni inummik ataatsimik arlalinnilluunniit imaluunniit inuit siulersuisuni ilaasortaannigitsunik inuttaqartoq. Pisuni marlunni inuit, ulluinnarni aqutsinermik isumaginnittut taaneqassapput pisortat, ataatsimoorlutillu ingerlatseqatigiiffiup aningaasaliiffiusup qullersarissallugit. Siulersuisuni ilaasortat amerlanerussutaat aktieselskabini tassaassapput inuit ingerlatseqatigiiffimmi pisortaannigitsut. Aktieselskabimi pisortaq aktieselskabimi siulersuisunut siulittaasuussanngilaq imaluunniit siulittaasup tulliuusanngilaq.
- 2) Aqutsisutigut aaqqissugaaneq, ingerlatseqatigiiffik aningaasaliiffiusoq qullersaqarfimmik aqunneqarluni. Aktieselskabini qullersaqarfik nakkutilliisunit, qullersaqarfimmik nakkutilliisunit atorfinitsinneqassaaq. Qullersaqarfimmi ilaasortaq nakkutilliisuni ilaasortaassanngilaq.

Imm. 2. Aktieselskabini siulersuisut imaluunniit nakkutilliisut ikinnerpaamik inuit pingasuussapput.

Imm. 3. Anpartsselskabini, aqutsisuni qullersani ilaasortat sulisunit toqqaarneqartut pillugit § 140-mi maleruagassat atorneqarnissaat sulisunit toqqaarneqarsimalluni, siulersuisoqassaaq imaluunniit nakkutilliisoqarluni. Anpartsselskabi siulersuisoqanngippat imaluunniit nakkutilliisoqanngippat, kisianni oqaaseqatigiit siulliit malillugit taakku arlaannik

aaqqissugaqassalluni, malittarisassat allanngortinneqarnissaannut siunnersuut, taamaalilluni ingerlatseqatigiiffik aningaasaliiffiusoq siulersuisoqalerluni imaluunniit nakkutilliisoqalerluni, atuuttussatut akuerineqartutut isigineqassaaq piginneqataasoq ataasiinnarluunniit siunnersuummut akuersisimappat.

Imm. 4. Siulersuisuni aamma nakkutilliisuni ilaasortat pillugit peqqussummi aalajangersakkat taamaaqataanik taakku sinniisussaannut atorineqassapput.

Aqutsisut nakkutilliisutullu suliaqarneq pillugu aalajangersakkat nalinginnaasut

§ 112. Ingerlatseqatigiiffiup aningaasaliiffiusup aqutsisuini ilaasortat nammineersinnaassuseqassapput aamma namminersorsinnaanermik inatsit, kunngip peqqussuteqarneratigut Kalaallit Nunaanni atulersinneqarsimasoq malillugu pigisat tungaasigut siunnersortissaligaasimassanani.

Imm. 2. Umiarsuaatileqatigiiffinni aktieselskabini inuup ataatsip suliffeqarfia imaluunniit soqutigisaqatigiit pisortaasinnaapput, piginnittoq imaluunniit soqutigisaqatigiit imm. 1-imi piumasaaqatinik naammassinnissimappata.

§ 113. Siulersuisuni nakkutilliisunilu ilaasortat kiisalu pisortat ingerlatseqatigiiffimmi aningaasaliiffiusumi imaluunniit suliffeqarfissuup ataatsip iluani ingerlatseqatigiiffinni aningaasaliiffiusuni aningaasaatinik piginneqataassutinut tunngasuni aningaasannaniarnermik ingerlataqassanngillat imaluunniit peqataassanngillat.

§ 114. Ingerlatseqatigiiffinni aningaasaliiffiusuni, niuerfinni naleqqussakkani piginneqataassutinik niueruteqartuni, aamma naalagaaffiup aktieselskabiini, § 351 tak., siulersuisuni imaluunniit nakkutilliisunut siulittaasoq ingerlatseqatigiiffik aningaasaliiffiusoq sinnerlugu, siulittaasutut suliaqarnerup ilaanut ilaannngitsumik suliaqassanngilaq. Siulersuisunili siulittaasoq, tamatumunnga immikkut pisariaqartitsisoqarpat, siulersuisunit aamma siulersuisut sinnerlugit pineqartumut isumageqquneqartunik suliaassanik ingerlataqarsinnaavoq.

Siulersuisut suliaasaat

§ 115. Ingerlatseqatigiiffinni aningaasaliiffiusuni siulersuisoqartuni pingaarnertigut periusissatigullu aqutsinerup aamma ingerlatseqatigiiffiup aningaasaliiffiusup sulineranik illersorneqarsinnaasumik aaqqissuunnerata qulakkeernerata saniatigut nakkutigissavaa

- 1) naatsorsuutinut allattuineq aamma naatsorsuutinik saqqummiussineq imatut ingerlanneqartoq, ingerlatseqatigiiffimmi aningaasaliiffiusumi pissutsit malillugit naammaginartuulluni,
- 2) qularnartunik aqutsinermut suliffiullu iluani nakkutilliinermut pisariaqartunik suleriaatsinik pilersitsisoqarsimalluni,
- 3) ingerlatseqatigiiffiup aningaasaliiffiusup aningaasatigut pissutsit pillugit pisariaqartunik nalunaarusianik ingerlaavartumik siulersuisut tigusaqartarlutik,
- 4) qullersaqarfiup sulinini pissusissamisoortumik aamma siulersuisut najoqqutassiaat malillugu ingerlallugu aamma
- 5) ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaalluni, tassunga ilanngullugu aningaasaatitigut ingerlatseqatigiiffiup maannakkut siunissamilu pisussaaffii naammassiniarlugit, taakku akiligassanngortanera naapertorlugit, naammattunik akissaqarluni, aamma siulersuisut

taamaalillutik aningaasaqarnikkut inissisimaneq qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

Nakkutilliisut suliassaat

§ 116. Ingerlatseqatigiiffinni aningaasaliiffiusuni nakkutilliisoqartuni nakkutilliisut nakkutigissavaat

- 1) naatsorsuutitut allattuineq aamma naatsorsuutit saqqummiussineq imatut ingerlanneqartoq, ingerlatseqatigiiffimmi aningaasaliiffiusumi pissutsit malillugit naammaginartuulluni,
- 2) qularnartunik aqutsinermut suliffiullu iluani nakkutilliinermut pisariaqartunik suleriaatsinik pilersitsisoqarsimalluni,
- 3) ingerlatseqatigiiffiup aningaasaliiffiusup aningaasatigut pissutsit pillugit pisariaqartunik nalunaarusianik ingerlaavartumik nakkutilliisut tigusaqartarlutik,
- 4) qullersaqarfiup sulinini pissusissamisoortumik aamma siulersuisut najoqqutassiaat malillugu ingerlallugu aamma
- 5) ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaalluni, tassunga ilanngullugu ingerlatseqatigiiffiup aningaasaliiffiusup maannakkut siunissamilu pisussaaffii naammassiniarlugit, taakku akiligassanngortanera naapertorlugit, naammattunik akissaqarluni, aamma nakkutilliisut taamaalillutik aningaasaqarnikkut inissisimaneq qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

Qullersaqarfiup suliassai

§ 117. Ingerlatseqatigiiffinni aningaasaliiffiusuni, § 111, imm. 1, nr. 1 malillugu aqunneqartuni, ingerlatseqatigiiffiup aningaasaliiffiusup ulluinnarni aqunneqarnera qullersaqarfimmit isumagineqarpoq. Najoqqutassat innersuussinerilli siulersuisunit tunniunneqartut qullersaqarfiup malissavai. Ulluinnarni aqutsinermut ilaanngillat iliuuserisat, ingerlatseqatigiiffimmi aningaasaliiffiusumi pissutsit malillugit immikkuullarissuusut imaluunniit annertuumik pingaaruteqartuusut. Iliuuserisat taamatut ittut siulersuisuniit immikkut piginnaatitsisoqarneratigut taamaallaat isumagineqarsinnaapput, siulersuisut aalajangiinerat ingerlatseqatigiiffiup aningaasaliiffiusup ingerlanneqarneranut annertuumik ajoqusinani utaqqineqarsinnaanngippat. Taamaattoqartillugu iliuuserisaq pillugu siulersuisut sapinngisamik piaarnerpaamik nalunaarfigineqassapput.

Imm. 2. Ingerlatseqatigiiffinni aningaasaliiffiusuni, § 111, imm. 1, nr. 2-mut ilaasuni qullersaqarfiup pingaarnertigut periusissatigullu aqutsineq kiisalu ulluinnarni aqutsineq isumagissavaa. Qullersaqarfiup aamma ingerlatseqatigiiffiup aningaasaliiffiusup ingerlatsinerata illersorneqarsinnaasumik aaqqissugaanera qulakkiissavaa.

§ 118. Qullersaqarfiup ingerlatseqatigiiffiup aningaasaliiffiusup naatsorsuutitut allattuinera tamanna pillugu inatsisini maleruagassat naapertorlugit ingerlanera, aamma pisuussutigisai isumannaatsumik ingerlanera qulakkiissavaa.

Imm. 2. Taakku saniatigut ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaanera qullersaqarfiup qulakkiissavaa, tassunga ilanngullugu ingerlatseqatigiiffiup aningaasaliiffiusup maannakkut siunissamilu pisussaaffii naammassiniarlugit, taakku akiligassanngortanera naapertorlugit, naammattunik akissaqarluni. Qullersaqarfiup taamaalilluni aningaasaqarnikkut inissisimaneq

qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

Aningaasaatinik annaasaqarneq

§ 119. Ingerlatseqatigiiffiup nammineq aningaasaatai aningaasaatit pisiarineqarsimasut affaanit annikinnerulernerannik paasisaqarnermiit kingusinnerpaamik qaammatit arfinillit kingorna ataatsimeersuarnerup ingerlanneqarnissaa ingerlatseqatigiiffimmi aningaasaliiffiusup aqutsisuisa qulakkiissavaat. Ataatsimeersuarnermi ingerlatseqatigiiffiup aningaasaliiffiusup aningaasaqarnikkut inissisimaneq qitiusumik aqutsisut nassuiaassapput pisariaqarpallu aaqqiinerit aalajangiiffigineqartariaqartut pillugit siunnersuuteqarlutik, tassunga ilanngullugu ingerlatseqatigiiffiup aningaasaliiffiusup atorunnaarsinnera pillugu.

Siulersuisunut nakkutilliisunullu qinersineq

§ 120. Aktieselskabini siulersuisut imaluunniit nakkutilliisut amerlanersaat ataatsimeersuarnermi qinerneqassapput.

Imm. 2. Malittarisassat pisortani oqartussat allalluunniit siulersuisuni imaluunniit nakkutilliisuni ilaasortamik ataatsimik amerlanernilluunniit toqqaasitsisinnaapput.

Imm. 3. Siulersuisunut imaluunniit nakkutilliisunut ilaasortassanik ataatsimeersuarnermi qinersinissaq sioqqullugu aktieselskabini inuit inuussutissarsiorluni ingerlataqartunik suliffeqarfanni aallani aqutsinermik suliaqartut qinigassanngortinneqartut pillugit paasissutissiisoqassaaq, aktieselskabip nammineq 100 pct.-imik pigisai ingerlatseqatigiiffiit ilanngunnagit. Pineqartoq ingerlatseqatigiiffimmi piginnittumi allami kiisalu taassuma 100 pct.-imik pigisaani ingerlatseqatigiiffimmi ataatsimi amerlanerniluunniit aqutsisuni ilaasortaappat, oqaaseqatigiit siulliit apeqqutaatinnagit pineqartup aqutsisutut ilaasortaaffigisaata ingerlatseqatigiiffiup piginnittup taassuma taaguutaa taassumalu ingerlatseqatigiiffiit pigisaasa amerlassusaat ilisimatitsissutigineqarnerat naammappoq. Aalajangersagaq taanna saneqqunneqarsinnaasoq piginneqataasut isumaqatigiillutik aalajangersinnaapput.

Imm. 4. Siulersuisut imaluunniit nakkutilliisut sulineranni ilaasortat ataatsimeersuarnermi qinerneqartut malittarisassani aalajangersarneqartumut piffissamut atuutissapput. Piffissaq qinigaaffiusoq ileqquusumik ataatsimeersuarnerup qinersereernerup kingusinnerpaamik ukiut sisamat kingornata naanerani atorunnaassaaq.

Siulersuisuni nakkutilliisunilu ilaasortat tunuarnerat

§ 121. Siulersuisuni imaluunniit nakkutilliisuni ilaasortaq qaqugukkulluunniit tassangaanniit tunuarsinnaavoq. Tamanna pillugu nalunaarut ingerlatseqatigiiffiup aningaasaliiffiusup siulersuisuinut imaluunniit nakkutilliisuinut tunniunneqassaaq aamma, ilaasortaq ataatsimeersuarnermi qinigaasimanngippat, aamma pineqartumik toqqaasimasoq. Siulersuisuni imaluunniit nakkutilliisuni ilaasortaq qaqugukkulluunniit pineqartumik qinersisiminit imaluunniit toqqaasuminit tunuartinneqarsinnaavoq.

Imm. 2. Ilaasortap inigisaani sinniisussaqaanngippat ilaasortap tunuartup qinigaaffiata sinneranut ilaasortassamik nutaamik qinersisoqarnissaata isumagineqarnissaanut siulersuisuni imaluunniit nakkutilliisuni ilaasortat sinneri pisussaaffeqarput. Tamanna aamma atuuppoq ilaasortaq ataaseq, § 140 imaluunniit § 141 malillugu sulisunit qinerneqarsimasoq ingerlatseqatigiiffimmi aningaasaliiffiusumi imaluunniit suliffeqarfissuarmi atorfeqarunnaarpat. Qinersineq ataatsimeersuarnermut atappat, ilaasortassamik nutaamik qinersinissaq ileqquusumik tullianik ataatsimeersuararnissamut kinguartinneqarsinnaavoq,

tassani siulersuisunut imaluunniit nakkutilliisunut qinersisoqarluni, siulersuisut imaluunniit nakkutilliisut ilaasortani sinniisunilu sinneruttuni aalajangiisinnaappata.

Siulittaasumik toqqaaneq

§ 122. Aktieselskabimi siulersuisut imaluunniit nakkutilliisut siulittaasussaminnik namminneq qinersissapput, malittarisassani allamik aalajangiisoqanngippat. Taasinerit naligiinnerini qinersineq makitsisoqarneratigut aalajangiiffigineqassaaq.

Siulersuisuni nakkutilliisunilu ataatsimiinnerit ingerlanneqarneri

§ 123. Aktieselskabimi siulersuisunut imaluunniit nakkutilliisunut siulittaasup, tamanna pisariaqarpat, aqutsisut qullersat ataatsimiittarnissaat qulakkiissavaa, aamma ilaasortat tamarmik aggersarneqarnerat nakkutigalugu. Aqutsisuni ilaasortap ataatsip imaluunniit ingerlatseqatigiiffiup ataatsimeersuarnermi qinigaata kukkunerisuiisup, § 144 tak., piumasarisinnaavaa aqutsisut qullersat aggersarneqarnissaat. Pisortaq, naak taanna siulersuisuni imaluunniit nakkutilliisuni ilaasortaannikkaluartoq, siulersuisut imaluunniit nakkutilliisut ataatsimiinneranni najuunnissamut oqaaseqarnissamullu pisinnaatitaaffeqarpoq, siulersuisut nakkutilliisulluunniit pisuni ataasiakkaani allamik aalajangiinngippata.

Siulersuisunit nakkutilliisunilu aalajangiisinnaaneq

§ 124. Siulersuisut imaluunniit nakkutilliisut aalajangiisinnaatitaapput ilaasortat tamarmiusut affai sinnerlugit najuuppata, malittarisassat malillugit annerusumik piunasaqaateqanngippat. Aalajangiinerilli ilaasortat tamarmik suliap suliarinerani sapinngisamik peqataanissamut periarfissaqarsimatinnagit aalajangiiffigineqassanngillat.

Imm. 2. Ilaasortaq ataaseq pisinnaanngippat, aamma sinniisussamik toqqaasoqarsimappat, pisinnaannginnerata nalaani ilaasortaq sinnerlugu sinniisussaq peqataasinnaatinneqassaaq. Allamik siulersuisut imaluunniit nakkutilliisut aalajangiisimannngippata imaluunniit malittarisassani aalajangersagaqanngippat, ilaasortaq ataaseq pisuni ataasiakkaani sinniisussap aggersarneqarnissaanut taarsiullugu ilaasortamut allamut piginnaatitsisinnaavoq, tamanna sammisap oqallisigineqarnissaanut toqqissisimanarpat.

Imm. 3. Suliassat, siulersuisuni imaluunniit nakkutilliisunik suliarineqartut nalinginnaasumik taasinerit amerlanerussuteqarnerisigut aalajangiiffigineqassapput, malittarisassat malillugit immikkut amerlanerussuteqarnissamik piunasaqartoqanngippat. Malittarisassani aalajangerneqarsinnaavoq siulittaasup taasineri, imaluunniit siulittaasup pisinnaannginnerani siulittaasup tulliaata taasineri, taasinerit naligiitsillugit aalajangiisuussasoq.

Siulersuisut nakkutilliisullu allakkatigut elektronikkikkullu ataatsimiinnerit

§ 125. Siulersuisuni ataatsimiinnerit aamma nakkutilliisuni ataatsimiinnerit allakkatigut ingerlanneqarsinnaapput, tamanna siulersuisut nakkutilliisulluunniit suliaasa ingerlanneqarnerinut ataqatigiissinneqarsinnaappat. Aqutsisunili ilaasortap ataatsip piumasarisinnaavaa oqallittoqassasoq. Siulersuisuni imaluunniit nakkutilliisuni ataatsimiinnerit ingerlanneqarneri pillugit peqqusummi aalajangersakkat pisariaqartunik allaanerussuteqartumik allakkatigut ataatsimiinnerni taamaaqataanik atorineqassapput.

Imm. 2. Siulersuisuni ataatsimiinnerit aamma nakkutilliisuni ataatsimiinnerit elektronikkikkut atortorissaarutit atornerisigut ingerlanneqarsinnaapput, tamanna siulersuisut nakkutilliisulluunniit suliaasa ingerlanneqarnerinut ataqatigiissinneqarsinnaappat. Aqutsisunili ilaasortap ataatsip piumasarisinnaavaa oqallittoqassasoq. Siulersuisuni

imaluunniit nakkutilliisuni ataatsimiinnerit ingerlanneqarneri aamma elektronikkikkut attaveqatigiinneq pillugit peqqussummi aalajangersakkat pisariaqartunik allaanerussuteqartumik elektronikkikkut ataatsimiinnerani aamma tassunga atasumik attaveqatigiinnermi taamaaqataanik atorpeqassapput.

Siulersuisuni nakkutilliisunilu ataatsimiinnerni oqaatsit

§ 126. Siulersiusuni imaluunniit nakkutilliisuni ataatsimiinnerit kalaallisut imaluunniit danskisut ingerlanneqassapput, taamaattorli imm. 2 aamma 3 tak.

Imm. 2. Siulersuisuni imaluunniit nakkutilliisuni ataatsimiinnerit, amerlanerussuteqartut tamanna aalajangerpassuk, kalaallisut danskisulluunniit pinnani oqaatsit allat atorlugit ingerlanneqarsinnaavoq, peqatigisaanik peqataasunut tamanut kalaallisut imaluunniit danskisut toqqaannartumik nutserisoqarnissaanik periarfissiisoqarpat. Kalaallisuunngitsoq imaluunniit danskisuunngitsoq oqaatsit allat atorlugit toqqaannartumik nutserisoqannngitsumik ataatsimiinnerit ingerlanneqarneri siulersuisuni imaluunniit nakkutilliisuni ilaasortat akornanni isumaqatigiinnissamik piumasaqarpoq.

Imm. 3. Imm. 2 apeqqutaatinnguli siulersuisuni imaluunniit nakkutilliisuni ataatsimiinnerit toqqaannartumik nutserisoqannngitsumik tuluttut ingerlanneqarsinnaapput, oqaatsit taakku ingerlatseqatigiiffiup malittarisassaani suliffeqarfissuup oqaasiisut allanneqarsimappata.

Imm. 4. Siulersuisuni imaluunniit nakkutilliisuni sulineri atugassatut suliarineqartut allakkat kalaallisut imaluunniit danskisut ilusilerneqarsimangippata, siulersuisuni imaluunniit nakkutilliisuni ilaasortat kialuunniit piumasarisinnaavaa allakkat pineqartut kalaallisuunngortillugit imaluunniit danskisuunngortillugit nutsertinneqassasut. Tamannali atuutinnngilaq allakkat tuluttut ilusilerneqarsimappata, tuluit oqaasii ingerlatseqatigiiffiup malittarisassaani suliffeqarfissuup oqaasiisut allanneqarsimappata.

Ileqqussaannngitsumik iliuserisat kiisalu isumaqatigiissutit aningaasaatinik piginnittumut kisimiittumut isumaqatigiissutigineqartut

§ 127. Ingerlatseqatigiiffiup aningaasaliiffiusup aqutsisuini ilaasortat imatut iliuseqassanngillat iliuserisat aningaasaatinik piginnittut imaluunniit ingerlatseqatigiiffiup aningaasaliiffiusup ajoqutigisaanik aningaasaatinik piginnittut ilaanut imaluunniit allat assuarnartumik erseqqissumik iluaquserlugit. Ingerlatseqatigiiffiup aningaasaliiffiusup aqutsisuini ilaasortat, aalajangiineq inatsisinut imaluunniit ingerlatseqatigiiffiup malittarisasaanut akerliulluni atuuttuunngippat ataatsimeersuarnermi aalajangiinerit imaluunniit ingerlatseqatigiiffiup aqqissugaani allani aalajangiiffigineqartut malittussaannngilaat.

Imm. 2. Isumaqatigiissutit kisimiilluni aningaasaatinik piginnittup aamma ingerlatseqatigiiffiup aningaasaliiffiusup akornanni isumaqatigiissutigineqartut taamaallaat atuuttuussapput imatut oqaasertalerneqarpat kingusinnerusukkut uppersarneqarsinnaallutik, naammassisimangisamut ingerlasumut atasumik piumasaqaatit nalinginnaasut malillugit isumaqatigiissutit pineqannngippata.

Aqutsisuni qullersani isumaqatigiinniarnert allattorneqarneri

§ 128. Aqutsisut qullersat arlalinnik ilaasortaqqarpat isumaqatigiinniarnert pillugit allattaavimmik ingerlatsisoqassaaq, ilaasortanit najuuttunit tamanit atsiorneqartussaaq.

Imm. 2. Aqutsisuni ilaasortaqq najuuttoq ataaseq aalajangiinnermut isumaqataannngikkuni isummami allattaavinnut allanneqarnissaanut pisussaaffeqarpoq.

Kukkunersiuisup allattaavia

§ 129. Aqutsisuni qullersani ilaasortat kukkunersiuinermi allattaavik kukkunersiuisumik suliarineqartoq atsiussavaat, tamanna kukkunersiuinermi inatsit imaluunniit inatsisit allat malillugit kukkunersiuisoq taamatut ingerlatseqqusaappat, imaluunniit kukkunersiuisoq ingerlatseqatigiiffimmik aningaasaliiffiusumik isumaqatigiissuteqarnermigut kukkunersiuisup allattaavianut allattussaappat.

Siulersuisut aamma nakkutilliisut suleriaasiat

§ 130. Aktieselskabimi siulersuisut imaluunniit nakkutillisut arlalinnik ilaasortaqpata suleriaaseqarnikkut siulersuisut imaluunniit nakkutilliisut suliamik ingerlataqarnerat pillugu erseqqinnerusunik aalajangersagaqassaaq.

Imm. 2. Suleriaatsip ilusilersornerani ingerlatseqatigiiffiup aningaasaliiffiusup sulinera pisariaqartitaalu aallaavigineqassapput. Tassunga atatillugu siulersuisut imaluunniit nakkutilliisut eqqarsaatigeqqissaartariaqarpaat suleriaasissaq inissititerneq, suliat agguarnerat, qullersat ulluinnarni sulerinerannik nakkutilliineq, atuakkanik allattuineq, allattaaveqarneq il.il., allakkatigut aamma elektronikkikkut ataatsimiinnerit, nipangiussisaqartussaataaneq, sinniisut, naatsorsuutinik nakkutilliineq, kukkunersiuisup allattaavianik atsiorneq aamma kukkunersiuinerup pisariaqartumik tunngaveqarneranik qulakkeerineq pillugu aalajangersakkanik imaqartariaqarnersoq.

Imm. 3. Naalagaaffinni aktieselskabini siulersuisuni imaluunniit nakkutilliisuni suleriaaseq, § 351 tak., suliarineqarneraniit kingusinnerpaamik sapaatit akunneri sisamat kingorna Erhvervsstyrelsen qarasaasiaqarfiani tamanut saqqummiunneqassaaq. Piffissaliussaqaq taanna atuutissaaq aktieselskabi kapitali 20 malillugu naalagaaffiup ataani aktieselskabinngorpat, § 351 tak., imaluunniit naalagaaffiup aktieselskabiata suleriaasiani allannguisoqarpat.

Attuumassuteqarpallaarneq

§ 131. Aqutsisuni ilaasortaqaq, ingerlatseqatigiiffimmik aningaasaliiffiusumut akerliusinnaasunik pineqartoq tassani annertuumik soqutigisaqaruni, ingerlatseqatigiiffiup aningaasaliiffiusup pineqartullu nammineq akornanni isumaqatigiissut pillugu imaluunniit pineqartumut namminermit eqqartuussisunut suliaassanngortitsineq pillugu imaluunniit ingerlatseqatigiiffiup aningaasaliiffiusup aamma allap akornanni isumaqatigiissut pillugu imaluunniit allamut eqqartuussivimmi suliaassanngortitsineq pillugu apeqquutip suliarinerani peqataasussaannqilaq.

Nipangiussisussaataaneq

§ 132. Siulersuisuni nakkutilliisunilu ilaasortat, pisortat, naliliisartut aamma misissuisut kiisalu taakku ikiortaata sinniisuilu suliaqarnermikkut ilisimalikkaminik akuerisaanngitsumik ingerlatitseqqusaanngillat.

Paasissutissanik il.il. kukkunersiuisumut tunniussineq

§ 133. Ingerlatseqatigiiffimmi aningaasaliiffiusumi aqutsisut, ingerlatseqatigiiffiup aningaasaliiffiusup aamma, ingerlatseqatigiiffik aningaasaliiffiusoq ingerlatseqatigiiffiuppat piginnittoq, ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqarsimasoq malillugu taassuma suliffeqarfissuanik nalilersorneranut pingaaruteqarsinnaasutut isigineqartut paasissutissanik, kukkunersiuisumut imaluunniit misissueqqissaartussamut, ataatsimeersuarnermi toqqarneqarsimasumut, aamma

ingerlatseqatigiiffimmi aningaasaliiffiusumi pissutsinik nalunaaruteqartussamut tunniussissapput.

Imm. 2. Ingerlatseqatigiiffimmi aningaasaliiffiusumi aqutsisut, kukkunersiuisumut imaluunniit misissueqqissaartussamut, ataatsimeersuarnermi toqqarneqarsimasumut, aamma aningaasaatitigut ingerlatseqatigiiffimi pissutsinik nalunaaruteqartussamut, taassuma pisariaqartitaanut misissuinissanut isertissinnaassavaat, aamma kukkunersiuisup imaluunniit misissueqqissaartussap paasissutissanik aamma suliaminik ingerlatsinissaanut pisariaqartutut pineqartup isigisaanik ikiorneqarnissaa qulakkeerlugu.

Imm. 3. Ingerlatseqatigiiffimmi aningaasaliiffiusumi, suliffissuaqarfimmi pigineqarluni ingerlatsiviusumi aqutsisut suliffeqarfiup piginnittup kukkunersiuisuanut taamaaqataanik pisussaaffeqarput.

Suliffissuarmi pissutsit pillugit nalunaarut

§ 134. Kalaallit nunaanni ingerlatseqatigiiffimmi piginnittumi qitiusumik aqutsisut pisussaapput suliffissuaqarnermut pissutsit pilersinneqaannartullu suliffeqarfimmi pigineqartumi qitiusumik aqutsisut nalunaarfiginissaannut. Kalaallit nunaanni ingerlatseqatigiiffimmi pigineqartumi qitiusumik aqutsisut suliffeqarfissuup inissisimaneranik aamma suliffeqarfissuup ingerlataasa angusaanut naliliinissamut pisariaqartunik paasissutissanik suliffeqarfimmut piginnittumut tunniussissallutik.

Sinniisuusinnaaneq aamma atsiorsinnaatitaaneq

§ 135. Siulersuisuni aamma qullersaqarfimmi ilaasortat ingerlatseqatigiiffimmut aningaasaliiffiusumut avammut sinniisuupput.

Imm. 2. Ingerlatseqatigiiffik aningaasaliiffiusoq sinnerlugu qitiusumik aqutsisunit tamarmiusunit, siulersuisunut ilaasortamit imaluunniit pisortamit isumaqatigiissutigineqartunik ingerlatseqatigiiffik aningaasaliiffiusoq isumaqatigiissutini pisussaaffilerneqartarpoq. Nakkutilliisuni ilaasortat ingerlatseqatigiiffik aningaasaliiffiusoq sinnerlugu atsiorsinnaatitaanngillat.

Imm. 3. Imm. 2 malillugu siulersuisunut qullersaqarfimmilu ilaasortap atsiorsinnaatitaanera malittarisassani killilerneqarsinnaavoq, taamaalilluni atsiorsinnaatitaaneq taamaallaat ilaasortat arlallit peqatigiillutik imaluunniit ilaasortaq aalajangersimasoq arlallilluunniit tamarmik immikkut peqatigiillutilluunniit isumagineqarsinnaalluni. Atsiorsinnaatitaanermi allatut killiliineq nalunaarsorneqarsinnaanngilaq.

Imm. 4. Ingerlatseqatigiiffiit aningaasaliiffiusut, nakkutilliisoqartut, imm. 1 apequtaatinnagu, ingerlatseqatigiiffiup qullersaqarfiani ilaasortamut ataatsimut amerlanernulluunniit eqqartuussivikkut suliassannortitsisoqarnerani nakkutilliisut ingerlatseqatigiiffimmut sinniisuusinnaapput. Taamaaqataanik ingerlatseqatigiiffiup qullersaqarfiani ilaasortamit ataatsimit ingerlatseqatigiiffiup eqqartuussivimmi suliassannortinneqarnerani nakkutilliisut ingerlatseqatigiiffimmut sinniisuusinnaapput. Assinga atuuppoq qullersaqarfiup ilaasortai attuumassuteqarpallaarpata allanilluunniit peqquteqarlutik ingerlatseqatigiiffimmut sinniisuusinnaanngippata.

Imm. 5. Piginnaatitsineq qitiusumik aqutsisunit taamaallaat nalunaarutigineqarsinnaavoq.

§ 136. Arlaat, § 135 malillugu atsiorsinnaatitaasoq ingerlatseqatigiiffik aningaasaliiffiusoq sinnerlugu isumaqatigiissuteqarsimappat imaluunniit isumaqatigiissuteqarnissamut neriorsuisimappat, tamanna ingerlatseqatigiiffimmut aningaasaliiffiusumut pisussaaffiliivoq,

- 1) atsiorsinnaatitaasut, peqqussummi matumani aalajangersarneqartunik pisinnaatitaaffimminni killiliussanut akerliusumik iliuseqarsimangippata,
- 2) isumaqatigiissut imaluunniit neriorsuineq ingerlatseqatigiiffiup aningaasaliiffiusup siunertaata avataaniingippat aamma ingerlatseqatigiiffiup aningaasaliiffiusup uppersarpagu allap tamanna ilisimasimagaa imaluunniit ilisimasariaqaraluaraa, imaluunniit
- 3) atsiorsinnaatitaasup piginnaatitaanini qaangersimappagu imaluunniit ingerlatseqatigiiffiup soqutigisai annertuumik qaangersimappagit aamma allap tamanna ilisimasimallugu imaluunniit ilisimariaqaraluarlugu.

Imm. 2. Ingerlatseqatigiiffiup aningaasaliiffiusup malittarisassaani siunertatigut aalajangersakkat Erhvervsstyrelsen qarasaasiaqarfiani tamanut saqqummiussineq namminermit imm. 1, nr. 2-mi aalajangersagaq malillugu uppersaatit naammangilaq.

§ 137. Ingerlatseqatigiiffimmi aningaasaliiffiusumi siulersuisuni ilaasortanik qinersineq imaluunniit toqqaaneq § 14 malillugu Erhvervsstyrelsen qarasaasiaqarfiani nalunaarutigineqarsimappat qinersinermi imaluunniit toqqaanermi amigaatit allamut patsisigineqarsinnaangillat, ingerlatseqatigiiffiup aningaasaliiffiusup uppersanngippagu amigaataasoq taanna ilisimasimallugu.

Aqutsisuni ilaasortanik akissarsiaqartitsineq

§ 138. Ingerlatseqatigiiffiup aningaasaliiffiusup aqutsisuni ilaasortat aalajangersimasumik imaluunniit allanngortumik akissarsiaqartinneqarsinnaapput. Akissarsiat suliap suunera aamma suliap annertussusia malillugu nalinginnaasutut isigineqartoq, kiisalu ingerlatseqatigiiffimmut aningaasaliiffiusumut aamma, ingerlatseqatigiiffinni piginnittuni, suliffeqarfissuup aningaasatigut inissisimaneranut naleqqiullugu illersorneqarsinnaasutut isigineqarsinnaasut qaangissangilaat.

Imm. 2. Ingerlatseqatigiiffik aningaasaliiffiusoq akiliisinnaajunnaarpat, aqutsisuni ilaasortat, naak ajunngitsumik isumaqaraluartut, piffissaliussaq sioqqullugu ukiuni kingullerni tallimani akissarsiani allanngortuni pissarsiarisimasatik utertillugit akilissavaat, akissarsiat allanngortut aalajangersarneqarnerini inegerlatseqatigiiffik aningaasaliiffiusoq akiliisinnaajunnaarsimappat.

§ 139. Aktieselskabi, niuerfimmi naleqqussakkami piginneqataassutinik niueruteqartoq imaluunniit arlalinnik niuernikkut atortoqartoq, ingerlatseqatigiiffiup aqutsisuni ilaasortamit ataatsimit kajumissaatit akissarsisitsinissaq pillugu aalajangersimasumik isumaqatigiissuteqartinnagu, ingerlatseqatigiiffiup aningaasaliiffiusup aqutsisuinik ingerlatseqatigiiffiup aningaasaliiffiusup kajumissaatit akissarsiaqartitsinera pillugu pingaarnertut najoqqutassanik ingerlatseqatigiiffiup aningaasaliiffiusup aqutsisui qullersat aalajangersaasimassapput. Najoqqutassat ingerlatseqatigiiffiup aningaasaliiffiusup ataatsimeersuarnerani suliarineqarsimallutillu akuerineqarsimassapput.

Imm. 2. Ingerlatseqatigiiffiup aningaasaliiffiusup aqutsisuinik ingerlatseqatigiiffiup aningaasaliiffiusup kajumissaatit akissarsiaqartitsinera pillugu najoqqutassanik ataatsimeersuartut akuersisimappata, imm. 1 tak., najoqqutassat taamatut ittu akuerineqarsimanerini ilisimatitsisumik aalajangersakkamik ingerlatseqatigiiffiup aningaasaliiffiusup malittarisassanik ilaangussisoqassaaq. Aalajangersakkap malittarisassani ilanngunneqarnera ataatsimeersuarnermi immikkut akuerineqarnissanik pisariaqartitsinngilaq. Najoqqutassat ataatsimeersuarnermi akuerineqarnerisa kingorna sapinngisamik piaarnerpaamik ingerlatseqatigiiffiup aningaasaliiffiusup nittartagaani tamanut

saqqummiunneqassapput, najoqqutassat qanga ataatsimeersuurtunit akuerineqarsimanersut allanneqarluni.

Imm. 3. Kajumissaatitut akissarsiaqartitsineq pillugu isumaqatigiissutit, imm. 1 tak., najoqqutassat akuerineqarsimasut ingerlatseqatigiiffiup aningaasaliiffiusup nittartagaani tamanut saqqummiunneqarlutik atuutilerneranniit aqaguani siusinnerpaamik isumaqatigiissutigineqarsinnaapput, imm. 2 tak. Kajumissaatitut isumaqatigiissutinik isumaqatigiissuteqarnermi najoqqutassat akuerineqarsimasut atuuttut eqqortinneqassapput.

Imm. 4. Imm. 1-3 taamaaqataanik ingerlatseqatigiiffiup aningaasaliiffiusup aqutsisuinik kajumissaatitut akissarsiaqartitsinera pillugu isumaqatigiissutit pioreersut sivitsorneri imaluunniit allangortinneri pillugit isumaqatigiissutinut atorneqarput.

Suiaassusilinnut ikinaarlugit sinniisulinnut kisitsisit anguniakkat aamma politikkit

§ 139 a. Naalagaaffiit aktieselskabiini, § 351 tak., ingerlatseqatigiiffinni, EU/EØS-imi nunami niuerfimmi naleqqussakkami aningaasaatinik piginneqataassuteqartunik, akiitsunut sakkunik imaluunniit pappiaranik aningaasanik nalilinnik niueruteqartuni, aamma aningaasaatitigut ingerlatseqatigiiffinni angisuuni, imm. 2 tak.,

- 1) aqutsisuni qullersani suaiaassusilinni ikinaarlugit sinniisullit amerlassusissaannut aqutsisut qullersat kisitsinik anguniagassaliissapput aamma
- 2) ingerlatseqatigiiffiup aningaasaliiffiusup aqutsisuini allani suaiaassusillit ikinaarlugit sinniisut amerlassusii qaffatsinniarlugit qitiusumik aqutsisut politikkkiliussapput, taamaattorli imm. 4-7 tak.

Imm. 2. Ingerlatseqatigiiffiit aningaasaliiffiusut angisuut tassaapput ingerlatseqatigiiffiit ukiuni naatsorsuusiorfiusuni tulleriiginnarni marluni piumasaqaatinik makkuningga marlunnik qaangiisut:

- 1) Pigisanik nalilinnik akiligassanillu naatsorsuinermi aningaasat 156 mio. kr.-inik,
- 2) ilanngaateqareerluni kaaviaartitsineq 313 mio. kr.-inik aamma
- 3) agguaqatigiissillu ulloq naallugu 250-nik sulisoqartoq.

Imm. 3. Imm. 2-mi angissutsit naatsorsornerini ukiumoortumik naatsorsuutit pillugit inatsimmi § 7, imm. 3 aamma 4 atorneqassapput.

Imm. 4. Ingerlatseqatigiiffinnut piginnittunut, suliffeqarfissuarmut naatsorsuusiortartunut, suliffeqarfissuaq ataatsimut isigalugu kisitsisit anguniagassat aamma politikkkiliornissaq, imm. 1 tak., naammappoq.

Imm. 5. Ingerlatseqatigiiffiup pigineqartup, suliffeqarfissuarmut ilaasoq, suliffeqarfissuarmut tamarmut kisitsisit anguniagassat aamma politikkimik ingerlatseqatigiiffik piginnittoq suliaqarsimappat, kisitsisinik anguniagassaliornissaq aamma politikkkiliornissaq suliarinngitsoorsinnaavaa.

Imm. 6. Kisitsisinik anguniagassanik saqqummiussinermi, imm. 1, nr. 1 tak., naalagaaffiup aktieselskabii, § 351 tak., aamma arnat angutillu naligiissinnissaat pillugu kalaallit nunaanni inatsimmut ilaapput.

Imm. 7. Ingerlatseqatigiiffiit aningaasaliiffiusut, ukiumi naatsorsuusiorfiusumi kingullermi sulisunik 50-nik ikinnerusunik sulisoqarsimasut, aqutsisuni allani suaiaassusillit ikinaarlugit sinniisullit amerlassusiat qaffatsinniarlugit politikkkiliornissaq suliarinngitsoorsinnaavaat, imm. 1, nr. 2 tak.

Kapitali 8

Sulisut sinniisoqarnerat

Ingerlatseqatigiiffinni sinniisoqarneq

§ 140. Ingerlatseqatigiiffimmi aningaasaliiffiusumi, ukiuni kingullerni pingasuni agguaqatigiissillugu ikinnerpaanik 35-nik sulisoqarfiusumi, ingerlatseqatigiiffiup aqutsisuinut qullersanut ilaasortassanik taakkunungalu sinniisussanik ingerlatseqatigiiffiup sulisui toqqaasinnaatitaapput aqutsisuni ilaasortat sinnerisa affaannut naapertuuttunik. Ingerlatseqatigiiffiup nunani allani immikkoortortaani, EU/EØS-imi nunamiittumi, sulisut ingerlatseqatigiiffimmi atorfeqartutut isigineqarput. Sulisulli ikinnerpaamik ilaasortanik marlunnik taakkunungalu sinniisussanik tamatigut toqqaasinnaapput. Sulisunit toqqaarneqartussat ilaasortat amerlassusaat kisitsit ilivitsuunngippat qummut akunnaallineqassaaq.

Imm. 2. Sulisut, imm. 1 malillugu pisinnaatitaaffimminut amerlassusilinnik toqqaasinnaangippata ilaasortassanik sinniisussanillu ikinnerusunik toqqaasinnaatitaapput.

Suliffeqarfissuarmi sinniisoqarneq

§ 141. § 140 taamaaqataanik kalaallit nunaanni ingerlatseqatigiiffimmi piginnittumi sulisunut atorneqarpoq, §§ 6 aamma 7 tak., aamma taassuma pigisaani ingerlatseqatigiiffinni, Kalaallit Nunaanni najugaqartutut nalunaarsorsimasuni, kiisalu taakku nunani allani immikkoortortaanut, WU/EØS-imi nunamiittunut.

Imm. 2. Ingerlatseqatigiiffik piginnittoq § 140-mut ilaappat, ingerlatseqatigiiffimmi pinnittumi sulisut ilaasortanik marlunnik taakkulu sinniisussaannik toqqaasinnaatitaapput. Ingerlatseqatigiiffimmi piginnittumi aqutsisuni qullersani sulisunit toqqaarneqartut ilaasortat amerlassusaat tamarmiusut ilaasortat allat affaattut annertutigissapput, taamaattorli sulisut toqqaagaat ilaasortat ikinnerpaamik pingasuussallutik. Oqaaseqatigiit suilliit malillugit amerlassusilinnik sulisut toqqaasinnaangippata sulisut ilaasortanik sinniisussanillu ikinnerusunik toqqaasinnaatitaapput.

Imm. 3. Ingerlatseqatigiiffimmi piginnittumi ataatsimeersuartut aalajangiisinnaapput nunani allani ingerlatseqatigiiffimmi pigisami ataatsimi amerlaneruiluunniit sulisut qinerneqarsinnaasunut taasisinnaatitaasunullu ilanngussinnaasut. Suliffissuaqarfik kalaallit nunaanni ingerlatseqatigiiffimmi pigisami sulisoqarpat taakku tamatigut sinniisumik ikinnerpaamik ataatsimik toqqaasassapput. Kalaallit nunaanni ingerlatseqatigiiffimmi pigisami sulisut, qinersinermi peqataasinnaasunit tamarmiusunit 10 pct.-it sinnerlugit amerlassuseqarpata sinniisussanik ikinnerpaanik marlunnik toqqaasinnaapput. Suliffissuaqarfimmi aaqqissuussinermi amerlanerussuteqarneq anguneqanngippat, § 142 tak., kisiannili kalaallit nunaanni ingerlatseqatigiiffinni pigisani amerlanerussuteqartut suliffissuaqarfimmi sinniisoqarnissaq taapersersussappassuk sulisut sinniisoqarnerannik aaqqissuussineq kalaallit nunaanni ingerlatseqatigiiffimmi pigisami sulisunit akuerineqartutut isigineqassaaq, taamaalilluni suliffissuaqarfimmi qinersineq kalaallit nunaanni ingerlatseqatigiiffinni pigisani taamaallaat ingerlanneqarluni.

Sulisut sinniisaannik qinersineq

§ 142. §§ 140 aamma 141 naapertorlugu aqutsisunut qullersanut ilaasortassanik qinersinissaq pillugu aalajangernerme piumasarineqarpoq ingerlatseqatigiiffimmi aningaasaliiffiusuni kiisalu ingerlatseqatigiiffinni pigineqartuni sulisut ikinnerpaamik affai tamatumunnga tapersersuinissaat, tamanna pillugu taasititsinerup ingerlanneqannginnissaa

pillugu aqutsisut sulisullu akornanni isumaqatigiittoqarsimangippat. Aalajangiineq aqutsisunit qullersanit imatut nalunaarutigineqassaaq, tamanna kingornatigut uppersarnerneqarsinnaalluni.

- § 143. Erhvervsstyrelsi uku pillugit maleruagassanik aalajangersaasinnaavoq,
- 1) sulisut sinniisaannut tunngatillugu kikkut sulisutut isigineqarnersut,
 - 2) §§ 140 aamma 141-mut naleqqiullugu agguaqatigiissillugu sulisut amerlassusaannik naatsorsuineq,
 - 3) §§ 140-142 malillugu qinersinerit erseqqinnerusumik ingerlanneqarneri, tassunga ilanngullugu maleruagassat isertortumik taasinissamik qulakkeerisut,
 - 4) paragraffi manna naapertorlugu aalajangersarneqartut aalajangersakkat aqutsisut sulisullu akornanni isumaqatigiinnerisigut saneqqunneqarsinnaaneritut periarfissaq, tassunga ilanngullugit sulisut sinniisoqarnerat pillugu kajumissutsimik aqqissuussinernik pilersitsineq pillugu maleruagassat aamma qitiusumik aqutsisut matuma malitsigisaanik ingerlatseqatigiiffiup aningaasaliiffiusup malittarisassaanik allannguisinnaanerit,
 - 5) ingerlatseqatigiiffinni aningaasaliiffiusuni aamma suliffeqarfissuarni, §§ 140 aamma 141 malillugu siulersuisunut ilaasortanik qinersiffiusuni ingerlatseqatigiiffimmi pissutsit pillugit sulisut qanoq ilisimatinneqartarnissaat,
 - 6) aqutsisuni ilaasortat sulisunit qinerneqartut, tassunga ilanngullugit ilaasortat kajumissutsikkut aqqissuussinerni qinerneqartut, atorfinitsinneqarnerini illersorneqarneri, aamma tamanna pillugu isumaqatigiinnerit suliarineqartarneri pillugit,
 - 7) inatsisini maleruagassanik aamma tamatuma malitsigisaanik maleruagassanik atulersinneqartunik unioqutitsinerit kingunerisai,
 - 8) ingerlatseqatigiiffinni aamma ingerlatseqatigiiffinni piginnittuni, §§ 140 aamma 141 naapertorlugu sulisut siulersuisunit ilaasortatut qinersiffiungitsuni, sulisunut sinniisunut piginnittut nalunaarsorsimaffiata pissarsiarineqarsinnaanera, aamma
 - 9) ingerlatseqatigiiffiup kiisalu suliffeqarfissuup sulisuinut ataatsimeersuarnissamut aggersaaneq pillugu nalunaaruteqarneq, sulisut sinniisussaannik qinersisoqarnissaa pillugu taakku siulersuisunut nalunaaruteqarsimappata.

Kapitali 9

Kukkunersuineq misissueqqissaarnerlu

Kukkunersuineq

§ 144. Ingerlatseqatigiiffik aningaasaliiffiusoq ukiumoortumik naatsorsuutit pillugit inatsit, kunnigip peqqussuteqarneratigut Kalaallit Nunaannut atulersinneqartoq, imaluunniit inatsit alla malillugu kukkunersuisoqarnissaanut ilaappat, imaluunniit ingerlatseqatigiiffiup ukiumoortumik naatsorsuutai kukkunersiorneqassasut ataatsimeersuartut aalajangerpata, ataatsimeersuartut kukkunersuiusumik ataatsimik amerlanernilluunniit akuerisaasunik taakkunungalu sinniisussanik toqqaassapput. Tamanna pillugu aalajangiineq § 105 malillugu nalinginnaasumik amerlanerussuteqarnikkut aalajangiiffigineqassaaq. Malittarisassat aamma kukkunersuiusumik ataatsimik amerlanernilluunniit toqqaarnissaannut allat pisinnaatissinnaavaat.

Imm. 2. Aningaasaatinik piginnittup piumasarisinnaavaa tullianik ataatsimeersuartoqarnissaata tungaanut kukkunersuiusumik akuerisaasumik taanna imaluunniit kukkunersuiusut allat peqatigalugit kukkunersuiusussamik Erhvervsstyrelsi aamma toqqaassasoq,

- 1) aningaasaatinik piginnittut, aningaasaatit ikinnerpaamik qulerarterutaannik piginnittut, kukkunersuiusussamik toqqaanissap oqaluuserisassanut ilaanerani ataatsimeersuarnermi suli allamik kukkunersuiusoqarnissaanut taasisimappata, aamma
- 2) ataatsimeersuareermermiit kingusinnerpaamik sapaatit akunneri tallimat kingorna piumasagaat saqqummiunneqarpat.

Imm. 3. Ingerlatseqatigiiffik aningaasaliiffiusoq kukkunersuiusoqarnissaanut pisussaaffeqartoq kukkunersuiusussamik pisariaqartumik peqanngippat aamma tamanna pillugu aqutsisuni ilaasortap ataatsip imaluunniit aningaasaatinik piginnittup ataatsip piumasarippagu Erhvervsstyrelsi kukkunersuiusussamik toqqaasinnaavoq. Toqqaaneq atuutissaaq ataatsimeersuartut kukkunersuiusussamik nutaamik toqqaanissaata tungaanut.

Imm. 4. Imm. 2 aamma 3-mi taaneqartuni pisuni kukkunersuiusup isernera nalunaarutigeqqaarnagu nalunaarsorneqassaaq. Kukkunersuiusumut nutaamut akissarsiasat Erhvervsstyrelsi aalajangissavai. Ingerlatseqatigiiffiup ukiumoortumik naatsorsuutaanik il.il. inatsisit naapertorlugit kukkunersuiurermi aningaasartuutit naalagaaffiup karsianit akilerneqassapput, inaarutaasumilli ingerlatseqatigiiffimmit aningaasaliiffiusumit matuneqassallutik.

Imm. 5. Ingerlatseqatigiiffiup aningaasaliiffiusup pissusii pillugit kukkunersuiusoq nalunaaruteqassappat, peqqussutip matuma malitsigisaanik kukkunersuiusut pisinnaatitaaffeqarlutillu pisussaaffeqarput, ataatsimeersuarnermi toqqarneqartut kukkunersuiusut, ukiumoortumik naatsorsuutini kukkunersuiusussatut toqqarneqartut, imm. 1 tak., aamma kukkunersuiusut allat akornanni immikkoortitsisoqarsimanngippat.

§ 145. Suliffissuaqarfimmi ingerlatseqatigiiffik pigineqartoq kunngip peqqussuteqarneratigut Kalaallit Nunaanut atulersinneqartumut ukiumoortumik naatsorsuutit pillugit inatsimmut naleqqiullugu, suliffeqarfik piginnittoq naalagaaffiup aktieselskabiutigalugu, § 351 tak., imaluunniit suliffeqarfik, pappiarat aningaasanik nalillit niuerfimmi naleqqussakkamik niuerutigineqarlutik, kukkunersuiusumik suliffeqarfiup piginnittup ataatsimeersuarnerani toqqarneqartumik sapinngisamik toqqaassaaq. Tamanna ajornarpat taarsiullugu ingerlatseqatigiiffik pigineqartoq sapinngisamik kukkunersuiusumik toqqaassaaq, suliffeqarfiup piginnittup ataatsimeersuarnerani toqqarneqartup kukkunersuiusup suleqatigisaa.

§ 146. Kukkunersuiusoq kukkunersuiusumit toqqaasimasumit soraarsinneqarsinnaavoq. Kukkunersuiusoq § 144 naapertorlugu ingerlatseqatigiiffiup ukiumoortumik naatsorsuutaanik kukkunersuiusussatut toqqarneqarsimasoq, tamatumunnga tunngavissaqartumik pissutsinik pissutissaqarpat suliap naammassinissaa sioqqullugu taamaallaat soraarsinneqarsinnaavoq.

Imm. 2. Kukkunersuiusup suliata naanissaa sioqqullugu ataatsimeersuarnermi toqqarneqartoq, § 144, imm. 1 tak., soraarpat, imaluunniit kukkunersuiusup allatut unippat, kukkunersuiusup piaarnerpaamik tamanna Erhvervsstyrelsimut nalunaarutigissavaa. Nalunaarummut ilaatinneqassaaq suliap unitsinneqarneranut pissutaasoq pillugu naammattumik nassuiaat, suliap naammassinissaa sioqqullugu soraartoqarpat imaluunniit unittoqarpat. Ingerlatseqatigiiffinni, pappiaranik aningaasanik nalilinnik niuerfimmi naleqqussakkamik niuerutigineqartuni, pappiaranik aningaasanik nalilinnik niuerneq pillugu inatsimmi, kunngip peqqussuteqarneratigut Kalaallit Nunaanut atulersinneqartumi maleruagassat malillugu soraarnini niuerfimmumut aamma piaarnerpaamik nalunaarutigissavaa.

Imm. 3. Ingerlatseqatigiiffiup ukiumoortumik naatsorsuutaanik kukkundersiuisussatut toqqarneqartoq, § 144, imm. 1 tak., ingerlatseqatigiiffiup kukkundersiuisua soraarpat, imaluunniit suliaa allatut unippat, imm. 1 tak., aamma taanna sinnerlugu allamik sinniisussaqaanngippat, § 144, imm. 1 malillugu kukkundersiuisussamik nutaamik toqqaasoqarnissaa qitiusumik aqutsisut piaarnerpaamik isumagissuaat. Tamanna siunertaralugu immikkut ittumik ataatsimeersuarnissaq aggersarneqassaaq, soraarnej ingerlatseqatigiiffimmut nalunaarutigineqarneraniit kingusinnerpaamik sapaatit akunneri marluk qaangiutsinnagit. Naalagaaffiup aktieselskabiini aamma ingerlatseqatigiiffinni, pappiaranik aningaasanik nalilinnik niuerfimmi naleqqussakkamik niuerutigineqartuni, aggersaaneq pisinnaavoq soraarnej ingerlatseqatigiiffimmut nalunaarutigineqarneraniit kingusinnerpaamik ullut arfineq pingasut qaangiutsinnagit.

§ 147. Ingerlatseqatigiiffiup ukiumoortumik naatsorsuutaanik kukkundersiuisussatut toqqarneqartoq, § 144, imm. 1 tak., ingerlatseqatigiiffiup kukkundersiuisua ataatsimeersuarnerup suliaqutai kukkundersiunermit tunngasunut piumasaqaatit malissavai, taakku inatsisinut, ingerlatseqatigiiffiup malittarisassaanut imaluunniit ajunngitsumik kukkundersiunermit ileqqoqarnermut akerliunngippata.

Imm. 2. Ingerlatseqatigiiffiup aqutsisuisa suleriaasissaliornissamut pisussaaffimminik aamma atuakkanik, nalunaarsuiffinnik allattaavinnillu pilersitsinissamut allattuinnissamullu, kiisalu kukkundersiunermit allattaaviup saqqummiunneqarnissaa atsiorneqarnissaa pillugu maleruagassannut pisussaaffinnik eqqortitsinersut kukkuersiuisup aamma nakkutigissavai.

Imm. 3. Kukkuersiuisumit paasineqarpat imm. 2 naapertorlugu piumasaqaatit naammassineqarsimanngitsut, tamanna pillugu kukkuersiuisoq ataatsimeersuartunut immikkut nalunaaruteqassaaq, ataatsimeersuarnermi ingerlatseqatigiiffiup ukiumoortumik nalunaarusiaanik akuersisoqassanngippat aamma pissuseq ukiumoortumik nalunaarusiami kukkuersiuisup uppenarsaanerani eqqaaneqarsimanngippat.

§ 148. Kukkuersiuisunut, § 144 naapertorlugu toqqarneqarsimasunut tunngatillugu allannguinerit Erhvervsstyrelsi qarasaasiaqarfiani nalunaarsorneqassaapput imaluunniit styrelsimut nalunaarutigineqarlutik, § 9 tak. Suliap naammassinissaa sioqqullugu kukkuersiuisut paarlaappata § 10, imm. 2-mi aalajangersagaq atuutissaaq.

§ 149. Ingerlatseqatigiiffiup nalilersornissaanut pingaaruteqartutut isigineqarsinnaasunik paasissutissanik kukkuersiuisoq ingerlatseqatigiiffiup aqutsisuinit piumasaqarsinnaavoq aamma, ingerlatseqatigiiffik ingerlatseqatigiiffiuppat piginnittoq, taassuma suliffeqarfissua, § 7 tak. Tamanna aamma kalaallit nunaanni ingerlatseqatigiiffimmi, ukiumoortumik naatsorsuutit pillugit inatsimmi kunngip peqqussuteqarneratigut Kalaallit Nunaannut atulersinneqarsimasoq naapertorlugu suliffeqarfissuarmi ingerlatseqatigiiffiup pigineqartup aqutsisuini ilaasortanut naleqqiullugu.

Misissueqqissaarneq

§ 150. Aningaasaatinik piginnittoq ileqqusumik ataatsimeersuarnermi imaluunniit ataatsimeersuarnermi, sammisap oqaluserisassani inissinneqarfiani, ingerlatseqatigiiffiup pilersinneqarneranik imaluunniit ingerlatseqatigiiffiup ingerlatsineranut imaluunniit naatsorsuutit ilaannut tunngasunik pissutsinik taaneqartunik erseqqinnerusumik misissueqqissaartoqarnissaa pillugu siunnersuummik saqqummiussisinnaavoq. Siunnersuut

nalinginnaasumik amerlanerussuteqartumik akuerineqarpat ataatsimeersuartut misissueqqissaartussamik ataatsimik arlalinnilluunniit toqqaasinnaapput.

Imm. 2. Siunnersuut akuerineqanngippat, kisianni ingerlatseqatigiiffiup aningaasaataanik 25 pct.-inut sinniisunut aningaasaatinik piginnittuniit tapersorneqarnera anguneqarpat, ataatsimeersuarnerup ingerlanneqarneraniit kingusinnerpaamik sapaatit akunneri arfineq marluk kingorna aningaasaatinik piginnittup ataatsip pigisanik agguaassisarnermut eqqartuussivik qinnuigisinnaavaa misissueqqissaartussamik toqqaqqullugu. Pigisanik agguaassinermut eqqartuussiviup ingerlatseqatigiiffiup aqutsisui aamma ataatsimeersuartunit toqqaarneqarsimasoq kukkunerisuiisoq, ingerlatseqatigiiffiup ukiumoortumik naatsorsuutaanik kukkunerisuiussatut toqqaarneqarsimasoq, § 144, imm. 1 tak., taamaattoqassappallu pissutsit qinnutigineqartumut ilaasut, eqqartuussiviup aalajangiinissaa sioqqullugu oqaaseqarsinnaapput. Naammattumik tunngavissaqartoq pigisanik agguaassisarnermut eqqartuussivik isumaqarpat qinnutigineqartoq taamaallaat malinneqassaaq. Pigisanik agguaassisarnermut eqqartuussiviup misissueqqissaartussat amerlassusissaat aalajangissavaa. Pigisanik agguaassisarnermut eqqartuussiviup aalajangiinerit suliareqqitassanngortinneqarsinnaapput.

Imm. 3. Kukkunerisuiinermi inatsimmi attuumassuteqannginnissaq pillugu aalajangersakkat imm. 1 aamma 2 malillugu misissueqqissaartussanut taamaaqataanik atorneqassapput.

§ 151. Ingerlatseqatigiiffiup nalilersornissaanut pingaaruteqartut isigineqarsinnaasunik paasissutissamik misissueqqissaartuq ingerlatseqatigiiffiup aqutsisuunit piumasaqarsinnaavoq aamma, ingerlatseqatigiiffik ingerlatseqatigiiffiuppat piginnittoq, taassuma suliffeqarfissua, § 7 tak. Tamanna aamma kalaallit nunanani ingerlatseqatigiiffimmi, ukiumoortumik naatsorsuutit pillugit inatsimmi kunngip peqqussuteqarneratigut Kalaallit Nunaannut atulersinneqarsimasoq naapertorlugu suliffeqarfissuarmi ingerlatseqatigiiffiup pigineqartup aqutsisuini ilaasortanut naleqqiullugu.

§ 152. Misissueqqissaartut nalunaarusiamik allatamik ataatsimeersuartunut tunniussissapput aamma akissarsiassamik ingerlatseqatigiiffimmiit pissarsisinnaatitaallutik. Misissueqqissaartussat pigisanik agguaassisarnermut eqqartuussivimmit toqqaarneqarsimappata akissarsiassaata taassuminnga aalajangerneqassaaq.

Imm. 2. Ataatsimeersuarnissaq kingusinnerpaamik ullut arfineq pingasut sioqqullugit misissueqqissaartut nalunaarusiaat aningaasaatinik piginnittunit misissugassanngortinneqassaaq.

Kapitali 10

Aningaasaatinik qaffaanerit

§ 153. Ingerlatseqatigiiffiup aningaasaliiffiusup aningaasaataanik qaffaaneq pisinnaavoq

- 1) aningaasaatinik piginneqataassutininik nutaanik pisisoqarneratigut,
- 2) aningaasaateqarfimmi qaffaasoqarneratigut ingerlatseqatigiiffiup sillimmataanik ingerlatseqatigiiffimmut aningaasaliiffiusumut nuussinikkut imaluunniit
- 3) akiitsut allagartaannik imaluunniit suliffeqarfiup allineqarnerani piginneqataassutininik nuunneqarsinnaasunik atulersitsinermi.

Imm. 2. Aningaasaatinik piginneqataassutit nutaat nangassuteqarluni imaluunniit nalia ataallugu atulersinneqarsinnaanngillat.

Aningaasaatinik qaffaaneq pillugu ataatsimeersuartut aalajangiinerat

§ 154. Kapitalimi matumani maleruagassat malillugit ingerlatseqatigiiffiup aningaasaataanik qaffaaneq pillugu ataatsimeersuartut aalajangiisnaapput.

Imm. 2. Imm. 1 malillugu aalajangiineq, malittarisassani allannguinermi pisariaqartinneqartunik taasinerit amerlanerussuteqarnerisigut aalajangiiffigineqassaaq.

§ 155. Malittarisassani aalajangersaasoqarneratigut ataatsimeersuartut ingerlatseqatigiiffiup aningaasaataanik qaffaanissamut qitiusumik aqutsisut piginnaatissinnaavaat. Piginnaatitsineq piffissamut ataatsimut arlalinnulluunniit ukiut tallimakkaarlugit tikillugit tunniunneqarsinnaavoq.

Imm. 2. Malittarisassani aalajangersaanikkut akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasunik atulersitsinissamut qitiusumik aqutsisut ataatsimeersuartunit aamma piginnaatinneqarsinnaapput, § 169 tak., tamatuma peqatigisaanik tassunga atasumik aningaasaatit qaffanneqarnissaasa isumaginissaanut qitiusumik aqutsisut piginnaatinneqarpata, imm. 1 tak. Piginnaatitsineq piffissamut ataatsimut arlalinnulluunniit ukiut tallimakkaarlugit tikillugit tunniunneqarsinnaavoq.

Imm. 3. Imm. 1 aamma 2 malillugu piginnaatitsinermi malittarisassani allanneqassaaq, 1) kapitalimi matumani qaffaariaatsit arlaat sorleq piginnaatitsinermut tunngasuunersoq, 2) imm. 1 imaluunniit imm. 2, oqaaseqatigiit aappaanni taaneqartup piffissap naanerani ulloq, 3) aningaasat qitiusumik aqutsisut aningaasaatinik qaffaasitsissutaat, kiisalu 4) § 158, nr. 2, 6. 7 aamma 10-12-mi taaneqartut pissutsit pillugit aalajangersakkat.

Imm. 4. Aningaasanik akiliinermit allaanerumik tamakkiisumik ilaannakuusumilluunniit qaffaasoqarpat tamanna malittarisassani allanneqassaaq. Aammattaaq manna tikillugu aningaasaatinik piginnittut atsiorsinnaatitaanerannit nikingassutaasinnaasut pillugit ataatsimeersuartut aalajangiinerat pillugu paasisutissiisoqassaaq, § 162 tak.

Aningaasaatinik qaffaasoqarnerani suleriaatsinut piumasaqaatit

§ 156. Aningaasaatinik qaffaanissaq pillugu siunnersuut aktieselskabini piginneqataasunut pissarsiaritinneqarsinnaassaaq, §§ 98 aamma 99 tak., aamma ataatsimeersuarnermi saqqummiunneqarluni.

Imm. 2. Ukiumut naatsorsuusiorfiusumut kingullermut ukiumoortumik nalunaarusiaq ataatsimeersuarnermi tassani suliarineqassanngippat aktieselskabimi allakkat uku saqqummiunneqassapput:

1) Ukiumoortumik nalunaarusiaq akuerineqarsimasoq kingulleq,
2) ingerlatseqatigiiffimmi qitiusumik aqutsisuniit nalunaarusiaq, pinnaasamigut, immikkut pisoqarnera pissutigalugu ingerlatseqatigiiffimmik ajoqusiisinnaanngitsaq, ukiumoortumik nalunaarusiap saqqummiunneqareerneratigut ingerlatseqatigiiffiup inissisimaneranut annertuumik pingaarutillit pisut pillugit paasisutissiisoq, aamma
3) qitiusumik aqutsisut nalunaarusiaat pillugu ingerlatseqatigiiffiup kukkunerisuiisuaniiit nalunaarut, ingerlatseqatigiiffiup ukiumoortumik naatsorsuutai il.il. ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqarsimasoq, inatsisilluunniit allat malillugi kukkunerisuiinissamut pisussaaffeqartumut ilaappat.

Imm. 3. Aningaasaatit qaffanneqarnissaat pillugu aalajangiineq ataatsimeersuarnermi aalajangerneqassappat, piginneqataasut isumaqatigiillutik imm. 1 aamma 2

saneqqussinnaavaat. Ataatsimeersuarnermiit siumoortumik piginnaatitsisoqarneratigut, § 155 tak., aningaasaatinik qaffaaneq pillugu aalajangiineq qitiusumik aqutsisunit aalajangiiffigineqassappat imm. 2 taamaaqataanik qitiusumik aqutsisut piginnaatitsissummik atuineranni atorneqassaaq. Qitiusumilli aqutsisut imm. 2-p saneqqunneqarnissaa pillugu aalajangiisinnaapput, qitiusumik aqutsisunut piginnaatitsissummik nalunaaruteqarnermut atatillugu imm. 2 naapertorlugu suleriaatsini piumasaqaatit saneqqunneqarsinnaanngitsut pillugit ataatsimeersuartut aalajangiisimangippata.

Aggersaanissamut piumasaqaatit

§ 157. Aktieselskabini aningaasaatinik qaffaanermut atatillugu ataatsimeersuarnissamut aggersaaneq piginneqataasut allalluunniit pisiumalluni nalunaaruteqarsinnaanerit pillugu paasissutissanik, kiisalu pisiumasinnaarnermut pisinnaatitaanertik atussagunikku pisiumasinnaatitaasut qanoq pissuseqarnissaat pillugu paasissutissanik imaqassaaq.

Imm. 2. Piginneqataasut piumasinnaaneranniit saneqqussisoqarpat, § 162 tak., aggersaanermi tamatumunnga pissutaasoq kiisalu pisiumanissap nalissaatut siunnersuutigineqarumut tunngavilersuut ilisimatitsissutigineqassapput.

Imm. 3. Imm. 1 aamma 2 isumaqatigiittoqarneratigut piginneqataasunit ilaatinngitsoortinneqarsinnaavoq.

Aalajangiinerup imaa

§ 158. Aningaasaatinik piginneqataassutit nutaanik pisineri ingerlatseqatigiiffimmi aningaasaatit qaffaneqarneri pillugu aalajangiineri allanneqassapput

- 1) ingerlatseqatigiiffimmi aningaasaatit qaffatsissutaasussat aningaasat minnerpaaffiat annertunerpaaffiallu,
- 2) ilaannakuusumik akiliisoqarsinnaanersoq,
- 3) pisinerup nalinga aamma aningaasaatit piginneqataassutit annertussusaat imaluunniit amerlassusaat,
- 4) aningaasaatit piginneqataassutit nutaat qaqugu ingerlatseqatigiiffimmi aningaasaliiffiusumi iluanaaruteqartitsinissamut allanillu pisinnaatitaaffinnik pisinnaatitsilissanersut,
- 5) qaffaanermi aningaasartuutissatut missiliuussat, ingerlatseqatigiiffiup aningaasaliiffiusup akiligassai,
- 6) aningaasaatit piginneqataassutit nutaat inissisimaffiat, assigiinngitsunik inissisimaffeqarpat imaluunniit inissisimaffeqassappat,
- 7) aningaasaatinik piginnittut allallu pisisinnaatitaanerit, kiisalu siunissami qaffaanermi aningaasaatit piginnittut nutaat pisisinnaatitaanerannik killiliinerit, § 162 tak.,
- 8) pisiumanissamut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisinnaatitaanerminnut atugassaat,
- 9) aningaasaatit piginneqataassut akilerneqarnissaannut piffissaliussaq kiisalu, agguaassineq qitiusumik aqutsisunut isumagisassanngortinngippat, aningaasaatinik piginneqataassutit pisineri iluaqutit pillugit maleruagassat, pisisinnaatitaaneq tunngavigalugu pisiarineqanngitsunut,
- 10) aningaasaatinik piginneqataassutit nutaat tuniarneqarsinnaanerini killiliinerit imaluunniit aningaasaatinik piginnittut nutaat aningaasaatinik piginneqataassutimi aningaasannngortinniissaannut pisussaaffik,
- 11) aningaasaatit piginneqataassutit nutaat pappiaraanersut tuniarneqarsinnaasut, aamma

12) piginneqataassutit nutaat atinik allaffiussanersut imaluunniit qaqugumulluunniit tigummittup pigissanerai.

§ 159. Ingerlatseqatigiiffiup qitiusumik aqutsisuisa § 155 naapertorlugu nalunaarutigineqartut aningaasaatinik piginneqataassutit nutaanik pisisoqarneratigut aningaasaatinik qaffaanissamut piginnaatitsinermik atuippata, aalajangiinermi allanneqassaaq

1) ingerlatseqatigiiffimmi aningaasaatit qaffatsissutaasussat aningaasat minnerpaaffiat annertunerpaaffiallu,

2) pisinerup nalinga aamma aningaasaatinit piginneqataassutit annertussusaat imaluunniit amerlassusaat,

3) aningaasaatinit piginneqataassutit nutaat qaqugu ingerlatseqatigiiffimmi aningaasaliiffiusumi iluanaaruteqartitsinissamut allanillu pisinnaatitaaffinnik pisinnaatitsilissanersut,

4) qaffaanermi aningaasartuutissatut missiliuussat, ingerlatseqatigiiffiup aningaasaliiffiusup akiligassai,

5) pisiumanissamut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisinnaatitaanerminnut atugassaat,

6) aningaasaatinit piginneqataassut akilerneqarnissaannut piffissaliussaq kiisalu, agguaassineq qitiusumik aqutsisunut isumagisassanngortinngippat, aningaasaatinik piginneqataassunik pisinermi iluaqutit pillugit maleruagassat, pisinnaatitaaneq tunngavigalugu pisiarineqanngitsunut,

7) aningaasaatinit piginneqataassutit nutaat pappiaraanersut tuniniarneqarsinnaasut, § 160 tak., imaluunniit

8) aningaasaatinit piginneqataassutit nutaat akiitsut nuunneqarnerisigut akilerneqarsinnaanersut, § 161 tak.

Imm. 2. Imm. 1 malillugu qitiusumik aqutsisut aalajangiinerannut taamaaqataanik §§ 163 aamma 164 atorneqassapput.

Imm. 3. Aningaasaatinik qaffaanerup malitsigisaanik qitiusumik aqutsisut malittarisassanik allannguisinnaapput.

Nalilinnik imaluunniit akiitsunik nuussisoqarneratigut akiliineq

§ 160. Aningaasaatinit piginneqataassutit nutaat aningaasaanngitsunik nalilinnik allanik akilerneqassappata, qaffaanissamut aalajangiineq tamanna pillugu aalajangersakkanik imaqassaaq, aamma nalilersuineq pillugu nalunaarusiortoqarluni, §§ 36 aamma 37 tak. § 38, imm. 2-mi maleruagassat malillugit qitiusumik aqutsisut nalunaaruteqassappata § 38, imm. 1-mi taaneqartutut pigisanik nalilinnik akiliteqarnermik nalilersuineq pillugu nalunaarusiamik pissarsiniarnissamut pisussaaffeqanngilaq. Nalunaarut aningaasaliineq pillugu aalajangiinermiit kingusinnerpaamik sapaatit akunneri tallimat qaangiutsinnagit qitiusumik aqutsisunit Erhvervesstyrelsen qarasaasiaqarfiani tamanut saqqummiunneqassaaq, § 9, imm. 3 tak. § 36, imm. 3 malillugu oqimaaqatigiissitsineq suliffeqarfik tiguneqartoq pillugu tigusinermi oqimaaatigiissitsinertut suliarineqassaaq.

§ 161. Aningaasaatinik piginneqataassutit nutaat akiitsunik nuussisoqarneratigut akilerneqassappata qaffaaneq pillugu aalajangiineq tamanna pillugu aalajangersakkanik imaqassaaq.

Imm. 2. Akiitsut pilersinnerinut pissutaasoq piffissarlu aamma nuussineq pillugu siunnersuuteqarnermut tunngaviusut pillugit qitiusumik aqutsisut nassuiaateqassapput.

Imm. 3. Aktieselskabini qitiusumik aqutsisut nassuiaataat aamma suli allat allagarisimasaat piginneqataasunit pissarsiarineqarsinnaasunngortissapput, §§ 98 aamma 99 tak., kiisalu ataatsimeersuartunut saqqummiunneqarlutik.

Imm. 4. Imm. 2 isumaqatigiittoqarneratigut aningaasaatinik piginnittunit saneqqunneqarsinnaavoq.

Imm. 5. Imm. 3-mi piumasaqaat isumaqatigiittoqarneratigut aningaasaatinik piginnittunit saneqqunneqarsinnaavoq.

Allanut naleqqiullugu pisiumalluni nalunaarnissamut pisinnaatitaaffik

§ 162. Ingerlatseqatigiiffiup aningaasaataanik aningaasanngorlugu qaffaanermi aningaasaatinik piginneqataassutini nutaani allanut naleqqiullugu aningaasaatinik piginnittut pisiumallutik nalunaarsinnaapput. Pisiumalluni nalunaaruteqarneq allamut tunniunneqarsinnaannginnera malittarisassani aalajangersarneqarsinnaavoq.

Imm. 2. Ataatsimeersuartut, malittarisassanik allannguinnermut piumasarineqartut assigalugit, § 106 tak., amerlanerussuteqarlutik pisiumalluni nalunaarnermi allanut iluaqutaasumik pisinnaatitaaffiup saneqqunneqarsinnaanera aalajangersinnaavaat, imm. 1 tak.

Imm. 3. Aningaasaatinik piginneqataassutit immikkoortunut arlalinnut agguarsimappata, taakkunani taasisinnaatitaaneq imaluunniit iluanaaruteqarsinnaaneq imaluunniit ingerlatseqatigiiffiup aningaasaataanik pissarsinissaq assigiinngitsuulluni, nammineq immikkooortorisat iluanni aningaasaatinik piginneqataassutini immikkooortuni taakkunani aningaasaatinik piginnittut malittarisassani pisinissamut siumoortumik pisinnaatitaasinnaapput. Immikkoortuni allani aningaasaatinik piginnittut taamaattoqartillugu imm. 1 naapertorlugu tamatuma kingorna pisiumallutik pisinnaatitaaffitsik atorsinnaavaat.

Imm. 4. Ataatsimeersuartut, malittarisassanik allannguinnermut piumasarineqartut assigalugit, § 106 tak., amerlanerussuteqarlutik, ingerlatseqatigiiffimmi imaluunniit taassuma ingertaseqatigiiffiani pigisaani sulisunut iluaqutaasumik, pisiumalluni pisinnaatitaaffiup saneqqunneqarnissaa aalajangersinnaavaat, imm. 1 aamma 3 tak. Taamatut amerlanerussuteqarluni ataatsimeersuartut aningaasaatinik piginneqataassutitut, sulisunut neqeroortutigineqartunut, iluaqutaasumik naleqartitsinissaq aalajangersinnaavaat.

Imm. 5. Aggersaanermi allanneqartumit allaanerusumik aningaasaatinik piginnittut pisiumallutik nalunaarsinnaatitaanerannit annertunerusumik nikingasoqarsinnaanera ataatsimeersuartut taamaallaat aalajangersinnaavaat, aningaasaatinik piginnittut, pisiumanissamut pisinnaatitaaffiat ajornerulersumik inissisimalersut, tamatumunnga akuersippata.

Imm. 6. Ingerlatseqatigiiffimmi aningaasaatitigut immikkoortut arlaliuppata, immikkoortut akornanni pisinnaatitaaffimmi pissutsinik nikisitsinermik kinguneqartoq taamaallaat atuussinnaavoq, aningaasaatinik immikkoortunik taakkuninnga piginnittut, inatsisitigut inissisimanerat ajornerulersumik inissisimalersut aamma ataatsimeersuarnermi peqataasut, ikinnerpaamik pingajorarterutinit marlunnit tamanna akuerineqarpat.

Aningaasaatinik piginneqataasutink nutaanik pisiumalluni nalunaarneq

§ 163. Aningaasaatinik piginneqataasutitik pisiumalluni nalunaarneq allakkatigut pissaaq.

Imm. 2. Pisiumalluni nalunaarnermi malittarisassat allagaatillu, § 156-mi eqqaaneqartut, saqqummiunneqassapput, taakku suliarineqassanngitsut aalajangiisoqarsimanngippat, § 156,

imm. 3 tak. Aningaasaatinik pisiualluni nalunaarneq §§ 160 aamma 161-mi aalajangersakkanut ilaappat, allagaatit, aalajangersakkani taakkunani pineqartut, pisiualluni nalunaarnermi saqqummiunneqassapput, taakku suliarineqassanngitsut aalajangiisoqarsimangippat.

Imm. 3. Aningaasaatinik piginnittut, ataatsimeersuarnissamut aggersaaneq pillugu maleruagassat malillugit pisiualluni nalunaarnermut periarfissaq kiisalu pisiualluni nalunaarissamut pisinnaatitaanerup atorneqarnissaanut piffissaliussaq pillugu nalunaarfigineqassapput. Aktieselskabini, piginneqataasut tamarmik ilisimaneqarlutik, piginneqataasut ataasiakkaat paarlattuanik allakkatigut nalunaarfigineqassapput.

§ 164. Aningaasaatinik qaffaanissamut tunngaviusoq malittarisassanik allannguineq pillugu aalajangiineq atorunnaassaaq, aningaasaatit qaffanneqarnissaannut aningaasat minnerpaaffissaannut aalajangigaq, aalajangiinermi aalajangerneqartumi, piffissaliussap iluani pisiarineqarsimangippat. Aningaasaatini akilerneqarsimasut taamaattoqartillugu sapinngisamik piaarnerpaamik utertillugit akilerneqassapput.

Aningaasaateqarfimmi piginneqataassutinik atulersitsineq

§ 165. Ingerlatseqatigiiffik aningaasaliiffiusoq aningaasaateqarfimmi piginneqataassutinik atulersitsisinnaavoq ingerlatseqatigiiffimmi aningaasaatinut aningaasat nuunnerisigut, ingerlatseqatigiiffiup ukiumoortumik nalunaarusiaani kingullermik akuerineqartumi imatut allanneqarsimasut

1) sinneqartoorutit nuunneqarsimasut imaluunniit
2) sillimmatit ukiumoortumik natsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartumi, §§ 35 a aamma 35 b-mut naleqqiullugu sillimmatit ilanngunnagit, taamaattorli imm. 2 tak.

Imm. 2. Aningaasaateqarfimmi piginneqataassutinik atulersitsinermut ingerlatseqatigiiffiup aamma atorsinnaavai

1) ukiumi naatsorsuusiorfiusumi atuuttumi sinneqartoorutit, aningaasat agguanneqarsimangippata, atorneqarsimangippata imaluunniit pituttorneqarsimangippata, imaluunniit
2) sillimmatit killilersugaanngitsut, ukiumi naatsorsuusiorfiusumi atuuttumi pilersinneqarsimasut imaluunniit atugassanngortinneqarsimasut.

Imm. 3. Imm. 1 aamma 2 naapertorlugu aalajangiinermi ingerlatseqatigiiffiup aningaasaataanik qaffaassutaasussat aningaasat allanneqassapput, kiisalu aningaasaatinik piginneqataassutit angissusaat imaluunniit amerlassusaat. § 158, imm. 1, nr. 3, nr. 6 aamma nr. 9-11, taamaaqataanik atorneqassapput.

Imm. 4. Aalajangiineq nalunaarsorneqaaqqaartinnagu aningaasaatinik qaffaaneq naammassineqarsinnaanngilaq.

Imm. 5. Aningaasaateqarfimmi qaffaaneq aalajangiinermiit kingusinnerpaamik qaammatit aqqaneq marluk qaangiutsinnagit nalunaarsorneqanngippat imaluunniit nalunaarsorneqarnissaanut nalunaarutigineqanngippat, aningaasaatit qaffanneqarnissaat pillugu aalajangiineq tamatumalu malitsigisaanik malittarisassanik allannguinerit atorunnaassapput.

§ 166. Aningaasaateqarfimmi qaffaanerup nalunaarsorneqarneraniit ukiut pingasut ingerlasimappata, aningaasaatinik piginneqataassutit tamarmik pisinnaatitaasunut

tunniunneqarsimanatik, Erhvervsstyrelsen qarasaasiaqarfiani nalunaaruteqarnikkut ingerlatseqatigiiffiup aningaasaliiffiusup qitiusumik aqutsisui pineqartumut imaluunniit pineqartunut kaammattuisinnaapput qaammatit arfinillit qaangiutsinnagit piginneqataassutitik aaqullugit.

Imm. 2. Imm. 1 malillugu piffissaliussaq, saaffiginnittoqarnani, naasimappat, pappiaranik aningaasanik nalilinnik niuertoq aqutugalugu aningaasaatinik piginnittut akiligaannik qitiusumik aqutsisut aningaasaatinik piginneqataassutit tunisinnaavaat, § 4, imm. 1 tak., kunngip peqqussuteqarneratigut Kalaallit Nunaannut atulersinneqartumi pappiaranik aningaasanik nalilinnik niuerneq il.il. pillugu inatsimmi. Tunisinermi iluanaarutit nalunaaruteqarnermi tunisinermilu aningaasartuutit ingerlatseqatigiiffiup ilanngaatigisinnaavai. Tunisinermi iluanaarutit tunisisoqarneraniit kingusinnerpaamik ukiut pingasut kingorna aaneqarsimanngippata aningaasat ingerlatseqatigiiffimmu aningaasaliiffiusumut tutsinneqassapput.

Akiitsut allagartaannik imaluunniit suliffeqarfiup allineqarnerani piginneqataassutitik nuunneqarsinnaasunik atulersitsineq

§ 167. Ataatsimeersuartut, malittarisassanik allannguinnermut piumasarineqartut assigalugit amerlanerussuteqarlutik akiitsut allagartaannik imaluunniit suliffeqarfiup allineqarnerani piginneqataassutitik nuunneqarsinnaasunik atulersitsinissamik aalajangiisnaapput, peqatigisaanik tassunga atasumik aningaasaatinik qaffaanissaq pillugu aalajangiiguni, § 154 tak.

Imm. 2. Atulersitsinnermut piunnaasaatinik erseqqinnerusunik imaqartunik ataatsimeersuartut aalajangiisnaapput, tassunga ilanngullugit aningaasaatit qaffaassutissaanni aningaasat annertunerpaaffissaat, pappiarat aningaasanik nalillit tunuliaqutaralugit pisiarineqarsinnaasut, aamma aningaasaatinit piginneqataassutit nutaat immikkoortunut sunut ilaassanersut.

Imm. 3. Imm. 1 malillugu ataatsimeersuartut aalajangiinerat aamma tiguisup inatsisitigut inissisimanissaanut isummissapput, pissuseq ataaseq amerlanerusulluunniit uku ilaat pillugu ataatsimeersuartut aalajangiippata, tiguisup akiitsut allagartaannik nuussinissaa imaluunniit suliffeqarfiup allineqarnerani piginneqataassutiminik iluaquteqarnissaa sioqullugu:

- 1) Aningaasaatinik qaffaaneq,
- 2) aningaasaatinik appaaneq,
- 3) suliffeqarfiup allineqarnerani piginneqataassutitik nutaanik atulersitsineq,
- 4) akiitsut allagartaannik nutaanik nuussilluni atulersitsineq,
- 5) atorunnaarsitsineq,
- 6) kattunneq imaluunniit
- 7) agguataarineq.

Imm. 4. Imm. 2 aamma 3 malillugu ataatsimeersuartut aalajangiineranni piunnaasaatit akiitsut allagartaannik imaluunniit suliffeqarfiup allineqarnerani piginneqataassutitik nuunneqarsinnaasunik tiguisumut ilisimatitsissutigineqassapput.

§ 168. § 167 malillugu ataatsimeersuartut aalajangiinerat tamarmiulluni malittarisassanut ilanngunneqassaaq. Aningaasaatinik qaffaanermik pisiumanermut nalunaarnissamut piffissaliussaq naappat ingerlatseqatigiiffiup qitiusumik aqutsisuisa aalajangersaq peersinnaavaat.

§ 169. Qitiusumik aqutsisut piginnaatitsineq malillugu, § 155, imm. 2 tak., akiitsut allagartaannik imaluunniit suliffeqarfiup allineqarnerani piginneqataassutininik nuunneqarsinnaasunik atulersitsinissamik aalajangiisnaapput.

Imm. 2. Qitiusumik aqutsisut aalajangiinerat atulersitsineq pillugu piumasaqaatinik erseqqinnerusunik imaqassaaq, tassunga ilanngullugu

- 1) pappiarat aningaasanik nalillit tunuliaqutaralugit pisiarinqarsinnaasut aningaasaatinik qaffaanermi aningaasat annertunerpaaffissaat,
- 2) aningaasaatinik piginneqataassutit nutaat immikkoortuni sumiinnissaat,
- 3) aningaasaatinik piginneqataassutininik pisinissamut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisisinnaatitaanerminnut atugassaat,
- 4) pisinnaatitaaffiit atulersinnerinut piffissaq,
- 5) akiliinissamut piffissaliussaq aamma
- 6) aningaasaatinik piginneqataassutit angissusaat imaluunniit amerlassusaat aamma pisinermi naliusoq.

Imm. 3. Imm. 1 malillugu qitiusumik aqutsisut aalajangiinerat aamma tiguisup inatsisitigut inissisimanissaanut isummissapput, pissuseq ataaseq amerlanerusulluunniit uku ilaat pillugu ataatsimeersuartut aalajangiippata, tiguisup akiitsut allagartaannik nuussinissaa imaluunniit suliffeqarfiup allineqarnerani piginneqataassutininik iluaquteqarnissaa sioqullugu:

- 1) Aningaasaatinik qaffaaneq,
- 2) aningaasaatinik appaaneq,
- 3) suliffeqarfiup allineqarnerani piginneqataassutininik nutaanik atulersitsineq,
- 4) akiitsut allagartaannik nutaanik nuussilluni atulersitsineq,
- 5) atorunnaarsitsineq,
- 6) kattunneq imaluunniit
- 7) agguataarineq.

Imm. 4. Imm. 2 aamma 3 malillugu qitiusumik aqutsisut aalajangiineranni kiisalu qitiusumik aqutsisunut piginnaatitsinermi piumasaqaatit, § 155, imm. 2 tak., akiitsut allagartaannik imaluunniit suliffeqarfiup allineqarnerani piginneqataassutininik nuunneqarsinnaasunik tiguisumut ilisimatitsissutigineqassapput.

Imm. 5. Akiitsut allagartaannik imaluunniit suliffeqarfiup allineqarnerani piginneqataassutininik nuussinerup malitsigisaanik aningaasaatinik qaffaaneq pillugu qitiusumik aqutsisut aalajangiineranni taamaaqataanik § 159 atorneqassaaq.

§ 170. § 169 naapetorlugu qitiusumik aqutsisut aalajangiinerat tamarmiutillugu malittarisassani ilanngunneqassaaq. Aalajangiinerup malitsigisaanik malittarisassanik qitiusumik aqutsisut allannguisinnaapput.

§ 171. Aningaasat, akiitsut allagartaannut akiliutigineqartoq, akiitsut allagartaat taarsigassarsinermi piumasaqaatit malillugit paarlaanneqarsinnaasunit aningaasanit imaluunniit aningaasaatini piginneqataassutininik annikinneruppata, aningaasat sinneruttut aningaasaatinik ilaannakuusumik akiliineq pillugu § 33 naapetorlugu akilerneqassapput imaluunniit ingerlatseqatigiiffiup nammineq aningaasaataasa ilaanit, iluanaarutitut atorneqarsinaasunit matussuserneqarluni.

*Pappialanut aningaasanik nalilinnut toqqorsivimmi akiitsut allagartaannik
nuunneqarsinnaasunik nalunaarsuinermit piumasaqaatit*

§ 172. Erhvervsstyrelsi uku pillugit maleruagassanik aalajangersaasinnaavoq

- 1) pappialanut aningaasanik nalilinnut toqqorsivimmi akiitsut allagartaannik nuunneqarsinnaasunik nalunaarsuinermit piumasaqaatit,
- 2) pappialanut aningaasanik nalilinnut toqqorsivimmut paasissutissanik tunniussineq,
- 3) pappialanut aningaasanik nalilinnut toqqorsivik aqutigalugu akiitsut allagartaannik nuunneqarsinnaasunik atulersitsinermi aamma akiitsut allagartaannik nuunneqarsinnaasunik aningaaserivimmi allatsitsinermi toqqorsinermilu il.il. aningaasartuutit tamarmik ingerlatseqatigiiffimmit akilerneqassasut, aamma
- 4) § 63 taamaaqataanik akiitsut allagartaannik nuunneqarsinnaasuni atorneqassaaq.

Aningaasaatinik qaffaaneq pillugu aalajangiinerup nalunaarutigenera

§ 173. Kapitalimi matumani maleruagassat malillugit aningaasaatinik qaffaaneq pillugu ataatsimeersuartut imaluunniit qitiusumik aqutsisut aalajangiinerannik nalunaarsuineq imaluunniit nalunaarsorneqarnissamut nalunaaruteqarneq Erhvervsstyrelsimit tiguneqarsimassaaq aningaasaatinik piginneqataassutit akilerneqarnissaanut piffissaliussap naaneraniit imaluunniit akiliisoqarneraniit kingusinnerpaamik sapaatit akunneri tallimat qaangiutsinnagit.

Imm. 2. Akiitsut allagartaannik imaluunniit suliffeqarfiup allineqarnerani piginneqataassutininuunneqarsinnaasunik atulersitsineq taakkunungalugu atasunik malittarisassanik allanngueq pillugu, §§ 168 aamma 170 tak., ataatsimeersuartut imaluunniit qitiusumik aqutsisut aalajangiinerannik nalunaarsuineq imaluunniit nalunaarsorneqarnissaanut nalunaaruteqarneq Erhvervsstyrelsimit tiguneqarsimassaaq aalajangiisoqarneraniit kingusinnerpaamik sapaatit akunneri tallimat qaangiutsinnagit.

§ 174. Aningaasaatinik qaffaanerup naammassineqarneranik nalunaarsuineq imaluunniit nalunaarsorneqarnissaanut nalunaaruteqarneq, peqqussut manna, § 33 tak., imaluunniit malittarisassat naapertorlugit akilerneqarsimasusaaq ingerlatseqatigiiffiup aningaasaatai sinnerlugit naleq akilerneqareertinnagu, nalunaarsorneqassanngilaq.

Imm. 2. Aningaasaatinik piginneqataassutit nutaat piffissamiit aningaasaatit qaffannerisa nalunaarsorneqarneraniit iluanaaruteqarnissamut allanullu pisinnaatitaaffinnut pisinnaatitsilissapput, qaffaanermik aalajangiinermi allamik aalajangiisoqarsimanngippat. Pisinnaatitaaffiilli nalunaarsorneqarnermiit kingusinnerpaamik qaammatit aqqaneq marluk kingorna atuutilissapput.

Imm. 3. Nalunaarsuineq pereerpat ingerlatseqatigiiffiup aningaasaatai aningaasaatit qaffannerisa tamarmiusumik nalinganik qaffanneqarsimasutut isigineqassapput.

§ 175. Qitiusumik aqutsisut ukiup naatsorsuusiorfiusup naaneraniit kingusinnerpaamik sapaatit akunneri arfineq marluk qaangiutsinnagit aningaasaatit ukiumi qanoq annertutigisumik qaffanneqarsimanersut nalunaarsussavaat imaluunniit nalunaarutigalugit

- 1) aningaasaatinik piginneqataassutininuunneqarsinnaasut tunngavigalugit pisimappat,
- 2) aalajangiinermi aalajangerneqartumi pisiumanissamut piffissaliussaaq qaammatinik aqqaneq marlunnik sivisuneruppat aamma

3) aningaasaatit qaffannerinut aningaasat minnerpaaffissaannik aalajangigaq pisiariumaneqarsimappat akilerneqarsimallunilu, § 33 tak.

Imm. 2. Aningaasaatit qaffannerisa kingunerisaanik pisariaqartunik malittarisassanik qitiusumik aqutsisut allannguisinnaapput.

Imm. 3. Imm. 1 naapertorlugu nalunaarsuineq imaluunniit nalunaarsuinissamut nalunaaruteqarneq pisiunanissamut piffissaliussap naaneraniit, imaluunniit nalunaarsorneqarnissap itigartinneqarnerannit kingusinnerpaamik sapaatit akunneri arfineq marluk qaangiutsinnagit Erhvervsstyrelsimit tiguneqarsimangippat aningaasat akilereerneqarsimasut utertillugit akilerneqassapput, § 177, imm. 3 tak.

§ 176. Akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasut nuunneqarnissaannut piffissaliussaq naappat akiitsut allagartaannik imaluunniit suliffeqarfiup allineqarnerani piginneqataassutinik nuunneqarsinnaasut atulersinneqarsimasunit aningaasat qanoq annertutigisut aningaasaatinit piginneqataassutinut paarlaanneqarsimanersut qitiusumik aqutsisut piaarnerpaamik Erhvervsstyrelsimut nalunaarsussavaat imaluunniit nalunaarutigalugit. Ilaaquteqarnissamut piffissaq qaammatinik aqqaneq marlunnik sivisuneruppat qitiusumik aqutsisut nalunaarsuinermi isumaginnissapput imaluunniit § 175-mi maleruagassat malillugit nalunaaruteqarlutik.

Imm. 2. Aningaasaatit qaffannerisa kingunerisaanik pisariaqartunik malittarisassanik qitiusumik aqutsisut allannguisinnaapput.

Aningaasaatinik qaffaaneq pillugu aalajangiinerup atorunnaarnera

§ 177. Aningaasaatinik qaffaaneq pillugu aalajangiineq nalunaarsorneqarnissaq itigartinneqarpat atorunnaassaaq.

Imm. 2. Aalajangiineq aamma atorunnaassaaq nalunaarsorneqarneq imaluunniit nalunaaruteqarneq aalajangiinermit kingusinnerpaamik qaammatit aqqaneq marluk qaangiutsinnagit tiguneqarsimangippat.

Imm. 3. Aningaasaatinik qaffaaneq pillugu aalajangerneq nalunaarsorneqanngippat aningaasat akiliutigineqareersimasut aningaasartuutinik ilanngaateqartinnagit sapinngisamik piaarnerpaamik utertillugit akilerneqassapput, aamma aningaasaanngitsut allat nalillit sapinngisamik piaarnerpaamik utertillugit tunniunneqarlutik.

Akiitsut allagartaat iluanaaruteqartitsisut

§ 178. Ataatsimeersuartut nalinginnaasumik amerlanerussuteqarlutik, § 105 tak., akiitsut allagartaannik ernialersorneqarsinnaasunik atulersitsisoqarneratigut taarsigassarsisoqarnissaa pillugu aalajangiisinaapput, annertussusaa, ingerlatseqatigiiffiup aningaasaliiffiusup aningaasaatinit piginneqataassutit iluanaarutaannit iluanaarutit, imaluunniit ukiumi sinneqartoorutit tamakkiisumik ilaannakuusumilluunniit apeqqutaatillugit.

Imm. 2. Imm. 1 malillugu taarsigassarsinissamut ataatsimeersuartut aamma qitiusumik aqutsisunut piginnaatitsisinaapput. Piginnaatitsissut piffissamut ataatsimut arlalinnuunniit ukiut tallimakkaarlugit tikillugit tunniunneqarsinnaavoq.

Kapitali 11

Aningaasaatinik agguaassineq

§ 179. Ingerlatseqatigiiffiup aningaasaataanik aningaasaatinik piginnittunut agguaasiisoqarsinnaavoq taamaallaat

- 1) ukiumoortumik naatsorsuutit kingulliit akuersissutigisat tunngavigalugit iluanaarutitut, tak kap. 14,
- 2) immikkut ittumik iluanaarutitut, tak. §§ 182 aamma 183,
- 3) ingerlatseqatigiiffiup aningaasaataanik appartitsinermut atatillugu tunniussinertut, tak. §§ 185-193 imaluunniit
- 4) ingerlatseqatigiiffiup atorunnaarsinneqarneranut atatillugu tunniussinertut, tak. kapitali 14.

Imm. 2. Ingerlatseqatigiiffiup, aamma ingerlatseqatigiiffinni piginnittuni suliffeqarfissuup aningaasatigut inissisimanera sillimaffigalugu illersorneqarsinnaasumik sippuinngitsumik tunniussisoqarnissaanut ingerlatseqatigiiffiup qitiusumik aqutsisui akisussaapput, aamma ingerlatseqatigiiffimmut imaluunniit taassuma akiligassaqarfiinut ajoqusiinngitsumik, § 115, nr. 5, aamma § 116, nr. 5 tak. Qitiusumik aqutsisut aamma akisussaaffigivaat tunniusereernerup kingorna ingerlatseqatigiiffiup aningaasaataanut aamma inatsisit imaluunniit malittarisassat naapertorlugit pituttorneqarsimasunut sillimatinut matussutissaqarnissaa.

Iluanaarutininik nalinginnaasunik tunniussineq

§ 180. Iluanaarutininik tunniussinermi, ukiumoortumik naatsorsuutit kingorna aningaasat pissarsiffiusinnaasut agguarnissaat pillugu ataatsimeersuartut aalajangiissapput. Ingerlatseqatigiiffiup qitiusumik aqutsisunit siunnersuutigineqartunit imaluunniit akuerineqartunit qaffasinnerusunik iluanaarutininik tunniussisoqarnissaanik ataatsimeersuartut aalajangiislinnaangillat.

Imm. 2. Iluanaarutitut taamaallaat atorneqarsinnaapput sillimmatit killilersorneqanngitsut, tassani paasineqarluni aningaasat, ingerlatseqatigiiffiup kingullermik ukiumoortumik naatsorsuutaanik akuerineqartumik sinneqartoorutitut nuunneqartutut allanneqartut, aamma sillimmatit inatsit imaluunniit malittarisassat naapertorlugit pituttorneqarsimannngitsut, amigartoorutit nuunneqartut ilanngatigalugit.

§ 181. Iluanaarutininik akiliineq aningaasaanngitsunik nalilinnik allanik pippat nalilersuinerminik nassuiaasiortoqassaaq, §§ 36 aamma 37 tak. Iluanaarutini aningaasat tunniunneqartut minnerpaamik aningaasaanngitsunik nalilinnik allanik nalilernerqartunut naapertuunneri naliliisartup nalunaaruteqarnerani allanneqassaaq. § 36, imm. 3 malillugu oqimaaqatigiissitsineq suliffeqarfimmut tunniussisumut tigusinermin oqimaaqatigiissitsineq suliarineqassaaq. § 38. imm. 2-mi maleruagassat malillugit qitiusumik aqutsisup suliaqarlutillu nassiussippata § 38. imm. 1-mi eqqaaneqartutut pigisanik nalilinnik tunniussinermi naliliisartup nassuiaasiortoqassanngilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsiq qarasaasiaqarfiani nalunaarut tamanut saqqummiunneqassaaq, § 9, imm. 3 tak.

Immikkut ittumik iluanaarutininik tunniussineq

§ 182. Ingerlatseqatigiiffik siullermeertumik ukiumoortumik nalunaarusiamik saqqummiussereerpat immikkut ittumik iluanaarutininik tunniussinissaq pillugu ataatsimeersuartut aalajangiisinnaapput. Ingerlatseqatigiiffiup qitiusumik aqutsisuinit siunnersuutigineqartunit imaluunniit akuerineqartunit qaffasinnerusunik iluanaarutininik tunniussisoqarnissaanik ataatsimeersuartut aalajangiisinnaanngillat.

Imm. 2. Siullermeertumik ukiumoortumik nalunaarusiamik saqqummiussereerpata immikkut ittumik iluanaarutininik tunniussinissaq pillugu aalajangiinissamut ingerlatseqatigiiffimmi qitiusumik aqutsisut ataatsimeersuartunit piginnaatinneqarsinnaapput. Piginnaatitsissut aningaasaqarnikkut piffissakkullu killiliinernik imaqarsinnaavoq.

Imm. 3. Imm. 1 aamma 2 malillugu immikkut ittumik iluanaarutitut taamaallaat atorpeqassapput aningaasat § 180, imm. 2-mut ilaasut kiisalu sinneqartoorutigineqartut aamma piffissamiit kingullermik ukiumoortumik nalunaarusiamit saqqummiunneqartumiit pilersinneqartut imaluunniit atugassanngortinneqartut sillimmatit killilersorneqanngitsut, aningaasat tunniunneqarsimanngippata, atorpeqarsimanngippata imaluunniit pituttorneqarsimanngippata.

§ 183. Aktieselskabini immikkut ittumik iluanaarutininik tunniussinissaq pillugu aalajangiineq tamatigut pigisanik nalilinnik akiligassanillu naatsorsuineramik ilanngussiffigineqartassaaq. Qitiusumik aqutsisut naliliissapput ukiumi naatsorsuusiorfiusumit kingullermiit pigisanik nalilinnik akiligassanillu naatsorsuinerup ilanngunneqarnera illersorneqarsinnaanersoq, imaluunniit tunniussinissamut aningaasanik naammattunik peqarneranik takutitsisumik akunnerinnarmi pigisanik nalilinnik akiligassanillu naatsorsuineramik suliaqartoqassanersoq, taamaattorli imm. 2 tak.

Imm. 2. Imm. 1 apeqquataatinagu aktieselskabini, immikkut ittumik iluanaarutininik tunniussinissaq pillugu aalajangiineq ingerlatseqatigiiffiup kingullermik ukiumoortumik nalunaarusiaani akuerineqartumi ullormit pigisanik nalilinnik akiligassanillu naatsorsuinermiit qaammatit arfinillit qaangiutereerneranni aalajangiiffigineqartumi tamatigut tunniussinissamut aningaasanik naammattunik peqarneranik takutitsisumik akunnerinnaani pigisanik nalilinnik akiligassanillu naatsorsuineramik suliaqartoqartassaaq.

Imm. 3. Anpartsselskabini qitiusumik aqutsisut naliliissapput imm. 1 malillugu aalajangiinermi pigisanik nalilinnik akiligassanillu naatsorsuineq ilanngunneqassanersoq. Anpartsselskabini immikkut ittumik iluanaarutininik tunniussinissaq pillugu aalajangiineq ingerlatseqatigiiffiup kingullermik ukiumoortumik nalunaarusiaani akuerineqartumi ullormit pigisanik nalilinnik akiligassanillu naatsorsuinermiit qaammatit arfinillit qaangiutereerneranni aalajangiiffigineqartumi tamatigut tunniussinissamut aningaasanik naammattunik peqarneranik takutitsisumik akunnerinnaani pigisanik nalilinnik akiligassanillu naatsorsuineramik suliaqartoqartassaaq.

Imm. 4. Imm. 1-3 malillugu akunnerinnaani pigisanik nalilinnik akiligassanillu naatsorsuineramik suliaqartoqarpat akunnerinnaani pigisanik nalilinnik akiligassanillu naatsorsuineq kukkunersiuisumit misissorneqarsimassaaq, ingerlatseqatigiiffik kukkunersiuisoqarnissaanik pisussaaffigineqarpat. Akunnerinnaani pigisanik nalilinnik akiligassanillu naatsorsuineq ingerlatseqatigiiffiup aningaasaliiffiusup ukiumoortumik nalunaarusiornerani maleruagassat atorpeqartut malillugit suliarineqassaaq. Akunnerinnaani pigisanik nalilinnik akiligassanillu naatsorsuineq, immikkut ittumik iluanaarutininik

tunniussinissaq pillugu aalajangiineq sioqqullugu qaammatinik arfinilinnik ungasinnerusumik ullormik pigisanik nalilinnik akiligassanillu naatsorsuiffeqassanngilaq.

Imm. 5. Immikkut ittunik iluanaarutininik akiliineq aningaasaanngitsunik nalilinnik allanik pippat nalilersuinerminik nassuiaasiortoqassaaq, §§ 36 aamma 37 tak. Iluanaarutini aningaasat tunniunneqartut minnerpaamik aningaasaanngitsunik nalilinnik allanik nalilerneqartunut naapertuunneri naliliisartup nalunaaruteqarnerani allanneqassaaq. § 38. imm. 2-mi maleruagassat malillugit qitiusumik aqutsisup suliaqarlutillu nassiussippata § 38. imm. 1-mi eqqaaneqartut pigisanik nalilinnik tunniussinermi naliliisartup nassuiaasiortoqassanngilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsen qarasaasiaqarfiani nalunaarut tamanut saqqummiunneqassaaq, § 9, imm. 3 tak. § 36, imm. 3 malillugu pigisanik nalilinnik akiligassanillu naatsorsuineq suliffeqarfimmut tiguneqartumut tigusinerminik pigisanik nalilinnik akiligassanillu naatsorsuinerut suliarineqassaaq.

Imm. 6. Immikkut ittunik iluanaarutininik tunniussinissaq pillugu qitiusumik aqutsisut aalajangiinerit allataavinnut ilanngunneqassaaq. Ukiumut naatsorsuusiorfiusumut kingullermut akunnerinnaani pigisanik nalilinnik akiligassanillu naatsorsuineq imaluunniit oqimaaqatigiissitsineq aalajangiinerimut ilanngussatut allattaavimmi ilaassaaq.

Iluanaaruteqarnermi paasissutissiinissamut immikkut piussaaffiit

§ 184. Aktieselskabi, kunngip peqqussuteqarneratigut Kalaallit Nunaannut atulersinneqartumi pappialanut aningaasanik nalilinnik niuerneq il.il. pillugu inatsimmi kapitali 8 naapertorlugu atulersinneqartunut maleruagassanut ilaasoq, ingerlatseqatigiiffiup tiguneqarnerata naammassineraniit qaammatini siullerni aqqaneq marlunni neqerooruteqartumut imaluunniit taassuma qanigisaanut ingerlatseqatigiiffiup aningaasaataanik agguasseqqusaanngilaq.

Imm. 2. Imm. 1 apeqquataatinnguli neqerooruteqartoq tunniussineq aamma kunngip peqqussuteqarneratigut Kalaallit Nunaannut atulersinneqartumik pappialanik aningaasanik nalilinnik niuerneq il.il. pillugu inatsimmi tamanna pillugu maleruagassat naapertorlugit suliarineqartussami neqerooruteqarluni allakkami tamanna pillugu erseqqinnerusumik piunasaqaatit pillugit paasissutissiisimappat tunniussisoqarsinnaavoq. Piffissap tunniussinerup kingorna ingerlatseqatigiiffiup aningaasatigut inissisimanerata ataatsimut isigalugu pitsaanerulerneranik tunniussineq qaangiinngippat, aamma tunniussineq neqerooruteqarnermi allakkap suliarineqarnerani neqerooruteqartumut naatsorsuutigineqarsinnaanngippat paasissutissiisoqassanngilaq.

Aningaasaatit appartinneri pillugit aalajangiineq

§ 185. Aningaasaatinik qaffaaneq pillugu aalajangiinerni suleriaaseq pillugu § 156-mi aalajangersakkat taamaaqataanik aktieselskabini aningaasaatinik appaaneq pillugu aalajangiinerni atorneqassapput.

§ 186. Ingerlatseqatigiiffiup aningaasaataanik appaaneq pillugu aalajangiineq malittarisassanik allannguinerminik pisariaqartunik taasinernik amerlanerussuteqarfiusumik ataatsimeersuarnermi aalajangerneqassaaq.

§ 187. Anpartsselskabini ataatsimeersuartut malittarisassani aalajangersakkatigut aningaasat aalajangersimasut tikillugit aningaasaatinik appartitsinerup naammassineqarnissaanut qitiusumik aqutsisut piginnaatinneqarsinnaapput.

Imm. 2. Akiligassa qarfinut nalunaarute qarneq, § 192 tak., tamanut saqqummiunneqassaaq piginnaatitsinerup ator neqarnissaa pillugu qitiusumik aqutsisut aalajangiineranniit kingusinnerpaamik sapaatit akunneri tallimat qaangiutsinnagit pissaaq.

§ 188. Aningaasaatinik appaaneq pillugu aalajangiiner mi, aningaasat ingerlatseqatigiiffiup aningaasaataani appartitsissutaasussat kiisalu aningaasat siunertat ukununnga sorlernut ator neqarnissaat allanneqassapput:

- 1) Amigartoorutitut matussutissat,
- 2) aningaasaatinik piginnittunut akiliineq imaluunniit
- 3) immikkut sillimmatissanut immikkoortitsineq.

Imm. 2. Ingerlatseqatigiiffiup aningaasaliiffiusup aningaasaataanik tunniussineq aningaasanik appartitsissutaasunit aningaasanik qaffasinnerusunik pissappat sinnerlugu naleq allallugu aalangiineq ilisimatitsissutigineqassaaq.

Imm. 3. Akiliinermut imaluunniit immikkut sillimmatitut immikkoortitsinermut aningaasaatinik appaanerit kisimik, imm. 1, nr. 2 aamma 3 tak., naleq inorlugu pisinnaapput.

§ 189. Aningaasat appartitsissutaasut aningaasaatinik piginnittunut tunniunneqartussatut imaluunniit immikkut sillimmatitut immikkoortitsinermut ator neqassanersut pillugu taamaallaat ataatsimeersuartut aalajangiisinnaapput, § 188, imm. 1, nr. 2 aamma 3 tak., ingerlatseqatigiiffiup aningaasaliiffiusup qitiusumik aqutsisui tamanna pillugu siunnersuute qarpat imaluunniit akuersippata.

Imm. 2. Imm. 1 malillugu aningaasaatinik appaaneq aningaasaatinik piginneqataassutit nalinginit appasinnerusumut naleqartillugu pippat aningaasat sinneruttut aningaasaatinik piginneqataassutit nalinginut ingerlatseqatigiiffiup sillimmataanut killilersorneqanngitsunut nuunneqassapput.

§ 190. Aningaasaatinik appaaneq aningaasaanngitsunik nalilinnut allanut tunniussisoqarneratigut aningaasaatinik piginnittunut tunniussisoqartillugu piffissami aalajangiiffiusumi nalilersuiner mi nassuiaasiortoqassaaq, §§ 36 aamma 37 tak.

Imm. 2. Nalilersuiner mi nassuiaammik nalunaarummi, § 36, imm. 1, nr. 4 tak., allanneqassaaq aningaasaatinik appaaneq piffissami aalajangiiner mi naleq sinnerlugu tapeqartoq tunniunneqartup nalinganut imaluunniit aningaasaanngitsunik nalillit allat tunniunneqartut nalinginut minnerpaamik naapertuuttoq. § 36, imm. 3 malillugu pigisanik nalilinnik akiligassanillu naatsorsuineq suliffe qarfimmu tunniussisumut tiguser mi pigisanik nalilinnik akiligassanillu naatsorsuineq suliarineqassaaq. § 38, imm. 2-mi maleruagassat malillugit qitiusumik aqutsisup suliaqarlutillu nassiussippata § 38, imm. 1-mi eqqaaneqartutut pigisanik nalilinnik tunniussiner mi naliliisartup nassuiaasiortoqassanngilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsen qarasaasia qarfiani nalunaarut tamanut saqqummiunneqassaaq, § 9, imm. 3 tak.

Aningaasaatinik appartitsinerup nalunaarutiginer a

§ 191. Aningaasaatinik appaaneq pillugu aalajangiineq nalunaarsorneqassaaq imaluunniit nalunaarsornissaanut nalunaarutigineqassaaq, § 9 tak., aalajangiisoqarneraniit kingusinnerpaamik sapaatit akunneri tallimat qaangiutsinnagit. Aalajangiinerup atuuttuunini

annaassavaa taanna piffissaliussap iluani Erhvervsstyrelsimi nalunaarsorneqanngippat imaluunniit nalunaarsornissaanut nalunaarutigineqanngippat.

Akiligassaqarfinnut kaammattuineq

§ 192. Aningaasaatinik appaanerit aningaasaatinik piginnittunut akilerneqarnerini imaluunniit immikkut sillimmatinut immikkoortinnerini, § 188, imm. 1, nr. 2 aamma 3 tak., ingerlatseqatigiiffiup aningaasaliiffiusup akiligassaqarfii kaammattorneqassapput piffissaliussap sapaatit akunneri arfineq marluk iluanni piumasaqaatitik ingerlatseqatigiiffimmut nalunaarutigissagaat. Tamanna pissaaq Erhvervsstyrelsimi nalunaarsorneqarnikkut aamma ingerlatseqatigiiffiup aningaasaataanik appaaneq pillugu qitiusumik aqutsisut aalajangiinerannik tamanut saqqummiussisoqarneratigut.

Imm. 2. Aningaasaatit peqatigisaanik aningaasat nalinginik minnerpaamik pisiumasoqarneratigut aningaasat appatitsissutaasut sinnerlugu naleqartillugit minnerpaamik qaffanneqarpata imm. 1 naaprtorlugu akiligassaqarfinnut kaammattuisoqassanngilaq.

Imm. 3. (Atorunnaarpoq)

Aningaasaatinik appaanerup naammassineqarnera

§ 193. Akiligassaqarfiit ingerlatseqatigiiffimmut aningaasaliiffiusumut piumasaqaatiminnik nalunaaruteqarnissaanut piffissaliussaq naappat, § 192 tak., aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaanerup naammassineqarnissaa pillugu qitiusumik aqutsisut aalajangiisinnaapput, aningaasaatinik appaanerup naammassineqarnissaa illersorneqarsinnaappat, § 115, nr. 5, § 116, nr. 5, aamma § 118, imm. 2, oqaaseqatigiit appaat tak., taamaattorli imm. 4 tak.

Imm. 2. Akiligassaqarfiit ingerlatseqatigiiffimmut aningaasaliiffiusumut piumasaqaatiminnik nalunaaruteqarnissaanut piffissaliussap naaneraniit sapaatit akunneri arfineq marluk kingorna aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaanerup naammassineqarnera pillugu siumoortumik ilisimatitseqqaarnani Erhvervsstyrelsimiit nalunaarsorneqarsinnaavoq, aningaasaatinik appaaneq pillugu aalajangiinerup atorunnaarsinnissaa pillugu tamanna sioqqullugu ingerlatseqatigiiffiup nalunaarsorsimangippagu imaluunniit nalunaarsorneqartussatut nalunaarutigisimangippagu, imm. 3 tak., imaluunniit aningaasaatinik appaaneq kingornatigut Erhvervsstyrelsimi nalunaarsorneqarneratigut imaluunniit nalunaarsorneqartussatut nalunaarutigineqarneratigut aatsaat naammassineqanngippat, imm. 4 aamma 5 tak. Aningaasaatinik appaaneq pillugu aalajangiinerup nalunaarsorneqarnerata kingorna ingerlatseqatigiiffimmi aningaasaliiffiusumut tunngasunik allannguinerit ilai, § 191 tak., kingunerissagaat aningaasaatinik appaaneq pillugu aalajangiineq atorunnaarsinneqassasoq, imaluunniit aningaasaatinik appaaneq kingornatigut Erhvervsstyrelsimi nalunaarsorneqarnermigut imaluunniit nalunaarsorneqartussatut nalunaarutigineqarneratigut aningaasaatinik appaaneq naammassineqartoq pillugu maleruagassanik Erhvervsstyrelsi aalajangersaasinnaavoq.

Imm. 3. Aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaaneq tamanut saqqummiunneqartumut naapertuuttumik naammassineqanngippat, § 192 tak., imaluunniit aningaasaatinik appaanerup naammassineqarnissaa illersorneqarsinnaanngippat, § 115, nr. 5, § 116, nr. 5 aamma § 118, imm. 2, oqaaseqatigiit appaat tak., imm. 2, oqaaseqatigiinni siullerni piffissaliussap naannginnerani qitiusumik aqutsisut aningaasaatinik appaaneq pillugu aalajangiinerup atorunnaarsinnera nalunaarsussavaat imaluunniit nalunaarsorneqartussatut nalunaarutigalugu.

Imm. 4. Aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaaneq naammassineqassanngilaq piumasaqaatit akilerneqartussat naammassineqarsimannngitsut nalunaarutigineqarpata aamma piumasaqaatinut akilerneqarsimannngitsunut imaluunniit isumaqatigiinngissutaasunut piumasarineqartumik isumannaatsumik qularnaveeqquisiisoqarsimannngippat. Qularnaveeqquisiinissamut neqeroortutigineqartoq toqqissisimanartutut isigineqarsinnaanersoq illuatungeriit arlaata piumasaqarneratigut Erhvervsstyrelsimit aalajangiiffigineqassaaq.

Imm. 5. Aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaaneq nalunaarsorneqassaaq imaluunniit nalunaarsorneqatussatut nalunaarutigineqassaaq, § 9 tak., kingusinnerpaamik aningaasaatit appartinneqarnissaat pillugu piffissami aalajangiinnermi ukiumoortumik nalunaarusiamik nassiussinissamut piffissaliussap naanerani, taamaattorli aningaasaatit appartinneqarnissaat pillugu aalajangiinnermiit kingusinnerpaamik ukioq ataaseq qaangiutsinnagu. Piffissaliussaq qaangerneqarpat aningaasaatinik appaanerup naammassineqarnissaa pillugu aalajangiinerup atuuttuunera annaaneqassaaq.

Aningaasanik utertitsineq

§ 194. Aningaasaatinik piginnittunut peqqussummi matumani aalajangersakkanut akerliusumik aningaasanik utertitsisoqarsimappat taakku aningaasanik utertitsillutik akiliissapput aammattaaq kunngip peqqussuteqarneratigut Kalaallit Nunaannut atulersinneqartumi kingusinaartumik akiliinnermi erniat il.il. pillugit inatsimmi § 5, imm, 1 aamma 2 malillugu aalajangersarneqartumut ernianut naapertuuttumik aningaasat ukiumut ernialerneqarlutik, 2 pct.-imik ilaneqartumik. Iluanaarutinik utertitsinermili tamanna taamaallaat atuutissaaq aningaasaatinik piginnittup aningaasanik tunniussineq inatsisinut naapertuutinngitsoq paasisimappagu imaluunniit paasisimasussaagaluarpagu.

Imm. 2. Aningaasat akilersinneqarsinnaanngippata, imaluunniit aningaasaatinik piginnittoq utertitsilluni akiliinissamut pisussaaffeqanngippat, utertitsinissaq pillugu aalajangiinnermut imaluunniit taakku naammassineqarnissaannut peqataasimasut imaluunniit naatsorsuutit eqqunngitsumik naatsorsornerinik saqqummiisimasut imaluunniit akuersisimasut taarsiisoqarnissaanut maleruagassat nalinginnaasut malillugut akisussaapput.

Nalinginnarmik iluaqutaasussat tunissutit

§ 195. Nalinginnarmik iluaqutaasunut imaluunniit taamaaqataanut siunertanut, tunissummi siunertaq, ingerlatseqatigiiffiup aningaasatigut inissisimanagera allatigullu pissutsit eqqarsaatigalugit naammaginartutut isigineqarsinnaasunik tunissutinut ingerlatseqatigiiffiup aningaasaliiffiusup aningaasaatai atorineqarsinnaasut ataatsimeersuartut aalajangiisinnaapput. Oqaaseqatigiinni siullerni siunertanut taaneqartumut, ingerlatseqatigiiffiup aningaasaqarnikkut inissisimanageranut naleqqiullugu pingaaruteqarpiannngitsunik aningaasanik qitiusumik aqutsisut atuisinnaapput.

Kapitali 12

Aningaasaatinik nammineq piginneqataassutit

Aningaasaatinik nammineq piginneqataassutinik pigisassanik imaluunniit qularnaveeqqutinik pissarsineq

§ 196. Ingerlatseqatigiiffik aningaasaliiffiusoq namminerisaminik aningaasaatinik piginneqataassutinik tamakkiisumik akilerneqarsimasunit taamaallaat pissarsisinnaavoq. Tamanna pisinnaavoq pigisatut kiisalu qularnaveeqquisinertut.

Aningaasaatinik nammineq piginneqataassutininik akiliuteqarluni pissarsineq

§ 197. Ingerlatseqatigiiffik aningaasaliiffiusoq namminerisaminik aningaasaatinik piginneqataassutininik akiliuteqarnikkut pissarsiguni, ingerlatseqatigiiffik iluanaarutitut tunniunneqarsinnaasut atorneqarsinnaasut aningaasat taamaallaat tassunga atussavai, § 180, imm. 2 tak. Aningaasaatinik nammineq piginneqataassutininik ingerlatseqatigiiffiup uninngasuutai ingerlatseqatigiiffiup aningaasaataanut piumasagaatit eqqortinneqarsimanersut pillugit nalilersuinermit ilanngaatigineqassapput, § 4 tak.

Imm. 2. Aningaasaatinik nammineq piginneqataassutini uninngasuutini akuerisanut ilanngullugit naatsorsorneqassapput aningaasaatinik piginneqataassutit allap atia atorlugu, kisianni ingerlatseqatigiiffiup akiligaanik pissarsiarineqarsimasut.

§ 198. Ingerlatseqatigiiffik aningaasaliiffiusoq namminerisaminik aningaasaatinik piginneqataassutininik akiliuteqarnikkut pissarsineq taamaallaat pisinnaavoq ataatsimeersuarnermiit ingerlatseqatigiiffiup aningaasaliiffiusup qitiusumik aqutsisuinut piginnaatitsisoqarneratigut, taamaattorli § 199 tak.

Imm. 2. Piginnaatitsineq taamaallaat piffissamut aalajangersimasumut tunniunneqarsinnaavoq ukiunik tallimanik sivisunerussanngitsoq.

Imm. 3. Piginnaatitsissummi allanneqassaaq

- 1) aningaasaatinik namminerisamik piginneqataassutit naliisa annertunerpaaffiigisinnaasaat, aamma
- 2) ingerlatseqatigiiffiup aningaasaatinik piginneqataassutininik akiliutigisinnaasai aningaasat annikinnerpaaffissaat annertunerpaaffissaallu.

§ 199. Ingerlatseqatigiiffimmu aningaasaliisumut annertuumik aarlerinartumillu ajoqusiinerup pinngitsoortinnissaa pisariaqassappat ingerlatseqatigiiffik aningaasaliiffiusoq sinnerlugu qitiusumik aqutsisut ataatsimeersuarnertunit piginnaatitsinertanngitsumik §§ 196-198 malillugu ingerlatseqatigiiffik aningaasaliiffiusoq namminerisaminik aningaasaatinik piginneqataassutininik akiliuteqarnikkut qitiusumik aqutsisut pissarsisinnaapput.

Imm. 2. Qitiusumik aqutsisut, imm. 1 malillugu ingerlatseqatigiiffik aningaasaliiffiusoq aningaasaatinik namminerisamik pigisanik pissarsissappat ataatsimeersuarnermi siullermi uku pillugit nalunaaruteqassaaq

- 1) pissarsisimanernut tunuliaqutaasut siunertaasullu,
- 2) aningaasaatinik piginneqataassutininik pissarsiarisat amerlassussaat nalingallu,
- 3) aningaasaatinik namminerisamik piginneqataassutit ingerlatseqatigiiffiup aningaasaliiffiusup pissarsiarisimasai qanoq annertutiginersut, aamma
- 4) aningaasaatinik piginneqataassutigineqartut pissarsiarineqartut pillugit akiliutit.

§ 200. §§ 196-198 apeqqutaatinnagit aningaasaatinik namminerisamik piginneqataassutininik ingerlatseqatigiiffiup aningaasaliiffiusoq toqqaannartumik imaluunniit toqqaannanngitsumik pissarsisinnaavoq

- 1) kapitali 11 malillugu ingerlatseqatigiiffiup aningaasaataanik appartitsinermut atasumik,
- 2) kattunnermi, agguataarnermi allatigullu annertuutigut kingornussinermit pigisatigut iluanaarutinit ikaarsaarnermut atasumik,
- 3) inatsisitigut aalajangerneqartumik aningaasanngortitsinissamut pisussaaffiup naammassineranut, imaluunniit

4) pissarsiassap ingerlatseqatigiiffiummit pissarsiarineqartussap naammassineqarnissaanut pinngitsaaliilluni akitsorterussinermi aningaasaatinik piginneqataassutit tamakkiisumik akilerneqarsimasut akilerneqarnerinut.

*Ingerlatseqatigiiffimmi piginnittumi aningaasaatinik piginneqaraassutininik
ingerlatseqatigiiffiup pigineqartup pissarsinera*

§ 201. §§ 196-200 ingerlatseqatigiiffiup pigineqartup pigisassatut imaluunniit qularnaveeqqusiinertut ingerlatseqatigiiffimmi piginnittumi aningaasaatinik piginneqataassutininik pissarsineranut taamaataanik atorneqarput.

Aningaasaatinik piginneqataassutit pissarsiarineqarsimasut tunineqarneri

§ 202. Aningaasaatinik piginneqataassutit, § 196 naapertorlugu akissarsiaqartitsinani pissarsiarineqarsimasut aamma aningaasaatinik piginneqataassutit § 200, n. 2-4 naapertorlugu pissarsiarineqarsimasut tuniniarneqassapput tamanna ingerlatseqatigiiffimmut aningaasaliiffiusumut akornusiinani pisinnaalerpat, taamaattorli imm. 2 tak.

Imm. 2. Tunisineq pissaaq pissarsereernermit kingusinnerpaamik ukiut pingasut qaangiutsinnagit, ingerlatseqatigiiffiup nalinga taassumalu ingerlatseqatigiiffiini pigisaani ingerlatseqatigiiffimmi aningaasaliiffiusumi piginneqataassutininik uninngasuutit tamarmiusut ingerlatseqatigiiffiup sillimmataanit killilersorneqanngitsunit annerunngippata.

§ 203. Aningaasaatinik piginneqataassutit pigisassat, §§ 196-201-mut akerliusumik pigilerneqarsimasut, piaarnerpaamik aamma pissarsereernerup kingusinnerpaamik qaammatit arfinillit qaangiutinnginnerini tunineqassapput.

Imm. 2. Aningaasaatinik piginneqataassutit qularnaveeqqutigisat §§ 196-201-imut akerliusumik pissarsiarineqarsimappata qularnaveeqqusiisimaneq piaarnerpaamik aamma pissarsereernerup kingusinnerpaamik qaammatit arfinillit qaangiutinnginnerini atorunnaarsinneqassapput.

§ 204. Aningaasaatinik piginneqataassutit §§ 202 aamma 203 malillugu tunineqarsimannippata ingerlatseqatigiiffiup aningaasaliiffiusup qitiusumik aqutsisui suliniuteqarnerisigut aningaasaatinik piginneqataassutit taakku nalinginut ingerlatseqatigiiffiup aningaasaatai appartinneqassapput, kapitali 11 tak.

Namminerisamik aningaasaatinik piginneqataassutininik pisiualluni nalunaarneq

§ 205. Ingerlatseqatigiiffik aningaasaliiffiusoq aningaasaatinik namminerisamik piginneqataassutissanik pisiualluni nalunaaruteqassanngilaq.

Imm. 2. Aningaasaatinik piginneqataassutit, allap atianut allamit pisiariumallugit nalunaarutigineqartut, kisianni ingerlatseqatigiiffiup akiligassai, allap akiligaatut pisiariumaneqartutut isigineqarput.

Imm. 3. Aningaasaatinik piginneqataassutit, imm. 1-mut akerliusumik ingerlatseqatigiiffiup atianut pisiariumallugit nalunaarutigineqartut, pilersitsisunit imaluunniit, ingerlatseqatigiiffiup aningaasaataani qaffaasoqartillugu, ingerlatseqatigiiffiup aqutsisuini ilaasortat nammineq akiligaattut pisiariumaneqartutut isigineqarput taamaalillunilu taakku pisinermi akiliummut nammaqatigiillutik akisussaallutik. Tamannali pilersitsisunut imaluunniit ingerlatseqatigiiffiup aqutsisuini ilaasortanut, aningaasaatinik piginneqataassutininik pisiualluni nalunaarneq inatsisinik unioqqutitsinerusoq takusimanagu imaluunniit takusimasariaqaraluarlugu uppersaasannaasunut atuutinngilaq.

Imm. 4. Imm. 1 taamaaqataanik ingerlatseqatigiiffimmi piginnittumi aningaasaatinik piginneqataassutinik ingerlatseqatigiiffiup pisiumaneranut atorneqssaaq. Ingerlatseqatigiiffimmi piginnittumi aningaasaatinik piginneqataassutit pineqartut ingerlatseqatigiiffiup pigineqartup aqutsisuinit pisiariumaneqartutut isigineqarput, imm. 3 tak.

Kapitali 13

Ingerlatseqatigiiffiup aningaasaliiffiusup nammineq aningaasaatai atorlugit aningaasatigut ikiuunneq

Imminut aningaasalersorneq

§ 206. Ingerlatseqatigiiffik aningaasaliiffiusoq ingerlatseqatigiiffimmi imaluunniit taassuma ingerlatseqatigiiffiani piginnittumi aningaasaatinik piginneqataassutinik allap pissarsinissaanut toqqaannartumik toqqaannangitsumilluunniit aningaasanik atugassiissanngilaq, taarsigassarsisitsissanngilaq imaluunniit qularnaveeqqusiissanngilaq, taamaattorli imm. 2 aamma §§ 213 aamma 214 tak.

Imm. 2. Imm. 3-mi piumasaqaatit aamma ataatsimeersuarnerup akuersinera, aalajangiinerup illersorneqarsinnaaneranut piumasaqaatit, qitiusumik aqutsisut nassuiaataat pillugu §§ 207-209 aamma niuerfinni piumasaqaatit nalinginnaasut naammassineqarsimappata ingerlatseqatigiiffimmi imaluunniit taassuma ingerlatseqatigiiffiani piginnittumi aningaasaatinik piginneqataassutinik allap pissarsinissaanut atatillugu ingerlatseqatigiiffik aningaasaliiffiusoq toqqaannartumik toqqaannangitsumilluunniit aningaasanik atugassiisinnaavoq, taarsigassarsisitsisinnaavoq imaluunniit qularnaveeqqusiisnaavoq.

Imm. 3. Ingerlatseqatigiiffiup aningaasaatigut ikiuinermik pissarsisut aningaasanik atorsinnaanerannik tatiginartuunersut naliliiffigineqarnissaat ingerlatseqatigiiffiup aningaasaliiffiusup qitiusumik aqutsisuisa qulakkiissavaat, imm. 2 tak.

§ 207. Ataatsimeersuarnerup akuersinera § 206, imm. 2 naapertorlugu aningaasatigut ikiorsiisoqarnissaa sioqqullugu pigineqassaaq. Ataatsimeersuarnerup aalajangiinissaanut atugassamik allakkatigut nassuiaat paasissutissanik makkuninnga imaqartoq ingerlatseqatigiiffiup qitiusumik aqutsisut saqqummiutissavaat

- 1) aningaasatigut ikiorsiinissaq pillugu siunnersuummut tunuliaqutaasoq,
- 2) taamatut iliuuseqarnerup naammassineqarnerani ingerlatseqatigiiffiup soqutigisai,
- 3) naammassinninnermut atasut piumasaqaatit,
- 4) iliuuserisap ingerlatseqatigiiffiup akiliisinnaassusianut akissaqassusianullu kingunerisinnaasaanik nalilersuineq, kiisalu
- 5) akiusoq allap aningaasaatinit piginneqataassutinut akiligassaa.

Imm. 2. Ataatsimeersuarnerup akuersineq pillugu aalajangiinera, imm. 1 tak., malittarisassanik allannguinnissamat piumasarineqartoq assigalugu taamaaqataanik amerlanerussuteqarnikkut aalajangiiffigineqassaaq, § 106 tak.

Imm. 3. Nassuiaat, imm. 1 tak., Erhvervsstyrelsip qarasaasiaqarfiani tamanut saqqummiunneqassaaqens imaluunniit tamanut saqqummiunneqarnissaa siunertaralugu, ataatsimeersuarnerup akuersineraniit kingusinnerpaamik sapaatit akunneri tallimat qaangiutsinnagit Erhvervsstyrelsimit tiguneqarsimassalluni.

§ 208. § 206, imm. 2 malillugu ingerlatseqatigiiffiup aningaasaliiffiusup allamut aningaasatigut ikiorsiinera piffissami qaqugulluunniit ingerlatseqatigiiffiup aningaasaqarnikkut inissisimaneranik eqqarsaatigalugu illersorneqarsinnaasumik

qaangiissanngilaq. Ingerlatseqatigiiffik piginnittoq pineqarpat, §§ 6 aamma 7 tak., aningaasaqarnikkut ikiorsiineq tamarmiisoq suliffeqarfissuup aningaasaqarnikkut inissisimaneranik eqqarsaatigalugu illersorneqarsinnaasumik qaangiissanngilaq. Ingerlatseqatigiiffik aningaasaliiffiusup iluanaarutitut tunniunneqarsinnaasut aningaasat tassunga taamaallaat atorsinnaavai, § 180, imm. 2 tak.

§ 209. Alla ingerlatseqatigiiffimmit aningaasaliiffiusumit aningaasaqarnikkut ikiorserneqarluni, § 206, imm. 2 tak., ingerlatseqatigiiffimmi aningaasaatinik piginneqataassutitik pissarsippat aningaasaqarnikkut ikiorsiinermi akiliutigineqartup niuerfimmi piumasagaatit nalinginnaasut atorlugit pissaaq. Taamaaqataanik atuutissaaq, alla aningaasaatinik piginneqataassutitik pisiumalluni nalunaarpat, § 162 tak., aningaasaatit pisiariuminartut qaffannerinut atasumik.

Ingerlatseqatigiiffinnut piginnittunut, aningaasaatinik piginnittunut, aqutsisuni ilaasortanut il.il. aningaasatigut ikiorsiineq

§ 210. Ingerlatseqatigiiffik aningaasaliiffiusoq aningaasaatinik piginnittunut imaluunniit ingerlatseqatigiiffimmi aqutsisunut toqqaannartumik toqqaannangitsumilluunniit aningaasanik atugassiissanngilaq, taarsigassarsisitsissanngilaq imaluunniit qularnaveeqqusiissanngilaq, taamaattorli §§ 211-214 tak. Taamaaqataanik aningaasaatinik piginnittunut imaluunniit ingerlatseqatigiiffiup ingerlatseqatigiiffiani piginnittumi aqutsisunut aamma ingerlatseqatigiiffimmi piginnittuunngitsumi suliffeqarfanni allani, ingerlatseqatigiiffik pillugu aalajangiisutut sunniuteqartunut naleqqiullugu atuupput. Oqaaseqatigiit siulliit aamma inunnut aappariinnermikkut, toqqaannartumik qummut ammulluunniit ilaquaqartunut allatigulluunniit immikkut qanigisaasunut oqaaseqatigiinnut siullernut aappaanulluunniit ilaasunut inunnut atasunut aamma atuupput.

Imm. 2. Ingerlatseqatigiiffilli aningaasaliiffiusoq imm. 1 apeqqutaatinnagu imminut aningaasalersornissaq pineqartillugu imm. 1-mi taaneqartoq aningaasatigut ikiorsiisinnaavoq, §§ 206-209-mi maleruagassat tak.

§ 211. Ingerlatseqatigiiffiup piginnittup kalaallit nunaanni nunanilu allani aalajangersimasuni pisinnaatitaaffiit pillugit ingerlatseqatigiiffik aningaasaliiffiusoq toqqaannartumik toqqaannangitsumilluunniit aningaasanik atugassiisinnaavoq, taarsigassarsisitsisinnaavoq imaluunniit qularnaveeqqusiisinnaavoq.

Imm. 2. Nunani allani ingerlatseqatigiiffiit piginnittut sorliit imm. 1-mi ilaanersut pillugu maleruagassanik erseqqinnerusunik Erhvervsstyrelsi aalajangersaasinnaavoq.

§ 212. § 210 apeqqutaatinnagu nalinginnaasumik niuernikkut iliuuseqarnerminut atasumik inunnut § 210-mi eqqaaneqartunut ingerlatseqatigiiffik aningaasaliiffiusoq toqqaannartumik toqqaannangitsumilluunniit aningaasanik atugassiisinnaavoq, taarsigassarsisitsisinnaavoq imaluunniit qularnaveeqqusiisinnaavoq.

Aningaaserivinnut il.il. tunngasuni ilaatitsinnginneq

§ 213. §§ 206 aamma 210 aningaaserivinnut aamma illuummik qularnaveeqqusiilluni taarsigassarsisitsisunut illuummik qularnaveeqqusiilluni taarsigassarsisitsisarfinnut atorveqassanngillat.

Sulisunut tunngatillugu ilaatitsinnginneq

§ 214. §§ 206 aamma 210 taamaaqataanik ingerlatseqatigiiffimmi imaluunniit ingerlatseqatigiiffimmi pigineqartuni sulisunit imaluunniit sulisunut aningaasaatinik piginneqataassutinik pissarsinissaq siunertaralugu iliuuserisanut atorveqassanngillat.

Imm. 2. Qitiusumik aqutsisunut aqutsinermi allattaavik imm. 1-mi ilaasut iliuuserisat suulluunniit pillugit oqaaseqaatinik imaqassaaq.

Imm. 3. Imm. 1-mut ilaasut iliuuserisat § 180 naapertorlugu iluanaarutitut akiliutigineqartut atorlugit aningaasat atorlugit taamaallaat pisinnaapput.

Utertitsilluni akiliineq

§ 215. §§ 206 aamma 201-mut akerliusumik ingerlatseqatigiiffik aningaasaliiffiusoq aningaasatigut ikorsiisimappat aningaasat ingerlatseqatigiiffimmut utertinneqassapput kunngip peqqussuteqarneratigut Kalaallit Nunaannut atulersinneqartumik kingusinaartumik akiliinermi il.il. erniat pillugit inatsimmi § 5, imm. 1 aamma 2-mi aalajangersarneqartunut ernianut naapertuuttumik aningaasat ukiumut ernialerlugit, qaffasinnerusumik ernialiisoqarnissaa isumaqatigiissutigineqarsimanngippat.

Imm. 2. Utertitsilluni akiliineq pisinnaanngippat, imaluunniit allatigut aningaasatigut ikorsiineq pillugu isumaqatigiissutit atorunnaarsinneqarsinnaanngippata, §§ 206 aamma 210-mut akerliusumik isumaqatigiissuteqarsimasut imaluunniit iliuuserisimasaminnik ingerlatitsiinnarsimasut inuit ingerlatseqatigiiffiup aningaasaliiffiusup annaasaanut akisussaassapput.

Imm. 3. §§ 206 aamma 210-mut akerliusumik qularnaveeqqusiinerit ingerlatseqatigiiffimmut pituttuinerupput, isumaqatigiissuteqarfigineqartoq aalajangersakkanut taakkununga akerliusumik qularnaveeqqusiisoqarsimaneramik ilisimasaqanngippat.

Kapitali 14

Ingerlatseqatigiiffiit aningaasaliiffiusut atorunnaarsinneri

Nalunaaruteqarnikkut atorunnaarsitsineq

§ 216. Ingerlatseqatigiiffinni aningaasaliiffiusuni, akiligassaqarfiit tamarmik akilerneqarsimasuni, atorunnaarsitsineq pissaaq akiitsut tamarmik, akilerneqarsimasut akilerneqarsimanngitsullu, akilerneqarsimaneri aamma ingerlatseqatigiiffiup aningaasaliiffiusup atorunnaarsinnissaa pillugu aalajangiineq pillugit aningaasaatinik piginnittut Erhvervsstyrelsimut nalunaaruteqarnerisigut. Aningaasaatinik piginnittut aqqi najugaalu nalunaarummi allanneqarsimassapput.

Imm. 2. Imm. 1 malillugu nalunaarut atsioreernermit kingusinnerpaamik sapaatit akunneri tallimat qaangiutsinnagit styrelsimit tiguneqarsimappat aamma ingerlatseqatigiiffimmut aningaasaliiffiusumut tunngasunik akileraarutininik akitsuutinillu piumasaqaatit pillugit

akitsuuserinermi akileraartarnermullu ingerlatsivimmiit nalunaarut ilanngunneqarsimappat atorunnaarsitsineq taamaallaat Erhvervsstyrelsimiit nalunaarsoneqarsinnaavoq.

Imm. 3. Ingerlatseqatigiiffik atorunnaassaaq ingerlatseqatigiiffiit ingerlasut pillugit Erhvervsstyrelsesip nalunaarsorsimaffianiit peerneqarpat.

Imm. 4. Piffissami nalunaarutip tunniunneqarnerani akiitsunut, akilernerqarsimasut akilernerqarsimannigitsullu imaluunniit isumaqatigiinngissutaasnut aningaasaatinik piginnittut inuttut, nammaqatigiillutik killilersorneqannigitsumik akisussaapput. Aningaasanik sinneqartoortoqarpat taakku aningaasaatinik piginnittut akornanni agguarneqassapput.

Atorunnaarsitsinerup atuutilerpera pillugu aalajangiineq

§ 217. Atorunnaarsitsinermi ingerlatseqatigiiffiup aningaasaliiffiup kajumissutsimik atorunnaarsinneqarnera pillugu ataatsimeersuarneq aalajangiissaaq, inatsisini allanik aalajangersaasoqarsimannigippat.

Imm. 2. Aalajangiineq malittarisassanik allannguinermi piumasarineqartunik taasinernik amerlanerussuteqarnikkut aalajangiiffigineqassaaq, § 106 tak. Atorunnaarsitsineq inatsisini imaluunniit ingerlatseqatigiiffiup aningaasaliiffiusup malittarisassaani imaluunniit peqqussut manna malillugu Erhvervsstyrelsimiit peqqussutigineqarluni atorunnaarsitsisoqarpat nalinginnaasumik amerlanerussuteqarnikkut aalajangiisoqassaaq, § 105 tak.

Atorunnaarsitsisumik toqaaneq

§ 218. Ingerlatseqatigiiffiup atorunnaarsinneqarnissaanik isumaginnittussamik atorunnaarsitsisumik ataatsimik arlalinnilluunniit ataatsimeersuartut toqqaassapput. Piffissami kajumissutsimik atorunnaarsitsinissaaq pillugu aalajangiinermi, § 217, imm. 1 tak., taamaaqataanik § 229. imm. 1 atorunnaarsitsisussamik toqqaasoqarnissaata tungaanut aqutsisut iliuuserisaannut atorneqassaaq.

Imm. 2. Aningaasaatinik piginnittut, ingerlatseqatigiiffiup aningaasaataanik ikinnerpaamik 25 pct.-imik piginnittut, ataatsimeersuarnermi toqparneqartut atorunnaarsitsisut allat peqatigalugit atorunnaarsitsinerup isumaginnissaanut atorunnaarsitsisussamik ataatsimeersuarnermi toqqaasinnaatitaapput.

§ 219. Atorunnaarsitsisoq ataaseq arlalilluunniit aqutsisunut taarsiullutik ingerlassapput. Peqqussutip matuma ingerlatseqatigiiffiup aqutsisui pillugit aalajangersagai atorunnaarsitsisumi ataatsimi arlalinnilluunniit pisariaqartutigut naleqqussarneqarlutik atuutissapput.

Imm. 2. Atorunnaarsitsisoq toqqaasumit imaluunniit pineqartumik toqqaasumit qaqugukkulluunbnit soraarsinneqarsinnaavoq.

Imm. 3. Peqqussummi matumani aamma ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartumi naatsorsuutininik saqqummiussineq, kukkunersuineq, ataatsimeersuarneq aamma ukiumoortumik nalunaarutit Erhvervsstyrelsimut nassiunneqarnissai pillugit aalajangersakkat taamaaqataanik kapitali manna malillugu allaassuteqartumik ingerlatseqatigiiffinnut atorunnaarsinneqartunut atorneqassapput.

Atorunnaarsitsinerup nalunaarutigineqarnera

§ 220. Atorunnaarsitsinerup atulernissaa pillugu aalajangiinerup nalunaarutigineqarnera aalajangiisoqarneraniit kingusinnerpaamik sapaatit akunneri tallimat qaangiutsinnagit Erhvervsstyrelsimit tiguneqarsimanissaa atorunnaarsitsisup qulakkiissavaa.

Imm. 2. Ingerlatseqatigiiffiup atorunnaarsinneqartoq taaguutini piginnassavaa »atorunnaarsinneqartoq« ilanngullugu. Nalunaarsuinnermut tunngasuni § 228, imm. 1 atorneqassaaq.

Imm. 3. Ingerlatseqatigiiffimmi aningaasaliiffiusumi atorunnaarsitsinerup atulersinnera pillugu aalangiisoqarpat ingerlatseqatigiiffimmut aningaasaliiffiusumut tunngasut pissutsinik nalunaarsorneqarsimasunik allanngueq pillugu aalajangiisoqarsinnaanngila uku eqqaassanngikkaanni:

- 1) Atorunnaarsitsisup allannguinera.
- 2) Ingerlatseqatigiiffiup ukiumoortumik naatsorsuutaanik il.il. kukkunersuiusussatut toqqarneqarsimasup ingerlatseqatigiiffiup kukkunersuiusuata allanngortinneqarnera.
- 3) Aningaasaatinik qaffaaneq.
- 4) Ingerlatseqatigiiffiup aningaasaliiffiusup ukiumoortumik naatsorsuutissaanik il.il. kukkunersuiueq pillugu siusinnerusukkut aalajangiinerup allanngortinneqarnissaa pillugu ataatsimeersuarnerup malitsigisaanik malittarisassanik allanngueq, ingerlatseqatigiiffik aningaasaliiffiusoq kunngip peqqussuteqarneratigut Kalaallit Nunaannut atulersinneqartumik ukiumoortumik naatsorsuutit pillugit inatsit, imaluunniit inatsisit allat malillugit kukkunersuiusoqarnissaanik pisussaaffeqarnermut ilaangippat, § 88, imm. 1, nr. 3 tak.
- 5) Ingerlatseqatigiiffiup najugaqarfiata atorunnaarsitsisup najugaanut allanngortinneqarnera, manna tikillugu najugarisami ingerlatseqatigiiffimmut atassuteqarnissaq ajornarpat, imaluunniit qautigoortumik pissutsit aalajangersimasut tamatumunnga pissutissaqartitsippata.
- 6) Pilersitseqqinneq, § 231 tak.
- 7) Kattunneq, taamaattorli § 246, imm. 1, aamma § 247, imm. 1 tak.
- 8) Agguataarineq, taamaattorli § 264 aamma § 265, imm. 1 tak.
- 9) (Kalaallit Nunaannut atulersinneqanngilaq)
- 10) (Kalaallit Nunaannut atulersinneqanngilaq)

Akiligassa qarfinnut kaammattuineq

§ 221. § 220, imm. 1 malillugu Erhvervsstyrelsip qarasaasiaqarfianut nalunaarsorneqarnermi tamanullu saqqummiussinnermi tamanut saqqummiussinnermi ullormiit kingusinnerpaamik qaammatit pingasut kingorna ingerlatseqatigiiffiup aningaasaliiffiusup akiligassa qarfi piumasaqaatiminnik nalunaaruteqarnissamut kaammattorneqarput. Atorunnaarsitsisoq § 220, imm. 1 naapertorlugu atorunnaarsitsineq pillugu aalajangiinerup nalunaarutigineqanerata peqatigisaanik atorunnaarsitsisup aalajangiineq akiligassa qarfinnut ilisimaneqartunut tamanut nalunaarutigissavaa.

Imm. 2. Imm. 1-mi qaammatinik-pingasunik-killiliussaq naappat atorunnaarsitsisup siusinnerpaamik atorunnaarsinneqartup pigisai inaarsinnaavai.

Imm. 3. Kajumissaarineq nalunaarutigineqartut akuerineqanngippat allakkatigut tammatsaaliukkatigut allatigulluunniit nalunaaruteqarnikkut tamanna pillugu akiligassarfik nalunaarfigineqassaaq, taamaalilluni tigusineq isumannaatsumik uppersarneqarsinnaalluni. Aalajangiinerup qularutiginnissaa kissaatigineqarpat apeqqut nassiussisoqareerneraniit kingusinnerpaamik sapaatit akunneri arfineq marluk qaangiutsinnagit pigisanik

agguaassisarnermut eqqartuussivimmut suliassanngortinneqarnera pillugu akiligassaqarfik nalunaarfigineqassaaq.

Imm. 4. Pissarsiassat, atorunnaarsitsinerup pigisai inaarneqareernerisa kingorna nalunaarutigineqarpata, aningaasaatinik piginnittunut aningaasanit suli tunniunneqanngitsunit matussuserneqassapput.

Iluanaarutininik tunniussineq aamma atorunnaarsitsinermi iluanaarutit

§ 222. Aningaasaatinik piginnittut ukiumoortumik nalunaarusiaq kingullermik akuerineqartoq tunuliaqutaralugu ingerlatseqatigiiffimmi atorunnaarsinneqartumi iluanaarutit tunniunneqarnissaat akuersissutigisinnaavaat.

Imm. 2. Imm. 1 malillugu iluanaarutininik tunniussineq §§ 180-183 aamma 194-mi iluanaarutit aamma immikkut ittumik iluanaarutit pillugit maleruagassat nalinginnaasut malillugit pissaaq.

§ 223. Atorunnaarsitsinermi iluanaarutininik aningaasaatinik piginnittunut tunniussineq aatsaat pisinnaavoq § 221, imm. 1-mi pineqartoq tamanut saqqummiussinermut aalajangerneqartoq piffissaliussaq naappat aamma akiligassaqarfinnut ilisimaneqartunut akiitsut akilerneqareerpata, taamaattorli imm. 2 tak.

Imm. 2. Isumannaatsumik qularnaveeqqusiisoqarpat, atorunnaarsitsinerup naammassineqarnissaa sioqqullugu iluanaarutininik tunniussigallartoqarsinnaavoq, pisuni, § 221, imm. 1 tak., akiligassaqarfinnut kajumissaarut piffissaliussaq aalajangerneqarsimasooq, § 221, imm. 1 tak., naasimappat aamma akiligassaqarfiit piumasagaataat akilerneqarsimallutik. Iluanaarutininik tunniussigallarneq § 194 malillugu utertillugu akileqquneqarsinnaavoq.

§ 224. Pigisanik suliarinninneq naammassippat ingerlatseqatigiiffiup inaarutaasumik atorunnaarsinneqarnera pillugu ataatsimeersuartut aalajangiisinnaapput. § 221, imm. 3, oqaaseqatigiit aappaat naapertorlugu isumaqatigiinngissutaasinnaasut inaarutaasumik aalajangiiffigitinnagit pigisanik suliarinninneq naammassineqaaqqusaanngilaq. Atorunnaarsitsinermi iluanaarutit pigisanik suliarinninnerup naammassineqarnera sioqqullugu imaluunniit kingornatigut tunniunneqarsinnaapput, taamaattorli § 223 tak.

Imm. 2. Inaarutaasumik atorunnaarsitsinermi naatsorsuutit aningaasaatinik piginnittunit akuerineqarneriniit kingusinnerpaamik sapaatit akunneri tallimat qaangiutsinnagit atorunnaarsitsisut tamanna pillugu nalunaarutaat Erhvervsstyrelsimit tiguneqarsimassaaq. Tassani nalunaarnermi atorunnaarsitsinermi naatsorsuutit ilanngussatut ilaatinneqassapput. Ingerlatseqatigiiffik ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq malillugu kukkunersiuisoqarnissaanik pisussaaffeqarnermut ilaappat atorunnaarsitsinermi naatsorsuutit kukkunersiorneqassapput. Tamatuma kingorna ingerlatseqatigiiffik Erhvervsstyrelsimi peerneqassaaq.

Pinngitsaaliinikkut atorunnaatsitsineq

§ 225. Ingerlatseqatigiiffiup aningaasaliiffiusup atorunnaarsinneqarnissaa pillugu pigisanik agguaasinermut eqqartuussivik Erhvervsstyrelsip qinnutigisinnaavaa, pisariaqassappat § 226 malillugu

1) Ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq malillugu pissusissamisoorumik ingerlatseqatigiiffiup

anigaasaliiffiusup ukiumoortumik nalunaarusiaa akuerineqarsimasoq piffissaagallartillugu Erhvervsstyrelsimit tiguneqarsimangippat,

2) ingerlatseqatigiiffik anigaasaliiffiusoq peqqussummi imaluunniit ingerlatseqatigiiffiup malittarisassaani aalajangerneqartumi aqutsisoqangippat imaluunniit najugaqangippat,

3) ingerlatseqatigiiffik anigaasaliiffiusoq kukknersiuisumik nalunaaruteqarsimangippat, naak ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat malillugit kukknersiuisoqarnissaanut pisussaaffeqartunut ilaagaluarluni,

4) ingerlatseqatigiiffik anigaasaliiffiusoq kukknersiuisumik nalunaaruteqarsimangippat, naak ingerlatseqatigiiffiup ukiumoortumik naatsorsuutai il.il. kukknersiorneqatussat ataatsimeersuartut aalajangiisimagaluartut, imaluunniit

5) ingerlatseqatigiiffiup aningaasaataanik aggersarneqartunik, naammassinninngitsutut paasineqartunik kaammattuineranut ingerlatseqatigiiffiup aqutsisui qisuariarsimangippata.

Imm. 2. Imm. 1 malillugu amigaatigineqartunik ingerlatseqatigiiffik anigaasaliiffiusutigit ikiuinissaanut piffissaliussamik Erhvervsstyrelsi aalajangersaasinnaavoq. Styrelsimit aalajangersarneqartup piffissaliussap kingusinnerpaamik naanerani amigaatigineqartoq ikiorserfigineqangippat pinngitsaaliinikkut atorunnaarsitsisoqarnissaa pillugu styrelsi aalajangiisinnaavoq.

§ 226. Atorunnaarsitsineq, tamanna inatsisini imaluunniit ingerlatseqatigiiffiup anigaasaliiffiusup malittarisassaani imaluunniit peqqussummi matumani maleruagassat malillugit Erhvervsstyrelsimit, § 217, imm. 2, oqaaseqatigiit aappaat tak., peqqussutigineqartumi ingerlatseqatigiiffimmit akuerineqangippat, imaluunniit atorunnaarsitsisussaq toqqarneqangippat ingerlatseqatigiiffiup atorunnaarsinneqarnissaa pillugu Erhvervsstyrelsi pigisanik agguaassinermut eqqartuussivik qinnuigisinnaavaa.

Imm. 2. Imm. 1 taamaaqataanik atorneqassaaq, ingerlatseqatigiiffiup pinngitsaaliinikkut atorunnaarsinneqarnissaa § 230 naapertorlugu eqqartuussivimmit aalajangerneqarsimappat.

§ 227. Ingerlatseqatigiiffiup anigaasaliiffiusup pigisanik agguaassinermut eqqartuussivimmi pinngitsaaliinikkut atorunnaarsinneqarnissaa Erhvervsstyrelsi qarasaasiaqarfianut tamanut saqqummiussassanngorlugu nassiunneqarnissaa Erhvervsstyrelsi aalajangiisinnaavoq.

Imm. 2. Ingerlatseqatigiiffiup anigaasaliiffiusup taaguutini pigiinnassavaa »pinngitsaaliinikkut atorunnaarsinneqarlersoq« ilassutigalugu.

Imm. 3. Pigisanik agguaassinermut eqqartuussivik atorunnaarsitsisumik ataatsimik arlalinnilluunniit toqqaasinnaavoq. Pigisanik agguaassinermut eqqartuussivik aamma kukknersiuisussamik toqqaasinnaavoq. Pinngitsaaliinikkut atorunnaarsitsinermut aamma kapitalimi matumani atorunnaarsitsineq pillugu aalajangersakkat atuupput taamaattorli pigisanik agguaassinermut eqqartuussivik imaluunniit eqqartuussivimmit tassunga piginnaatinneqartoq ingerlatseqatigiiffimmi pissutsini aalajangiisinnaalluni. Atorunnaarsitsinermi aningaasartuutit pisariaqassappat naalagaaffiup karsianit akilerneqassappat.

Imm. 4. Pigisanik suliarinninneq naammassineqarpat tamanna pigisanik agguaassinermut eqqartuussivium Erhvervsstyrelsimut nalunaarutigissavaa, taassumalu ingerlatseqatigiiffiup atorunnaarsinnera Erhvervsstyrelsi qarasaasiaqarfiani nalunaarsorlugu.

§ 228. Ingerlatseqatigiiffik aningaasaliiffiusoq pinngitsaaliinikkut atorunnaarsinneqassasoq Erhvervsstyrelsi aalajangiisimappat ingerlatseqatigiiffimmut aningaasaliiffiusumut tunngasunik pissutsinik nalunaarsorneqarsimasunik allannguisoqarnissaa pillugu aalajangiisoqarsinnaanngilaq, uku eqqaassanngikkaanni:

- 1) Atorunnaarsitsisumik pigisanik agguaassinermut eqqartuussivimmit toqqarneqartumik ikkussineq, § 227, imm. 3, oqaaseqatigiit siulliit tak.
- 2) Atorunnaarsitsisup pigisanik agguaassinermut eqqartuussivimmit toqqarneqartup allanngortinnera.
- 3) Kukkunersiuismik pigisanik agguaassinermut eqqartuussivimmit toqqarneqartumik ikkussineq, § 227, imm. 3, oqaaseqatigiit aappaat tak.
- 4) Kukkunersiuisup pigisanik agguaassinermut eqqartuussivimmit toqqarneqartup allanngortinnera.
- 5) Pilersitseqqinneq, § 232 tak.
- 6) Kattunneq, §§ 236-253 tak, taamaattorli imm. 2 tak.
- 7) Agguataarineq, §§ 254-270 tak, taamaattorli imm. 2 tak.
- 8) (Kalaallit Nunaannut atulersinneqanngilaq)
- 9) (Kalaallit Nunaannut atulersinneqanngilaq)

Imm. 2. Kattunneq imaluunniit agguataarineq pillugu aalajangiinissamut pisariaqarpoq pigisanik agguaassinermut eqqartuussiviup imaluunniit pigisanik agguaassinermut eqqartuussivimmit toqqarneqartoq atorunnaarsitsisup tamatuminnga akuersinissaa.

Imm. 3. Kattunnermi ingerlatseqatigiiffik ingerlaannartoq imaluunniit agguataarinermi ingerlatseqatigiiffik tigusisuuvoq pinngitsaaliinikkut atorunnaarsinniarneqarpat nuussinissaq taamaallaat akuerineqarsinnaassaaq tamatumpeqatigisaanik ingerlatseqatigiiffiup pileqqinneqarnissaa pillugu aalajangiisoqarpat, § 232 tak.

§ 229. Piffissami ingerlatseqatigiiffiup aningaasaliiffiusup pigisanik agguaassinermut eqqartuussivimmut nassiunneqarneraniit atorunnaarsitsisussamik toqqaasoqarnissaata, imaluunniit ingerlatseqatigiiffiup atorunnaarsinneqarnissaata tungaanut manna tikillugu ingerlatseqatigiiffimmi aningaasaliiffiusumi aqutsisut taamaallaat pisariaqartunik, aamma ingerlatseqatigiiffimmut taassumalu akiligassaqarfiinut ajoqusiinngitsunik iliuseqarsinnaapput.

Imm. 2. Manna tikillugu ingerlatseqatigiiffimmi aningaasaliiffiusumik aqutsisut ingerlatseqatigiiffiup manna tikillugu sulinera pillugu paasissutissanik pisariartunik annertussuseqartunik pigisanik agguaassinermut eqqartuussivimmut aamma pigisanik agguaassinermut eqqartuussivimmit toqqarneqartumut atorunnaarsitsisumut ikiuinissamut pisussaaffeqarput. Pigisanik agguaassinermut eqqartuussivik manna tikillugu ingerlatseqatigiiffiup aqutsisuiniit paasissutissanik pissarsisinnaanngippat ingerlatseqatigiiffiup manna tikillugu kukkunersiuisorisaaanut taamaaqataanik atuupput. Pigisanik agguaassinermut eqqartuussivimmut, tassunga ilanngullugu pigisanik agguaassinermut eqqartuussiviup toqqagaa atorunnaarsitsisumut, paasissutissanik, maannakkut siunissamilu piunasaqaatinik nalilersuinermit pisariaqartunik aqutsisut kukkunersiuisorlu tunniussissaaq.

Imm. 3. Suliffeqarfissuarni suliffeqarfinni pigineqartuni aqutsisut aamma pigisanik agguaassinermut eqqartuussivimmut, tassunga ilanngullugu pigisanik agguaassinermut eqqartuussiviup toqqagaa atorunnaarsitsisumut ikiuuttussaapput, imm. 2 tak., ingerlatseqatigiiffik piginnittoq pinngitsaaliinikkut atorunnaarsinneqarnissaanut tunniunneqarpat.

Imm. 4. Imm. 2 aamma 3 naapertorlugu paasissutissanik pissarsinissaq siunertaralugu ingerlatseqatigiiffiup aqutsisuini siusinnerusukku ilaasortaasimasut aamma ingerlatseqatigiiffiup manna tikillugu kukkunerisuisui pigisanik agguaassinermut eqqartuussiviup aggersarsinnaavai.

Eqqartuussivitsigut pinngitsaaliinikkut atorunnaarsitsineq

§ 230. Aningaasaatinik piginnittut § 108-mut akerliusumik ataatsimeersuarnermi aalajangiinnermut piaaralutik peqataasimappata allatigulluunniit ingerlatseqatigiiffimmi aningaasaliiffiusumik sunnuteqarnerminnik atonerluisimagunik imaluunniit peqqussummik matuminnga imaluunniit ingerlatseqatigiiffiup malittarisassaanik unioqutitsinermi peqataasimagunik, eqqartuussivik, atonerluinerup sivissusaata malitsigisaanik imaluunniit allanik peqquteqartumik tamatumunnga pissutissaqartitsisoqarpat, ingerlatseqatigiiffiup aningaasaataanik ikinnerpaamik qulerarterutaanik sinniisut aningaasaatinik piginnittut oqaaseqarnerat malillugu, aalajangiisinnaavoq ingerlatseqatigiiffik aningaasaliiffiusoq pinngitsaaliinikkut atorunnaarsinneqassasoq.

Pilersitseqqinneq

§ 231. Ingerlatseqatigiiffik aningaasaliiffiusoq § 106 isiginiarlugu pilerseqqinneqassasoq aningaasaatinik piginnittunit aalajangiiffigineqarsinnaavoq, § 223 malillugu tunniussineq aallartinneqarsimangippat. Pilersitseqqinnissamut piomasagaataavoq aqutsisunik kukkunerisuisumillu toqqaasoqassasoq, aamma aningaasaatit pigineqarneri pillugit naliliisartumiit nalunaarusiortoqarluni, § 37 tak. Ingerlatseqatigiiffiup aningaasaatai aningaasanit pigineqartunit appartinneqassapput. Tamatuma kingorna ingerlatseqatigiiffiup aningaasaatai aningaasaatitigut piomasagaatinit, § 4, imm. 2 tak., annikinneruppata aningaasanut taakku minnerpaamik annertoqataannut qaffanneqassapput.

Imm. 2. Pilersitseqqinneq pillugu aalajangiineq aalajangiinnermut ullormiit kingusinnerpaamik sapaatit akunneri tallimat qaangiutsinnasut nalunaarutigineqassaaq. Nalunaaruteqarnermut ingerlatseqatigiiffimmi peqataasunut peqqussummi kapitali 13-mut akerliusumik taarsigassarsitsisoqarsimanera il.il. pillugu kukkunerisuisumit akuerisaasumit nalunaarut ilanngunneqassaaq.

§ 232. § 231 taamaaqataanik atorneqassaaq, ingerlatseqatigiiffik, pigisanik agguaassinermut eqqartuussivikkut pinngitsaaliinikkut atorunnaarsinniarneqartoq, eqqartuussivimmi suliarinninnerup unitsinneqarnissaa pillugu, aamma ingerlatseqatigiiffik pilersinneqassasoq Erhvervsstyrelsimut nalunaarummik tunniussisoqarpat.

Imm. 2. Pigisanik agguaassinermut eqqartuussiviup ingerlatseqatigiiffiup pinngitsaaliinikkut atorunnaarsinneqarnissaa pillugu Erhvervsstyrelsimut noqqaassuteqarneraniit kingusinnerpaamik qaammatit pingasut qaangiutsinnagit imm. 1 naapertorlugu nalunaarut tiguneqarsimangippat, imaluunniit ukiut kingulliit siuliusut tallimat ingerlaneranni ingerlatseqatigiiffik pinngitsaaliinikkut atorunnaarsinneqarsimappat, pilersitseqqinneq pisinnaangilaq. Ingerlatseqatigiiffik akiliinissamik unitsitsippat qaammatinik pingasunik piffissaliineq atorunnaassaaq.

Imm. 3. Ingerlatseqatigiiffik aningaasaliiffiusoq pinngitsaaliinikkut atorunnaarsinneqartussatut tunniunneqarsimappat, ingerlatseqatigiiffiup pilerseqqinneqarnissaanut piomasagaatigineqarpoq pissutsit, ingerlatseqatigiiffiup aningaasaliiffiusup pinngitsaaliinikkut atorunnaarsinneqarnissaanut nassiunneqarneranut pissutaasut iluarsineqarsimanissaat. Iluarsineq kingusinnerpaamik pilersitseqqinneq pillugu

aalajangiinerup peqatigisaanik pissaaq, § 231, imm. 1 tak. Pissutsit iluarsineqarneranut uppernarsaat kingusinnerpaamik nalunaarutip peqatigisaanik nassiunneqassaaq, imm. 1 tak. Pilersitseqqinnissaaq pillugu noqqaanermut piffissami ingerlatseqatigiiffiup aningaasaliiffiusup, nassiussinissamut piffissaliussap naanissaa sioqqullugu, ukiumut naatsorsuusiortiusumut ukiumoortumik nalunaarusiat suli tunniussimanngippagit, taakkuninnga ukiumoortumik nalunaarusianik tigusineq aamma pilersitseqqinnissamut piunasaqaataavoq.

Imm. 4. Pigisanik agguaassinermut eqqartuussivik atorunnaarsitsisussamik toqqaasimappat pilersitseqqinnermut taakku akuersissaaq.

Imm. 5. Ingerlatseqatigiiffik pinngitsaaliinikkut atorunnaarsinneqassasoq eqqartuussivimmit aalajangerneqarsimappat, § 230 tak., pilersitseqqinneq pisinnaanngilaq.

Akilersuineramik unitsitsinermut imaluunniit akiliisinnaajunnaarnermut ikaarsaarneq

§ 233. Akilersuineramik unitsitsinissaaq imaluunniit akiliisinnaajunnaarneq pillugu piunasaqarneq ingerlatseqatigiiffik sinnerlugu taamaallaat qitiusumik aqutsisunit tunniunneqarsinnaavoq, imaluunniit ingerlatseqatigiiffik atorunnaarsinniarneqarpat, atorunnaarsitsisumit.

Imm. 2. Atorunnaarsitsiniartut isumaqarpata atorunnaarsitsineq akiligassaqarfinnut tamakkiisumik matussusiissanngitsoq, akilersuineramik unitsitsineq imaluunniit akiliisinnaajunnaarneq pillugu atorunnaarsitsiniartut noqqaassaapput.

Imm. 3. § 226 malillugu ingerlatseqatigiiffik pinngitsaaliinikkut atorunnaarsinneqassappat akilersuineramik unitsitsineq imaluunniit akiliisinnaajunnaarneq pillugu atorunnaarsitsiniartumit noqqaaneq tunniunneqassaaq. Atorunnaarsitsisussamik toqqaasoqarsimanngippat pigisanik agguaassinermut eqqartuussik nammineerluni akilersuineramik unitsitsineq imaluunniit akiliisinnaajunnaarneq pillugu aalajangiissaaq.

Imm. 4. Akiliisinnaajunnaarnermik nalunaarummik tunniussisoqarsimatillugu ingerlatseqatigiiffimmut aningaasaliiffiusumut tunngasunik nalunaarsuisoqassanngilaq kukkuneruiusumik toqqaanermut tunngasuni allannguinerit eqqaassanngikkaanni.

Imm. 5. Ingerlatseqatigiiffik aningaasaliiffiusoq akiliisinnaajunnaartoq ingerlatseqatigiiffittut atorunnaartutut kattunnerni aamma agguataarinermi ingerlatseqatigiiffittut aningaasaliisutut peqataasiunnaavoq, akiliisinnaajunaarnermit pigisanik aqutsisoq tamatumunnga akuersippat.

Imm. 6. (Kalaallit Nunaannut atulersinneqanngilaq).

§ 234. (Imm. 1 Kalaallit Nunaannut atulersinneqanngilaq)

Imm. 2. Ingerlatseqatigiiffik akiliisinnaajunnaartoq taaguutini piginnassavaa »akiliisinnaajunnaartoq« ilaatillugu.

Eqqartuussivimmi suliamik nutaamik suliarinninneq

§ 235. Pigisanik agguaassinermut eqqartuussivik, ingerlatseqatigiiffimmi aningaasaliiffiusumi pigisat, akiliinermik nalunaaruteqarnikkut atorunnaarsinneqartoq, § 216 tak., imaluunniit atorunnaarsitsinerup naammassineqarnerata kingorna ingerlatseqatigiiffiit aningaasaliiffiusut ingerlasut pillugit Erhvervsstyrelsiq qarasaasiaqarfianit peerneqarneraniit, eqqartuussivimmi suliamik nutaamik suliarinnittoqarsinnaasoq aalajangersinnaavoq, aningaasat allat agguanneqarsinnaasut takkussimappata. Pigisanik agguaassinermut eqqartuussivik aamma ingerlatseqatigiiffik pillugu suliap nutaamik eqqartuussivimmi

suliarineqarnissaanut allatigut pissutseqarpat eqqartuussivimmi suliamik nutaamik suliarinninnissamik aalajangersinnaavoq.

Imm. 2. Siusinnerusukkut atorunnaarsitsisut pigisanik suliarinninnermik isumaginnissapput. Tamanna pisinnaangippat pigisanik agguaassinermut eqqartuussivik imaluunniit pigisanik agguaasinermut eqqartuussiviup toqqagaa atorunnaarsitsisoq pigisanik suliarinnissaaq.

Imm. 3. Eqqartuussivimmi suliamik nutaamik suliarinninnissaaq aamma taassuma naammassineqarnera pillugu nalunaarut tamanna pillugu pigisanik agguaassinermut eqqartuussiviup aalajangiineraniit kingusinnerpaamik sapaatit akunneri tallimat qaangiutsinnagit Erhvervsstyrelsimit tiguneqarsimassaaq.

Kapitali 15

Kattunneq aamma agguataarineq

Ingerlatseqatigiiffinnik aningaasaliiffiusunik kattussineq

§ 236. Ingerlatseqatigiiffik aningaasaliiffiusoq kapitalimi matumani aalajangersakkat malillugit ingerlatseqatigiiffiup aningaasaliiffiusup atorunnaartup piginnittuunut akissarsiaqartitsisoqarneratigut ingerlatseqatigiiffiup aningaasaliiffiusup pigisaanik nalilinnik pisussaaffiilu tamarmiutillugit ingerlatseqatigiiffimmut aningaasaliiffiusumut allamut atorunnaarsitsisoqarnani tunniussisoqarsinnaavoq. Assinga atuuppoq ingerlatseqatigiiffiit aningaasaliiffiusut marluk amerlanerilluunniit ingerlatseqatigiiffimmut aningaasaliiffiusumut nutaamut kattunneqarpata, tassa imaappoq kattutivillutik. Tunniussinerit akiligassaqarfiit akuersiteqqaarnagit naammassineqarsinnaapput.

Kattunnissamut pilersaarut

§ 237. Ingerlatseqatigiiffinni aningaasaliiffiusuni piusuni qitiusumik aqutsisut, kattunnermi peqataasut, kattunnissamut pilersaarummik peqatigiillutik pilersitsillutillu atsioqatigiissapput, taamaattorli imm. 2 tak.

Imm. 2. Kattunneq, taamaallaat anpartsselskabit peqataaffigisaanni, piginneqataasut isumaqatigiillutik aalajangersinnaapput kattunnissamut pilersaarusiortoqassanngitsoq, taamaattorli § 248, imm. 2-4 tak.

Imm. 3. Kattunnerni, aktieselskabit peqataaffigisaanni, kattunnissamut pilersaarut uku pillugit paasissutissanik aalajangersakkanillu imaqassaaq

- 1) ingerlatseqatigiiffiit aningaasaliiffiusut aqqi aammalu saniatigut taaguutaat, tassunga ilanngullugu ingerlatseqatigiiffiup aningaasaliiffiusup atorunnaartup aqqa imaluunniit saniatigut taaguutaa ingerlatseqatigiiffiup aningaasaliiffiusup ingerlaannartup saniatigut taaguutaatut ilaassaaq,
- 2) ingerlatseqatigiiffiup aningaasaliiffiusup najugaa,
- 3) ingerlatseqatigiiffimmi aningaasaliiffiusumi atorunnaartumi aningaasaatinik piginnittut akissarsiaat,
- 4) piffissaq, aningaasaatinik piginneqataassutit akissarsiatut atorneqartut, iluanaarutitut tunniunneqalersinnaanerit,
- 5) ingerlatseqatigiiffimmi aningaasaliiffiusumi ingerlaannartumi piginnaatitaaffiit, aningaasaatinik piginneqataassutit piginnittunut tutsinneqartut aamma akiitsut allagartaat ingerlatseqatigiiffimmi aningaasaliiffiusumi atorunnaartumi immikkut pisinnaatitaaffiusimasut,
- 6) nr. 5-mi aningaasaatinik piginneqataassutit aamma akiitsut allagartaannik eqqaaneqartunik piginnittunut iluaqutaasut aqqiinerit allat,

- 7) aningaasaatinik piginneqataassutit, akissarsiatut akiliutigineqartut allanneqarneri, kiisalu piginnittup uppernarsaataannik tunniussineq,
- 8) piffissaq, ingerlatseqatigiiffimmit aningaasaliiffiusumit atorunnaartumiit pisinnaatitaaffiit pisussaaffiillu naatsorsuutitigut tunniunneqartutut isigineqalerneru, imm. 4 tak.,
- 9) immikkut iluaqutaasut suulluunniit ingerlatseqatigiiffiup aningaasaliiffiusup aqutsisuini ilaasortanut tunniunneqartut, aamma
- 10) malittarisassanut missingiut, §§ 28 aamma 29 tak., kattunnermi ingerlatseqatigiiffimmik aningaasaliiffiusumik nutaamik pilersitsisoqarpat.

Imm. 4. Kattunnissamut pilersaarut ingerlatseqatigiiffinnut aningaasaliiffiusunut atasunik tamanut, kattunnerup naatsorsuutitigut piffissami sunniuteqalernerani ukiup naatsorsuusiortiusup kingusinnerpaamik naanerani atsiorneqarsimassaaq, imm. 3, nr. 8 tak. Piffissaliussaq qaangerneqarpat kattunnissamut pilersaarutip tiguneqarnera tamanut saqqummiunneqarsinnaanngilaq kattunnerlu taamaalilluni akuerineqarnani.

Kattunneq pillugu nassuiaat

§ 238. Ingerlatseqatigiiffinni aningaasaliiffiusuni ingerlasuni tamani qitiusumik aqutsisut, kattunnermi peqataasut, kattunnissaq eqqarsaatigineqartoq, tassunga ilanngullugu kattunnissaq pillugu pilersaarut, nassuiarneqarlu tunngavilersorneqarlunilu allakkatigut nassuiarneqassaaq, taamaattorli imm. 2 tak. Ingerlatseqatigiiffinni aningaasaliiffiusuni atorunnaartuni aningaasaatinik piginnittunut akissarsiat aalajangerneqarneri pillugit paasissutissanik nassuiaat imaqassaaq, tassunga ilanngullugu aalajangersaanermut atasut immikkut ajornartorsiutaasimasut, aamma nalilersuineri nassuiaatip suliarineqarnera pillugu paasissutissat, taanna § 240 naapertorlugu suliarineqartussaappat.

Imm. 2. Aningaasaatinik piginnittut isumaqatigiillutik aalajangersinnaapput kattunneq pillugu nassuiaasiortoqassanngitsoq.

Akunnerinnakkut pigisanik nalilinnik akiligassanillu naatsorsuineq

§ 239. Kattunnissamut pilersaarut ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasup ukiup naatsorsuusiortiusup naaneraniit qaammatit arfinillit sinnerlugit atsiorneqarsimanngippat kattunnermi peqataasumut ingerlatseqatigiiffimmut aningaasaliiffiusumut pineqartumut akunnerinnakkut pigisanik nalilinnik akiligassanillu naatsorsuusiortoqassaaq, taamaattorli imm. 4 aamma 5 tak.

Imm. 2. Kattunnermi, kattunneq pillugu pilersaarutip suliarineqannginnissaa toqqarneqarsimasumi, § 237, imm. 2 tak., kattunnermi peqataasumik ingerlatseqatigiiffimmut aningaasaliiffiusumut pineqartumut akunnerinnakkut pigisanik nalilinnik akiligassanillu naatsorsuusiortoqassaaq, kattunnissaq pillugu pilersarusiunnginnissaaq pillugu aalajangiineq ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasup ukiup naatsorsuusiortiusup naaneraniit qaammatit arfinillit sinnerlugit aalajangiiffigineqarsimappat, taamaattorli imm. 4 aamma 5 tak.

Imm. 3. Akunnerinnakkut pigisanik nalilinnik akiligassanillu naatsorsuineq, ingerlatseqatigiiffiup aningaasaliiffiusup ukiumoortumik nalunaarusiornermi malittagai maleruagassat naapertorlugit suliarineqartussaaq, kattunnissaq pillugu pilersarusiunnginnissaaq pillugu atsiornissaaq imaluunniit aalajangiinissaaq sioqqullugu qaammatinik pingasunik sivirusunerusumik ullormik naatsorsuusiorteqassanngilaq. Ingerlatseqatigiiffik aningaasaliiffiusoq ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat

malillugit kukknersiuisoqarnissamut pisussaaffeqartumut ilaappat akunnerinnakkut pigisanik nalilinnik akiligassanillu naatsorsuineq kukknersiorneqarsimassaaq.

Imm. 4. Aningaasaatinik piginnittut isumaqatigiillutik aalajangersinnaapput akunnerinnakkut pigisanik nalilinnik akiligassanillu naatsorsuineramik suliaqartoqassanngitsoq, ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasup ukiup naatsorsuusiorfiusup naaneraniit qaammatit arfinillit sinnerlugit kattunnissamut pilersaarutip atsiorneqarsimanera apequtaatinnagu.

Imm. 5. Imm. 1-mi aalajangersagaq ingerlatseqatigiiffinnut aningaasaliiffiusunut, EU/EØS-imi nunami niuerfimmi naleqqussakkami pappiaranik aningaasanik nalilinnik niueruteqartunut, aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu ukiup affaanut nalunaarusiamik tamanut saqqummiussisimasut atorneqassanngilaq, ukiup affaanut nalunaarusiaq ingerlatseqatigiiffik pillugu ukiup affaanut naatsorsuutininik kukknersiorneqarsimasunik imaqarpat aamma ukiup affaanut nalunaarusiaq ingerlatseqatigiiffiup aningaasaatinik piginnittuinit pissarsiarineqarsinnaappat.

Nalilinnik aningaasaliineq pillugu nalilersuineramik nassuiaat

§ 240. Kattunnermut atatillugu aktieselskabimi ingerlaqqittumi aningaasaatinik qaffaasoqarpat, imaluunniit kattunnermut atasumik nutaanik piginneqataassuteqalerpat kattunnermut atasumik nalilersuisumiit nassuiaasiortoqartitsisoqassaaq, taamaattorli imm. 2 tak. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaaqataanik ingerlatseqatigiiffinnut aningaasaliiffiusunut kattuttunut tamanut nalilersuisut atugaannut atorneqassapput.

Imm. 2. Nalilersuineramik nassuiaat ilaatinneqanngitsoortinneqarsinnaavoq, taarsiullugu kattunnissaq eqqarsaatigineqartoq pillugu naliliisuniit oqaaseqaasiortoqarpat, § 241 tak., imaluunniit akiligassaqarfiit inissisimanerat pillugu nalilersuisumiit nalunaaruteqartoqarpat, § 242 tak.

Imm. 3. Kattunnermut atasumik nalilersuinermi nassuiaasiortoqassappat nalilersuinermi nassuiaatip imarissavai

- 1) aningaasaliissutit ataasiakkaat allaaserinerat,
- 2) nalilersuinermi suleriaaseq atorneqartoq pillugu paasissutissat,
- 3) akissarsiat aalajangerneqarsimasut allanneqarneri aamma
- 4) nalitut inissinneqartup akissarsiassatut isumaqatigiissutigineqartumut minnerpaamik naapertuunna pillugu nalunaarut, tassunga ilanngullugu aningaasaatinik piginneqataassutit atulersinneqartut nalingi, sinnerlugu naliusoq tapiliullugu.

Imm. 4. Kattunnerup akuerineqarneraniit piffissaq qaammatit pingasut sinnerlugit nalilersuinermi nassuiaat suliarineqarsimassanngilaq, § 245 tak. Piffissaliussaq qaangerneqarpat kattunneq atuuttutut akuerineqarsinnaanngilaq.

Kattunnissaq eqqarsaatigineqartoq pillugu nalilersuisartup oqaaseqataa, tassunga ilanngullugu kattunneq pillugu pilersaarut

§ 241. Ingerlatseqatigiiffinni aningaasaliiffiusuni, kattunnermi peqataasuni tamani kattunnermut pilersaarut pillugu nalilersuisartop ataaseq arlalilluunniit attaviitsut, paasisimasaqartut allakkatigut oqaaseqaasiussapput, akissarsiat ilanngullugit, imm. 4 tak. Kattunnermi, kattunnermut pilersaarusiornissaq ilaatinneqanngitsumi, § 237, imm. 2 tak., kattunnissaq eqqarsaatigineqartoq pillugu nalilersuisartop allakkatigut oqaaseqaasiussaaq,

tassunga ilanngullugu akissarsiat, imm. 4 tak. Aningaasaatinik piginnittut isumaqatigiillutik aalajangersinnaapput kattunnissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq, oqaaseqatigiit siulliit aamma aappaat tak.

Imm. 2. Naliliisartut § 37, imm. 1 malillugu toqqarneqassapput. Ingerlatseqatigiiffiit aningaasaliiffiusut, kattunnermut peqataasut, nalilersuisartumik ataatsimik arlalinnilluunniit atuinissaq kissaatigippasuk, ingerlatseqatigiiffiit aningaasaliiffiusut noqqaassuteqarnerisigut pigisanik agguaassinermut eqqartuussivimmit taakku toqqarneqassapput.

Imm. 3. § 37, imm. 2 aamma 3, taamaqataanik ingerlatseqatigiiffinnut aningaasaliiffiusunut kattuttunut tamanut nalilersuisut pissusiinut atorneqassapput.

Imm. 4. Oqaaseqaat ingerlatseqatigiiffimmi aningaasaliiffiusumi atorunnaartumi aningaasaatinik piginneqataassutinut akissarsiat naammaginartuunersut aamma piviusorsiorlumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorneqartut, aamma tamatumaleqquttuuneranik naliliineq allanneqassapput. Nalunaarut aamma suleriaatsit ataasiakkaarlutik qanoq kinguneqarnerinik nalinik amma naliliinermi imminnut naleqqiullutik suleriaatsit pingaaruteqarneri allanneqassapput. Naliliinermut atasunik immikkut ajornartorsiuteqarsimappat taakku nalunaarummi eqqaaneqassapput.

Akiligassaqarfiit inissisimaneri pillugu nalilersuisartup nalunaarutaa

§ 242. Nalilersuisartut § 241-mi eqqaaneqartup nalunaarutip saniatigut aamma ingerlatseqatigiiffimmi aningaasaliiffiusumi ataatsimi akiligassaqarfiit ingerlatseqatigiiffiup maannakkut inissisimaneranut naleqqiullugu kattunnerup kingorna naammattumik qulakkeerneqarsimasut pillugu nalunaaruteqassapput. Aningaasaatinilli piginnittut isumaqatigiillutik aalajangiisinnaapput akiligassaqarfiit inissisimanerat pillugu nalilersuisartumit taamatut nalunaaruteqartoqassanngitsoq.

Akiligassaqarfiit piumasaqaatiminnik nalunaaruteqarsinnaanerannut periarfissaq

§ 243. Akiligassaqarfiit inissisimanerat pillugu nalunaarumminni nalilersuisartut, § 242 tak., isumaqarunik ingerlatseqatigiiffinni aningaasaliiffiusuni ataasiakkaani akiligassaqarfiit kattunnerup kingorna naammattumik qulakkeerneqarsimannngitsut, imaluunniit akiligassaqarfiit inissisimanerat pillugu nalilersuisartumiit nalunaarusiortoqannngippat, akiligassaqarfiit, § 244 naapertorlugu Erhvervsstyrelsen tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli isumannaatsumik qularnaveeqquserneqarsimasut nalunaarutigineqassanngillat.

Imm. 2. Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimannngitsut, isumannaatsumik qularnaveeqquserneqarnissaat piumasarineqarsinnaalluni.

Imm. 3. Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaat inatsit naapertorlugu aaqquissuussinikkut qulakkeerneqarsimappat.

Imm. 4. Qularnaveeqqusiisoqassanersoq imaluunniit qularnaveeqqusiineq naammannersoq pillugu ingerlatseqatigiiffiup aningaasaliiffiusup amma akiligassaqarfiit nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneraniit kigusinnerpaamik sapaatit akunneri tallimat qaangiutsinnagit

apeqqutit aalajangerneqarnissaannut pigisanik agguaassinnermut eqqartuussivimmut suliassanngortitsisinnaapput.

Imm. 5. Akiligassaqarfik, pissarsiassamut tunngaviummut isumaqatigiisummi pituttuisumik imm. 2 malillugu qularnaveeqqusiisoqarnissaanik pisinnaatitaaffini assortorsinnaanngilaa.

Imm. 6. (Atorunnaarpoq)

Kattunnissaq eqqarsaatigineqartoq pillugu paasissutissanik nassiussineq, tassunga ilanngullugit kattunnissamut pilersaarut aamma akiligassaqarfiit inissisimanerat pillugu nalilersuisartumiit nalunaarut

§ 244. Kattunnissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit kattunnissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat kattunnissamut pilersaarutip tiguneqarnera tamanut saqqummiunneqarsinnaanngilaaq, kattunnerlu taamaalilluni akuerineqarnani.

Imm. 2. Ingerlatseqatigiiffiit aningaasaliiffiusut peqataasut kattunnissamut pilersaarutip suliarineqannginnissaanut periarfissaq atorsimanngippassuk, § 237, imm. 2 tak., tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut peqataasut aqqi aamma Erhvervsstyrelsip qarasaasiaqarfiani nalunaarsorneqarnermin normut allanneqarlutik.

Imm. 3. Akiligassaqarfiit inissisimanerat pillugu nalilersuisartup nalunaarutaa, § 242, oqaaseqatigiit siulliit tak., Erhvervsstyrelsimut nassiunneqassaaq, taamaattorli imm. 4 tak.

Imm. 4. Akiligassaqarfiit inissisimanerat pillugu nalilersuisartup nalunaarutaanik suliartoqannginnissaanik periarfissaq, § 242, oqaaseqatigiit aappaat tak., atorneqarsimappat tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut kattunnermi peqataasut aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarlutik.

Imm. 5. Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqarfiit piunasaqaatiminnik nalunaaruteqarsinnaatitaanerat, § 243 tak., Erhvervsstyrelsip tamanut saqqummiussinera tamanna pillugu paasissutissanik imaqassaaq.

Imm. 6. Kattunnissamut pilersaarutininik allagaatinillu ilaatinneqartunik ingerlatseqatigiiffiit aningaasaliiffiusut tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

Kattunnerup naammassineqarnissaa pillugu aalajangiineq

§ 245. Kattunnerup naammassineqarnissaanut aalajangerneq kattunnissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineraniit, § 244, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 244, imm. 1 imaluunniit 2-mut tunngatillugu aamma § 244, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

Imm. 2. Kattunnermi, anpartsselskabit kisimik peqataaffigisaanni, aamma nalilersuisartut akiligassaqarfiit inissisimanerat pillugu nalunaaruteqarnermini, § 242 tak., isumaqarunik anpartsselskabini ataasiakkaat akiligassaqarfiit kattunnerup kingorna naammattumik

qulakkeerneqarsimasut, piginneqataasut isumaqatigiillutik kattunnissaq eqqarsaatigineqartoq pillugu paasissutissat tiguneqarneri pillugit Erhvervsstyrelsenip tamanut nalunaaruteqarnerata kingorna, § 244, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

Imm. 3. Kattunnermi, kattunnermut pilersaarut ilaatinneqanngitsumi, § 237, imm. 2 tak., akiligassaqarfiit inissisimanerat pillugu nalilersuisartuq nalunaarusiorsimappat, § 242 tak., aamma akiligassaqarfiit inissisimanerat pillugu nalunaaruteqarnerminni anpartsselskabini ataasiakkaani akiligassaqarfiit kattunnerup kingorna naammattumik qularnaarneqarsimasut nalilersuisartut isumaqarpat, kattunnerup naammassineqarnissaa pillugu anpartsselskabit aalajangiinerat sioqqullugu Erhvervsstyrelsenip tamanut saqqummiussinissaa, § 244, imm. 5 tak., pillugu piunasaqaateqartoqassanngilaq.

Imm. 4. Ingerlatseqatigiiffiup aningaasaliiffiusup atorunnaartup pisinnaatitaaffii aamma naatsorsuutitigut pisussaaffii ingerlatseqatigiiffimmut ingerlaannartumut nuunneqartut isigineqalernerini piffissaq sioqqullugu ingerlatseqatigiiffiup aningaasaliiffiusup atorunnaartup ukiumut naatsorsuutini naammassisimappagit, aamma piffissamut tassunga naatsorsuusiortumut ukiumoortumik nalunaarusiamik ataatsimeersuartut suli akuersisimangippata, kattunnerup naammassineqarnissaanik aalajangiinerup kingusinnerpaamik peqatigisaanik piffissamut naatsorsuusiortumut tassunga ukiumoortumik nalunaarusiaq ataatsimeersuartunik akuerineqassaaq.

Imm. 5. Akiligassaqarfiit, tamatuminnga noqqaasut, kattunnerup naammassineqarnissaa qaqugu aalajangiiffigineqarnissaa pillugu paasissutissamik pissarsissapput.

Imm. 6. Kattunnissamut pilersaarusiortoqarsimappat kattunneq kattunnissamut pilersaarut naapertorlugu naammassineqassaaq. Kattunnissamut pilersaarut tamanut saqqummiunneqarsimasooq naapertorlugu kattunnissaq akuerineqarpat siunnersuut atorunnaartutut isigineqassaaq.

Imm. 7. Allagaatit uku, suliarineqarsimappata, kattunnerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, ingerlatseqatigiiffiup najugaani imaluunniit nittartagaani aningaasaatinik piginnittunit pissarsiarineqarsinnaassapput, allagaatit pineqartut ataatsimeersuarnissaaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajangiingippata, taamaattorli imm. 8 tak.:

- 1) Kattunnissamut pilersaarut.
- 2) Ingerlatseqatigiiffiit aningaasaliiffiusut peqataasut ataasiakkaat tamarmik ukiuni kingullerni pingasuni imaluunniit piffissamut sivikinnerusumi ingerlatseqatigiiffiup atuuffigisimasaani ukiumut naatsorsuutaat pillugit ukiumoortumik nalunaarusiat akuerineqarsimasut.
- 3) Kattunneq pillugu nassuiaat.
- 4) Akunnerinnakkut pigisanik nalilinnik akiligassanillu naatsorsuineq.
- 5) Nalilinnik aningaasaliineq pillugu nalilersuiartut nassuiaataat.
- 6) Kattunnissaq eqqarsaatigineqartoq pillugu nalilersuisartut oqaaseqaataat, tassunga ilanngullugu kattunnissamut pilersaarut.
- 7) Akiligassaarfiit inissisimanerat pillugu nalilersuisartut nalunaarutaat.

Imm. 8. Aningaasaatinik piginnittut, tamanna pillugu noqqaasut, imm. 7-mi taaneqartunut allagaatinut akiliuteqarnatik isersinnaassapput.

§ 246. Ingerlatseqatigiiffimmi aningaasaliiffiusumi atorunnaartumi kattunneq pillugu aalajangiineq ataatsimeersuartunit aalajangiiffigineqassaaq, taamaattorli imm. 2 aamma § 252 tak. Ingerlatseqatigiiffik aningaasaliiffiusoq akiliisinnaajunnaarsimappat kattunnissaq pillugu taamaallaat aalajangiisoqarsinnaavoq aningaasaatinik piginnittunut tunniussuineq suli aallartinneqarsimangippat, aamma peqatigisaanik akiliisinnaajunnaarnerup atorunnaarsinnissaa pillugu ataatsimeersuartut aalajangiisimappata. Pilersitseqqinneq pillugu § 231 tamatuma kingorna atorneqassanngilaq.

Imm. 2. Ingerlatseqatigiiffiup aningaasaliiffiusup pigisaanik pisussaaffinillu tamakkiisumik ingerlatseqatigiiffimmut aningaasaliiffiusumut allamut, ingerlatseqatigiiffimmi aningaasaliiffiusumi atorunnaartumi ingerlatseqatigiiffiup aningaasaataanik minnerpaamik 90 pct.-inik piginnittumut nuussisoqarneratigut akiliisinnaajunnaarnertaqanngitsumik ingerlatseqatigiiffik aningaasaliiffiusoq atorunnaarpat, ingerlatseqatigiiffimmi aningaasaliiffiusumik atorunnaartumi kattunneq pillugu aalajangiineq qitiusumik aqutsisunit aalajangerneqarsinnaavoq, taamaattorli imm. 3-5 tak.

Imm. 3. Imm. 2 malilluguli aalajangiineq ataatsimeersuartunit aalajangiiffigineqassaaq, aningaasaatinik piginnittut, ingerlatseqatigiiffiup aningaasaataanik 5 pct.-mik piginnittut, tamanna allakkatigut piumasarippassuk, kattunnissaq eqqarsaatigineqartoq pillugu paasissutissat tiguneqarnerisa tamanut saqqummiunneqarneranniit kingusinnerpaamik sapaatit akunneri tallimat qaangiutsinnagit, tassunga ilanngullugu kattunnissamut pilersarut. Ingerlatseqatigiiffimmi aningaasaliiffiusumi atorunnaartumi aalajangiineq aamma ataatsimeersuartunit aalajangiiffigineqassaaq, aningaasaatinik piginnittut, malittarisassat malillugit, § 89 tak., ataatsimeersuarnerup aggersarneqarnissaanik piumasaqarsinnaasut, tamanna pillugu noqqaappata.

Imm. 4. Qitiusumik aqutsisut, tamanna pillugu noqqaanerup saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

Imm. 5. Ingerlatseqatigiiffimmi aningaasaliiffiusumi atorunnaartumi aalajangiisussat tassaappata ataatsimeersuartut, § 106 malillugu piumasarineqartunik amerlanerussuteqarnikkut aalajangiineq aalajangerneqassaaq, aamma atorunnaarsitsineq imaluunnit kattunneq pillugu malittarisassani imarineqarsinnaasut najoqqutassat naapertorlugit.

§ 247. Kattunneq pillugu aalajangiineq ingerlatseqatigiiffimmi aningaasaliiffiusumi ingerlaannartumi qitiusumik aqutsisunit aalajangiiffigineqassaaq, ataatsimeersuartunit malittarisassanik allannguisoqassanngippat, ingerlatseqatigiiffiup aningaasaliiffiup atorunnaartup aqqaata imaluunnit saniatigut taaguutaa ingerlatseqatigiiffimmi aningaasaliiffiusumi ingerlaannartumut saniatigut taaguutitut ilanngussineq eqqaassanngikkaani, taamaattorli imm. 2-4 tak. Ingerlatseqatigiiffik aningaasaliiffiusoq akiliisinnaajunnaarsimappat, kattunneq taamaallaat aalajangiiffigineqarsinnaavoq aningaasaatinik piginnittunut tunniussuineq suli aallartinneqarsimangippat peqatigisaanillu ingerlatseqatigiiffiup pilerseqqinneqarnissaa pillugu ataatsimeersuartut aalajangiisimappata, § 231 tak.

Imm. 2. Aningaasaatinik piginnittut, ingerlatseqatigiiffiup aningaasaataanik 5 pct.-inik piginnittut, imaluunniit aningaasaatinik piginnittut, malittarisassat malillugit, § 89 tak., ataatsimeersuarnermik aggersaanissamik piumasaqarsinnaasut, kattunnissaq eqqarsaatigineqartoq pillugu paasissutissat tiguneqarneri pillugit Erhvervsstyrelsen tamanut saqqummiussineraniit kingusinnerpaamik sapaatit akunneri tallimat qaangiutsinnagit,

tassunga ilanngullugu kattunnissamut pilersaarut, allakkatigut piumasarisinnaavaat ingerlatseqatigiiffimmi aningaasaliiffiusumi ingerlaannartumi aalajangiineq ataatsimeersuartunit aalajangiiffiqeqassasoq.

Imm. 3. Qitiusumik aqutsisut, tamanna pillugu noqqaassutip saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

Imm. 4. Ingerlatseqatigiiffimmi aningaasaliiffiusumi ingerlaannartumi aalajangiinissaq ataatsimeersuartunit aalajangiiffiqeqassappat § 106 malillugu piumasarineqartumik amerlanerussuteqarluni aalajangiisoqassaaq.

§ 248. Ingerlatseqatigiiffinni aningaasaliiffiusuni ingerlaqqittuni, kattunnermi peqataasuni, qitiusumik aqutsisut, ataatsimeersuarnermi, kattunnerup naammassineqarnissaa pillugu aalajangiiffiusussami, pisut annertuumik pingaarutillit pillugit ilisimatitsissapput, tassunga ilanngullugu kattunnissamut pilersaarutit atsiornerrata ataatsimeersuarnerrullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 2. Kattunnermi, kattunnermut pilersaarut ilaatinneqanngitsumi, § 237, imm. 2 tak., pisut annertuumik pingaarutillit pillugit qitiusumik aqutsisut ilisimatitsissapput, tassunga ilanngullugu ingerlatseqatigiiffimmi ullormi oqimaaqatigiissitsinermi ukiumoortumik nalunaarusiap kingullermik saqqummiussinerup ataatsimeersuarnerrullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 3. Kattunnermi, anpartsselskabit kisimik peqataaffigisaanni, kattunnerup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut kattunnissamut pilersaarummi takuneqarsinnaanngippata, § 237 tak.:

- 1) Anpartsselskabit aqqi saniatigullu taaguutaat, tassunga ilanngullugu ingerlatseqatigiiffiup atorunnaartup aqqa imaluunniit saniatigut taaguutaa anpartsselskabimi ingerlaqqittumi saniatigut taaguutitit ilaassanersoq.
- 2) Anpartsselskabimi atorunnaartumi piginneqataasunut akissarsiaat.
- 3) Piffissaq, piginneqataassutit akissarsiatut atorneqartut, iluanaarutit tunniunneqalersinnaaneri.
- 4) piffissaq, anpartsselskabimit atorunnaartumiit pisinnaatitaaffiit pisussaaffiillu naatsorsuutitigut tunniunneqartutut isigineqalernerit.
- 5) Malittarisassat, §§ 28 aamma 29 tak., kattunnerup naammassineqarnerani anpartsselskabimik nutaamik pilersitsisoqarpat.

Imm. 4. Kattunneq, anpartsselskabit kisimik peqataaffigisaat pineqarpat, aamma § 237, imm. 2 naapertorlugu kattunnermi pilersaarusiortoqassanngitsoq piginneqataasut isumaqatigiillutik aalajangersimallutik, imm. 3-mi piunasaqaatit eqqarsaatigalugit anpartsselskabini ingerlaqqillutik peqataasuni tamani assigiimmik aalajangiisoqassaaq. Taamaattoqanngippat kattunnerup naammassineqarnera pillugu aalajangiineq atorunnaartutut isigineqassaaq.

Ajunngitsorsiassanik piunasaqarsinnaanermut periarfissaq

§ 249. Ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittut ingerlatseqatigiiffimmit aningaasaliiffiusumit ajunngitsorsiassaqarnissaaq piumasarisinnaavaat, ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittunut akissarsiaat naammaginannngippata aamma piviusorsiortumik tunngavilersorneqarsimannngippata, aamma

ataatsimeersuarnermi tamanna pillugu nangaassuteqarsimappat, tassani kattunnerup naammassineqarnissaa pillugu aalajangiisoqarsimalluni.

Imm. 2. Imm. 1 malillugu suliassanngortitsineq pissaaq ingerlatseqatigiiffinni aningaasaliiffiusuni kattuttuni tamani kattunneq pillugu aalajangiisoqareerneraniit kingusinnerpaamik sapaatit akunneri tallimat qaangiutsinnagit.

Imm. 3. Imm. 1 naapertorlugu nangaassuteqartoqarsimappat kattunneq akuerineqarsimasoq aatsaat imm. 2-mi piffissaliussap naanerata kingorna nalunaarsorneqarsinnaavoq, kattunneq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 241 tak., isumaqarpata ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittunut akissarsiat naammaginaruusut aamma piviusorsioortumik tunngavilersorneqarsimasut.

Kattunnerup inatsisitigut sunniutai

§ 250. Kattunneq naammassineqartutut isigineqassaaq, aamma ingerlatseqatigiiffik aningaasaliiffiusoq atorunnaartoq atorunnaarsinneqartutut isigineqassaaq, taassumalu pisinnaatitaaffii pisussaaffiilu ataatsimut isigalugit ingerlatseqatigiiffimmut aningaasaliiffiusumut ingerlaqqittumut nuunneqartut isigineqassapput, taamaattorli imm. 2 tak., uku pippata:

- 1) Kattunneq, ingerlatseqatigiiffinni aningaasaliiffiusuni ingerlaqqittuni, kattunnermut peqataasuni tamanani aalajangiiffigineqarpat.
- 2) § 243 malillugu akiligassaqarfiiit piumasaqaataat aalajangiiffigineqarsimappata.
- 3) § 249 malillugu ajunngitsorsiassat pillugit aningaasaatinik piginnittut piumasaqaataat aalajangiiffigineqarsimappata, imaluunniit piumasaqaat pillugu isumannaatumik qularnaveeqqusiisoqarsimappat. Kattunneq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilanngullugu akissarsiat, aamma nalilersuisartut oqaaseqaataanni isummertoqarpat akissarsiat naammaginaruusut piviusorsioortumillu tunngavilersorneqarsimasut, nalilersuisuartut aamma nalunaarutigissavaat akissarsiat pillugit oqaaseqaatertik annertuutigit akerlilerneqarsinnaanngitsaq. Qularnaveeqqusiineq isumannaatsuunersoq nalilersuisartut aalajangissuaat.
- 4) Aqutsisunut qullersanut ilaasortanik kukkunersiuisumillu toqqaaneq pillugu imm. 6-mi piumasaqaatit naammassineqarpata.
- 5) Qullersaqarfimmik atorfinitsitsisoqarsimavoq, kattunnermut atasumik ingerlatseqatigiiffimmik aningaasaliiffiusumik nutaamik pilersitsisoqarsimappat aqutsisoqartussamik, aqutsisut qullersat tassaassallutik siulersuisut imaluunniit nakkutilliisut, § 111, imm. 1 tak.

Imm. 2. Piffissaq, ingerlatseqatigiiffiup aningaasaliiffiusup atorunnaartup naatsorsuutitigut pisinnaatitaaffii pisussaaffiilu ingerlatseqatigiiffimmut aningaasaliiffiusumut ingerlaqqittumut nuunneqartutut isigineqartoq tassaappat kattunnerup naammassineqarnera pillugu aalajangiinnermut piffissaq, kattunneq inatsisitigut sunniuteqanera, oqaaseqatigiit aappaat aamma pingajuat tak., aatsaat naatsorsuutitigut piffissami sunniuteqalernera pissaaq. Piffissaq kattunnerup naatsorsuutitigut sunniuteqalernera kattunnerup naammassineqarnera pillugu aalajangiisoqarneraniit kingusinnerpaamik sapaatit akunnerinik tallimanit kingusinnerussanngilaq, taamaattorli kattunnerup nalunaarsorneqarneranut imaluunniit nalunaarsorneqarnissamat nalunaarutigineqarneranut piffissamiit kingusinnerunani. Naatsorsuutitigut piffissaq sunniuteqalerfiusoq aamma kattunnerup naammassineqarnera pillugu aalajangiinnermut piffissaq aamma ingerlatseqatigiiffinnut aningaasaliiffiusunut peqataasunut ukioq naatsorsuusiortfigisaat assigissavaat.

Imm. 3. Imm. 1 aamma 2-mi piumasagaatit naammassineqarpata ingerlatseqatigiiffimmi aningaasaliiffiusumi atorunnaartumik aningaasaatinik piginnittut, aningaasaatinik piginneqataassutinik akissarsitinneqartut, ingerlatseqatigiiffimmi ingerlaqqittumi aningaasaatinik piginnittuulissapput.

Imm. 4. Ingerlatseqatigiiffinnit aningaasaliiffiusunit kattuttunit pigineqartuni ingerlatseqatigiiffimmi aningaasaliiffiusumi atorunnaartumik aningaasaatinik piginneqataassutinut akissarsisitsisoqarsinnaanngilaq. § 31 aamma § 153, imm. 2, taamaaqataanik kattunnermi atorneqassapput.

Imm. 5. Pilersitsineq pillugu kapitali 3, aningaasaatinik qaffaaneq pillugu kapitali 10 aamma atorunnaarsitsineq pillugu kapitali 14 kattunnermi atorneqassanngillat, kattunneq pillugu aalajangersakkanit tamanna takuneqarsinnaanngippat, §§ 236-252 tak.

Imm. 6. Kattunnerup naammassineqarnerani ingerlatseqatigiiffimmik aningaasaliiffiusumik nutaamik pilersitsisoqarpat, aamma kattunnerup ataatsimeersuarnermi akuerineqarnerata kingunitsiannua aqutsisunut qullersanut ilaasortassanik kukkuneriusissamillu toqqaasoqarpat, tamatuma kingorna kingusinnerpaamik sapaatit akunneri tallimat qaangiutsinnagit ingerlatseqatigiiffimmi aningaasaliiffiusumi nutaami aqutsisuni qullersani ilaasortassanik kukkuneriusissamillu toqqaaffiusumik ataatsimeersuartoqassaaq. Ataatsimeersuartut aamma, ukiumoortumik naatsorsuutit pillugit inatsit kunngip peqqussuteqarneratigut Kalaallit Nunaanut atulersinneqartoq, inatsisilluunniit allat malillugit kukkuneriusisoqarnissaanik pisussaaffimmut ingerlatseqatigiiffik aningaasaliiffiusoq ilaanngippat, ingerlatseqatigiiffiup aningaasaliiffiusup ukiumoortumik naatsorsuutai kukkunerisiorneqartassanersut pillugu aalajangiissapput.

Kattunnerup naammassineqarnera pillugu nalunaaruteqarneq

§ 251. Kattunneq akuerineqartoq ingerlatseqatigiiffinnut aningaasaliiffiusunut ataasiakkaanut tamanut Erhvervsstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., kattunnermi peqataasuni ingerlatseqatigiiffinni aningaasaliiffiusuni ingerlaqqituni tamanit kattunnerup aalajangiiffigineraniit kingusinnerpaamik sapaatit akunneri tallimat qaangiutsinnagit. Ingerlatseqatigiiffik aningaasaliiffiusoq ingerlaqqittoq ingerlatseqatigiiffiit aningaasaliiffiusut peqataasut sinnerlugit kattunneq nalunaarsussavaa imaluunniit nalunaarutigissavaa. Nalunaarsorneqarneq imaluunniit nalunaaruteqarneq allagaatinut § 245, im. 7, nr. 3-7-mi taaneqartunut ilanngunneqassaaq, allagaatit suliarineqarsimappata. Kattunneq akuerineqartoq aatsaat nalunaarsorneqarsinnaavoq kattunnerup inatsisitigut sunniuteqarnera § 250, imm. 1 aamma 2 malillugu atuutilerpat.

Imm. 2. Kattunneq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik kattunnerup naatsorsuutitigut sunniuteqarnerani piffissamut ukiumoortumik nalunaarusianik nassiussinissamut piffissaliussap naanerani, taamaattorli kattunneq eqqarsaatigineqartoq pillugu paasissutissanik tiguneqartunik Erhvervsstyrelsip tamanut saqqummiussineraniit, § 244, imm. 5 tak., kingusinnerpaamik ukiup ataatsip qaangiutinnginnerani. Piffissaliussat taakku marluk arlaat qaangerneqarpat kattunnerup naammassineqarnera pillugu aalajangiinerup atuuttuunini annaassavaa, aamma § 237 naapertorlugu kattunnissamut pilersaarusaasimasoq atorunnaartutut isigineqalerluni.

Imm. 3. Ingerlatseqatigiiffik aningaasaliiffiusoq, kattunnermut atasumik, ingerlatseqatigiiffiup aningaasaliiffiusup nalunaarsorneqarnera sioqqullugu isumaqatigiissuteqarpat, aamma isumaqatigiissuteqaqataasup ingerlatseqatigiiffik

anigaasaliiffiusoq nalunaarsorneqarsimanngitsoq ilisimasimappagu, isumaqatigiissuteqaqataasup, allamik isumaqatigiittoqarsimanngippat, isumaqatigiissut atorunnaarsissinnaavaa, nalunaarsorneqarneq imaluunniit nalunaarsorneqarnissamut nalunaarut imm. 2-mi piffissaliussatut aalajangersakkap kingusinnerpaamik naanerani Erhvervsstyrelsimit tiguneqarsimanngippat, imaluunniit nalunaarsorneqarnissaq itigartinneqarsimappat. Ingerlatseqatigiiffik anigaasaliiffiusoq nalunaarsorneqarsimanngitsoq isumaqatigiissuteqaqataasooq ilisimasaqarsimanngippat taassuma isumaqatigiissut atorunnaarsissinnaavaa, ingerlatseqatigiiffiup anigaasaliiffiusup nalunaarsorneqarsimannginerani. § 41, imm. 1, oqaaseqatigiit aappaat taamaaqataanik atorneqassapput.

Imm. 4. §§ 42-44 taamaaqataanik atorneqassapput ingerlatseqatigiiffik anigaasaliiffiusoq, kattunnermut atasumik pilersinneqartoq, ingerlatseqatigiiffiup nalunaarsorneqarneraniit piffissami qaammatit 24-t tikillugit anigaasaatinik piginnittumiit, ingerlatseqatigiiffimmik ilisimannittumiit, pigisanik nalilinnik pissarsimappat.

Ingerlatseqatigiiffiup piginnittup aamma ingerlatseqatigiiffiit tamakkiisumik pigineqartut akornanni tigusisumi kattunnerit

§ 252. Ingerlatseqatigiiffiup anigaasaliiffiusup pigisai pisussaaffiilu ataatsimoortillugit ingerlatseqatigiiffimmut anigaasaliiffiusumut allamut, ingerlatseqatigiiffimmi anigaasaliiffiusumi atorunnaartumi anigaasaatinik pigineqataassutinik tamanik piginnittumut nuunneqarnerisigut atorunnaarsitsisoqarnani ingerlatseqatigiiffik anigaasaliiffiusoq atorunnaarsinneqarpat, tassa imaappoq tigusisumi kattunneq, ingerlatseqatigiiffimmi anigaasaliiffiusumi atorunnaartumi kattunneq pillugu aalajangiineq qitiusumik aqutsisunit aalajangerneqarsinnaavoq. Aamma § 237, imm. 1 aamma 2, imm. 3, nr. 1, 2, 5, 6 aamma 8-10, aamma imm. 4, § 239, §§ 242-245, § 246, imm. 1, oqaaseqatigiit aappaat aamma pingajuat., §§ 247 aamma 248 aamma §§ 250 aamma 251 taamaaqataanik piginnittumut kattunnermi atorneqassapput.

Ingerlatseqatigiiffiup anigaasaliiffiusup pigisaanik pisussaaffiinillu Namminersorlutik Oqartussanut imaluunniit kalaallit nunaanni kommunimut tunniussineq

§ 253. Ingerlatseqatigiiffiup anigaasaliiffiusup pigisai pisussaaffiilu ataatsimoortillugit Namminersorlutik Oqartussanut imaluunniit kalaallit nunaanni kommunimut nuunneqarnerisigut atorunnaarsitsisoqarnani ingerlatseqatigiiffik anigaasaliiffiusoq atorunnaarsinneqarpat, § 237, imm. 1 aamma 3, § 238, § 241, § 244, imm. 1, 2 aamma 5, § 245, imm. 1 aamma 3-6, §§ 246, 248 aamma 249, § 250, immk. 1, nr. 1, aamma § 251, imm. 1, taamaaqataanik atorneqassapput.

Ingerlatseqatigiiffinnik anigaasaliiffiusunik agguataarineq

§ 254. Ataatsimeersuartut ingerlatseqatigiiffiup anigaasaliiffiusup agguataarivigineqarnissaa pillugu aalajangiisinnaapput. Agguataarinnermi pigisat nalillit pisussaaffiillu tamakkiisumik aktie imaluunniit anpartsselskabinut atuuttunut nutaatullu pilersinneqartunut tunniunneqassapput ingerlatseqatigiiffiup anigaasaliissuteqartup anigaasaatinik piginnittuinut akissarsiaqartitsinikkut. Ataatsimeersuartut amerlanerussuteqarneq taanna atorlugu agguataarinissamik aalajangiisinnaapput, tamatumani ingerlatseqatigiiffiup anigaasaliiffiusup pigisami nalillit pisussaaffimmilu ilai ingerlatseqatigiiffinnut anigaasaliiffiusunut atuuttunut nutaatullu pilersinneqartunut tunniullugit. Tunniussineq akiligassa qarfiit akuersitinnikkaluarlugit pisinnaavoq.

Imm. 2. Ingerlatseqatigiiffimmi aningaasaliiffiusumi akiligassaqaarfik, agguataarinermi peqataasimasooq, naammassinniffigineqanngippat, ingerlatseqatigiiffiit aningaasaliiffiusut allat peqataasut ataasiakkaarlutik akisussaaqatigiillutillu pisussaaffinnut, agguataarinerup Erhvervsstyrelsen tamanut saqqummiunneqarnerani atuuttunut, § 262, imm. 5 tak., § 262, imm. 1 imaluunniit 2-mut tunngatillugu, akisussaasuussapput, taamaattorli annerpaamik aningaasat piffissami pineqartumi ingerlatseqatigiiffinni aningaasaliiffiusuni ataasiakkaani ilanngaateqareerluni naliusup ilanngunneqartup sinneruttulluunniit annerpaamik amerlaqataannik.

Imm. 3. Ingerlatseqatigiiffik aningaasaliiffiusooq ataaseq arlallilluunniit tiguisuusut agguataarinermi, agguataarinermut, § 255 tak., imaluunniit kattutititsinermut piviusunngortinneqanngitsumi allamut ataneqartillugu pinngorpata, tamanna agguataarinissamut pilersaarummi ersersinneqassaaq, § 266 tak. Ingerlatseqatigiiffinnut aningaasaliiffiusunut tiguisuusunut nutaanut, agguataarinermut imaluunniit kattutititsinermut allamut atasumik pinngortunut, agguataarineq imaluunniit kattutititsinerup, ingerlatseqatigiiffiit nutaat tamatumunnga ataneqartillugu pinngorfigisaata, nangitsissutigisaatut pissaq, § 269 tak.

Agguatarinissamut pilersaarut

§ 255. Ingerlatseqatigiiffinni aningaasaliiffiusuni ingerlaqqittuni, agguataarinermi peqataasuni qitiusumik aqutsisut agguataarinermi pilersaarummi peqatigiillutik pilersitsillutillu atsiussapput, taamaattorli imm. 2 tak.

Imm. 2. Agguataarineq, taamaallaat anpartsselskabet peqataaffigisaat pineqarpat piginneqataasut isumaqatigiillutik aalajangersinnaapput agguataarinermi pilersaarusiortoqassanngitsoq, taamaattorli § 266, imm. 2, 3 aamma 4 tak.

Imm. 3. Agguataarinermi aktieselskabet peqataaffigisaanni agguataarinermut pilersaarut uku pillugit paasissutissanik aalajangersakkanillu imaqqassaaq

- 1) ingerlatseqatigiiffiit aningaasaliiffiusut aqqi saniatigullu taaguutaat, matumanilu ingerlatseqatigiiffiup aningaasaliiffiusup aningaasaliissuteqartup aqqa imaluunniit saniatigut taaguutaa ingerlatseqatigiiffimmut aningaasaliiffiusumut tiguisuusumut saniatigut taaguutitut atorneqassanersoq ilanngullugu eqqarsaatigalugu,
- 2) ingerlatseqatigiiffiit aningaasaliiffiusut angerlarsimaffii,
- 3) pigisat nalillit ilaasa pisussaaffiillu, ingerlatseqatigiiffinni aningaasaliiffiusuni agguataarinermi peqataasunut ataasiakkaanut nuunneqartussat imaluunniit pigiinneqartussat, sukumiisumik allaaserineqarnerat agguaanerallu,
- 4) ingerlatseqatigiiffimmi aningaasaliiffiusumi aningaasaliissuteqartumi piginneqataasunut akissarsiassaattat
- 5) akissarsiassat agguarneqarnerat, matumanilu ingerlatseqatigiiffinni aningaasaliiffiusuni tiguisuusuni piginneqataassutit ilanngullugit eqqarsaatigalugit, ingerlatseqatigiiffimmi aningaasaliiffiusumi aningaasaliissuusumi piginneqataasunut kiisalu agguaassinermut tassunga aalajangiinermi tunngavik,
- 6) piffissaq piginneqataassutit, akissarsiattut tunniunneqarsimasinnaasut, sinneqartooruteqaataasinnaalerfiat,
- 7) ingerlatseqatigiiffimmi aningaasaliiffiusumi tiguisuusumi pisinnaatitaaffiit, ingerlatseqatigiiffimmi aningaasaliiffiusumi aningaasaliissuusumi piginneqataassuteqarsinnaasunut akiitsoqarnermullu allagaateqarsinnaasunut immikkut ittumik pisinnaatitaaffeqarfiusunut,

- 8) iliuusaasinnaasut allat piginneqataassutini akiitsoqarnermullu allagaatini nr. 7-imi pineqartuni pigisaqartunut iluaqusiisinnaasut,
- 9) aningaasaatinik piginneqataassutininik, akissarsiassatut tunniunneqartuni, nalunaarsuineq, kiisalu piginneqataassutit pillugit allagaatinik tunniussinermi nalunaarsuineq,
- 10) piffissaq, ingerlatseqatigiiffiup aningaasaliiffiusup tigusisuusup pisinnaatitaaffiisa pisussaaffiisalu naatsorsuusiaticigut qaangerneqartutut isigineqalerfia, tak. imm. 2,
- 11) iluaqusiissut sunaluunniit, ingerlatseqatigiiffiup aningaasaliiffiusup siulersuisuinut ilaasortanut tunniunneqartoq, aamma
- 12) malittarisassanut missiliuut, tak. § 4, agguataarinermi ingerlatseqatigiiffimmik aningaasaliiffiusumik ataatsimik ingerlatseqatigiiffinnilluunniit arlalinnik pilersitsisoqarpat.

Imm. 4. Agguataarinermit pilersaarut ingerlatseqatigiiffinnut aningaasaliiffiusunut atuuttunut ataasiakkaanut tamanut kingusinnerpaamik, ukiup naatsorsuusiunneqartup, agguataarinerup naatsorsuusiaticigut sunniuteqaataata atuutilerfiani, tak. imm. 3, nr. 10, naanerani atsiorneqarsimassaaq. Piffissaliusaaq qaangerneqarpat agguataarinissamut pilersaarusiap Erhvervsstyrelsimi tiguneqarnera tamanut saqqummiunneqarsinnaassanngilaq.

Imm. 5. Pigisat nalillit ilai agguataarinissamut pilersaarusiortermi agguanneqarsimannippata, tak. imm. 3, nr. 3 imaluunniit § 266, imm. 3, tamatumunngalu nassuiaatip agguassinermit aalajangiinissaaq periarfissaqartinngippagu, agguarneq taanna imaluunniit tassanga naliusooq ingerlatseqatigiiffiit aningaasaliiffiusut peqataasut ataasiakkaat akornanni agguanneqassaaq, ilanngaateqareerluni pigisat nalingat, agguataarinissamut pilersaarusiorterup kingornaticigut ingerlatseqatigiiffinni aningaasaliiffiusuni ataasiakkaani ilanngunneqartut sipporunneqartulluunniit ilutigalugit.

Imm. 6. Pisussaaffiit ilai agguataarinissamut pilersaarusiortermi agguanneqarsimannippata, tak. imm. 3, nr. 3 imaluunniit § 266, imm. 3 tamatumunngalu nassuiaatip agguassinermit aalajangiinissaaq periarfissaqartinngippagu, ingerlatseqatigiiffiit aningaasaliiffiusut peqataasut ataasiakkaarlutik peqatigiillutillu akisussaasuussapput, taamaattorli aningaasanik annerpaamik ingerlatseqatigiiffinnut aningaasaliiffiunut ataasiakkaanut ilanngaateqareerluni naliusup ilanngunneqartup sipporunneqartulluunniit amerlaqataannik. Ingerlatseqatigiiffiit aningaasaliiffiusut peqataasut akornanni pissutsit atukkat iluanni, pisussaaffiit taamaattut agguanneqassapput, agguataarinissamut pilersaarusiorterup kingornaticigut ingerlatseqatigiiffinni aningaasaliiffiusuni ataasiakkaani ilanngunneqartut sipporunneqartulluunniit ilutigalugit.

Agguataarineq pillugu nassuiaat

§ 256. Ingerlatseqatigiiffinni aningaasaliiffiusuni ingerlaqqittuni, agguataarinermi peqataasuni tamani qitiusumik aqutsisut agguataarineq eqqarsaatigineqartoq, tassunga ilanngullugu agguataarinissamut pilersaarut, qanoq nassuiarneqassanersoq tunngavilersorneqassanersorlu allakkaticigut nassuiaasiussapput, taamaattorli imm. 2 tak. Nassuiaat ingerlatseqatigiiffinni aningaasaliiffiusuni aningaasaliissuteqartuni aningaasaatinik piginneqataassutinut akissarsiatic pillugit aalajangersaaneq pillugu paasissutissanik imaqaassaaq, tassunga ilanngullugu aalajangersaanermit atasumik immikkut ajornartorsiutit, aamma nalilersuinermit nassuiaasiorneq pillugu paasissutissat, taanna § 258 malillugu suliarineqassappat.

Imm. 2. Aningaasaatinik piginnittut isumaqatigiillutik aalajangersinnaapput agguataarinermi nassuiaasiortoqassanngitsoq.

Akunnerinnarmi pigisanik nalilinnik akiligassanillu naatsorsuineq

§ 257. Ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimappat, ingerlatseqatigiiffimmut aningaasaliiffiusumut pineqartumut, agguataarinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, taamaattorli imm. 4 aamma 5 tak.

Imm. 2. Agguataarinermi, agguataarinermi pilersaarusiornissaq ilaatinneqanngitsumi, § 255, imm. 2 tak., atsiorneqarsimappat, ingerlatseqatigiiffimmut aningaasaliiffiusumut pineqartumut, agguataarinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, agguataarinermi pilersaarusiunnginnissaq pillugu aalajangerneq ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini pisimappat, taamaattorli imm. 4 aamma 5 tak.

Imm. 3. Pigisanik nalilinnik akiligassanillu naatsorsuineq, ingerlatseqatigiiffiup ukiumoortumik nalunaarusiornerani maleruagassai naapertorlugit suliarineqarsimappat, ulloq naatsorsuusiorfiusooq agguataarinermi pilersaarusiunnginnissaq pillugu atsiorneq imaluunniit aalajangerneq sioqqullugu qaammatinik pingasunik ungasinnerussanngilaq. Pigisanik nalilinnik akiligassanillu naatsorsuineq kukkunersiorneqassaaq, ingerlatseqatigiiffik aningaasaliiffiusooq ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq, imaluunniit inatsisit allat malillugit kukkunersiuinissamut pisussaaffeqartunut ilaappat.

Imm. 4. Aningaasaatinik piginnittut isumaqatigiillutik aalajangersinnaapput pigisanik nalilinnik akiligassanillu naatsorsuineq suliarineqassanngitsoq, ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimanera apeqqutaatinnagu.

Imm. 5. Imm. 1-mi aalajangersagaq ingerlatseqatigiiffinnut aningaasaliiffiusunut, EU/EØS-imi nunami niuerfimmi naleqqussakkami pappiaranik aningaasanik nalilinnik niueruteqartunut, aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu ukiup affaanut nalunaarusiamik tamanut saqqummiussimasat atorneqassanngilaq, ukiup affaanut nalunaarusiaq ingerlatseqatigiiffik pillugu ukiup affaanut naatsorsuutinik kukkunersiorneqarsimasunik imaqarpat aamma ukiup affaanut nalunaarusiaq ingerlatseqatigiiffiup aningaasaatinik piginnittuinit pissarsiarineqarsinnaappat.

Nalilinnik aningaasaliineq pillugu nalilersuinermit nassuiaat

§ 258. Agguataarinermit atatillugu aktieselskabimi ingerlaqqittumik aningaasaatinik qaffaasoqarpat, imaluunniit agguataarinermit atasumik nutaanik piginneqataassuteqalerpat kattunnermit atasumik nalilersuisumiit nassuiaasiortoqartitsisoqassaaq, taamaattorli imm. 2 tak. Nalilersuisussa § 37, imm. 1 malillugu toqqarneqassaaq. § 37, imm. 2 aamma 3 taamaaqataanik ingerlatseqatigiiffinnut aningaasaliiffiusunut kattuttunut tamanut nalilersuisut atugaannut atorneqassapput.

Imm. 2. Nalilersuinermik nassuiaat ilaatinneqanngitsoortinneqarsinnaavoq, taarsiullugu agguataarinissaq eqqarsaatigineqartoq pillugu naliliisuniit oqaaseqaasiortoqarpat, § 259 tak., imaluunniit akiligassaqarfiit inissisimanerat pillugu nalilersuisumiit nalunaaruteqartoqarpat, § 260 tak.

Imm. 3. Agguataarinermut atasumik nalilersuinermi nassuiaasiortoqassappat nalilersuinermi nassuiaatip imarissavai

- 1) aningaasaliissutit ataasiakkaat allaaserinerat,
- 2) nalilersuinermi suleriaaseq atorineqartoq pillugu paasissutissat,
- 3) akissarsiat aalajangerneqarsimasut allanneqarneri aamma
- 4) nalitut inissinneqartup akissarsiassatut isumaqatigiissutigineqartumut minnerpaamik naapertuunera pillugu nalunaarut, tassunga ilanngullugu aningaasaatinik piginneqataassutit atulersinneqartut nalingi, sinnerlugu naliusiq tapiliullugu.

Imm. 4. Agguataarinerup akuerineqarneraniit piffissaq qaammatit pingasut sinnerlugit nalilersuinermi nassuiaat suliarineqarsimassanngilaq, § 263 tak. Piffissaliusaaq qaangerneqarpat agguataarineq atuuttutut akuerineqarsinnaanngilaq.

Agguataarinissaq eqqarsaatigineqartoq pillugu nalilersuisartup oqaaseqataa, tassunga ilanngullugu agguataarineq pillugu pilersaarut

§ 259. Ingerlatseqatigiiffinni aningaasaliiffiusuni, agguataarinermi peqataasuni tamani agguataarinermut pilersaarut pillugu nalilersuisartoq ataaseq arlalilluunniit attaviitsut, paasisimasaqartut allakkatigut oqaaseqaasiussapput, akissarsiat ilanngullugit, imm. 4 tak. Agguataarinermi, agguataarinermut pilersaarusiornissaq ilaatinneqanngitsumi, § 237, imm. 2 tak., agguataarinissaq eqqarsaatigineqartoq pillugu nalilersuisartoq allakkatigut oqaaseqaasiussaaq, tassunga ilanngullugu akissarsiat, imm. 4 tak. Aningaasaatinik piginnittut isumaqatigiillutik aalajangersinnaapput agguataarinissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq, oqaaseqatigiit siulliit aamma aappaat tak.

Imm. 2. Nalilersuisartut § 37, imm. 1 malillugu toqqarneqassapput. Ingerlatseqatigiiffiit aningaasaliiffiusut, agguataarinermut peqataasut, nalilersuisartumik ataatsimik arlalinnilluunniit atuinissaq kissaatigippassuk, ingerlatseqatigiiffiit aningaasaliiffiusut noqqaassuteqarnerisigut pigisanik agguassinermit eqqartuussivimmit taakku toqqarneqassapput.

Imm. 3. § 37, imm. 2 aamma 3, taamaqataanik ingerlatseqatigiiffinnut aningaasaliiffiusunut agguataarneqartunut tamanut nalilersuisut pissusiinut atorineqassapput.

Imm. 4. Oqaaseqaat ingerlatseqatigiiffimmi aningaasaliiffiusumi atorunnaartumi aningaasaatinik piginneqataassutinut akissarsiat naammaginaruunersut aamma piviusorsiorumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorneqartut, aamma tamatuma naleqquttuuneranik naliliineq allanneqassapput. Nalunaarut aamma suleriaatsit ataasiakkarlutik qanoq kinguneqarnerinik nalinik aamma naliliinermi imminnut naleqqiullutik suleriaatsit pingaaruteqarneri allanneqassapput. Naliliinermut atasunik immikkut ajornartorsiuteqarsimappat taakku nalunaarummi eqqaaneqassapput.

Akiligassaqarfii inissisimani pillugit nalilersuisartup nalunaarutaa

§ 260. Nalilersuisartut § 259-mi eqqaaneqartup nalunaarutip saniatigut aamma ingerlatseqatigiiffimmi aningaasaliiffiusumi ataatsimi akiligassaqarfii ingerlatseqatigiiffiup maannakkut inissisimanageranut naleqqiullugu kattunnerup kingorna naammattumik qulakkeerneqarsimasut pillugu nalunaaruteqassapput. Aningaasaatinilli piginnittut isumaqatigiillutik aalajangiisinaapput akiligassaqarfii inissisimanagerat pillugu nalilersuisartumit taamatut nalunaaruteqartoqassanngitsoq.

Akiligassaqarfii piumasaqaatiminnik nalunaaquteqarsinnaanerannut periarfissaq

§ 261. Akiligassaqarfii inissisimanagerat pillugu nalunaarumminni nalilersuisartut, § 260 tak., isumaqarunik ingerlatseqatigiiffinni aningaasaliiffiusuni ataasiakkaani akiligassaqarfii kattunnerup kingorna naammattumik qulakkeerneqarsimannngitsut, imaluunniit akiligassaqarfii inissisimanagerat pillugu nalilersuisartumiit nalunaarusioruortoqanngippat, akiligassaqarfii, § 262 naapertorlugu Erhvervsstyrelsen tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli isumannaatsumik qularnaveeqquserneqarsimasut nalunaarutigineqassanngillat.

Imm. 2. Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimannngitsut, isumannaatsumik qularnaveeqquserneqarnissaat piumasarineqarsinnaalluni.

Imm. 3. Allatigut akiliisoqarsimappat, imm. 2 malillugu qularnaveeqquusiinissaq pisariaqassanngilaq, pissarsiassat akilerneqarnissaat inatsit naapertorlugu aqqissuussinikkut qulakkeerneqarsimappat.

Imm. 4. Qularnaveeqquusiisoqassanersoq imaluunniit qularnaveeqquusiineq naammannersoq pillugu ingerlatseqatigiiffiup aningaasaliiffiusup amma akiligassaqarfii nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneraniit kigusinnerpaamik sapaatit akunneri tallimat qaangiutsinnagit pigisanik agguassinermut eqqartuussivimmuut suliaassanngortitsisinaapput.

Imm. 5. Akiligassaqarfik, pissarsiassamut tunngaviusumut isumaqatigiissummi pituttuisumik imm. 2 malillugu qularnaveeqquusiisoqarnissaanik pisinnaatitaaffini assortorsinnaanngilaa.

Imm. 6. (Atorunnaarpoq)

Agguataarinissaq eqqarsaatigineqartoq pillugu paasisutissanik nassiussineq, tassunga ilanngullugit agguataarinissamut pilersaarut aamma akiligassaqarfiit inissisimanerat pillugu nalilersuisartumiit nalunaarut

§ 262. Agguataarinissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit agguataarinissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat agguataarinissamut pilersaarutip tiguneqarnera tamanut saqqummiunneqarsinnaanngilaq, agguataarnerlu taamaalilluni akuerineqarnani.

Imm. 2. Ingerlatseqatigiiffiit aningaasaliiffiusut peqataasut agguataarinissamut pilersaarutip suliarineqannginnissaanut periarfissaq atorsimangippassuk, § 255, imm. 2 tak., tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut peqataasut aqqi aamma Erhvervsstyrelsip qarasaasiaqarfiani nalunaarsorneqarnermin normut allanneqarlutik.

Imm. 3. Akiligassaqarfiit inissisimanerat pillugu nalilersuisartup nalunaarutaa, § 260, oqaaseqatigiit siulliit tak., Erhvervsstyrelsimut nassiunneqassaaq, taamaattorli imm. 4 tak.

Imm. 4. Akiligassaqarfiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 260, oqaaseqatigiit aappaat tak., atorneqarsimappat tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut kattunnermi peqataasut aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarlutik.

Imm. 5. Paasisutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqarfiit piunasaqaatiminnik nalunaaruteqarsinnaatitaanerata, § 261 tak., Erhvervsstyrelsip tamanut saqqummiussinera tamanna pillugu paasisutissanik imaqassaaq.

Imm. 6. Agguataarinissamut pilersaarutininik allagaatinillu ilaatinneqartunik ingerlatseqatigiiffiit aningaasaliiffiusut tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

Agguataarinerup naammassineqarnissaa pillugu aalajangiineq

§ 263. Agguataarinerup naammassineqarnissaanut aalajangerneq agguataarinissaq eqqarsaatigineqartoq pillugu paasisutissat tiguneqarnerisa Erhvervsstyrelsip tamanut saqqummiussineraniit, § 262, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 262, imm. 1 imaluunniit 2-mut tunngatillugu aamma § 262, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

Imm. 2. Agguataarinermi, anpartsselskabit kisimik peqataaffigisaanni, aamma nalilersuisartut akiligassaqarfiit inissisimanerat pillugu nalunaaruteqarnerminni, § 260 tak., isumaqarunik anpartsselskabini ataasiakkaat akiligassaqarfiit agguataarinerup kingorna naammattumik qulakkeerneqarsimasut, piginneqataasut isumaqatigiillutik agguataarinissaq eqqarsaatigineqartoq pillugu paasisutissat tiguneqarneri pillugit Erhvervsstyrelsip tamanut nalunaaruteqarnerata kingorna, § 262, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

Imm. 3. Agguataarinermi, agguataarinermut pilersaarut ilaatinneqanngitsumi, § 255, imm. 2 tak., akiligassaqarfiit inissisimanerat pillugu nalilersuisartuq nalunaarusiorsimappat, § 262 tak., aamma akiligassaqarfiit inissisimanerat pillugu nalunaaruteqarnerminni anpartsselskabini

ataasiakkaani akiligassa qarfiit agguataarinerup kingorna naammattumik qularnaarneqarsimasut nalilersuisartut isumaqarpata, agguataarinerup naammassineqarnissaa pillugu anpartsselskabit aalajangiinerat sioqqullugu Erhvervsstyrelsen tamanut saqqummiussinissaa, § 260 tak., pillugu piumasaqaateqartoqassanngilaq.

Imm. 4. Ingerlatseqatigiiffiup aningaasaliiffiusup atorunnaartup pisinnaatitaaffii aamma naatsorsuutitigut pisussaaffii ingerlatseqatigiiffimmut ingerlaannartumut nuunneqartut isigineqalernerini piffissaq sioqqullugu ingerlatseqatigiiffiup aningaasaliiffiusup atorunnaartup ukiumut naatsorsuutini naammassisimappagit, aamma piffissamut tassunga naatsorsuusiortifiusumut ukiumoortumik nalunaarusiamik ataatsimeersuartut sulii akuersisimanngippata, agguataarinerup naammassineqarnissaanik aalajangiinerup kingusinnerpaamik peqatigisaanik piffissamut naatsorsuusiortifiusumut tassunga ukiumoortumik nalunaarusiaq ataatsimeersuartunit akuerineqassaaq.

Imm. 5. Akiligassa qarfiit, tamatuminnga noqqaasut, agguataarinerup naammassineqarnissaa qaqugu aalajangiiffigineqarnissaa pillugu paasissutissamik pissarsissapput.

Imm. 6. Agguataarinissamut pilersaarusiortoqarsimappat agguataarineq agguataarinissamut pilersaarut naapertorlugu naammassineqassaaq. Agguataarinissamut pilersaarut tamanut saqqummiunneqarsimasoq naapertorlugu agguataarinissaaq akuerineqarpat siunnersuut atorunnaartutut isigineqassaaq.

Imm. 7. Allagaatit uku, suliarineqarsimappata, agguataarinerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, ingerlatseqatigiiffiup najugaani imaluunniit nittartagaani aningaasaatinik piginnittunit pissarsiarineqarsinnaassapput, allagaatit pineqartut ataatsimeersuarnissaaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajanginngippata, taamaattorli imm. 8 tak.:

- 1) Agguataarinissamut pilersaarut.
- 2) Ingerlatseqatigiiffiit aningaasaliiffiusut peqataasut ataasiakkaat tamarmik ukiuni kingullerni pingasuni imaluunniit piffissamut sivikinnerusumi ingerlatseqatigiiffiup atuuffigisimasaani ukiumut naatsorsuutaat pillugit ukiumoortumik nalunaarusiat akuerineqarsimasut.
- 3) Agguataarineq pillugu nassuiaat.
- 4) Akunnerinnakkut pigisanik nalilinnik akiligassanillu naatsorsuineq.
- 5) Nalilinnik aningaasaliineq pillugu nalilersuisartut nassuiaataat.
- 6) Agguataarinissaaq eqqarsaatigineqartoq pillugu nalilersuisartut oqaaseqaataat, tassunga ilanngullugu agguataarinissamut pilersaarut.
- 7) Akiligassa qarfiit inissisimanerat pillugu nalilersuisartut nalunaarutaat.

Imm. 8. Aningaasaatinik piginnittut, tamanna pillugu noqqaasut, imm. 7-mi taaneqartunut allagaatinut akiliuteqarnatik isersinnaassapput.

§ 264. Ingerlatseqatigiiffimmi aningaasaliiffiusumi aningaasaliisumi agguataarineq pillugu aalajangiineq ataatsimeersuartunit aalajangiiffigineqassaaq §§ 106 aamma 107 malillugu piumasarineqartunik amerlanerussuteqartumik, aamma atorunnaarsitsineq imaluunniit agguataarineq pillugu malittarisassani imarineqarsinnaasut najoqqutassat ilassutaasut naapertorlugit, taamaattorli § 270 tak. Ingerlatseqatigiiffik aningaasaliiffiusoq akiliisinnaajunnaarsimappat agguataarinissaaq pillugu taamaallaat aalajangiisoqarsinnaavoq aningaasaatinik piginnittunut tunniussuineq sulii aallartinneqarsimanngippat, aamma peqatigisaanik akiliisinnaajunnaarnerup atorunnaarsinnissaa pillugu ataatsimeersuartut aalajangiippata. Pilersitseqqinneq pillugu § 231 tamatuma kingorna atorneqassanngilaq.

§ 265. Agguataarineq pillugu aalajangiineq ingerlatseqatigiiffimmi aningaasaliiffiusumi ingerlaannartumi qitiusumik aqutsisunit aalajangiiffigineqassaaq, ataatsimeersuartunit malittarisassanik allannguisoqassanngippat, ingerlatseqatigiiffiup aningaasaliiffiup atorunnaartup aqqata imaluunnit saniatigut taaguutaa ingerlatseqatigiiffimmi aningaasaliiffiusumi ingerlaannartumut saniatigut taaguutitit ilanngussineq eqqaassanngikkaani, taamaattorli imm. 2 tak. Ingerlatseqatigiiffik aningaasaliiffiusoq akiliisinnaajunnaarsimappat, agguataarineq taamaallaat aalajangiiffigineqarsinnaavoq aningaasaatinik piginnittunut tunniussuineq suli aallartinneqarsimannngippat peqatigisaanillu ingerlatseqatigiiffiup pilerseqqinneqarnissaa pillugu ataatsimeersuartut aalajangiisimappata, § 231 tak.

Imm. 2. Aningaasaatinik piginnittut, ingerlatseqatigiiffiup aningaasaataanik 5 pct.-inik piginnittut, imaluunniit aningaasaatinik piginnittut, malittarisassat malillugit, § 89 tak., ataatsimeersuarnermik aggersaanissamik piumasaqarsinnaasut, agguataarinissaq eqqarsaatigineqartoq pillugu paasissutissat tiguneqarneri pillugit Erhvervsstyrelsen tamanut saqqummiussineraniit kingusinnerpaamik sapaatit akunneri tallimat qaangiutsinnagit, tassunga ilanngullugu agguataarinissamut pilersaarut, allakkatigut piumasarinnaavaat ingerlatseqatigiiffimmi aningaasaliiffiusumi ingerlaannartumi aalajangiineq ataatsimeersuartunit aalajangiiffigineqassasoq.

Imm. 3. Qitiusumik aqutsisut, tamanna pillugu noqqaassutit saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnerissamut aggersaassapput.

Imm. 4. Ingerlatseqatigiiffimmi aningaasaliiffiusumi ingerlaannartumi aalajangiinissaq ataatsimeersuartunit aalajangiiffigineqassappat § 106 malillugu piumasarineqartumik amerlanerussuteqarluni aalajangiisoqassaaq.

§ 266. Ingerlatseqatigiiffinni aningaasaliiffiusuni ingerlaqqittuni, agguataarinermi peqataasuni, qitiusumik aqutsisut, ataatsimeersuarnermi, agguataarinerup naammassineqarnissaa pillugu aalajangiiffiusussami, pisut annertuumik pingaarutillit pillugit ilisimatitsissapput, tassunga ilanngullugit agguataarinissamut pilersaarutit atsiorneraata ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 2. Agguataarinermi, agguataarinermut pilersaarut ilaatinneqanngitsumi, § 255, imm. 2 tak., pisut annertuumik pingaarutillit pillugit qitiusumik aqutsisut ilisimatitsissapput, tassunga ilanngullugit ingerlatseqatigiiffimmi ullormi oqimaaqatigiissitsinermi ukiumoortumik nalunaarusiap kingullermik saqqummiussinerup ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

Imm. 3. Agguataarinermi, anpartsselskabit kisimik peqataaffigisaanni, agguataarinerup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut agguataarinissamut pilersaarummi takuneqarsinnaanngippata, § 255 tak.:

1) Anpartsselskabit aqqi saniatigullu taaguutaat, tassunga ilanngullugu ingerlatseqatigiiffiup aningaasaliisup aqqa imaluunniit saniatigut taaguutaa ingerlatseqatigiiffimmi tiguisumi saniatigut taaguutitit ilaassanersoq.

2) Anpartsselskabini agguataarinermi peqataasuni nuunneqartuni imaluunniit ingerlaannartuni tamani pigisat nalillit pisussaaffiillu agguarneri.

- 3) Anpartsselskabimi aningaasaliisumi piginneqataasunut akissarsiat, tassunga ilanngullugu taaku agguarneri.
- 4) Piffissaq, piginneqataassutit akissarsiatut atorineqartut, iluanaarutitut tunniunneqalersinnaaneri.
- 5) piffissaq, anpartsselskabimit atorunnaartumiit pisinnaatitaaffiit pisussaaffiillu naatsorsuutitigut tunniunneqartutut isigineqalerneru.
- 6) Malittarisassat, §§ 28 aamma 29 tak., agguataarinerup naammassineqarnerani anpartsselskabimik nutaamik pilersitsisoqarpat.

Imm. 4. Agguataarineq, anpartsselskabit kisimik peqataafigisaat pineqarpat, aamma § 255, imm. 2 naapertorlugu agguataarineru pilersarusiortoqassanngitsoq piginneqataasut isumaqatigiillutik aalajangersimallutik, imm- 3-mi piumasaqaatit eqqarsaatigalugit anpartsselskabini ingerlaqqillutik peqataasuni tamani assigiimmik aalajangiisoqassaaq. Taamaattoqanngippat agguataarinerup naammassineqarnera pillugu aalajangiineq atorunnaartutut isigineqassaaq.

Ajunngitsorsiassanik piumasaqarsinnaanermut periarfissaq

§ 267. Ingerlatseqatigiiffinni aningaasaliiffiusuni aningaasaliisumi aningaasaatinik piginnittut ingerlatseqatigiiffimmit aningaasaliiffiusumit ajunngitsorsiassaqaarnissaq piumasarisinnaavaat, ingerlatseqatigiiffinni aningaasaliiffiusuni aningaasaliisumi aningaasaatinik piginnittunut akissarsiat naammaginangippata aamma piviusorsiorumik tunngavilersorneqarsimangippata, aamma ataatsimeersuarneru tamanna pillugu nangaassuteqarsimappata, tassani agguataarinerup naammassineqarnissaa pillugu aalajangiisoqarsimalluni.

Imm. 2. Imm. 1 malillugu suliassanngortitsineq pissaaq ingerlatseqatigiiffinni aningaasaliiffiusuni ingerlasuni tamani agguataarineq pillugu aalajangiisoqareerneraniit kingusinnerpaamik sapaatit akunneri tallimat qaangiutsinnagit.

Imm. 3. Imm. 1 naapertorlugu nangaassuteqartoqarsimappat agguataarineq akuerineqarsimasoq aatsaat imm. 2-mi piffissaliussap naanerata kingorna nalunaarsorneqarsinnaavoq, agguataarineq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 241 tak., isumaqarpat ingerlatseqatigiiffinni aningaasaliiffiusuni aningaasaliisumi aningaasaatinik piginnittunut akissarsiat naammaginartuusut aamma piviusorsiorumik tunngavilersorneqarsimasut.

Agguataarinerup inatsisitigut sunniutai

§ 268. Agguataarineq naammassineqartutut isigineqassaaq, aamma ingerlatseqatigiiffik aningaasaliiffiusoq aningaasaliisoq atorunnaarsinneqartutut isigineqassaaq aamma ingerlatseqatigiiffimmut aningaasaliiffiusumut tigusisumut nuunneqartut isigineqassapput, taamaattorli imm. 2 tak., uku pippata:

- 1) Agguataarineq, ingerlatseqatigiiffinni aningaasaliiffiusuni ingerlaqqittuni, agguataarineru peqataasuni tamanani aalajangiiffigineqarpat.
- 2) § 261 malillugu akiligassaqarfiit piumasaqaataat aalajangiiffigineqarsimappata.
- 3) § 267 malillugu ajunngitsorsiassat pillugit aningaasaatinik piginnittut piumasaqaataat aalajangiiffigineqarsimappata, imaluunniit piumasaqaat pillugu isumannaatumik qularnaveeqqusiisoqarsimappat. Agguataarineq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilanngullugu akissarsiat, aamma nalilersuisartut oqaaseqaataanni isummertoqarpat akissarsiat naammaginartuusut piviusorsiorumillu tunngavilersorneqarsimasut, nalilersuisartut aamma nalunaarutigissavaat

akissarsiat pillugit oqaaseqaatertik annertuutigut akerlilerneqarsinnaanngitsoq.
Qularnaveeqqusiineq isumannaatsuunersoq nalilersuisartut aalajangissuaat.

4) Aqutsisunut qullersanut ilaasortanik kukkunersiuisumillu toqqaaneq pillugu imm. 6-mi piunasaqaatit naammassineqarpata.

5) Qullersaqarfimmik atorfinitsitsisoqarsimavoq, agguataarinnermut atasumik ingerlatseqatigiiffimmik aningaasaliiffiusumik nutaamik pilersitsisoqarsimappat aqutsisoqartussamik, aqutsisut qullersat tassaassallutik siulersuisut imaluunniit nakkutilliisut, § 111, imm. 1 tak.

Imm. 2. Piffissaq, ingerlatseqatigiiffiup aningaasaliiffiusup aningaasaliisup naatsorsuutitigut pisinnaatitaaffii pisussaaffiilu ingerlatseqatigiiffimmut aningaasaliiffiusumut tiguisumut nuunneqartutut isigineqartoq tassaappat agguataarinerup naammassineqarnera pillugu aalajangiinnermut piffissaq, agguataarineq inatsisitigut sunniuteqanera, oqaaseqatigiit aappaat aamma pingajuat tak., aatsaat naatsorsuutitigut piffissami sunniuteqalernera pissaaq. Piffissaq agguataarinerup naatsorsuutitigut sunniuteqalernera agguataarinerup naammassineqarnera pillugu aalajangiisoqarneraniit kingusinnerpaamik sapaatit akunnerinik tallimanik kingusinnerussanngilaq, taamaattorli agguataarinerup nalunaarsorneqarneranut imaluunniit nalunaarsorneqarnissamut nalunaarutigineqarneranut piffissamiit kingusinnerunani. Naatsorsuutitigut piffissaq sunniuteqalerfiusoq aamma agguataarinerup naammassineqarnera pillugu aalajangiinnermut piffissaq aamma ingerlatseqatigiiffinnut aningaasaliiffiusunut peqataasunut ukioq naatsorsuusiordfigisaat assigissavaat.

Imm. 3. Imm. 1 aamma 2-mi piunasaqaatit naammassineqarpata ingerlatseqatigiiffimmi aningaasaliiffiusumi aningaasaliisumik aningaasaatinik piginnittut, aningaasaatinik piginneqataassutinik akissarsitinneqartut, ingerlatseqatigiiffimmi tiguisumi aningaasaatinik piginnittuulissapput.

Imm. 4. Ingerlatseqatigiiffinnit aningaasaliiffiusunit agguataartunit pigineqartuni ingerlatseqatigiiffimmi aningaasaliiffiusumi aningaasaliisumik aningaasaatinik piginneqataassutinut akissarsitsisoqarsinnaanngilaq. § 31 aamma § 153, imm. 2, taamaaqataanik agguataarinnermi atorneqassapput.

Imm. 5. Pilersitsineq pillugu kapitali 3, aningaasaatinik qaffaaneq pillugu kapitali 10 aamma atorunnaarsitsineq pillugu kapitali 14 kuttunnermi atorneqassanngillat, agguataarineq pillugu aalajangersakkanit tamanna takuneqarsinnaanngippat, §§ 254-270 tak.

Imm. 6. Agguataarinerup naammassineqarnerani ingerlatseqatigiiffimmik aningaasaliiffiusumik nutaamik pilersitsisoqarpat, aamma agguataarinerup ataatsimeersuarnermi akuerineqarnerata kingunitsianngua aqutsisunut qullersanut ilaasortassanik kukkunersiuisussamillu toqqaasoqarpat, tamatuma kingorna kingusinnerpaamik sapaatit akunneri tallimat qaangiutsinnagit ingerlatseqatigiiffimmi aningaasaliiffiusumi nutaami aqutsisuni qullersani ilaasortassanik kukkunersiuisumillu toqqaaffiusumik ataatsimeersuartoqassaaq. Ataatsimeersuartut aamma, ukiumoortumik naatsorsuutit pillugit inatsit kunnigip peqqussuteqarneratigut Kalaallit Nunaannut atulersinneqartoq, inatsisilluunniit allat malillugit kukkunersiuisoqarnissaanik pisussaaffimmut ingerlatseqatigiiffik aningaasaliiffiusoq ilaanngippat, ingerlatseqatigiiffiup aningaasaliiffiusup ukiumoortumik naatsorsuutai kukkunersiorneqartassanersut pillugu aalajangiissapput.

Agguataarinerup naammassineqarneranik nalunaarsuineq

§ 269. Agguataarineq akuerineqartoq ingerlatseqatigiiffinnut aningaasaliiffiusunut ataasiakkaanut tamanut Erhvervsstyrelsimi nalunaarsorneqassaaq imaluunniit

nalunaarsorneqartussatut nalunaarutigineqarluni, § 9 tak., agguataarinermi peqataasuni ingerlatseqatigiiffinni aningaasaliiffiusuni ingerlaqqittuni tamanit agguataarinerup aalajangiiffigineraniit kingusinnerpaamik sapaatit akunneri tallimat qaangiutsinnagit. Ingerlatseqatigiiffik aningaasaliiffiusoq tiguisoq ingerlatseqatigiiffiit aningaasaliiffiusut peqataasut sinnerlugit agguataarineq nalunaarsussavaa imaluunniit nalunaarutigissavaa. Nalunaarsorneqarneq imaluunniit nalunaaruteqarneq allagaatinut § 263, im. 7, nr. 3-7-mi taaneqartunut ilanngunneqassaaq, allagaatit suliarineqarsimappata. Agguataarineq akuerineqartoq aatsaat nalunaarsorneqarsinnaavoq agguataarinerup inatsisitigut sunniuteqarnera § 268, imm. 1 aamma 2 malillugu atuutilerpat.

Imm. 2. Agguataarineq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik agguataarinerup naatsorsuutitigut sunniuteqarnerani piffissamut ukiumoortumik nalunaarusianik nassiussinissamut piffissaliussap naanerani, taamaattorli agguataarineq eqqarsaatigineqartoq pillugu paasissutissanik tiguneqartunik Erhvervsstyrelsip tamanut saqqummiussineraniit, § 262, imm. 5 tak., kingusinnerpaamik ukiup ataatsip qaangiutinnginnerani. Piffissaliussat taakku marluk arlaat qaangerneqarpat agguataarinerup naammassineqarnera pillugu aalajangiinerup atuuttuunini annaassavaa, aamma § 255 naapertorlugu agguataarinissamut pilersaarusiaasimasoq atorunnaartutut isigineqalerluni.

Imm. 3. Ingerlatseqatigiiffik aningaasaliiffiusoq, agguataarinermit atasumik, ingerlatseqatigiiffiup aningaasaliiffiusup nalunaarsorneqarnera sioqqullugu isumaqatigiissuteqarpat, aamma isumaqatigiissuteqaqataasup ingerlatseqatigiiffik aningaasaliiffiusoq nalunaarsorneqarsimangitsoq ilisimasimappagu, isumaqatigiissuteqaqataasup, allamik isumaqatigiittoqarsimangippat, isumaqatigiissut atorunnaarsissinnaavaa, nalunaarsorneqarneq imaluunniit nalunaarsorneqarnissamut nalunaarut imm. 2-mi piffissaliussatut aalajangersakkap kingusinnerpaamik naanerani Erhvervsstyrelsimit tiguneqarsimangippat, imaluunniit nalunaarsorneqarnissaq itigartinneqarsimappat. Ingerlatseqatigiiffik aningaasaliiffiusoq nalunaarsorneqarsimangitsoq isumaqatigiissuteqaqataasooq ilisimasaqarsimangippat taassuma isumaqatigiissut atorunnaarsissinnaavaa, ingerlatseqatigiiffiup aningaasaliiffiusup nalunaarsorneqarsimanginnerani. § 41, imm. 1, oqaaseqatigiit aappaat taamaaqataanik atorneqassapput.

Imm. 4. §§ 42-44 taamaaqataanik atorneqassapput ingerlatseqatigiiffik aningaasaliiffiusoq, agguataarinermit atasumik pilersinneqartoq, ingerlatseqatigiiffiup nalunaarsorneqarneraniit piffissami qaammatit 24-t tikillugit aningaasaatinik piginnittumiit, ingerlatseqatigiiffimmik ilisimannittumiit, pigisanik nalilinnik pissarsippat.

Tiguisumi agguataarineq il.il. suleriaatsit pisariillisakkat

§ 270. Ingerlatseqatigiiffimmi aningaasaliiffiusumi aningaasaliisumi piginneqataassutit tamarmik ingerlatseqatigiiffinnit aningaasaliiffiusunit tiguisunit pigineqarpat, tassa imaappoq tiguisumi agguataarineq, ingerlatseqatigiiffimmi aningaasaliiffiusumi aningaasaliisumi agguataarineq pillugu aalajangiineq qitiusumik aqutsisunit aalajangiiffigineqarsinnaavoq. Allatigut § 255, imm. 1 aamma 2 aamma imm. 3, nr. 1-3, 7, 8 aamma 10-12, aamma imm. 4, §§ 256, 257 aamma 260-263, § 264, oqaaseqatigiit aappaat aamma pingajuat, aamma §§ 265, 266, 268 aamma 269-mi aalajangersakkat taamaaqataanik tiguisumi agguatarrinermi atorneqassapput.

Imm. 2. Ingerlatseqatigiiffimmi aningaasaliiffiusumi ataatsimi arlalinniluunniit agguataarinermi ingerlatseqatigiiffinnilu taakkunani aningaasaatinik piginneqataassutit

ingerlatseqatigiiffimmi aningaasaliisumi aningaasaatinik piginneqataassutit imaluunniit taasisinnaanerit annertoqqataannik ingerlatseqatigiiffimmi aningaasaaliisumi aningaasaatinik piginnittunut agguanneqarpata §§ 256, 257 aamma 259 aamma § 266, imm. 1-mi aalajangersakkat atorneqassanngillat.

Kapitel 16 (Kalaallit Nunaanni atulersinneqanngilaq)

Kapitel 16 a (Kalaallit Nunaanni atulersinneqanngilaq)

Kapitali 17

Allanngortitsineq

Anpartsselskabimik aktieselskabinngortitsineq

§ 319. Piginneqataasut, malittarisassanik allanngortitsinermi piumasarineqartumik amerlanerussuteqarlutik anpartsselskabip aktieselskabinngortinnissaa akuersissutigisinnaavaat. Piginneqataasut, allanngortitsineq pillugu aalajangiisoqartinnagu, §§ 36 aamma 37 malillugu suliarineqartumik nalilersuineri nassuiaammik, kiisalu § 38-mi maleruagassat malillugit aqutsisut nalunaaruteqarnerannik ilisimatinneqassapput. §§ 42-44 taamaaqataanik allanngortitsinissaq pillugu aalajangeereernerup kingorna pissarsianut atorneqassapput. Allanngortitsineq akiligassaqarfiit akuersitinnagit naammassineqarsinnaavoq. § 31 taamaaqataanik anpartsselskabip aktieselskabinngortinnerani atorneqassaaq.

Imm. 2. Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri tallimat qaangiutsinnagit aalajangiinnermi peqataasimannngitsunut piginneqataasunut tamanut nassiunneqassaaq.

§ 320. Anpartsselskabip aktieselskabinngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni aktieselskabinut piumasaqaatinik naammassinnillutik, aamma allanngortitsineq Erhvervsstyrelsen qarasaasiaqarfiani nalunaarsorneqareerpat.

Aktieselskabip anpartsselskabinngortinnera

§ 321. Ingerlatseqatigiiffiup malittarisassaanik allanngortitsinermi pisariaqartinneqartunik amerlanerussuteqarnikkut aktieselskabip anpartsselskabinngortinneqarnera ataatsimeersuartut akuersissutigisinnaavaat. Allanngortitsineq akiligassaqarfiit akuersitinnagit naammassineqarsinnaavoq.

Imm. 2. Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit aalajangiinnermi peqataasimannngitsunut piginneqataasunut tamanut nassiunneqassaaq.

§ 322. Aktieselskabip anpartsselskabinngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni anpartsselskabinut piumasaqaatinik naammassinnillutik, aamma allanngortitsineq Erhvervsstyrelsen qarasaasiaqarfiani nalunaarsorneqareerpat.

Aktieselskabip peqatigisaqarluni ingerlatseqatigiiffinnortinnera

§ 323. Ingerlatseqatigiiffiup malittarisassaani allannortitsiner mi pisariaqartinneqartunik amerlanerussuteqarnikkut aktieselskabip peqatigisaqarluni ingerlatseqatigiiffinnortinneqarnera ataatsimeersuartut akuersissutigisinnaavaat. Allannortitsineq akiligassaqarfiit akuersitinnagit naammassineqarsinnaavoq.

Imm. 2. Allannortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit piginneqataasutut allassimasunut tamanut kiisalu tamakkiisumik akisussaallutik peqataalersunut nassiunneqassaaq.

Imm. 3. Aktieselskabip peqatigisaqarluni ingerlatseqatigiiffinnortinneqarnera pisimasutut isigineqassaaq ingerlatseqatigiiffiup malittarisassai allannortinneqarpata taamaalilluni peqatigisaqarluni ingerlatseqatigiiffinnut piumasqaatinik naammassinnillutik, aamma allannortitsineq Erhvervsstyrelsi qarasaasiaqarfiani nalunaarsorneqareerpat.

Peqatigisaqarluni ingerlatseqatigiiffiup aktieselskabinnortinnera

§ 324. Malittarisassaani allannortitsiner mi pisariaqartinneqartunik amerlanerussuteqarnikkut, aamma tamakkiisumik akisussaallutik peqataasut akuersinerisigut peqatigisaqarluni ingerlatseqatigiiffiup aktieselskabinnortinneqarnera ataatsimeersuartut akuersissutigisinnaavaat. Allannortitsineq akiligassaqarfiit akuersitinnagit naammassineqarsinnaavoq. Ataatsimeersuartut, allannortitsineq pillugu aalajangiisoqartinnagu, §§ 36 aamma 37 malillugu suliarineqartumik nalilersuiner mi nassuiaammik, kiisalu § 38-mi maleruagassat malillugit aqutsisut nalunaaruteqarnerannik ilisimatinneqassapput. §§ 42-44 taamaaqataanik allannortitsinissaq pillugu aalajangeereernerup kingorna pissarsianut atorneqassapput. § 31 taamaaqataanik peqatigisaqarluni ingerlatseqatigiiffiup aktieselskabinnortinnerani atorneqassaaq.

Imm. 2. Allannortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit aalajangiinner mi peqataasimannitsunut piginneqataasunut tamanut nassiunneqassaaq.

Imm. 3. Peqatigisaqarluni ingerlatseqatigiiffiup aktieselskabinnortinneqarnera pisimasutut isigineqassaaq ingerlatseqatigiiffiup malittarisassai allannortinneqarpata taamaalilluni aktieselskabinut piumasqaatinik naammassinnillutik, aamma allannortitsineq Erhvervsstyrelsi qarasaasiaqarfiani nalunaarsorneqareerpat.

Imm. 4. Peqatigisaqarluni ingerlatseqatigiiffiup aktieselskabinnortinneqarnerani allannortitsinerup kingorna allannortitsineq sioqqullugu pisussaaffinnut suli tamakkiisumik akiussaalluni peqataasooq akisussaavoq.

Piginneqatigiilluni ingerlatseqatigiiffiup aktieselskabinnortinnera

§ 325. Piginneqatigiilluni ingerlatseqatigiiffimmi killeqartumik akisussaaffeqartumi malittarisassani allannuinissamut piginnaatitaasut ingerlatseqatigiiffiup aktieselskabinnortinnissaa akuersissutigisinnaavaat, §§ 326-337 tak. Allannortitsineq akiligassaqarfiit akuersitinnagit naammassineqarsinnaavoq.

Allannortitsinissamut pilersaarut

§ 326. Piginneqatigiilluni ingerlatseqatigiiffimmi qitiusumik aqutsisut allannortitsinissamut pilersaarummik peqatigiillutik pilersitsillutillu atsiussapput, taamaattorli imm. 2 tak.

Imm. 2. Piginneqataasut isumaqatigiillutik aalajangiisinnaapput allannortitsinissamut pilersaarusiortoqassanngitsoq, taamaattorli § 335, imm. 2 aamma 3 tak.

Imm. 3. Allannortitsinissamut pilersaarut uku pillugit paasissutissanik aalajangersakkanillu imaqassaaq

- 1) piginneqatigiilluni ingerlatseqatigiiffiup aqqa aamma allannortitsineq sioqqullugu kingornalu saniatigut taaguutaa
- 2) piginneqatigiilluni ingerlatseqatigiiffiup najugaa,
- 3) piginneqataasut akissarsiassaat,
- 4) piffissaq, aktieselskabimi piginneqataassutit iluanaarutit tunniunneqarsinnaalerna,
- 5) aktieselskabimi pisinnaatitaaffiit, allannortitsineq sioqqullugu piginneqatigiilluni ingerlatseqatigiiffimmi piginneqataassutininik pigisaqartunut aamma akiitsunut allagartalinnaat immikkut pisinnaatitaaffilinnut atuutsinneqartut,
- 6) iliusaasinnaasut allat piginneqataassutini akiitsoqarnermullu allagaatini nr. 5-imi pineqartuni pigisaqartunut iluaqusiisnaasut,
- 7) piginneqataassutininik, akissarsiassatut tunniunneqartuni, nalunaarsuineq, kiisalu piginneqataassutit pillugit allagaatinik tunniussinermi nalunaarsuineq,
- 8) iluaqusiissut sunaluunniit, allannortitsinermut atasumik ingerlatseqatigiiffiup aqutsisuinut ilaasortanut tunniunneqartoq, aamma
- 9) allannortitsinerup kingorna aktieselskabimut malittarisassanut missiliuut, tak. §§ 28 aamma 29.

Allannortitsineq pillugu nassuiaat

§ 327. Piginneqatigiilluni ingerlatseqatigiiffimmi qitiusumik aqutsisut, allannortitsineq eqqarsaatigineqartoq, tassunga ilanngullugu allannortitsinissamut pilersaarut, qanoq nassuiaarneqassanersoq tunngavilersorneqassanersorlu allakkatigut nassuiaasiussapput, taamaattorli imm. 2 tak. Nassuiaat piginneqataassutininut akissarsiassat pillugit aalajangersaanerup pillugu paasissutissanik imaqassaaq, tassunga ilanngullugu aalajangersaanerup atasumik immikkut ajornartorsiutit.

Imm. 2. Piginneqataasut isumaqatigiillutik aalajangersinnaapput allannortitsinermi nassuiaasiortoqassanngitsoq.

Akunnerinnarmi pigisanik nalilinnik akiligassanillu naatsorsuineq

§ 328. Piginneqatigiilluni ingerlatseqatigiiffiup kingullermik ukiumoortumik nalunaarusiaanut imaluunniit ilaatitsinnginnermut nalunaarusiamut tunngasumi ukiup naatsorsuusiortiusup naaneraniit qaammatit arfinillit sinnerlugit qaangiunnerini allannortitsinissamut pilersaarut atsiorneqarsimappat, akunnerinnarmi pigisanik nalilinnik akiligassanillu naatsorsuisoqassaaq, taamaattorli imm. 4 tak.

Imm. 2. Allannortitsinermi, allannortitsinermi pilersaarusiornissaq ilaatinneqanngitsumi, § 326, imm. 2 tak., atsiorneqarsimappat, piginneqatigiilluni ingerlatseqatigiiffimmut pineqartumut, allannortitsinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, allannortitsinermi pilersaarusiunnginnissaq pillugu aalajangerneq piginneqatigiilluni ingerlatseqatigiiffiup kingullermik ukiumoortumik nalunaarusiaanut tunngasumi ukiup naatsorsuusiortiusup naaneraniit qaammatit arfinillit sinnerlugit qaangiunnerini pisimappat, taamaattorli imm. 4 tak.

Imm. 3. Pigisanik nalilinnik akiligassanillu naatsorsuineq, piginneqatigiilluni ingerlatseqatigiiffiup ukiumoortumik nalunaarusiornerani maleruagassai naapertorlugit suliarineqarsimappat, ulloq naatsorsuusiortiusoq agguataarinermi pilersaarusiunnginnissaq

pillugu atsiorneq imaluunniit aalajangerneq sioqqullugu qaammatinik pingasunik ungasinnerussanngilaq. Akunnerinnarmi pigisanik nalilinnik akiligassanillu naatsorsuineq kukkunersiorneqassaaq, piginneqatigiilluni ingerlatseqatigiiffik ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartooq, imaluunniit inatsisit allat malillugit kukkunersiuinissamut pisussaaffeqartunut ilaappat.

Imm. 4. Piginneqataasut isumaqatigiillutik aalajangersinnaapput akunnerinnarmi pigisanik nalilinnik akiligassanillu naatsorsuineq suliarineqassanngitsoq, piginneqatigiilluni ingerlatseqatigiiffiup kingullermik ukiumoortumik nalunaarussiaanut tunngasumi ukiup naatsorsuusiortiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimanera apeqqutaatinnagu.

Nalilinnik aningaasaliineq pillugu nalilersuineramik nassuiaat

§ 229. Allangortitsinermit atatillugu nalilersuisumiit nassuiaasiortoqartitsisoqassaaq. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaqataanik piginneqatigiilluni ingerlatseqatigiiffinnut allangortitserusuttunut tamanut nalilersuisut atugaannut atorneqassapput.

Imm. 2. Nalilersuinermi nassuiaatip imarissavai

- 1) aningaasaliissutit ataasiakkaat allaaserinerat,
- 2) nalilersuinermi suleriaaseq atorneqartooq pillugu paasissutissat,
- 3) akissarsiat aalajangerneqarsimasut allanneqarneri aamma
- 4) nalitut inissinneqartup akissarsiassatut isumaqatigiissutigineqartumut minnerpaamik naapertuunnera pillugu nalunaarut, tassunga ilanngullugu aningaasaatinik piginneqataassutit atulersinneqartut nalingi, sinnerlugu naliusooq tapiliullugu.

Imm. 3. Allangortitsinerup akuerineqarneraniit piffissaq qaammatit pingasut sinnerlugit nalilersuinermi nassuiaat suliarineqarsimassanngilaq, § 334 tak. Piffissaliussaq qaangerneqarpat allangortitsineq atuuttutut akuerineqarsinnaanngilaq.

Allangortitsinissaq eqqarsaatigineqartooq pillugu nalilersuisartup oqaaseqataa, tassunga ilanngullugu allangortitsineq pillugu pilersaarut

§ 330. Allangortitsinermit pilersaarut pillugu nalilersuisartooq ataaseq arlalilluunniit attaviitsut, paasisimasaaqartut allakkatigut oqaaseqaasiussapput, akissarsiat ilanngullugit, imm. 4 tak. Allangortitsinermi, allangortitsinermit pilersaarusiornissaq ilaatinneqanngitsumi, § 326, imm. 2 tak., allangortitsinissaq eqqarsaatigineqartooq pillugu nalilersuisartooq allakkatigut oqaaseqaasiussaaq, tassunga ilanngullugu akissarsiat, imm. 4 tak. Piginneqataasut isumaqatigiillutik aalajangersinnaapput allangortitsinissaq eqqarsaatigineqartooq pillugu nalilersuisartumit taamatut oqaaseqaasiliortoqassanngitsoq.

Imm. 2. Naliliisartut § 37, imm. 1 malillugu toqqarneqassapput.

Imm. 3. § 37, imm. 2 aamma 3, taamaqataanik piginneqatigiilluni ingerlatseqatigiiffinnut allangortinneqarusuttunut nalilersuisut pissusiinut atorneqassapput.

Imm. 4. Oqaaseqaat piginneqatigiilluni ingerlatseqatigiiffimmi piginneqataassutitut akissarsiat naammaginaruunersut aamma piviusorsioortumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorneqartut, aamma tamatuma naleqquttuuneranik naliliineq allanneqassapput. Nalunaarut aamma suleriaatsit ataasiakkaarlutik qanoq kinguneqarnerinik nalinik aamma naliliinermi imminnut naleqqiullutik suleriaatsit pingaaruteqarneri

allanneqassapput. Naliliinermut atasunik immikkut ajornartorsiuteqarsimappat taakku nalunaarummi eqqaaneqassapput.

Akiligassaqarfiit inissisimaneri pillugu nalilersuisartup nalunaarutaa

§ 331. Nalilersuisartut § 330-mi eqqaaneqartup nalunaarutip saniatigut aamma piginneqatigiilluni ingerlatseqatigiiffimmi ataatsimi akiligassaqarfiit ingerlatseqatigiiffiup maannakkut inissisimaneranut naleqqiullugu allannortitsinerup kingorna naammattumik qulakkeerneqarsimasut pillugit nalunaaruteqassapput. Piginneqataasulli isumaqatigiillutik aalajangiisinnaapput akiligassaqarfiit inissisimanerat pillugu nalilersuisartumit taamatut nalunaaruteqartoqassanngitsoq.

Akiligassaqarfiit piumasaqaatiminnik nalunaaruteqarsinnaanerannut periarfissaq

§ 332. Akiligassaqarfiit inissisimanerat pillugu nalunaarumminni nalilersuisartut, § 331 tak., isumaqarunik ingerlatseqatigiiffinni aningaasaliiffiusuni ataasiakkaani akiligassaqarfiit allannortitsinerup kingorna naammattumik qulakkeerneqarsimannngitsut, imaluunniit akiligassaqarfiit inissisimanerat pillugu nalilersuisartumiit nalunaarusiortoqanngippat, akiligassaqarfiit, § 333 naapertorlugu Erhvervsstyrelsip tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli, isumannaatsumik qularnaveeqquserneqarsimasut nalunaarutigineqassanngillat.

Imm. 2. Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimannngitsut, isumannaatsumik qularnaveeqquserneqarnissaat piumasarineqarsinnaalluni.

Imm. 3. Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaaq inatsit naapertorlugu aqqiussuusinikkut qulakkeerneqarsimappat.

Imm. 4. Qularnaveeqqusiisoqassanersoq imaluunniit qularnaveeqqusiineq naammannersoq pillugu ingerlatseqatigiiffiup aamma akiligassaqarfiit nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneraniit kingusinnerpaamik sapaatit akunneri tallimat qaangiutsinnagit pigisanik agguassinnermut eqqartuussivimmut suliaassanngortitsisinnaapput.

Imm. 5. Akiligassaqarfik, pissarsiassamut tunngaviumut isumaqatigiissummi pituttuisumik imm. 2 malillugu qularnaveeqqusiisoqarnissaanik pisinnaatitaaffini assortorsinnaanngilaa.

Imm. 6. (Atorunnaarpoq)

Allannortitsinissaq eqqarsaatigineqartoq pillugu paasissutissanik nassiussineq, tassunga ilanngullugit allannortitsinissamut pilersaarut aamma akiligassaqarfiit inissisimanerat pillugu nalilersuisartumiit nalunaarut

§ 333. Allannortitsinissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit allannortitsinissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliusaaq qaangerneqarpat allannortitsinissamut pilersaarutip tiguneqarnera tamanut saqqummiunneqarsinnaanngilaq, agguataarnerlu taamaalilluni akuerineqarnani.

Imm. 2. Piginneqatigiilluni ingerlatseqatigiiffiit allannortitsinissamut pilersaarutip suliarineqannginnissaanut periarfissaq atorsimangippassuk, § 326, imm. 2 tak., tamanna Erhvervsstyrelsimut nalunaarutigineqassaaq piginneqatigiilluni ingerlatseqatigiiffiit aqqi aamma Erhvervsstyrelsip qarasaasiaqarfiani nalunaarsorneqarnermi normut allanneqarlutik.

Imm. 3. Akiligassaqarfiit inissisimanerat pillugu nalilersuisartup nalunaarutaa, § 331, oqaaseqatigiit siulliit tak., Erhvervsstyrelsimut nassiunneqassaaq, taamaattorli imm. 4 tak.

Imm. 4. Akiligassaqarfiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 331, oqaaseqatigiit aappaat tak., atorneqarsimappat tamanna Erhvervsstyrelsimut nalunaarutigineqassaaq piginneqatigiilluni ingerlatseqatigiiffiit aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarluni.

Imm. 5. Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqarfiit piumasaaqatiminnik nalunaaruteqarsinnaatitaanerata, § 261 tak., Erhvervsstyrelsip tamanut saqqummiussinera tamanna pillugu paasissutissanik imaqassaaq.

Imm. 6. Agguataarinissamut pilersaarutinik allagaatinillu ilaatinneqartunik piginneqatigiilluni ingerlatseqatigiiffiit tamanut saqqummiussinera pillugu maleruagassanik erseqqinnerusunik Erhvervsstyrelsi aalajangersaasinnaavoq.

Allannortitsinerup naammassineqarnissaa pillugu aalajangiineq

§ 334. Allannortitsinerup naammassineqarnissaanut aalajangerneq allannortitsinissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineraaniit, § 333, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 333, imm. 1 imaluunniit 2-mut tunngatillugu aamma § 333, imm. 3 imaluunniit 4-mut tunngatillugu tamanut saqqummiussineq tamarnik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

Imm. 2. Nalilersuisartut akiligassaqarfiit inissisimanerat pillugu nalunaaruteqarnermini, § 331 tak., isumaqarunik piginneqatigiilluni ingerlatseqatigiiffimmi akiligassaqarfiit allannortitsinerup kingorna naammattumik qulakkeerneqarsimasut, piginneqataasut isumaqatigiillutik allannortitsinissaq eqqarsaatigineqartoq pillugu paasissutissat tiguneqarneri pillugit Erhvervsstyrelsip tamanut nalunaaruteqarnerata kingorna, § 333, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

Imm. 3. Allannortitsinermi, allannortitsinermut pilersaarut ilaatinneqanngitsumi, § 326, imm. 2 tak., akiligassaqarfiit inissisimanerat pillugu nalilersuisartuq nalunaarusiorsimappat, § 333 tak., aamma akiligassaqarfiit inissisimanerat pillugu nalunaaruteqarnermini piginneqatigiilluni ingerlatseqatigiiffimmi akiligassaqarfiit allannortitsinerup kingorna naammattumik qularnaarneqarsimasut nalilersuisartut isumaqarpata, allannortitsinerup naammassineqarnissaa pillugu piginneqataasut aalajangiinerata sioqqullugu Erhvervsstyrelsip tamanut saqqummiussinissaa, § 331 tak., pillugu piumasaaqateqartoqassanngilaq.

Imm. 4. Akiligassaqarfiit, tamatuminnaga noqqaasut, allannortitsinerup naammassineqarnissaa qaqugu aalajangiiffigineqarnissaa pillugu paasissutissamik pissarsissapput.

Imm. 5. Allannortitsinissamut pilersaarusiortoqarsimappat allannortitsineq allannortitsinissamut pilersaarut naapertorlugu naammassineqassaaq.

Allannngortitsinissamut pilersaarut tamanut saqqummiunneqarsimasoq naapertorlugu allannngortitsinissaq akuerineqarpat siunnersuut atorunnaartutut isigineqassaaq.

Imm. 6. Allagaatit uku, suliarineqarsimappata, allannngortitsinerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, piginneqatigiilluni ingerlatseqatigiiffiup najugaani imaluunniit nittartagaani piginneqataasunit pissarsiarineqarsinnaassapput, allagaatit pineqartut ataatsimeersuarnissaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajanginngippata, taamaattorli imm. 7 tak.:

- 1) Allannngortitsinissamut pilersaarut.
- 2) Piginneqatigiilluni ingerlatseqatigiiffiit ataasiakkaat tamarmik ukiuni kingullerni pingasuni imaluunniit piffissamut sivikinnerusumi ingerlatseqatigiiffiup atuuffigisimasaani ukiumut naatsorsuutai pillugit ukiumoortumik nalunaarusiat akuerineqarsimasut.
- 3) Allannngortitsineq pillugu nassuiaat.
- 4) Akunnerinnakkut pigisanik nalilinnik akiligassanillu naatsorsuineq.
- 5) Nalilinnik aningaasaliineq pillugu nalilersuiartut nassuiaataat.
- 6) Allannngortitsinissaq eqqarsaatigineqartoq pillugu nalilersuisartut oqaaseqaataat, tassunga ilanngullugu allannngortitsinissamut pilersaarut.
- 7) Akiligassarfiit inissisimanerat pillugu nalilersuisartut nalunaarutaat.

Imm. 7. Piginneqataasut, tamanna pillugu noqqaasut, imm. 6-mi taaneqartunut allagaatinut akiliuteqarnatik isersinnaassapput.

§ 335. Allannngortitsinissaq pillugu aalajangiineq malittarisassanik allannguinissamut pisinnaatitaasunit aalajangiiffigineqassaaq. Aalajangiineq ingerlatseqatigiiffiup atorunnaarsinneqarnissaa pillugu aalajangiinissamut pisariaqartinneqartunik amerlanerussuteqartumik aalajangiiffigineqassaaq, taamaattorli piginneqataassut imaluunniit taakku taasinerisa, taasineq kaaviiaartitat assigisaaluunniit tunngavigalugit pippat, ikinnerpaamik tallimararterutinit sisamaasunik tapersersorneqassalluni. Piginneqatigiilluni ingerlatseqatigiiffik atorunnaarsinneqarpat, allannngortitsineq taamaallaat aalajangiiffigineqarsinnaavoq piginneqataasunut tunniussuineq sulii aallartinneqarsimanngippat, peqatigisaanillu piginneqataasut atorunnaarsitsinerup atorunnaarsinnissaa pillugu aalajangiillutik. § 31 taamaaqataanik piginneqatigiilluni ingerlatseqatigiiffiup aktieselskabinngortillugu allannngortinnerani atorineqassaaq.

Imm. 2. Allannngortitsinermi, allannngortitsinermut pilersaarut ilaatinneqanngitsumi, § 326, imm. 2 tak., pisut annertuumik pingaarutillit pillugit qitiusumik aqutsisut ilisimatitsissapput, tassunga ilanngullugu piginneqatigiilluni ingerlatseqatigiiffimmi ullormi oqimaqatigiissitsinermi ukiumoortumik nalunaarusiap kingullermik saqqummiussinerup imaluunniit ilaatsinnginnermik nalunaaruteqarnerup ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allannngornerit.

Imm. 3. Allannngortitsinermi allannngortitsinerup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut allannngortitsinissamut pilersaarummi takuneqarsinnaanngippata, § 326 tak.:

- 1) Piginneqatigiilluni ingerlatseqatigiiffiup aqqa saniatigullu taaguutai.
- 2) Piginneqatigiilluni ingerlatseqatigiiffimmi allannngortitsinermi piginneqataasunut akissarsiat.
- 3) Piffissaq, piginneqataassutit akissarsiatut atorineqartut, iluanaarutitut tunniunneqalersinnaaneri.

4) Malittarisassat, §§ 28 aamma 29 tak.

Imm. 4. Piginneqatigiilluni ingerlatseqatigiiffinni qitiusumik aqutsisut, ataatsimiinnermi, allanngortitsinerup naammassineqarnissaa pillugu aalajangiiffiusussami, pisut annertuumik pingaarutillit pillugit ilisimatitsissapput, tassunga ilanngullugu allanngortitsinissamut pilersaarutip atsiorerata piffissami pisimasuni pigisani nalilinni pisussaaffinni annertuumik allanngornerit.

Imm. 5. Allanngortitsineq pillugu nalunaarut akuersisoqareerneratigut kingusinnerpaamik sapaatit akunneri tallimat qaangiutsinnagit piginneqataasunut tamanut tunniunneqassaaq.

Imm. 6. Allanngortitsinerup naammassineqarnissaa pillugu aalajangiinerup kingunitsiannua aqutsisunik qullersanik kukkunersiuusumillu toqqaasoqanngippat tamatuma kingorna kingusinnerpaamik sapaatit akunneri tallimat qaangiutsinnagit taakku qinerneqarnissaannut aktieselskabimi ataatsimeersuortoqassaaq. Allanngortitsinerup atatillugu taassumalunniit kingorna ataatsimeersuarnermi ingerlatseqatigiiffiup ukiumoortumik naatsorsuutai kukkunersiorneqartassanersut piginneqataasut aalajangiissapput, ingerlatseqatigiiffik ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat malillugit kukkunersiuinissamut pisussaasumut ilaangippat.

Ajunngitsorsiassanik piumasaqarsinnaanermut periarfissaq

§ 336. Piginneqataasunut akissarsiat naammaginangippata aamma pivusorsiortumik tunngavilersorneqarsimanngippata, aamma allanngortitsinerup naammassineqarnissaa pillugu aalajangiisoqarsimalluni ataatsimiinnermi tamanna pillugu nangaassuteqarsimappat piginneqataasut ingerlatseqatigiiffimmit aningaasaliiffiusumit ajunngitsorsiassaqaarnissaaq piumasarisinnaavaat.

Imm. 2. Imm. 1 malillugu suliasanngortitsineq pissaaq allanngortitsineq pillugu aalajangiisoqareerneraniit kingusinnerpaamik sapaatit akunneri marluk qaangiutsinnagit.

Imm. 3. Imm. 1 naapertorlugu nangaassuteqartoqarsimappat allanngortitsineq akuerineqarsimasooq aatsaat sapaatit akunnerinik marlunnik piffissaliussap naanerata kingorna nalunaarsorneqarsinnaavoq, allanngortitsineq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 330 tak., isumaqarpata piginneqataasut akissarsiaat naammaginartuusut aamma pivusorsiortumik tunngavilersorneqarsimasut.

Allanngortitsinerup naammassineqarneranik nalunaarsuineq

§ 337. Allanngortitsineq akuerineqartoq piginneqatigiilluni ingerlatseqatigiiffinnut Erhvervsstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., allanngortitsinerup aalajangiiffigineraniit kingusinnerpaamik sapaatit akunneri tallimat qaangiutsinnagit. Nalunaarsorneqarneq imaluunniit nalunaaruteqarneq allagaatinut § 334, imm. 6, nr. 3-7-mi taaneqartunut ilanngunneqassaaq, allagaatit suliarineqarsimappata.

Imm. 2. Allannngortitsineq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik allanngortitsineq eqqarsaatigineqartoq pillugu nalunaarutip tigneraniit Erhvervsstyrelsip tamanut saqqummiussineraniit, § 333, imm. 5 tak., kingusinnerpaamik ukiup ataatsip qaangiutinnginnerani. Piffissaliussaaq qaangerneqarpat allanngortitsinerup naammassineqarnera pillugu aalajangiinerup atuuttuunini annaassavaa, aamma § 326 naapertorlugu allanngortitsinissamut pilersaarusaasimasooq atorunnaartutut isigineqalerluni.

Imm. 3. Piginneqatigiilluni ingerlatseqatigiiffik aktieselskabinngortinneqarnera nalunaarsorneqassaaq:

- 1) Allangortitsineq piginneqataasunit aalajangiiffigineqarpat, § 335, imm. 1 tak.
- 2) § 332 malillugu akiligassaqarfiit piumasaqaataat aalajangiiffigineqarpata.
- 3) Aqutsisunut qullersanut ilaasortanik kukkunersiuisumillu qinersineq pillugu § 335, imm. 4-mi piumasaqaatit naammassineqarpata.
- 4) § 336 malillugu ajunngitsorsiassat pillugit piginneqataasut piumasaqaataat aalajangiiffigineqarpat, piumasaqaat pillugu isumannaatsumik qularnaveeqqusiisoqarsimangippat. Allangortitsineq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilanngullugu akissarsiat, aamma nalilersuisartup oqaaseqaataani isumaqartoqarpat akissarsiat naammaginartuusut piviusorsiortumillu tunngavilersorneqarsimasut, nalilersuisartut aamma nalunaarutigissavaat akissarsiat pillugu oqaaseqaatertik annertuumik assortorneqarsinnaangitsoq. Nalilersuisartut aalajangiissapput qularnaveeqqusiineq isumannaatsuunersoq.
- 5) Qullersanik atorfinitsitsisoqarsimassaaq.

Imm. 4. Piginneqatigiilluni ingerlatseqatigiiffiup aktieselskabinngortinneqarnera naammassineqartutut isigineqassaaq ingerlatseqatigiiffiup malittarisassai allangortinneqarpata, taamaalilluni aktieselskabinut piumasaqaatit naammassineqarlutik, aamma allangortitsineq Erhvervsstyrelsen qarasaasiaqarfianut nalunaarsorneqarsimalerpat.

Imm. 5. Piginnettut nalunaarsorsimaffinni ilanngunneqarneq aamma piginneqataassutinut allagartat aastaat tunniunneqassapput allangortitsineq nalunaarsorneqareerpat.

Imm. 6. Allangortitserernerup kingorna ukiut pingasut ingerlasimappata, ingerlatseqatigiiffimmi piginnittut nalunaarsorsimaffianni ilanngunneqarnissaq pillugu tassunga pisinnaatitaasut tamarmik noqqaasimanatik, qitiusumik aqutsisut Erhvervsstyrelsen qarasaasiaqarfianut tamanut saqqummiussisoqarneratigut pineqartut imaluunniit pineqartut qaammatit arfinillit ingerlaneranni ingerlatseqatigiiffimmut saaffigineqqullugit kaammattuissapput. Piffissaliussaq naappat saaffiginnittoqarnanilu, siulersuisut piginneqataasup akiligaanut piginneqataassutit tuniniarsinnaavai. Tunisinermi iluanaarutini tamanut saqqummiussinermi tunisinermilu aningaasartuutit ingerlatseqatigiiffiup ilanngaatisinnaavai. Tunisinermi iluanaarutit tunisinerup kingorna kingusinnerpaamik ukiut pigasut qaangiutinnginnerini aaneqarsimangippata aningaasat ingerlatseqatigiiffimmut tutsinneqassapput.

Imm. 7. §§ 42-44 taamaaqataanik atorneqassapput, aktieselskabinngortinneqartoq, piffissami allangortitsinerup nalunaarsorneqarneraniit qaammatit 24-t tikillugit, piginneqataasumiit, aktieselskabimit ilisimaneqartumiit pigisanik nalilinnik pissarsisimappat.

Kapitali 18

Aktieselskabini, niuerfinni naleqqussakkami imaluunniit arlallit niuerfigisaanni piginneqataassutinik niueruteqartuni, tigusinissamut neqeroorut

§ 338. Kapitalimi matumani aalajangersakkat aktieselskabinut, niuerfimmi naleqqussakkami imaluunniit EU-mi imaluunniit EØS-mi nunami arlallit niuerfianni piginneqataassutinik ataatsinik arlalinnilluunniit taasisinnaatitaaffiusuni niueruteqartunut atuupput, taamaattorli § 340, imm. 4 tak.

Ataatsimeersuartut immikkut ilaatinneqarneri

§ 339. Ataatsimeersuartut aaqqissuussinermik eqqussisoqassasoq aalajangersinnaapput, taamaalilluni aktieselskabimi, piginneqataassutai tigusinermi neqeroorutigineqarsinnaasut, pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut Kalaallit Nunaannut atulersinneqartumi, kapitali 8 tak., qitiumik aqutsisut ataatsimeersuartut akuersinerannik pissarsiniaqqaassasut, neqeroorummut akornusiisinnaasunik aaqqiinernik pilersitsisoqarnissaa sioqqullugu, neqeroorutitut allanut periarfissanik misissuisoqarnissaa pillugu aalajangiineq eqqaassanngikkaanni.

Imm. 2. Ataatsimeersuartut § 106, imm. 1-mi aalajangersarneqartut taasinerit amerlanerussuteqarnissaannut piumasaqaatinut naapertuuttumik imm. 1 malilluu aalajangiisinnaapput. § 106, imm. 1 naapertorlugi aktieselskabip malittarsisassaani aalajangersarneqartunik najoqqutassanik allanik aamma naammassinnissaaq. Taamaaqataanik atuutissaaq aalangiineq kingornatigut allanngortinneqarpat.

Imm. 3. Ataatsimeersuarnerup akuersinera, imm. 1 tak., piffissamiit tigusinissamut neqeroorutip saqqummiunneqarnissaa pillugu neqerooruteqartumiit tamanut saqqummiunneqarneraniit neqeroorutip inerneranik pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut Kalaallit Nunaannut atulersinneqartumi, kapitali 8-mi maleruagassat malillugit pigilernissaanut tamanullu saqqummiunneqarneranut piumasarineqarpoq, imaluunniit neqeroorut atorunnaarpat. Tamatuma kingorna ataatsimeersuarnerup akuersinera pissarsiarineqassaaq, tigusinissamut neqeroorut pillugu paasissutissamik qitiusumik aqutsisut tiguenerat sioqqullugu aaqqiinerit aalajangiifigineqarsimasut pineqarnersut apeqqutaatinnagu.

Imm. 4. § 94, imm. 2 apeqqutaatinnagu, aamma malittarisassat sivilunerusumik piffissaliigaluartut, aktieselskabimi qitiusumik aqutsisut sivikinnerpaamik sapaatit akunnerinik marlunnik kalerrillutik ataatsimeersuarnissamut aggersaasinnaapput imm. 1 malillugu aaqqiinermut ataatsimeersuartut akuersitinnissaat siunertaralugu.

Imm. 5. Ataatsimeersuartut ilanngutitinnissaat pillugu aaqqissuussinermik aktieselskabip ataatsimeersuarnera eqqussisimappat, imm. 1 tak., ataatsimeersuartut aalajangersinnaapput aktieselskabip pigisai nalillit EU-mi imaluunniit EØS-imi nunami ingerlatseqatigiiffimmiit, taamaaqataanik aaqqissuussinermik eqqussisimasumit, imaluunniit ingerlatseqatigiiffimmit piginnittumit toqqaannartumik toqqaannangitsumilluunniit nakkutigineqartumit, §§ 6 asamma 7 tak., taamaaqataanik aaqqissuussinermik eqqussisimasumit, neqeroorfigineqarpat aaqqissuussineq taanna taamaallaat atorneqartassasoq.

Imm. 6. Imm. 1 malillugu aaqqissuussinermik eqqussinissaq pillugu ataatsimeersuartut aalajangiinerat aktieselskabip Erhvervsstyrelsimut aamma EU-mi imaluunniit EØS-imi nunami, aktieselskabip niuerfimmi naleqqussakkami imaluunniit arlalinnit niuerfusumi, imaluunniit niuernermut ilanngunnissaq pillugu qinnuteqarfiusimasumi aktieselskabip piginneqataassutai niuerutigineqarfianni nakkutilliinermut oqartussanut piaarnerpaamik nalunaarutigissavaa. Ataatsimeersuartut aalajangiinerat pillugu paasissutissaq Erhvervsstyrelsip qarasaasiaqarfiani tamanut saqqummiunneqassaaq.

Immikkut pisinnaatitaaffiit atorunnaarsinneri

§ 340. Aktieselskabimi piginneqataassutit tigusinermi neqeroorummut ilanngunneqapata, pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut Kalaallit Nunaannut atulersinneqartumi kapitali 8 tak., aktieselskabimi piginneqataassutinik imaluunniit piginneqataassutinut ataasiakkaanut piginnittuunermut atasunik immikkut

pisinnaatitaaffiit imaluunniit killilersuinerit atorunnaarsinneqarlutik aaqqissuussinermik eqqussusisoqarnissaa ataatsimeersuartunit aalajangiiffigineqarsinnaavoq.

Imm. 2. Ataatsimeersuartut § 106, imm. 1-mi aalajangersarneqartut taasinerit amerlanerussuteqarnissaannut piumasaqaatinut naapertuuttumik imm. 1 malillugu aalajangiisinnaapput. § 106, imm. 1 naapertorlugu aktieselskabip malittarisassaani aalajangersarneqartunik najoqqutassanik allanik aamma naammassinnissaaq. Aktieselskabimi piginneqataassutit assigiinngitsut arlaliuppata aalajangiineq aamma § 107, imm. 3-mi amerlanerussuteqarnissamut piumasaqaatinik naammassinnissaaq. Piumasaqaat taanna aamma aalajangiineq kingornatigut allanngortinneqarpat isiginiarneqassaaq.

Imm. 3. Imm. 1 malillugu aaqqissuussinermik eqqussinissaq pillugu ataatsimeersuartut aalajangiinerat aktieselskabip Erhvervsstyrelsimut aamma EU-mi imaluunniit EØS-imi nunami, aktieselskabip niuerfimmi naleqqussakkami imaluunniit arlalinnit niuerfiusumi, imaluunniit niuernermut ilanngunnissaq pillugu qinnuteqarfiusimasumi aktieselskabip piginneqataassutai niuerutigineqarfianni nakkutilliinermut oqartussanut piaarnerpaamik nalunaarutigissavaa. Ataatsimeersuartut aalajangiinerat pillugu paasissutissaq Erhvervsstyrelsip qarasaasiaqarfiani tamanut saqqummiunneqassaaq.

Imm. 4. (Kalaallit Nunaannut atulersinneqanngilaq)

Atorunnaarsitsinerup inatsisitigut sunniuteqarnera

§ 341. § 340, imm. 1 malillugu atorunnaarsitsineq pillugu ataatsimeersuartut aalajangiinerisa kingunerissavaa piginneqataassutininik tunniussinissamut imaluunniit pissarsinissamut, aktieselskabip malittarisassaani imaluunniit isumaqatigiissut naapertorlugu aalajangersarneqarsimasunut, pisinnaatitaaffimmi killiliinerit piffissami neqerooruteqarfiusumi neqerooruteqartumut atuutsinneqassanngitsut, taamaattorli § 342, imm. 1 tak. Neqerooruteqarnermi allagaatini immikkut piumasaqaatinik neqerooruteqartoq saqqummiussisimappat, killilersuinerinik taaneqartuk atorunnaarsitsineq atuutissaaq neqerooruteqarnermi allagaatimut naapertuuttumik neqerooruteqartup neqeroorutip naammassineqarnissaa pillugu isummernissaata tungaanut.

Imm. 2. § 339-mut ilaasumi ataatsimeersuarnermi § 340, imm. 1 malillugu atorunnaarsitsineq pillugu aalajangiinerup kingunerissavaa,
1) taasisinnaatitaanermut killiliinerit, aktieselskabip malittarisassaani imaluunniit isumaqatigiissut naapertorlugu aalajangersarneqarsimasut, atuutsinneqassanngitsut, taamaattorli § 342, imm. 2 tak., aamma
2) piginneqataassutit, aktieselskabip malittarisassaani, § 46, imm. 1 tak., imaluunniit isumaqatigiissut naapertorlugu taasinermi annertunerusumik naleqartitsisut, aningaasaatini taasisinnaatitaaffiusuni tamarmiusuni piginneqataassutip ilaanut naleqqiullugu taamaallaat taasisinnaatitaassasut, taamaattorli § 342, imm. 2 tak.

Imm. 3. § 343-mut ilaasumi ataatsimeersuarnermi § 340, imm. 1 malillugu atorunnaarsitsineq pillugu aalajangiinerup kingunerissavaa,
1) taasisinnaatitaanermut killiliinerit, aktieselskabip malittarisassaani imaluunniit isumaqatigiissut naapertorlugu aalajangersarneqarsimasut, atuutsinneqassanngitsut, taamaattorli § 342, imm. 2 tak., aamma
2) piginneqataassutit, aktieselskabip malittarisassaani, § 46, imm. 1 tak., imaluunniit isumaqatigiissut naapertorlugu taasinermi annertunerusumik naleqartitsisut, aningaasaatini taasisinnaatitaaffiusuni tamarmiusuni piginneqataassutip ilaanut naleqqiullugu taamaallaat taasisinnaatitaassasut, taamaattorli § 342, imm. 2 tak., aamma

3) aktieselskabip malittarisassaanut naleqqiullugu aqutsisuni ilaasortassanik toqqaanissamut piginneqataasut aalajangersimasut immikkut pisinnaatitaaffii atuutsinneqassanngitsut.

Imm. 4. Ataatsimeersuartut imm. 1-3 atorneqarsinnaasut aalajangersinnaapput, aktieselskabip pigisai nalillit EU-mi imaluunniit EØS-imi nunami ingerlatseqatigiiffimmiit, taamaaqataanik aaqqissuussinermik eqqussisimasumit, imaluunniit ingerlatseqatigiiffimmit piginnittumit toqqaannartumik toqqaannanngitsumilluunniit nakkutigineqartumit, taamaaqataanik piginneqataassummut imaluunniit piginneqataassutinut ataasiakkaanut atusunik immikkut pisinnaatitaanerit killilersuinerilluunniit atorunnaarsinneqarnissaannik taamaaqataanik aalajangiisimasumit, neqeroorfineqarpata.

§ 342. Ulloq 31. marts 2004 sioqqullugu isumaqatigiissutigineqartut piginneqataassutinik tunniussinissamut pissarsinissamulluunniit pisinnaatitaaffinni killiliineq pillugu isumaqatigiissutit, § 340, imm. 1 apeqquataatinnagu, neqerooruteqartumut atuutsinneqassapput.

Imm. 2. Ulloq 31. marts 2004 sioqqullugu isumaqatigiissutigineqartut taasisinnaatitaanerup atorneqarnissaanut isumaqatigiissutit, § 340, imm. 1 apeqquataatinnagu, §§ 339 aamma 343-mut ilaasuni ataatsimeersuarnerni atuutsinneqassapput.

Tigusinissamut neqeroorutip naammassineqartup nanginnerani malittarisassanik allannguinerit

§ 343. Neqerooruteqartup, aktieselskabimi, § 340, imm. 1 malillugu atorunnaarsitsinissamik aalajangiisimasumi, aningaasaatinik taasisinnaatitaaffiusuni 75 pct.-inik annertunerusulluunniit pissarsisimasup, neqeroorutip naanerata kingorna, malittarisassat allanngortinneqarnissaat aamma ingerlatseqatigiiffimmi aqutsisuni ilaasortanik toqqaanissaq imaluunniit taarsiinissaq siunertaralugu ataatsimeersuarnissamut aggersaaqqullugu qitiusumik aqutsisut peqqusinnaavai. Ataatsimeersuarnissaq siulles § 94, imm. 2 apeqquataatinnagu sivikinnerpaamik sapaatit akunnerinik marlunnik kalerriilluni aggersarneqarsinnaavoq, aamma malittarisassani piumasarineqaraluartoq sivisunerusumik kalerriisoqassasoq.

Piginneqataasut ilaannut taartisineq

§ 344. Ingerlatseqatigiiffinni, § 340, imm. 1 malillugu atorunnaarsitsinissaq pillugu aalajangiiffiusimasuni, tigusinissamut neqeroorut naammassineqarpata, aktieselskabip malittarisassai naapertorlugit piginneqataassutinik piginninnermut imaluunniit piginneqataassutinut ataasiakkaanut atasut immikkut pisinnaatitaaffiit imaluunniit killiliinerit atuutsinneqarsinnaannginneri, § 341, imm. 1-3 tak., pissutigalugu piginneqataasunut aningaasatigut annaasaqartunut neqerooruteqartoq taartisitsissaaq.

Imm. 2. Neqerooruteqarnermi allagaq taartisineq, neqerooruteqartup piginneqataasunut neqeroorutigisaa aamma taartisinnermut naatsorsuineri tunngavigineqartut pillugit paasissutissanik imaqassaaq. Akinik aalajangiineq piginneqataassutinut pineqartunut niuernermi nalit aallaavigalugit pissaaq.

Imm. 3. Taartisiassap annertussusissaa pillugu isumaqatigiinneq anguneqarsinnaanngippat aktieselskabip najugaani eqqartuussivimmit nalunaarutigineqartunit nalilersuisartunit taartisiassaq aalajangerneqassaaq. Nalilersuisartut aalajangiinerat eqqartuussivimmut suliassanngortinneqarsinnaavoq. Tamanna pillugu suliassaq taartisiassap annertussusaa pillugu nalilersuisartut nalunaarutaannik tigusaqareernermit kingusinnerpaamik qaammatit pingasut qaangiutsinnagit saqqummiunneqassaaq.

Imm. 4. Piginneqataasut aamma imm. 1-3 malillugu taartisinissamut pisinnaatitaaffeqarput, piffissami ulloq 31. marts 2004-miit 1. august 2008-mi tigusinissamut neqeroorutip malitsigisaanik atuutsinneqarsinnaanngitsunik immikkut pisinnaatitaaffiit killilersuinerilluunniit pillugit isumaqatigiissusiortoqarsimappat, § 341, imm. 1-3 tak.

Kapitali 19

Nunani allani ingerlatseqatigiiffiit aningaasaliiffiusut immikkoortortat

§ 345. (Imm. 1 Kalaallit Nunaannut atulersinneqanngilaq)

Imm. 2. Aktieselskabit, peqatigisaqarluni ingerlatseqatigiiffiit aamma anpartsselskabit nunanit allaneersut kiisalu ingerlatseqatigiiffiit taamaaqataanik ingerlatseriaaseqartut Kalaallit Nunaanni immikkoortortaqarlutik suliaminnik ingerlataqarsinnaapput, tamanna nunani tamalaani isumaqatigiissutikkut tunngavissaqarpat, imaluunniit Namminersorlutik Oqartussaani isumaqatigiinniareernikkut, erhvervs- og vækstministeri naliliippat kalaallit nunaanni ingerlatseqatigiiffiit aningaasaliiffiusut nunami pineqartumi taamaaqataanik pisinnaatitaaffeqarpata, imaluunniit tamatumunnga akuerineqarpata.

§ 346. Immikkoortortaq immikkoortortami aqutsisumit ataatsimit arlalinnilluunniit aqunneqassaaq.

Imm. 2. Immikkoortortami aqutsisut nammineersinnaassuseqassapput aamma namminersorsinnaanermik inatsit, kunngip peqqussuteqarneratigut Kalaallit Nunaannut atulersinneqartoq malillugu pigisat tungaasigut siunnersortissaliinermut ilaasusnaanani. Aqutsisunut ilaasortat pillugu peqqussummi aalajangersakkat pisariaqartunik allaanerussuteqarlutik taamaaqataanik immikkoortortami aqutsisunut atorneqassapput.

Imm. 3. Immikkoortortaq immikkoortortami aqutsisunit ataasiakkaanit imaluunniit peqatigiillutik akisussaaffigineqassaaq. Immikkoortortami aqutsisut suliffeqarfik sinnerlugu iliuseqarsinnaanermut piginnaatinneqassapput.

§ 347. Immikkoortortaq taaguuteqassaaq aamma saniatigut taaguuteqarsinnaalluni. Immikkoortortaq taaguutimini saniatigullu taaguutimini nunami allami ingerlatseqatigiiffiup qullersaqarfiusup taaguutaanik taaguuteqassaaq oqaaseq »immikkoortortaq« ilassutigalugu aamma nunap allamiup ingerlatseqatigiiffiup sumi nunameersuunera erseqqissumik allassimalluni. Aamma § 2, imm. 1-3 aamma § 3 taamaaqataanik immikkoortortap taaguutaani saniatigullu taaguutaanut atorneqassapput.

Imm. 2. Immikkoortortat allakkani aamma niuernermi pappiarani, tassunga ilanngullugu elektronikkikkut nalunaarutini, kiisalu immikkoortortap nittartagaani allassimassaaq taaguut, najugaq, Erhvervsstyrelsen qarasaasiaqarfiani nalunaarsorneqarnermi normu kiisalu nunami najugarisami ingerlatseqatigiiffiup aningaasaliiffiusup nalunaarsorneqarnera aamma nalunaarsorneqarnerani normua. Allagaatini taakkunani ingerlatseqatigiiffiup aningaasaataasa annertussusaat allassimappat piginneqataassutit kiisalu aningaasaatit akilerneqarsimasut allanneqassapput.

§ 348. Ingerlatseqatigiiffik aningaasaliiffiusoq, Kalaallit Nunaanni sulinersanit aallaaveqartumik inatsisitigut pissutsini tamani kalaallit nunaanni inatsisit aamma kalaallit nunaanni eqqartuussiviit aalajangiineri malittussaavai.

§ 349. Immikkoortortamik pilersitsineq Erhvervsstyrelsip qarasaasiaqarfiani nalunaarsorneqassaaq imaluunniit Erhvervsstyrelsimi nalunaarsorneqartussat nalunaarutigineqarluni. Kapitali 2 taamaaqataani atorineqassaaq.

Imm. 2. Immikkoortortap ingerlatani aallartissinnaangilaq nalunaarsorneqaaqqartinnani imaluunniit nalunaarutigineqaaqarnani. Nalunaarsorneqarnissaq itigartinneqarpat, imaluunniit immikkoortortaa piusoq peerneqarpat, § 350 tak., immikkoortortap Kalaallit Nunaanni suliaqarnera ingerlateqqinneqassangilaq.

Imm. 3. Ingerlatseqatigiiffiup nunanit allaneersup akiliisinnaajunnaarneraniit, akilersuineramik unitsitsineraniit imaluunniit taamaaqataanik aqqissuussiffigilerneraniit kingusinnerpaamik sapaatit akunneri tallimat qaangiutsinnagit Erhvervsstyrelsip qarasaasiaqarfiani nalunaarsorneqarneq imaluunniit tamanna pillugu nalunaaruteqarneq Erhvervsstyrelsimi pisimassaaq. Ingerlatseqatigiiffiup nunamit allameersup killiffia pillugu paasissutissat ingerlatseqatigiiffiup taaguutaanut ilanngunneqassaaq, § 347, imm. 1 tak.

§ 350. Immikkoortortaq Erhvervsstyrelsip qarasaasiaqarfianit peerneqassaaq

- 1) ingerlatseqatigiiffiup immikkoortortaq peerpagu imaluunniit immikkoortortap peerneqarnissaanik kissaateqarluni nalunaaruteqarpat,
- 2) immikkoortortaq immikkoortortami aqutsisoqangippat taannalu Erhvervsstyrelsimi aalajangersarneqartup piffissaliussap kingusinnepaamik naanerani aqqiiffigineqangippat,
- 3) immikkoortortami aqutsisoq ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartumi §§ 143 aamma 144 naapertorlugu ingerlatseqatigiiffimmut nunamit allameersumut ukiumoortumik naatsorsuutit il.il. kukkunerisiorneqarsimasut Erhvervsstyrelsimut nassiussisimangippat, pissuserlu taanna styrelsip aalajangersagaata piffissaliussap kingusinnerpaamik naanissaa qaangiutsinnagu aqqiiffigineqarsimangippat imaluunniit
- 4) ingerlatseqatigiiffiup nunamit allameersup immikkoortortaa ni pissarsiaqartussap ingerlatseqatigiiffiup pigisaani nalilinni Kalaallit Nunaanni piumasaqaatiminik naammassinnittumik ajunngitsorsiasarsinissaq angusimangippagu.

Imm. 2. Peerneqarnerata kingorna paasineqarpat pissutsit, peerneqarneranut kinguneqartitsisut, atuukkunnaartut, immikkoortortap Erhvervsstyrelsimi nalunaarsoqqissinnaavaa, ingerlatseqatigiiffiup nunamit allameersup tamanna pillugu noqqaanerata kingorna. Immikkoortortat nalunaarsoqqinneqarnerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

Imm. 3. Imm. 1, nr. 4-mi eqqaaneqartuni, pissarsiaqartussaq naammassineqartinnagu imaluunniit pilersitseqqinnermut akuersinngippat ingerlatseqatigiiffik nunanit allaneersop nutaamik immikkoortortamik pilersitsissangilaq aamma immikkoortortaq nalunaarsoqqinneqarnani.

Kapitali 20

Nalaagaaffiup aktieselskabii

Nassuiaatit il.il.

§ 351. Ingerlatseqatigiiffiup piginnittup ingerlatseqatigiiffimmut pigisaminut assiganik Namminersorlutik Oqartussat atassuteqarfigisaasa peqqussummi matumani aktieselskabit maleruagassaannik aamma naalgaaffiup aktieselskabiutaanut immikkut maleruagassaannik,

taamaattorli §§ 352 aamma 353 tak., aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq ingerlatseqatigiiffiit malinnissasut pillugu maleruagassanik Erhvervsstyrelsi aalajangersaasinnaavoq, inuiaqatigiinni soqutigisat tamatumunnga pissutissaqartitsippata. Naalagaaffiup aktieselskabiutai pillugit maleruagassanut ilaappata, aamma maleruagassanut taakkununnga ilaajunnaarpata ingerlatseqatigiiffik Erhvervsstyrelsimut nalunaaruteqarnissamut pisussaaffeqarpoq.

§ 352. Peqqussummi matumani naalagaaffiup aktieselskabiutaanut immikkut maleruagassat, § 351 tak., aktieselskabinut, naalagaaffiup aktieselskabiutaanit pigineqartunut ingerlatseqatigiiffinnut atorneqassanngillat.

Imm. 2. Naalagaaffiup aktieselskabiutai, § 351 tak., EU-mi imaluunniit EØS-mi nunami niuerfimmi naleqqussakkami piginneqataassutinik niueruteqartut, peqqussummi matumani naalagaaffiup aktieselskabiutaanut immikkut maleruagassanik malinninnissamut ilaatinneqanngillat.

§ 353. Maleruagassat taakku aamma ingerlatseqatigiiffinnut aningaasaliiffiusunut EU-mi imaluunniit EØS-mi nunami niuerfimmi naleqqussakkamik pappialanik aningaasanik nalilinnik niueruteqartunut taamaaqataanik maleruagassat akornanni naligiissitaanissap qulakkeerneqarnissaanut tamanna pisariaqassappat naalagaaffiup aktieselskabiinut immikkut inatsisinut ilaatisinngitsunik aalajangersakkanik Erhvervsstyrelsi aalajangersaasinnaavoq.

Tamanut saqqummiussinissamik il.il. immikkut pisussaaffiit

§ 354. Naalagaaffiup aktieselskabii, § 351 tak., ingerlatseqatigiiffimmut tunngasunik pissutsit pingaarutillit, aamma ingerlatseqatigiiffiup siunissaanut, sulisuinut, piginneqataasuinut imaluunniit akiligassaqarfiinut pingaaruteqarsinnaasutut isumaqarfigineqartut pillugit piaarnerpaamik Erhvervsstyrelsimut nalunaaruteqassapput. Ingerlatseqatigiiffinni piginnittuni, § 6 aamma 7 tak., suliffeqarfissuarmut tunngasunik pissutsit pingaarutillit, aamma ingerlatseqatigiiffiup siunissaanut, sulisuinut, piginneqataasuinut imaluunniit akiligassaqarfiinut pingaaruteqarsinnaasutut isumaqarfigineqartut pillugit piaarnerpaamik nalunaaruteqartoqassaaq.

§ 355. Naalagaaffiup aktieselskabiisa peqqussut manna malillugu Erhvervsstyrelsip qarasaasiaqarfiani tamanut saqqummiunneqartussat § 354 malillugu nalunaarutinik allanillu allagaatinik il.il. tamanut saqqummiussinissaq pillugu maleruagassanik Erhvervsstyrelsi aalajangersaassaaq.

§ 356. Naalagaaffiup aktieselskabiutaa, § 351 tak., ingerlatseqatigiiffiup malittarisassai ukiumoortumillu nalunaarusiaa ingerlatseqatigiiffiup nittartagaani tamanut saqqummiutissavai.

§ 357. Naalagaaffiup aktieselskabiutaani siulersuisut imaluunniit nakkutilliisut, § 351 tak., qulakkiissavaat peqqussummi matumani naalagaaffiup aktieselskabiutaannut immikkut maleruagassat aamma ukiumoortumik naatsorsuutit pillugit inatsisip, kunngip

peqqussuteqarneratigut Kalaallit Nunaannut atulersinneqartup ingerlatseqatigiiffiup eqqortinneqarnissaanik qulakkeerisunik najoqqutassanik qulakkeerissapput.

Imm. 2. Imm. 1-mi eqqartorneqartut najoqqutassat styrelsimut nassiunneqarnissaat Erhvervsstyrelsip piumasarisinnaavaa.

Kapitali 20 a

Ingerlatseqatigiiffiit aallarnisaasut

§ 357 a. Anpartsselskabit pillugit peqqussutip maleruagassai ingerlatseqatigiiffinnut aallarnisaasunut atorreqarpata, kapitalimi matumani allamik aalajangersaasoqarsimangippat.

Imm. 2. Ingerlatseqatigiiffik aallarnisaasoq ikinnerpaamik 1 kr.-imik aningaasaateqassaaq. Ingerlatseqatigiiffiup aningaasaatai taamaallaat aningaasanngorlugit aningaasaliissutigineqassapput.

Imm. 3. Ingerlatseqatigiiffiit aallarnisaasut kisimik taaguutiminni taaguut »ingerlatseqatigiiffik aallarnisaasoq« imaluunniit naalisaaneq »IVS« atorsinnaallugulu atussavaat.

§ 357 b. Ingerlatseqatigiiffik aallarnisaasoq ingerlatseqatigiiffiup aningaasaataanut tunngaviusut amerliartortinnissaannut sillimmatit pituttorneqarsimasunut ingerlatseqatigiiffiup sinneqartoorutaasa ikinnerpaamik 25 pct.-ii ukiumut immikkoortittassavai, sillimmatit taakku ingerlatseqatigiiffiup aningaasaatai peqatigalugit katillugit annikinnerpaamik 50.000 kr.-inik annertussuseqalernissaasa tungaannut.

Imm. 2. Ingerlatseqatigiiffik aallarnisaasoq iluanaarutininik tunniussinissamik aalajangiisinnaangilaq, immikkut ittumik iluanaarutit ilanngullugit, ingerlatseqatigiiffiup aningaasaatinut tunngaviisa amerliartortinneqartut ingerlatseqatigiiffiup aningaasaatai ilanngullugit ikinnerpaamik sillimmatit 50.000 kr.-inik annertussuseqalernissaasa tungaannut.

§ 357 c. Ataatsimeersuartut, malittarisassanik allannguinnissamut pisariaqartut taasinermi amerlannerussuteqarnerit atorlugit ingerlatseqatigiiffiup aallarnisaasup anpartsselskabinngortillugu nalunaarsorneqarnissaa pillugu aalajangiisinnaapput, ingerlatseqatigiiffik ingerlatseqatigiiffiup aningaasaataanik aamma ingerlatseqatigiiffiup aningaasaataanut tunngaviit amerliartortinneranut sillimmatit ilanngullugit piffissami aalajangiiffiusumi minnerpaamik 50.000 kr.-inik annertussuseqarpata, § 33, imm. 1, oqaaseqatigiit siulliit tak.

Imm. 2. Allangortitsilluni nalunaarsorneqarnissamut piumasarineqarpoq aningaasaatit pigineqarneri pillugit nalilersuisartumiit nalunaarusiortoqarnissaa, § 37 tak.

§ 357 d. Ingerlatseqatigiiffiup aallarnisaasup anpartsselskabinngortillugu allangortitsilluni nalunaarsornera pisimasutut isigineqassaaq ingerlatseqatigiiffiup malittarisassai, aningaasaatit ingerlatseqatigiiffiullu taaguutaa eqqarsaatigalugit, allangortinneqarpata, taamaalilluni anpartsselskabinut piumasaqaatinik nalinginnaasunik naammassinnillutik, aamma allangortitsilluni nalunaarsorneqarneq Erhvervsstyrelsip qarasaasiaqarfianut nalunaarsorneqarluni. Allangortitsilluni nalunaarsorneqarnermut atasumik ingerlatseqatigiiffiup aningaasaatinut tunngaviinut amerliartortitsinermut sillimmatit ingerlatseqatigiiffiup aningaasaataanut nuunneqassapput.

Kapitali 21

Peqatigisaqarluni ingerlatseqatigiiffiit

§ 358. Aktieselskabit pillugit peqqussutip maleruagassai pisariaqartutigut naleqqussarlugit peqatigisaqarluni ingerlatseqatigiiffinnut atorneqassapput.

§ 359. Peqatigisaqarluni ingerlatseqatigiiffiit pisussaapput kisimiulluni pisinnaatitaallutik taaguutiminni oqaaseq »kommanditaktieselskab«, »peqatigisaqarluni ingerlatseqatigiiffik« imaluunniit naalisaaneq »P/S« atorsinnaallugit.

§ 360. Peqatigisaqarluni ingerlatseqatigiiffiup pilersinneqarnerani allagartaq aamma aktieselskabinut peqqussutigineqartunik paasissutissanik uku pillugit paasissutissanik imaqaassaaq:

- 1) Tamakkiisumik akisussaasut aqqi tamarmiusut, najugaq aamma Erhvervsstyrelsen qarasaasiaqarfiani nalunaarsorneqarnermi normu.
- 2) Tamakkiisumik akisussaasut aningaasaliissuteqarnissamut pisussaaffeqarnerisut taamaattoqassappallu aningaasaliissutit ataasiakkaat qanoq annertutigissanersut. Aningaasaliissutit tamakkiisumik akilerneqarsimangippata akiliinermut atuuttut maleruagassat ilisimatitsissutigineqassapput. Aningaasaliissutit aningaasanik akilerneqangippata nalilersuinermit tunngavigineqartut pillugit nassuiaasiortoqassaaq.
- 3) Tamakkiisumik akisussaasut ingerlatseqatigiiffiup suliaanut sunniuteqarnera, sinneqartoorutini amigartoorutinilu pissarsisarnera pillugit maleruagassani malittarisassat.

Imm. 2. §§ 28 aamma 29-mi maleruagassat saniatigut peqatigisaqarluni ingerlatseqatigiiffiup malittarisassai piginneqataasut aamma tamakkiisumik akisussaallutik peqataasut akornanni inatsisitigut pissutsit pillugit maleruagassanik erseqqinnerusunik imaqaassapput.

Kapitali 22

Taarsiineq, pinngitsaaliilluni tunniussineq il.il.

§ 361. Pilersitsisut aamma aqutsisuni ilaasortat, suliamik ingerlannerata nalaani piaaraluni imaluunniit mianersuaalliornikkut ingerlatseqatigiiffiup aningaasaliiffiusumut ajoqusiisut taassuminnga taarsiinissaminnut pisussaaffeqarput. Tamanna aamma atuuppoq ajoqusiineq aningaasaatinik piginnittunut allamulluunniit pisimappat.

Imm. 2. Imm. 1 taamaaqataanik kukkunersuiisunut, nalilersuisartunut, piginnittut nalunaarsuiffianik allattuisunut aamma misissuisartunut taarsiisussaataaneq atorneqassaaq.

Imm. 3. Ingerlatseqatigiiffik kukkunersuiisoq kukkunersuiisutut toqqarneqarsimappat, ingerlatseqatigiiffik kukkunersuiisoq aamma kukkunersuiisoq kukkunersuiinermik isumaginnittoq taarsiinissamut akisussaapput.

§ 362. Aningaasaatinik piginnittoq, pineqartup ingerlatseqatigiiffimmut, aningaasaatinik piginnittunut allanut imaluunniit allamut piaaraluni imaluunniit mianersuaalliorluni annaasaqartitsisoq taarsiissaaq.

Imm. 2. Aningaasaatinik piginnittoq, pineqartup ingerlatseqatigiiffimmut, aningaasaatinik piginnittunut allanut imaluunniit allamut piaaraluni imaluunniit mianersuaalliorluni annaasaqartitsisoq allatigullu atonerluineq ingerlaannarsinnaalluni, ingerlatseqatigiiffiup

anigaasatigut inissisimanagera aamma pisut naapertorlugit naammaginatutut isigineqartut eqqarsaatigalugit akimut aalajangerneqartumut aningaasaatinik piginnittup ajoqusiisup aningaasaataanik aningaasannortitsinissamut aningaasaatinik piginnittoq ajoqusiisooq eqqartuussivimmit pisussaaffilerneqarsinnaavoq.

Imm. 3. Aningaasaatinik piginnittoq, pineqartup ingerlatseqatigiiffimmut, aningaasaatinik piginnittunut allanut imaluunniit allamut piaaraluni imaluunniit mianersuaalliorluni annaasaqartitsisoq allatigullu atornerluineq ingerlaannarsinnaalluni, ingerlatseqatigiiffiup aningaasatigut inissisimanagera aamma pisut naapertorlugit naammaginatutut isigineqartut eqqarsaatigalugit akimut aalajangerneqartumut aningaasaatinik piginnittup ajoqusiisup aningaasaataanik tunisinissamut aningaasaatinik piginnittoq ajoqusiisooq eqqartuussivimmit pisussaaffilerneqarsinnaavoq.

§ 363. Pisuunerup annertussusia, ajoqusiinerup annertussusia allatigullu pisut tamanna naammaginatippassuk §§ 361 aamma 362 malillugu taarsiineq appartinneqarsinnaavoq.

Imm. 2. Arlallit ataatsikkoorlutik taarsiisussaatitaappata nammaqatigiillutik taarsinissamut akisussaassapput. Taarsiinissamut akisussaasoq imm. 1-mi maleruagassat malillugit oqilisaaffigineqartoq taamaattoq aningaasanut ikilisinneqartunut taamaallaat akisussaavoq. Taarsiisussaat arlaat ataaseq taarsiinissaminik akiliippat pineqartup akisussaaqataasut akiliutissaminik akiliinissaat piumasarisinnaavaa, ataasiakkaat pisuussutigisaasa annertussusaat kiisalu allatigut pisut eqqarsaatigalugit.

§ 364. Pilersitsisunut, aqutsisuni ilaasortanut, nalilersuisartunut, kukkunersiuisunut, misissuisartunut, piginnittut allattorsimaffiannik allattuisunut imaluunniit aningaasaatinik piginnittunut §§ 361 aamma 362 malillugu ingerlatseqatigiiffiup aningaasaliiffiusup eqqartuussisunut suliassannortitsinissaa pillugu aalajangerneq ataatsimeersuarnermi aalajangerneqassaaq.

Imm. 2. Akisussaatitsisoqassanngitsoq imaluunniit eqqartuussisunut suliassannortitsisoqassanngitsoq ataatsimeersuartut siusinnerusukkut aalajangiisimagaluarpataluunniit, aalajangiineq imaluunniit pissutsit, eqqartuussisunut suliassannortitsinissamut tunngavigineqartumi pingaaruteqartunik eqqortunik tamakkiisunillu paasissutissanik ataatsimeersuartunut, aalajangiinissaaq sioqqullugu, tunniussisoqarsimangippat eqqartuussisunut suliassannortitsisoqarsinnaavoq.

Imm. 3. Aningaasaatinik piginnittut, ingerlatseqatigiiffiup aningaasaataasa ikinnerpaamik qulerarterutaanik sinniisut akisussaatinneqannginnissaaq imaluunniit eqqartuussivimmi suliaqartoqannginnissaaq pillugu aalajangiinermut akerliliippata, akisussaasut annaasaqarnermut ingerlatseqatigiiffimmut aningaasaliiffiusumut taarsiisussannortillugit akiliinissaanut pisussaatinarlugu aningaasaatinik piginnittut ataasiakkaat eqqartuussisunut suliassannortitsinissaapput. Aningaasaatinik piginnittut, tamatuma kingorna suliassannortitsisut, suliame aningaasartuutitut akiussaassapput, taamaattorli taakku ingerlatseqatigiiffimmit aningaasaliiffiusumit akilertissinnaallugit, aningaasartuutit, eqqartuussivimmi suliaq aqqutigalugu ingerlatseqatigiiffimmut iluaqutaasunit aningaasanit matussuserneqarsinnaappata.

Imm. 4. Ingerlatseqatigiiffik aningaasaliiffiusooq akiliisinnaajunnaartutut nalunaarutigineqarpat, taamaalilluni akisussaannginnissamut imaluunniit eqqartuussivimmi suliassannortitsinnginnissamut akuersisimasunit ataatsimeersuarnerup ingerlatereerneraniit kingusinnerpaamik qaammatit 24-t kingorna ulloq piffissaliussaaq atuutilerluni, taamatut

aalajangerneq apeqqutaatinnagu akiliisinnaajunnaartup pigisai taarsiisoqarnissaanut suliassanngortitsisinnaavoq.

§ 365. § 364, imm. 3 naapertorlugu eqqartuussivimmi suliassanngortitsineq suliassanngortinneqarsinnaavoq akisussaanninnissamut imaluunniit eqqartuussivimmi suliassanngortitsinninnissamut ataatsimeersuarnermi aalajangiisoqarneraniit kingusinnerpaamik qaammatit arfinillit qaangiutsinnagit. § 150-mi maleruagassat malillugit misissuinnisaq aallartinneqarsimappat suliassanngortitsisoqassaaq misissuinerup naammassineqarneraniit kingusinnerpaamik qaammatit arfinillit qaangiutsinnagit.

Imm. 2. § 364, imm. 4 malillugu eqqartuussivimmi suliassanngortitsisoq ingerlatseqatigiiffiup aningaasaliiffiusup akiliisinnaajunnaartutut nalunaarutigineraniit kingusinnerpaamik qaammatit pingasut qaangiutsinnagit suliassanngortitsissaaq.

Kapitali 23

Pineqaatissiissutit il.il..

§ 366. Pinerluttulerinermik inatsit naapertorlugu sukanganerusumik pineqaatissiisoqassanngippat Erhvervsstyrelsen qarasaasiaqarfiani nalunaarsorneqarneq pillugu aamma § 43 naapertorlugu nalunaarutinik, nalilersuinermi nassuiaatinik nassiussineq aamma Erhvervsstyrelsimut nalunaaruteqarnerit pillugit inatsimmi maleruagassanik unioqutitsinernut akiliisitsisoqassaaq.

Imm. 2. Aktieselskabip aqutsisuini ilaasortat imaluunniit atorunnaarsitsinermi ikiortip imaluunniit nunani allamiut aktieselskabiutaata immikkoortoqarfiata pisortaata piffissaagallartillugu Erhvervsstyrelsimut inatsit naapertorlugu inatsilluunniit naapertorlugu aalajangersakkat tungavigalugit pisussaaffeqarfitik maleruanngitsoorpatigit, styrelsen pineqartut ullumut sapaatilluunniit akunnikkaartumik akiligassittarsinnaavai.

§ 367. § 1, imm. 3-mik, § 2-mik, § 3, imm. 1-mik, §§ 10 aamma 15-mik, § 24, imm. 2-mik, § 30-mik, § 32, imm. 2 aamma 3-mik, § 33, imm. 4-mik, § 38, imm. 2-mik, § 42 a-mik, § 44, imm. 1-mik, § 49, imm. 3-mik, § 50, imm. 1-mik, § 51, imm. 1, 2 aamma 6-mik, § 52-mik, § 53, imm. 1 aamma 2-mik, §§ 54-56-mik, § 57 a, imm. 1-3-mik, §§ 58-61-mik, 89, 98 aamma 99-mik, § 101, imm. 3, 4, 7 aamma 8-mik, §§ 108 aamma 113-119-mik, § 120, imm. 3-mik, §§ 123, 125, 127-134, 138 aamma 139-mik, § 139 a, imm. 1, nr. 1-mik, § 160, oqaaseqatigiit pingajuannik, § 179, imm. 2-mik, § 180-mik, § 181, oqaaseqatigiit pingajuannik, § 182, imm. 3-mik, § 190, imm. 2, oqaaseqatigiit pingajuannik, § 192, imm. 1-mik, § 193, imm. 2-mik, §§ 196, 198 aamma 202-204-mik, § 205, imm. 1-mik, § 206-mik, § 207, imm. 3-mik, § 210-mik, § 214, imm. 2 aamma 3-mik, § 215, imm. 1-mik, § 218, imm. 2-mik, § 227, imm. 2-mik, §§ 228 aamma 234-mik, § 339, imm. 6-mik, § 340, imm. 3-mik, § 347-mik, § 349, imm. 2 aamma 3-mik, aamma §§ 354, 356-357 b aamma 359-mik unioqutitsineq akiliisitaanermik pineqaatissiissutigineqassaaq. Ingerlatseqatigiiffiup § 206-mmut imaluunniit § 210-mut akerliusumik iliuutsini allannngortinnagit atuutsiinnarpagit akiliisitaanermik pineqaatissinneqassaaq.

Imm. 2. Pinerluttulerinermik inatsit naapertorlugu sukanganerusumik pineqaatissiisoqassanngippat, isersissutissamik imaluunniit atuisoq imaluunniit elektronikkikkut elektronikkikkut siulersuisut ataatsimiinneranni, § 125, imm. 2 tak., imaluunniit elektronikkikkut ataatsimeersuarnermi, § 77, imm. 1 imaluunniit 2 tak.,

malinnaanissamat peqataanissamulluunniit isissutissamik akuerisaanngitsumik ingerlatitseqqittoq akiliisitaanermik pineqaatissiissutigineqassaaq.

Imm. 3. Pinerluttulerinermik inatsit naapertorlugu sukanganerumik pineqaatissiisoqassanngippat, § 92-mi elektronikikkut attaveqatigiinneq pillugu aalajangersakkanut ilaasunik isissutissamik imaluunniit elektronikikkut nalunaarutininik atuarnissamat, allanngortitsinissamat imaluunniit nassiussinissamat allatigut isissutissamik akuerisaanngitsumik ingerlatitseqqittoq akiliisitaanermik pineqaatissiissutigineqassaaq.

Imm. 4. § 4, imm. 3, § 12, imm. 1 aamma 2, § 55, imm. 3, § 56, imm. 2, § 57, § 71, imm. 4, § 143, § 172, § 244, imm. 6, § 262, imm. 6, § 279, imm. 5, § 299, imm. 5, § 318 f, imm. 5, § 333, imm. 6, aamma § 372, imm. 1 naapertorlugu atulersinneqartuni najoqqutassani aalajangersakkanik unioqqutitsinernut akiliisitaanermik pineqaatissiinissamik aalajangersaasoqarsinnaavoq.

§ 368. (Kalaallit Nunaannut atulersinneqanngilaq)

§ 369. Pinerluttulerinermi inatsimmi kapitali 5-mi maleruagassat malillugit pinerluttulerinermi inatsisitigut akisussaattillugu ingerlatseqatigiiffiit il.il. (inatsisitigut pisinnaatitaasut pisussaattitaasullu) akiliisinneqarsinnaapput.

Imm. 2. Peqqussutip aalajangersagaanik imaluunniit peqqussut naapertorlugu maleruagassanik atulersinneqartunik unioqqutitsinermi pisoqalisoorinissamat piffissaliussaq tassaavoq ukiut tallimat.

Kapitali 24

Naammagittaalliuuteqarsinnaaneq

§ 370. Peqqussut manna naapertorlugu aalajangiinerit aalajangiiffigineqartut pillugit naammagittaalliuuteqarsinnaaneq pillugu maleruagassanik, tassunga ilanngullugu naammagittaalliuutit allaffissornikkut oqartussanut allanut suliassanngortinneqarsinnaannginneri pilugit, Erhvervs- og vækstministeri aalajangersaasinnaavoq

§ 371. Peqqussut imaluunniit peqqussutip malitsigisaanik najoqqutassat atulersinneqartut naapertorlugit aalajangiinerit Erhvervsstyrelsimit aalajangiiffigineqartut Erhvervsankenævnumut suliassanngortinneqarsinnaapput, aalajangiinerup pineqartumut nalunaarutigineraniit kingusinnerpaamik sapaatit akunneri arfineq marluk qaangiutsinnagit, taamaattorli imm. 2 tak.

Imm. 2. § 16, imm. 1 malillugu piffissaliussamik aalajangiineq pillugu peqqussummi matumani § 40, imm. 1-mi, § 165, imm. 5-mi, § 177, imm. 2-mi, § 191-mi, § 225, imm. 2-mi, aamma § 231, imm. 2-mi piffissaliussanik qaangiinerit kingunerisaannik Erhvervsstyrelsip aalajangiineri kiisalu § 93, imm. 2-4, § 225, imm. 1, § 226, § 232, imm. 2, § 350, imm. 1, nr. 2-4 malillugu aalajangiinerit, aamma § 8 a naapertorlugu najoqqutassat atulersinneqartut naapertorlugu aalajangiinerit allaffissornikkut oqartussanut qaffasinnerusunut suliassanngortinneqarsinnaanngillat.

Kapitali 25

Atortuulersitsineq

§ 372. Erhvervs- og vækstministeri peqqussutip atortuulersinnissaanut piffissamik aalajangiissaaq tassungalu ilanngullugu aalajangersinnaallugu peqqussummi immikkoortut assigiinngitsut piffissani assigiinngitsuni atuutilersinnaasut. Peqatigisaanik anpartsselskabit pillugit Kalaallit Nunaannut inatsisip atortuulersinnera pillugu peqqussut nr. 619, 23. juni 2008-meersoq aamma aktieselskabit pillugit Kalaallit Nunaannut inatsisip atortuulersinnera pillugu peqqussut nr. 620, 27. juni 2008-meersoq atorunnaarsinnissaannut ministeri piginnaatinneqarpoq.

Imm. 2. Erhvervs- og vækstministeri ingerlatseqatigiiffinnut, tassunga ilanngullugu sulisunut eqqorneqartunut, peqqussummut ilaasunut, aamma ingerlatseqatigiiffinnut kiisalu taakku suliaat pillugit ikaarsaarnermi immikkut aaqquussinerit pillugit maleruagassanik aalajangersaasinnaalluni.

§ 373. Aktieselskabit pillugit inatsit imaluunniit anpartsselskabit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu nalunaarutit, peqqussutip matuma atortuulersinnera sioqqullugu Erhvervsstyrelsimit tiguneqartut maleruagassat manna tikillugu atuuttut malillugit suliarineqassapput.

Imm. 2. Aktieselskabit pillugit inatsit imaluunniit anpartsselskabit pillugit inatsit, kunngip peqqussuteqarneratigut Kalaallit Nunaannut atulersinneqartut naapertorlugit atulersinneqartut nalunaarutit najoqqutassallu, kiisalu paasissutissat nalunaarsorneqartut, tassunga ilanngullugit malittarisassat aamma ingerlatseqatigiiffiup aqutsisuinut pginnaatitsinerit, akuersissutit nalunaarutigineqartut, akuersinerit il.il. suli atuutissapput, peqqussummi matumani aalajangersakkat malitsigisaannik allanngortinneqarnissaasa, utertinneqarnissaasa, atuukkunnaarnerisa imaluunniit atorunnaarnerisa tungaannut.

§ 374. (Kalaallit Nunaannut atulersinneqanngilaq)

§ 375. (Ilaatinneqanngilaq)

¹ Inatsisip nalunaarutiginerani nr. 610, 28. april 2015-meersumi § 375 aalajangersakkamik ima ittumik imaqarpoq: "§ 375. Inatsit Kalaallit Nunaannut aamma Savalimmiunut atuutinngilaq, kisianni kunngip peqqussuteqarneratigut Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

² Inatsimmi nr. 720, 25. juni 2010-meersumi § 4 aalajangersakkamik ima ittumik imaqarpoq: "§ 4. Inatsit Kalaallit Nunaannut aamma Savalimmiunut atuutinngilaq, kisianni kunngip peqqussuteqarneratigut Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

³ Inatsimmi nr. 1557, 21. december 2010-meersumi § 5, imm. 2 aalajangersakkamik ima ittumik imaqarpoq: "*Imm. 2.* Inatsit kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

⁴, Inatsimmi nr. 477, 30. maj 2012-meersumi § 5, imm. 2 aalajangersakkamik ima ittumik imaqarpoq: "*Imm. 2.* §§ 1 (---) kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

⁵ Inatsimmi nr. 1231, 18. december 2012-meersumi § 70, imm. 4 aalajangersakkamik ima ittumik imaqarpoq: "Imm. 4. §§ 1 (---)kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

⁶ Inatsimmi nr. 1383, 23. december 2012-meersumi § 10, imm. 2, aalajangersakkamik ima ittumik imaqarpoq: "Imm. 2. Inatsit kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

⁷ Inatsimmi nr. 616, 12. juni 2013-meersumi § 6, imm. 2 aalajangersakkamik ima ittumik imaqarpoq: "Imm. 2. §§ 1 (---)kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

⁸ Inatsimmi nr. 634, 12. juni 2013-meersumi § 14, imm. 3 aalajangersakkamik ima ittumik imaqarpoq: "Imm. 3. §§ 5 (---) 5 (---)kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

⁹ Inatsimmi nr. 1367, 10. december 2013-meersumi § 6, imm. 3, aalajangersakkamik ima ittumik imaqarpoq: "Inatsit kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

¹⁰ Inatsimmi nr. 1284, 9. december 2014-meersumi § 50 aalajangersakkamik ima ittumik imaqarpoq: "**§ 50.** Inatsit kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni."

¹¹ Inatsimmi nr. 738, 1. juni 2015-meersumi § 9, imm. 2 aalajangersakkamik ima ittumik imaqarpoq: "Inatsit kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaalluni kalaallit nunaanni immikkut pissutsit pissutigalugit nikinganeqarluni".

¹² Inatsimmi nr. 739, 1. juni 2015-meersumi § 6, imm. 2 aalajangersakkamik ima ittumik imaqarpoq: "Inatsimmi §§ 1-3 kunngip peqqussuteqarneratigut tamakkiisumik ilaannakuusumilluunniit Kalaallit Nunaannut atuutilersinneqarsinnaapput kalaallit nunaanni immikkut pissutsit pissutigalugit nikinganeqarluni."